







H^o H. Mon.
276.

ANONYMUS MURENSIS
DENUDATUS
ET AD LOCUM SUUM RESTITUTUS.

R

ANONYMUS MURENSIS DENUDATUS

ET AD LOCUM SUUM RESTITUTUS.

SEU

ACTA FUNDATIONIS PRINCIPALIS MONAST. MURENSIS

DENUO EXAMINATA, ET AUCTORI SUO ADSCRIPTA.

OPUS, DUOBUS LIBRIS COMPREHENSUM:

AC

*VINDICIIS ACTORUM MURENSIUM PRO ET CONTRA R. D. P.
MARQUARD. HERRGOTT, GENEALOGIÆ DIPLOMATICÆ AUG.
GENT. HABSBURGICÆ AUCTOREM, ANNO MDCCL. EDITIS.*


OPPOSITUM.

AUCTORE P. RUSTENO HEER.

Principalis Monasterii ad S. BLASIIUM in Nigra Silva O. S. B. Capitulari, Bibliothecæ Praefecto, & Nummophylacii Directore.

ACCESSIT APPENDIX GEMINA:

- I. Origines Habsburgo - Austriacas, compendio redditas, exhibens.
- II. CONRADI de S. BLASIO Chronicon BÜRGLENSE, antehac ineditum.



PERMISSU SUPERIORUM.

Prostat FRIBURGI & AUG. VIND. apud IGNAT. & ANTON. WAGNER, Fratres.

FRIBURGI BRISGOVIÆ,

Typis JOANNIS GEORGII FELNERI, UNIVERSITATIS TYPOGR. AN. MDCCLV.



PRÆFATIO.



Uod tibi L. B. quidquid est huius opellæ , ante oculos hic adduco , diffidium concernit litterarium , ob *Genealogiam Aug. Gent. Habsburgicæ* , a Pl. Rev. Sodali meo , D. P. *Marquardo HERRGOTT* , Sac. Cæs. Reg. Maiestati a consiliis & Historia , concinnatam , exortum. Opus istud , ut primum lucem aspexit publicam , *illustre , sine pari , æternum , cedro dignum* appellare , aliisque eiusmodi invidendis plane elogiis certatim mactare ii , quibus aut prima , aut his proxima , in repub. litteraria debentur subsellia. Non potuit ista laus , in hunc usque diem continuata , non multorum in se convertere oculos , atque animos excitare æmulo- rum. Inde factum , ut alii sub personati cuiusdam *Epistolographi Helvetii ad doctum quendam Saxonem* , alii sub ementito Celeberrimi Abbatis CALMETI nomine , alii alio modo famam tentare conarentur HERRGOTTI. Sed hi fœtus haud vitales vixdum editi , spectabant interitum , tantum abest , ut nobis digni viderentur responsione. Mirari potius subit,

PRÆFATIO.

laudatum Reverendissimum senem cum per litteras privatas, tum publice etiam in *Bibliotheca* nempe sua *Lotharingica*, innocentiam de his suam testari voluisse; cum certum sit, eam a nemine uno vocatam fuisse in dubium.

Longe aliud iter ingressus est, finemque scribendi longe alium sibi proposuit Auctor libri, qui ante hos annos quatuor, & quod superat, in forma, quam vocant, quadruplicata, sub hoc rubro prodit: VINDICIÆ ACTORUM MURENSIUM, PRO ET CONTRA R. D. P. MARQUARDUM HERRGOTT, GENEALOGIÆ DIPLOMATICÆ AUGUSTÆ GENTIS HABSBURGICÆ AUCTOREM, SEU ACTA FUNDATIONIS MURENSIS MONASTERII, TANQUAM EIUDEM GENEALOGIÆ FUNDAMENTA, FIDEI SUÆ ASSERTA, SOLIDISQUE RATIONIBUS ET DOCUMENTIS SOBRIE ET IUSTE VINDICATA, OPERA P. FRIDOLINI KOPP MONACHI MURENSIS: CUM PERMISSU ET IUSSU SUPERIORUM. TYPIS EIUDEM PRINCIPALIS MONASTERII, PER IOANNEM CASPARUM HILTENSERGER 1750. Longe hic, inquam, aliam, ac reliquorum videmus destinationem; quam enim Erud. auctor ab eiusmodi animi motibus, seu debilitate alienus sit, cum privatus ostendit iugiter, tum vero digni-

PRÆFATIO.

dignitatibus iam evectus maximis , moderatione atque animi magnitudine tantum excellit ceteris , quantum eos præcedit. In hoc certe *Vindiciarum* opere Adversarium quidem agit , sed Adversarium eruditum iuxta ac moderatum , sobrium denique ac verbo talem , qualem , nisi ego vehementur fallor , si quis optandus esset , hunc sane optandum sibi quisque existimaret.

Caussæ huic scriptioni non unæ prætexuntur , quas ut recte intelligamus , res ab ovo repetenda est. Inter cetera , quæ operi suo præmisit prolegomena HERRGOTTUS , tertium ordine Anonymo Murenfi , scriptori antiquo , destinavit. Propinat is Genealogiam Habsburgicam ab ITA , RADEBOTONIS , qui post annum MXXVII. obiit , coniuge , ad usque RUDOLPHUM Habsburgicum , postea Rom. Regem , seu potius ad eius fratres , ALBERTUM & HARTMANNUM , quos solos nominat. Procedit igitur a seculo post Christum natum XI. ad medium circiter XIII. Genealogicam hanc tabulam excipiunt Acta foundationis laudati cœnobii , quorum auctor , licet aliud agens , narrationi tamen suæ multa aspersit , ad investigandas Augustas origines adprime facientia , altiusque ,
quam

PRÆFATIO.

quam ipsa Genealogia, ascendens, cum & RADEBOTONEM, tum & patrem eius KANCELINUM, seu LANTOLDUM, avumque GUNTRAMNUM *Divitem* nobis prodit, illustrissima maiorum Habsburgicorum nomina. Hunc porro Anonymum bona hæctenus fide secuti sunt, qui in hoc argumento sunt versati: nec fere aliud egit, qui novam genealogias magnorum Principum indagandi, firmandique, viam invenit, manumque tantæ rei ultimus admovit P. HERRGOTTUS, at provide, ut par erat, ac circumspecte. Videns enim, auctorem hunc, seu rectius auctores, ac præsertim Genealogum, Actis foundationis præfixum, cum non satis antiquum esse, tum vero multis ac variis modis, in ipsa, quam exhibere in se suscepserat, Genealogia peccasse, ac modo obscure, modo oscitanter, &, quod palmarium est, mendose scripsisse: pronuntiare nullus dubitavit, illum *se solo*, nullisque adminiculis aliunde, puta ex re diplomatica, accersitis, suffultum, ad condendam, ac præcipue ad statuminandam Genealogiam Habsburgicam haud sufficere.

Offenderunt hæc Ven. monachos Murenenses, utque susceptæ apologiæ color induceretur, iniuriam
civi

PRÆFATIO.

civi suo inferri , detrahi iuribus monasterii , ac ipsam denique *Genealogiam Diplomaticam* , dum hoc fulcrum concutitur , infirmo consistere talo , conqueri ; vindicandam igitur hanc rem esse , atque scriptorem suum , qui a gradu , quem in hunc usque diem obtinere visus est , amplissimo , tam immerito deiectus fuerit , restituendum , ac ipsam adeo *Genealogiam Habsburgicam* (id quod equidem *pro* , non *contra* P. HERRGOTTUM sit) firmandam , stabiliendamque. Hæ sunt adversæ parti scribendi rationes , hæc *Vindiciarum* momenta.

Sed enim , eisdem trutina non nihil severiori expensis , facile , ut confido , apparebit , quo sint habenda loco. Nam , quod ad ultimum attinet , perpulchre scilicet dictæ *Genealogiæ Habsburgicæ* velificatum fuit ; cum , ut suo loco clarebit , ii excitantur auctores , qui ultra GUNTRAMNUM *Divitem* haud ascendi , atque adeo antiquitatem Gentis ultra seculum X. referri , haud posse contendunt ! Pulchre etiam & hoc : quod fidem scriptori mendoso integram , per tria & amplius secula , haberi , illique soli tantum opus superstrui postulatur , prorsus ac si eius auctoritas prope esset divina , aut *Genealogia*

PRÆFATIO.

eo certior , quo debilioribus niteretur fulcimentis ! Quanto non consultius , atque ad regulas artis criticæ exactius , egit P. HERRGOTTUS , qui dicti scriptoris errores haudquaquam dissimulans , dicensque , quod res est , id demum præstitit , quod nemo alius , ut scilicet veritatem afferret , non iam dubiis , sed certis , non suspectis , sed firmis nixam fundamentis , diplomatibus videlicet , testibus incorruptis , omnique maioribus exceptione ?

At scriptorem nostrum , id est , Anonymum Murensem , mendosum esse , quis dicit ? Quasi vero adversa pars eius menda , ceterorumque Eruditorum de eodem iudicia , nescisset , quorum nos quidem veneranda nomina magno numero lib. I. cap. I. ac præsertim tertio , afferimus , luculenter ostendentes , aut origines Comitum *Alsatia* , Ducumque *Lotharingia* , tot licet testatas monumentis inconcussis , ruere , aut Genealogum Murensem obtrudere falsa : nihil ut dicam de mendis , circa origines *Habsburgicas* ab ipso commissis , quæ causam nostram propius attingunt , quæque in decursu huius opusculi iterum detecta , iterumque denudata ita sunt , ut modo omnium denuo pateant oculis .

Fru-

PRÆFATIO.

Frustra igitur sunt, qui ei fieri iniuriam putant, quem, ut ex hisce iam intelligitur, iure meritoque ad examen revocatum fuisse, palam est.

Frustra etiam ii sunt, qui ideo, vel ex quavis alia, huc concurrente, causa, Celeberrimi Murenfis monasterii iura (quod quidem in ipsa etiam imprimendi facultate obtenditur) vel tantillum concuti putant; quando genealogica duntaxat examinantur, ceterum iura ac possessiones monasterii, ubique relinquuntur intacta. Sed & cum præterea ex hac quali quali scriptiuncula manifestum iam fiat, mendosum Genealogum longe diversum esse ab Actuario, cui præfigitur, huicque exiguos admodum, illi contra errores tribuendos esse tantum non omnes, vana plane sunt, quæ hæcenus timentur; quandoquidem hic, non ille de iuribus, possessionibusque monasterii, scripsit.

Ponamus autem, Geneologo Murenfi per summum nefas detractum iri, num putas, illum ad condendam, firmandamque trium seculorum (nam Actuarius iunctus, totidem fere subministrat) genealogiam satis fuisse? ego vero haud crediderim. Ad hoc enim, ut quis de fide suspectus reddatur, adeoque alieno indigere censeatur subsidio, omnino

PRÆFATIO.

sufficit, a cordatis, rerumque intelligentibus, aliquando in discrimen adductum fuisse. Ut enim crimina, etiam falso impacta, aliter averti vix possunt, nisi probatione contrarii, ita & Historici, maxime vero Genealogi, fides, semel vocata in dubium, tamdiu crepera, tamdiu sublesta erit, quamdiu non probando oppositum, restituatur ex integro. Neque enim in hisce simplex tantum, ut ita dicam, aut qualiscunque narratio sufficit; ut fidem invenias, probasse oportet, fontes, ex quibus tua hauseris, puros esse, limpidos, defæcatos. Res igitur portentoso similis est, examen tam candidum, scriptorique cordato tam necessarium, argui publice in eo, qui aliud nihil in mente habuit, quam ut Anonymi morbos primum quidem detegeret, deinde vero, adhibitis, ex arte diplomatica, idoneis medicamentis, ita sanaret, ita restitueret, ut vires reciperet tantum non integras, quin & novas, id quod nos quidem toto fere libro secundo fusius demonstramus. Tolle a Critico candorem, & nihil minus, quam veri nominis Criticus erit.

Atque hæc dissidii huius Litterarii occasio est, hæc disputationis nostræ summa, qua rite perpensa, videri

PRÆFATIO.

videri queat, responſionem noſtram urgentem adeo haud fuiſſe, ut illa ſuperſederi nequiſſet; maxime cum ob famam ſcriptoris, ut ut antiqui, nec tanti excitandi clamores, nec reſpub. litteraria tot ſcripti-unculis onerari potius, quam ornari debere videatur. Verum eſt, ipſe P. HERRGOTTUS, etſi primo fervore, ut fit, ab adornanda apologia quadam nequam alienus, iam filum aliquod ducere inciperet, conſilium tamen mutavit continuo, recte cauſſatus: cum ſuam ipſius, tum Adverſarii lucubrationem, in virorum doctorem verſari manibus; facile proinde eſſe, inter utramque æſtimare: reliquum litteratorum vulgus, quod ſibi forte adverſo ſcripto derogatum putet, non magni faciendum. Ceterum eſſe ſibi *Monumenta Aug. Domus Auſtriaca*, opus non minus, ac prius illud, iuſſu & auſpiciis Cæſareis ſuſceptum, in quo bonas horas haud paullo utilius, quam ſerendis tricis & altercationibus, a quibus animus ſua-pte natura abhorreret, collocare & poſſet, & deberet.

Hac ſententia accepta, neminem etiam ex reliquis noſtris ſodalibus cupiditas inceſſit, in hac ſeſe exercendi palæſtra. Fuit tamen ex alio ſodalitio non nemo, qui *Vindiciis Anti-Vindicias* oppoſiturum ſeſe

PRÆFATIO.

fese ultro obtulit. Sed verba duntaxat dedit ; ut cuius omnem conatum ne quidem in herba fuisse, post trium & amplius annorum curriculum patuit. Nos interim id præterea absterruit, quod, qui *Vindicis*, sæpenumero memoratis. Venerabile suum præponere nomen dignatus est, a suis non multo post in Abbatem, atque adeo S. R. I. Principem, sublimatus fuerit. Tum enimvero cum religiosa modestia, tum summa adversus tantum Antistitem observantia, a nobis postulare videbatur, prudenti tantisper silentio premere, quod de cetero, si res integra fuisset, edicere, ac palam facere, nostra equidem interesse posset.

Verum enimvero quemadmodum, ut ait TULLIUS, *consilia temporum sunt, quæ in horas commutari videas*, ita & nobis, re postea penitus considerata, liquido demum apparuit, nihil esse, quod responsionem iuste impedire quiret, si modo intra modestiæ, debitiæque observantiæ limites consisteret. Vulnus accepimus, idque tanto gravius, quanto is maior est, qui inflixit, vulneri huic aptari remedium, quis improbabit? quanquam, si dicamus, quod res est, nihil nobis minus in mentem venerit, quam
ut

PRÆFATIO.

ut adversus tantum Principem calamum corripere-
mus. Privatus scripsit, privato respondemus, non
Principi, non Abbati. Neque præterea, cum dissi-
demus in litteris, animos disiungi putandum est, nec
veritas eius est naturæ, ut sine pacis turbatione
quæri nequeat. Hinc & *Vindiciarum* auctorem, quo-
tiescunque compellendus erat (erat autem compel-
landus sæpissime) *Adversarii* duntaxat nomine salu-
tavi, ut ne personam, in tanto dignitatis gradu
constitutam, vel levissime attingere, aut petere, vide-
rer. Quod si vero contra spem, postque tantas ad-
hibitas curas, vel oscitanti, vel imprudenti, quidquam
excidisset gravius, iam nunc pro indicto haberi vo-
lo, utque benigne ignoscatur, publice rogo, hisce
S. AUGUSTINI ep. XXVIII. usus verbis: *Da veni-
am, si quid liberius dixi, non ad contumeliam tuam,
sed ad defensionem meam* (sodalis mei). *Presumpsi
enim de gravitate & prudentia tua; quia potes conside-
rare, quantam mihi respondendi necessitatem imposueris:
aut si & hoc non recte feci, & hinc da veniam.*

Quod igitur initio, manum ab opere abstinен-
dam, cumprimis suadebat, id deinceps causâ visa
fuit non ultima, manum admovendi. Ad alterum
quod

PRÆFATIO.

quod attinet, haud equidem invitus largior, facile fuisse Eruditis, inspectis utriusque partis rationibus, verum perspicere: sed num otium, ad id necessarium, sibi sumpserint, de hoc plane dubitaverim. Quotus enim quisque est, qui nisi simili occupatus argumento, ad tantæ molis libros excutiendos, atque invicem contendendos, serio se se conferat? Quod si vero horum uni, alterive, res suboluerit, quanto non plures sunt, qui iudicis munus sibi temere arrogantes, sententiam ante proferre audent, quam rerum momenta introspexerint. Recte enim alicubi S. AUGUSTINUS: *Res falsa est inanis, nisi corrigatur, habet non nunquam fidem: multique sunt homines iudicii parum firmi, qui nihil audiunt, leguntve, quod non credant, nisi refutatum sciant.* Nihil dico de ipsa *Genealogia Diplomatica*, quæ ubicunque occasio se se obtulisse videbatur, fatis acerbè habita fuit. Nihil etiam de perpetua *Domus Habsburgica* inde ab ETICHONE usque, atque adeo a medio sæculi VII. ad nostra usque tempora, successione, quam, ut quidem contigit, diploma *Trutpertinum* in dubium vocando, vehementer tentari, in propatulo est.

His

PRÆFATIO.

His ita se habentibus, nemo non videt, quibus momentis inducti, ad hanc provinciam accesserimus. Revocanda fuit *Aug. Domus* antiquitas, stabilienda eiusdem genealogia, famaue Operis, eam fideliter enodantis, restituenda. Sed mihi hæc sparta cur obtigit? Fateor, plures esse etiam e nostris, qui eam multo felicius exornassent, nec mihi tam Suffenus sum, ut tantos inter viros arbiter sedens, litis dirimendæ negotium mihi denique reservatum putem: sed tamen ut & ego abstinere manu, integrum haud fuit. Ad me etenim, post *Genealogia Diplomatica* auctorem, res propius ideo spectare dicebatur, quod ante annos quatuor in partem laborum ingentis operis, quod sub titulo *Monumentorum Aug. Domus Austriaca* prodit, ut ut immerito adscitus, in me etiam redundare videatur, quid quid illius auctori, sodalique meo, multis mihi nominibus venerando, derogatur.

Nam tua res agitur, paries cum proximus ardet,

Et neglecta solent incendia sumere vires,

ut ex vero canit FLACCUS. Opportune ergo utcunque accidit, ut quia chalcographi nostri, aliæque res, nos circumstantes, a maiori illo opere tantisper ferias

PRÆFATIO.

nobis indixerunt , otium vix non continuum huc transferre potuerim. Quocirca præprimis mihi curæ fuit, ut ne nudam scriberem apologiam, sed eidem, sicubi res tulisset, identidem aliquas interspergerem observatiunculas. Eo fine, præter indices sat locupletes, in calce libri II. *Origines Habsburgo-Austriacas, compendio relatas*, in eorum gratiam addidi, quibus maius illud Genealogicum opus lustrandi, aut otium, aut occasio deest. Additur CONRADI de S. BLASIO *Chronicon Bургленсe*, quo cum dicta lib. I. cap. XII. confirmari, tum pomœria Historiæ non nihil extendi credidi. Quæ de charta linea, nec non de scripturarum seculi XIII. forma disputantur, tironibus saltem usui futura putaverim. Anonymum, quem vocabant, Murensem, ita denudavi, seu enudavi potius, ut, quid de eo tenendum sit, iam neminem fugere posse existimem. Præterquam enim quod Genealogiæ, Actis præfixæ, unum, eundemque, atque adeo seculi XIII. auctorem fuisse, liquido demonstraverim, id præterea evici, scriptorem *Actorum* monachum fuisse non *Murensem*, ut hætenus falso credebatur, sed laudatum CONRADUM de S. BLASIO, Abbatem, *Muros* olim postulatum. Eo consilio

tria

PRÆFATIO.

tria me consecutum confido. Primum: quod is a mendoso Genealogo, velut purpura a panno, seiunctus, paucorum iam vincatur errorum; cum antea omne illud ipse etiam innocens devorare debuerit, quod Genealogo obiectum fuerat; deinde quod ut Abbas maiorem fidem inveniat, quam monachus privatus; ut enim de probitate, gravitateque viri, nihil dicam, præsumendum plane est, ei, ut personæ publicæ, fontes rerum multo facilius patuisse, quam cuiquam alteri. Duo hæc quantum *Genealogie Habsburgicæ* pondus iam addant, concilientque fidem, non est, ut multis edoceam. Postremo & id hac ratione effecisse mihi videor, ut omni deinceps circa hanc rem altercationi præclusus sit aditus. Cum enim Auctor Codicis *Murensis* præcipuus noster iam sit, operæ pretium vix facturum putaverim eum, qui solius *tabula Genealogica*, Actis præmissæ, causâ, quam ab alumno quodam Celeberrimi Murensis asceterii confectam fuisse, non invitus largior, bellum hoc litterarium instauraret. Nihil addo de prima Originum *Habsburgicarum* notitia, civi nostro, non alieno, adscribenda; ne rerum nostrarum nimium studiosus esse videar: singula hæc ideo duntaxat retuli, ut querelas occuparem forte existi-

PRÆFATIO.

mantium, ob unius auctoris famam integrum orbi literato obtrudi tractatum; hic quippe velut in vestibulo brevibus ostendens, argumentum isthoc suapte natura neque sterile esse, neque proletarium.

Præfationem Adversarii iam non attingo; cum id bonam partem factum fuerit lib. II. cetera vero eius sint naturæ, ut facile prætervehi queant. Ut tamen L. B. ad mox secutura non nihil præparem, unicum ex ea, in fine legendum, leviter modo inspiciamus. Dixerat P. HERRGOTTUS, Anonymum Murensem *imposuisse ceteris, existimantibus, remotioris eadem Acta antiquitatis, maiorisque momenti esse, quam revera sint.* Excitat hæc verba Adversarius, atque haud secus, ac si insigniter per ea peccatum fuisset, iisdem in ipso proponendo themate suo utitur, asserens, ostensurum se, *scriptorem Actorum Murensum Impositorem non esse, seu talem, qui ulli imposuerit.* Belle admodum! quasi vero ille impostor dicendus, qui alteri imponit, seu causa erroris est, culpa non sua? Nonne & ipsis Murenribus imposuit, hætenus existimantibus, *Actorum* scriptorem suum olim fuisse tribulem? num ideo impostor est? Sed hæc hætenus. Tu interim B. L. vale & iudica. Scribebam Crozingæ mense Ian. MDCCLV.



ELENCHUS LIBRORUM ET CAPITUM LIBRI PRIMI.

Expenditur pars I. Adversarii.

a p. 1. seqq.

CAPUT I. *Respondetur ad eius introductionem.*

ib.

CAPUT II. *Defenditur P. HERRGOTTI Prolegomeni III. Genealogia Diplomatica paragraphus I. ubi, Acta Murenſia a recentioribus ſcriptoribus magni habita, dixit.*

p. 11.

CAPUT III. *Confirmatur eiſdem Prolegomeni paragraphus II., quo Acta Murenſia a BLONDELLO in dubitationem adducta fuiſſe, docetur.*

p. 15.

CAPUT IV. *Propugnatur paragraphus HERRGOTTI III. ubi de Actorum Murenſium editione.*

p. 27.

CAPUT V. *Afferitur Prolegomeni III. paragraphus IV., quo P. HERRGOTTUS in atatem Actorum Murenſium inquirere incipit.*

p. 34.

CAPUT VI. *Oſtenditur veritas paragraphi V., quo, dicto Prolegomeno, P. HERRGOTTUS, recentiorem eſſe codicis Murenſis atatem, ex charta, qua conſtat, papyracea, demonſtravit.*

p. 37.

CAPUT VII. *Reſtituitur ſectio eiſdem Prolegomeni VI. qua P. HERRGOTTUS de atate codicis Murenſis cenſuit ex figura litterarum, quas præfert.*

p. 45.

Ca-

ELENCHUS LIBRORUM ET CAPITUM.

- CAPUT VIII. *Examinatur vis argumenti, quod P. HERRGOTTUS, pro atate Anonymi Murensis stabiliendu, ex ipso eius contextu deduxit.* p. 55.
- CAPUT IX. *Expenditur PEIRESKII coniectura de atate Anonymi Murensis.* p. 64.
- CAPUT X. *Ponderatur alia coniectura, a P. HERRGOTTO PEIRESKIO opposita.* p. 75.
- CAPUT XI. *Disquiritur diligentius, num unus, an plures, codicis Murensis Auctores fuerint?* p. 87.
- CAPUT XII. *Ostenditur, Actuarium Murensem fuisse CHUNONEM, seu CONRADUM, ex Monasterio S. BLASII in Silva Nigra, Muros postulatam Abbatem.* p. 101.
- CAPUT XIII. *Ventilatur paragraphus P. HERRGOTTI undecimus, quo schema Genealogiæ, Actis Murensibus præfixa, examinare parat.* p. 119.
- CAPUT XIV. *Exquiritur prima Genealogi Murensis progenies.* p. 124.
- CAPUT XV. *Demonstrantur sphalmata, a Genealogo Murensi in II. progenie Habsburgica commissa.* p. 142.
- CAPUT XVI. *Paralipomena capituli præcedentis.* p. 158.
- CAPUT XVII. *Manca & incompleta probatur tertia Genealogi Murensis progenies.* p. 163.
- CAPUT XVIII. *Quid de quarta Genealogi Murensis progenie sentiendum, disquiritur.* p. 169.
- CAPUT XIX. *Inspicitur V. & VI. Genealogi Murensis progenies.* p. 173.
- CAPUT XX. *In scenam producit septima Genealogi Murensis progenies.* p. 177.

Ca-

ELENCHUS LIBRORUM ET CATITUM.

- CAPUT XXI. *Expenditur octava & ultima Genealogi Murensis progenies.* p. 183.
- CAPUT XXII. *De ratione scribendi, tam ab Actuaria Murensi, seu CONRADO de S. BLASIO, quam ab Abbate Tschudio observata.* p. 190.
- CAPUT XXIII. *De documentis, a DOMINICO Abbate productis, quidque de iis sentiendum?* p. 197.
- CAPUT XXIV. *De erroribus cum Genealogi, tum Actuarii Murensis.* p. 202.
- CAPUT XXV. *De Comitatu Vindonissæ & Altenburgi.* p. 211.
- CAPUT ULTIMUM. *Anacephaleosis libri I.* p. 227.



LIBRI SECUNDI.

- CAPUT I. *Respondetur ad Adversarii introductionem.* p. 237.
- CAPUT II. *De GUNTRAMNI Divitis patre HUNFRIDO, & avo LUITFRIDO.* p. 249.
- CAPUT III. *Expenditur stemma GUNTRAMNI, de quo mentio fit in vita S. DEICOLI.* p. 263.
- CAPUT IV. *De GUNTRAMNO Divite, patre LANCELINI, seu LANTOLDI.* p. 275.
- CAPUT V. *De LANCELINO, seu KANZELINO, RUDOLPHI I. Rom. Regis Maiore in gradu VIII.* p. 280.

Ca-

ELENCHUS LIBRORUM ET CAPITUM.

CAPUT VI. *De RADEBOTONE , RUDOLPHI I. Rom. Reg. maiore in gradu VII.* p. 293.

CAPUT VII. *De WERNHARIO, RUDOLPHI I. Rom. Reg. tritavo.* p. 299.

CAPUT VIII. *De OTTONE, WERNHARII II. filio , RUDOLPHI I. Rom. Reg. atavo.* p. 305.

CAPUT IX. *De WERNHERO III. , RUDOLPHI I. Rom. Reg. abavo ; nec non ALBERTO III. eiusdem proavo.* p. 313.

CAPUT X. *Respondetur ad Adversarii reliqua : nimirum cap. VIII. IX. & X. ubi de RUDOLPHO , ALBERTI III. filio , nec non de ADELBERTO IV. eiusque fratre RUDOLPHO Taciturno , ac RUDOLPHO IV. postea Rom. Rege.* p. 320.

MONITUM, seu ratio sequentis Appendicis. p. 326.

APPENDIX I. *Stemma Habsburgicum exhibens , adiectis brevibus ubique probationibus.* p. 328.

APPENDIX II. *CONRADI, monachi S. BLASII, in Nigra Silva, Chronicon Bürglense exhibens.* p. 365.

INDEX Auctorum.

INDEX rerum & verborum.



REFERT QUO FONTE BIBATUR.

PLANT. EPICOR. LIBER.



ANONYMUS MURENSIS

DENUDATUS,

ET

AD LOCUM SUUM RESTITUTUS.

LIBER I.

EXPENDITUR PARS ADVERSARII PRIMA.

CAPUT I.

Respondetur ad Adversarii introductionem:

I. **E** Tsi Adversarius, longa præfatione usus, satis iam docuisse videretur, quid in reliquo opere tractaturus sit: introductione tamen, velut novo præambulo, utendum tibi ratus, quid animo moliatur, hic denuo insinuat: cumque antea *Astorum* duntaxat *Murensium* patrocinium in se

Refertur
P. HARR-
GOTTI de
novis
Scriptoris
Mur. sen-
tentia,

A

rece-

recepisset, nunc etiam, *Acta Trutpertina* abs HERRGOTTO pariter impugnata fuisse, una indignatur. Displicet autem eidem Auctoris *Genealogia Diplomatica* hæc præpriis sententia, in præfatione, ubi de oeconomia operis agitur, reperiunda: *Ut Genealogiam Habsburgicam ex chartis & Diplomatis conde-
dere valerem, ante omnia requirebat necessitas, sedulo investi-
gare, & solide demonstrare, qualis & quanta fides danda sit
Actis Trutpertinis & Murensibus, quæ plerosque scripto-
res in errorum devia abstraxerunt.*

Quæ im-
pugnatur
ab Adver-
sario.
pag. 1.

II. In hæc enim verba, velut de utroque Scriptore conclamatum iam esset, hunc in modum commentatur Adversarius: *Sapienti pauca hæc præfagire queant, quæ memora-
tis Actis incumbat sententia. Si plerosque illa scriptores
in errorum devia abstraxisse noscuntur, vestigia terreant,
neesse est; dictetque ratio ipsa, præveniendum periculo;
Acta proscribenda utraque, omnemque eorum usum in
Genealogia, maxime Diplomatica, interdicendum.* Hac proscriptionis sententia in Acta utraque (stante nempe P. HERRGOTTI prolegomeno II., quo de *Actis Trutpertinis*, & III., quo de *Actis Murensibus* tractatur) lata, Auctorem *Genealogia Diplomatica*, paucis interiectis, inconstantis hypotheseos postulat; ut qui libro II. hæc ipsa *Acta Murensia in Genealogia suæ fundamentum plena fide assumere non vereatur*, etiam eorum fidem & authenticam in proleg. suo III. labefactare nullus dubitaverit. Hæc Adversarius promulgidis loco, & velut eminus, rem ipsam subsequenter paginis mox cominus aggressurus.

Restitui-
tur, ac pri-
mo qui-
dem; quia
revera
nonnulli
ab eodem
Anonymo
in errores
abducti
fuerunt,

III. Nos vero hocce de Scriptore Murensi iudicium, abs HERRGOTTO iusta de causa prolatum vel ideo existimamus, quod revera Auctores non pauci sint, qui ab illo, putata *Genealogia* potissimum, decepti, in errorum devia prolapsi sunt. Operæ igitur pretium erit, hic nonnullos nominare, ampliores eiusdem vel errores, vel errorum testes, in ipso decursu huius opusculi, sicubi opus erit, relaturi. Agmen ducat GUILLIMANNUS, Auctor non incelebris. Is Comitatum *Altenburgi* statuendo, errorem suum non aliunde, quam

quam ex Anonymo Murenſi hauſit; egregie ob id exceptus a Cl. HERRGOTTO proleg. IV., quod ſuis locis amplius videbimus. GUILLIMANNUM ſecuti ſunt CHIFFLETIUS, BLONDELLUS & ECCARDUS, omnes auctoritate ac errore Murenſis Scriptoris inducti atque decepti (a). His adiungendus VIGNIERIUS, qui alia oberrans chorda, craſſam Anonymi Murenſis, de ſtemmate ITÆ, hallucinationem emendaturus, non minorem aliam commiſit, cum ITAM hanc THEODORICI II. ſuperioris Lotharingiæ Ducis, ſororem ſatis erronee ſtatuit. Quamobrem ipſi Adverſario noſtro vapulat, ſeu potius Clar. D. Gilberto Carolo le GENDRE, quem is in ſubſidium vocat (b), atque unacum eo ITAM Comitiffam, ſororem conſtituit THEODORICI I. Ducis itidem ſuperioris Lotharingiæ, a FRIDERICO illo progeniti, qui BEATRICEM, ſororem HUGONIS Capeti, Francorum Regis, in matrimonio habuit. Sed errore non magis tolerabili, ut nos quidem, cum ad caput Adverſarii ſecundum ventum fuerit, invicte demonſtrabimus: hic breviter admonuiſſe contenti, inde conſequens omnino eſſe, vel ipſum etiam Adverſarium eorum albo eſſe adſcribendum, qui ab Anonymo Murenſi decepti, IN ERRORUM DEVIA ABSTRACTI FUERUNT. Certum enim ibi fiet, ITAM Comitiffam ex ſanguine Ducum Lotharingiæ haudquaquam deſcendere: non ex hodierno, quod ipſe Adverſarius non inficiatur: non ex priori illo, ut nos quidem oſtenſum ibimus. Quare ſallitur Adverſarius, cum caput ſuum II. ita concludit: DE ITA LOTHARINGA . . . illud ſingulare hic notes & ſuſpicias: quemadmodum ſc. primam tunc Gentem Habsburgicam ſanguine conſitam Lotharingico, ita ultimam nunc eius ſobolem ſanguine itidem Lotharingico ſæcundatam, hinc & Auſta huic Genti admodum glorioſum eſſe, deſcendere ex ſanguine etiam Lotharingico illo priore, & propagari hoc poſteriore, utroque iam in nova prole auſpiciſſime conſtante, Neſcio etiam cuius magnifica illa inſcriptio, Vindiciis præfixa, pretii ac valoris ſit:

a

b

Quos inter vel ipſe Adverſarius.

pag. 17.

A 2

DI-

(a) Vid. cit. proleg. IV. num. II. p. XXXVI.

(b) Vindic. P. I. c. 11, pag. 14.

DIIS MANIBUS
 RADEBOTONIS
 HABSBURGICI
 &
 ITÆ
 LOTHARINGÆ
 FELICISSIMORUM PROTO-PARENTUM
 AUGUSTÆ DOMUS
 HABSBURGO-AUSTRIACÆ.

Quam non consultius egisset Adversarius, si utriusque Augustissimæ Domus, Lotharingicæ videlicet, atque Habsburgicæ sanguinis nexu, vel cum Reverendissimo Abbate CALMETO a GUNTRAMNO *Divite*, vel cum Clar. HERRGOTTO ab ETHICONE deducto, inscriptionem suam ab alterutro horum inchoasset? Sed hæc interim.

Tum; quia eundem Anonymum mendosum esse fatentur & docent alii quoque eruditi viri.

a

b

c

IV. Præter vero eorum turmam, qui a Genealogo Murenſi in ERRORUM DEVIA abducti fuerunt, alii supersunt, nec pauci, nec indocti, qui eiusdem errores caute declinantes, *mendosum* tamen esse publice fateri non addubitarunt. Ex eorum numero primum esse, dixit P. HERRGOTTUS, BLONDELLUM, quo de inferius. BLONDELLO subscriptit ECCARDUS & CHANTERAVIUS (a). Pluribus eundem exenteravit CL. HERRGOTTUS, de cuius iudicio videbimus in decursu huius apologiæ. Idem ante & post HERRGOTTUM præstitit laudatus Reverendissimus CALMETUS (b), uti postea videbimus, eumque adeo alibi non solum *mendosum*, ut BLONDELLUS, sed & *mendosissimum* appellavit (c). Novissime quoque Clar. Ioannes David SCHOEFFLINUS, magnum illud Academiæ Argenteratenſis lumen, habuit, quod in eodem Anonymo secus di-

- (a) Vid. Vindic. cit. cap. 11. p. 13. seqq. ubi ECCARDUS hæc: VIGNIERTUS autem & CHIFFLETTUS seducti sunt a Genealogia veteri, Aſis Murenſibus præfixa, quam in probationibus cap. XXXV. edimus. SED ERRONEAM EAM ESSE OPORTET.
- (b) Histoire de Lorraine T. I. Origine de la Maison de Lorraine, col. CXXX. edit. I. & CXC VII. edit. II.
- (c) Ibid. in margine inferiori col. CCXVIII. ubi ait: J'ai avancé ceſſur la foi des Aſes, de l'Abbaye de Mury, qui ſont TRÉS FAUTIFS. Ils vivoient déjà en 1027, elle ne peut donc être ſœur du Duc Thierry mort en 1116.

dictum fuisse censeret. *Occurrit etiam*, inquit, *in Genealogia fundatorum Murensis Cœnobii, Actis præmissa, Como Comes de Rheinfelden, Ita Comitissa Habsburgensis, & Theoderici Lotbaringia Ducis, frater. Qua quidem narratio, ETIAM SI ALITER EXPLICANDA, id tamen probat, iam ante Rudolphum seculo XI. incunte Comites Rheinfeldenfes fuisse (a). Modestissime quidem, ut solet, sed tamen ex animo, & non sine prævia rationum, ab Adversario allatarum, ponderatione; ut qui eisdem Vindicias haudquaquam ignoravit (b): haud dubie autem eidem assensum præbiturus, si sine veritatis dispendio, cui ubique litare se decrevisse alibi fatetur, & facit etiam, potuisset. Consulto hic omittitur SCHOENLEBENIUS, eundem Actuarium plane rudem & ignorantem, vel forte malitiosum appellans (c); utpote cuius iudicium, ex cœco quodam impetu profectum, ut bene notat Adversarius (d), ipsi non probamus.*

a

b

c

d

V. Hi sunt igitur Scriptorum nonnulli, iique præcipui (nam omnes adducere nec iuvat, nec opus est) qui vel ab ipso decepti, IN ERRORUM DEVIA ABSTRACTI sunt, vel errores eiusdem viderunt, detexeruntque, de quibus nos longe uberius agemus in consequentibus, ita tamen ac ea cum moderatione, ut, si quis erga eum tam parum æquus esse vellet, eumque propterea proscribendum, atque ad ultimam velut Thulem relegandum esse pronuntiaret, is certe sine noxa a nobis haud discessurus esset. Bone Deus! si cuilibet Auctori propter nonnulla peccata, ac multiplicia etiam, aqua & igni interdiciendum est, quo devenient Bibliothecæ? diu certe erit, dum LEIBNITII coniectura adimplebitur: Bibliothecas tandem urbibus similes futuras; cum, hac Adversarii sententia consistente, evacuandæ potius erunt. Quis enim nescit, antiquos Scriptores æque ac hodiernos errare potuisse, immo errasse sæpius atque errare? Vetus est Flavii VOPISCI de historiæ Scriptoris effatum: *Neminem Scriptorum, quant-*

Nec tamen inde sequitur, Auctorem proscribendum, eiusque assensu, ut vult Adversarius, interdiciendum esse; quod exemplis monstratur.

(a) Alsacis illustr. lib. III. c. III. §. XXXIV. p. 639.

(b) Citantur enim eiusdem Acta, ab ipso edita. pag. 694. 803. &c.

(c) In Dissert. Polem. Part. I. cap. 14. & 15.

(d) Vindic. pag. 10. & 11.

- a tum ad historiam spectat, non aliquid esse mentitum (a). Quod si Scriptores Romani & Græci, cultissimi illi ac prudentissimi viri, nonnunquam in mendacio deprehenfi sunt, quanto magis de Scriptoribus mediæ ævi barbaris dici poterit, eos saltem, utut non tam sua culpa, quam fragilitatis humanæ miseria, atque ex communi fere scientiarum neglectu, nonnunquam in errore versatos fuisse?

Campri-
mis ipfius
Adversarii,
mendofos
Poetas se-
cundis cu-
ris eden-
tis ;

- VI. Nolo hic multa accumulare, ac recensione eorum Auctorum, quibus aut falsa aut mendacia obiecta sunt a peritis, Lectori gravis esse, cum id operis esset immensi, resque per sese notissima sit : sufficiat Adversarium rebus non longe petitis dedocere, suoque ipsius exemplo convincere. Edidit is (b) post Reverendissimum Abbatem TSCHUDIVM secundis curis nonnulla poemata, a CONRADO de Mure, Cantore Turicensi cœvo, aliisque, ut recte observat laudatus TSCHUDIVS (c), RUDOLPHO I. Rom. Regi consecrata, ubi de die coronationis eiusdem hos versus legimus :

R. Comes in Kiburg & in Habsburg, Lantgraviusque
Alsatix, merito tituli pollens utriusque.
Frankenfurt festo Michaelis, stemmate septus
Magnatum, regni Romani culmen adeptus.

& post pauca :

Bis sexcentos septuaginta tres noto Christi
Annos, quando Rex factus Rudolphè fuisti.
Te regem procerum fecit Deus ipse procerum.
Teque coronat ea Procerum collectio luce,
Quando dies Martis est post solennia Luce.

Ex his versibus intelligere est, RUDOLPHUM anno æræ vulgaris 1273. in festo S. MICHAELIS electum, atque 21. Octob-

(a) VOPISCUS in AURELIANO.

(b) Vindic. Actor. Murenf. pag. 312. & 318.

(c) Orig. & Geneal. Com. de Habsb. p. 123. secus ac Adversarius, qui eosdem soli CONRADO adscribit, at falso ; sequeretur enim ut sibi unus idemque Auctor uno velut habitu contradixisset, quum contradictionem mox audiemus.

Octobris; in quem quippe tum primus dies Martis post festum S. LUCÆ inciderat, solemni ritu coronatum fuisse.

Aliter calculum ducit Poeta alter, ab Adversario secunda pariter editione p. 318 productus:

Rudolfus reprimens propriis contraria telis
Frakenfurt Rex eligitur festo MICHAELIS (a)
Ungit Aquisgranum Regem sub posteriore
Luce Severini, sub Crispinique priore.

2

VII. Cum festum S. SEVERINI in tertium & vicissimum, CRISPINI vero in quintum & vicissimum Octobris incidat, satis liquet, diem hic 24. eiusdem mensis designari, qua coronatio hæc peracta fuerit; hinc necessario consequitur, ut alter horum Poetarum, licet Synchroni ambo fuerint, ambo Germani, ambo ditionibus RUDOLPHI aut vicini, aut subditi, in errorem prolapsus sit. Audiamus iam, quid ea de re Historici referant. ALBERTUS *Argentinenſis* pridie Calendas Octobris assignat, quicum facit Chronicon Colmarieſe, ubi legimus: *In Vigilia omnium Sanctorum RUDOLPHUS Rex coronatur.* Num Poetis, an Historicis magis fidendum? Dicerem ego Historicis, nisi verum atque indubitatum coronationis diem a P. HERRGOTTO, cuius operæ ac eruditioni id adscribendum est, didicissem.

Quorum quippe doctrina nec sibi invicem, nec Historicis corvis respondet.

VIII. Quod ut ne Adversarius, studio partium abrep-
tum id me edicere, existimet, testem adduco Rev. ac Clarissimum Virum Sigismundum CALLES S. I. in cuius novissimis, præstantissimisque Annalibus Austriæ (b) hæc legimus: *Sed enim ex litteris ENGELBERTI Colon. Archiep. & Electoris ad GREGORIUM X. PP. quos affert R. HERRGOTTUS, docemur, RUDOLPHUM Regem in festo Apostolorum SIMONIS & IUDÆ, 28. Octobr. fuisse coronatum. Litteræ ENGELBERTI, ut pergit CALLESIIUS, quarum initium est: Luxit hæcenus & elan-*

Verior de die coronationis RUDOLPHI Habsburgici relatio ex P. HERRGOTTO.

b

- (a) Hæc dies incerta est; vid. P. CALLES postea citandus, tom. II. pag. 491.
(b) Parr. II. Lib. VIII. p. 493. Is enim epistolam hanc ex opere nondum quidem edito, sed ipsi tamen liberaliter communicato, mutuavit.

elanguit terra &c. sic habent : „ Electione Canonice imo Di-
 „ vinitus procul dubio celebrata , eundem (RUDOLPHUM)
 „ cuncti inenarrabilis immensitate tripudii, omnium applauden-
 „ te caterva Nobilium , nec non populi comitiva latante , ac
 „ in supernæ laudis canticum gratulabundius exurgente , apud
 „ Aquisgranum magnifice duximus , ubi *in die Apostolorum*
 „ (utique SIMONIS & IUDÆ proximo) a nobis - - fuit in
 „ sede magnifici KAROLI coronatus , & unctionis sanctissimæ
 „ oleo delibutus. „ Hæc epistola ENGELBERTI , cui utique
 „ auctoritatis publicæ , & a teste oculato , quique eiusdem so-
 „ lemnitatis pars magna fuit , maior fides præstanda erit , quam
 „ Poëtis & Historicis , rem ex auditu duntaxat narrantibus.
 „ Quæro ergo iam ex Adversario , cur Poetas suos secundis cu-
 „ ris edere voluerit? Mendosi utique sunt , ac non solum sibi-
 „ met ipsis contradicunt , sed & Historicis eiusdem temporis.
 „ Et quid denique cum duobus hisce Historicis agendum , qui
 „ eundem errorem errasse deprehenduntur ? Sane ex principiis
 „ Adversarii e republica litteraria in exilium relegandi , omnis-
 „ que eorum in rebus historicis *usus interdicens* erit ; utpote
 „ qui plerosque Scriptores IN ERRORUM DEVIA abstraxerunt ,
 „ quos inter memorare liceat , qui forte ad manus sunt : Abba-
 „ tem FLEURY (a) , STRUVIUM (b) , aliis pluribus , quos
 „ omnes adducere longum foret , omisiss. Quid ? quod alter
 „ etiam ex mendosis Adversarii Poëtis Illustr. FUGGERUM cespit-
 „ tare fecerit , ut a versibus iam recitatis circumventus , eidem
 „ solemnitati XXI. Octobris assignaret , quod quidem laudatus
 „ STRUVIUS iam animadvertit. Decepit præterea & GUILLI-
 „ MANNUM , qui eiusdem carminis auctoritati tantum tribuit ,
 „ ut exinde rem iam compertam existimaret : *Imperialem coro-
 „ nam accepit* , inquit , *seria tertia post festum diem D. Luca E-
 „ vangelistæ* , A. D. N. cLcccLXXIII. Quod ideo notavi , quia
 „ varie super die ELECTIONIS , CORONATIONISQUE , omnes buc-
 „ usque prodidere. Ita autem rem esse testantur etiam vulgati
 „ eo tempore versiculi &c. (c) Adducit deinde versus , a nobis
 „ iam

Alii Scrip-
 tores ab
 iisdem
 Poëtis de-
 cepti.

a
 b

c

(a) Hist. Eccles. tom. XVIII. §. XXV. Rodolphe fût élu le dernier jour de
 Septembre 1273. - - il fût couronné à Aix-la-Chapelle un mois
 après son élection.

(b) Corp. Hist. Germ. P. IX. §. X. p. 517. not. 36.

(c) Habsburg. lib. VI. p. 443.

iam recitatos, quibus tamen nihil magis efficit, quam quod iidem in errorem adductus, multis etiam aliis errandi viam aperuerit.

IX. Hanc veritatis stragem cum, maximam partem, fecerint Poetæ, eos tamen luce publica denuo donare nihil dubitavit Adversarius, excusandus forte, si quid de erroribus eorum monuisset, & nisi vel ipsi inter se digladiarentur: at vero, cum adeo mendoli, ne dicam mendaces, sint, ut tam sibi ipsis, quam Historicis cœvis contradicant (quæ omnia ignorare nec poterat, nec debuerat Adversarius; scimus enim quæ sint editorum eiusmodi rerum officia) inconstantis eum doctrinæ seu hypotheseos iure, meritoque postulamus, criminis nimirum illius, quod hic loci, in fronte libri, atque adeo in omnium oculis, P. HERRGOTTO satis acerbe impetit: sed recidit in Auctorem, quod iecit in alterum. Nonne enim iusto prorsus titulo *inconstantis doctrinæ* accusandus est, qui, cum id genus Scriptores, quorum auctoritate, ac relatione alii decepti, IN ERRORUM DEVIA declinarunt, *proscribendum, omnemque eorum usum interdicendum* contendit; ipse tamen similes, id est eiusdem farinæ, orbi litterato obtrudit? Contra vero, quo pacto *inconstantis doctrinæ* arguendus est is, qui falsa a veris, dubia a certis, quod boni Critici officium est, discernens, proiectis paleis, colligit triticum? Fecit id certe & prudentissime quidem P. HERRGOTTUS, qui, cum non nesciret, quo loco in Genealogia Habsburgica haberetur Anonymus Murensis a ceteris, nec non prævidisset etiam, eundem, quo ad hoc argumentum, quantitatis fore usus, sapienter examinandum suscepit. Quod gravissime quidem exlequitus, explois erroribus: quæ vera esse comperit, ambabus, ut aiunt, manibus amplectenda esse, pro consuetudo suo candore, non uno loco pronuntiavit: ex quibus unicum hic, qui tamen instar omnium (quandoquidem quilibet optimus verborum suorum interpret creditur) esse potest, adducere visum est: *In reliquis, ait, ubi Actis Murensibus correspondent monumenta cœva, non video, cur illis fides denegari debeat; quandoquidem non tam Actis ipsis, quam diplomatibus, quibus suffulciuntur, illa fides omnino habenda.*

Quæ singula cum iteratam eorum editionem non impedierint, inconstantis Doctrinæ Adversarius, non P. HERRGOTTUS accusandus.

- a *benda est* (a). Quid apertius? Sed hac de re in consequentibus plura.

Qui aliorum Eruditorum exempla secutus,

b

c

d e

X. Ceterum eadem ratione Anonymo Murenfi usi sunt etiam alii viri Eruditi, superius nominati, BLONDELLUS nimirum & ECCARDUS, ut ex ipso Adversario discimus (b); qui etli ITÆ stemma, prout ab Anonymo profertur, exploferint, in reliquis tamen *se inoffenso pede eiusdem vestigiis insistere posse*, idem ECCARDUS asseverare nihil hæsitavit (c). Nec aliam viam ingressus est Reverendissimus ac Eruditissimus CALMETUS. Is enim, quanquam eodem ad recensendam Genealogiam Habsburgicam prolixè utatur (d), mox data opera (e) atque argumentis evidentissimis, errata eius pleraque, maxime vero, quæ contra veram originem Augustæ Gentis Lotharingicæ scripsit, sufflaminat. Adeo Scriptorum veterum hallucinationes non obsunt, quin iis tamen in aliis plenam accomodemus fidem. Turbidi sint fontes, at nonnunquam ex iis etiam puræ & defæcatæ hauriuntur aquæ.

Anonymo non nisi post severum examen, cumque grano salis usus est.

XI. Recte igitur & apposite sub rigorosum examen revocatus est Anonymus iste. Hac quippe ratione duo affecutus est MARQUARDUS, primum, ut exinde quivis æquus rerum æstimator colligeret innatum viri candorem, ut qui auctoris, quem maxime etiam, ceu testem alioquin satis opportunum, in succum & sanguinem, quod aiunt, convertere potuisset, errata ac sphalmata dissimulare noluit. Nonne vero illud, ut Auctori honorificum, ita & argumento, quod versabat, non exiguum pondus ac robur addidit? Quod scilicet ex limpidissimis fontibus haustum nemo dubitare poterat ab illo, qui turbidos non nisi post puros, idque summa cum cautione adhibendos censuit. Alterum, quod hac ratione præstitit MARQUARDUS, eodem fere redit. Nimirum, cum prævideret, laudato Scriptore ac ipsius diplomatibus, nonnunquam utendum sibi fore, occupandum erat, quod aliquando,

(a) General. Diplom. lib. II. cap. IV. num. V.

(b) pag. 13.

(c) Apud HERRGOTT. proleg. III. §. I.

(d) loc. cit. col. CLXXXIII. seq.

(e) ibid. col. CXCVIII.

do, Anonymi erroribus, ab alio forte, ut fieri solet, detectis, obiici potuisset: Genealogiam nimirum fallibili subinde niti fundamento, *mendosis* scilicet *Actis Murenfisibus*. Quare ubi Auctorem hunc a pristino, quem possidere videbatur, gradu deiciendum, eique alium locum, quem magis meruit, assignandum, ostendisset: eiusdem Actis circumspecte admodum, & velut copiis duntaxat auxiliaribus usus est, idque maximam partem, ubi ad Scriptores provocat, aut diplomata, testimonio videlicet inconcussa, atque omni fide dignissima, adducit. Sed de his omnibus nos altius uberius agemus: hic tamen breviter delibanda erant, ut Lector benevolus velut uno sub aspectu videret, quam nulla Adversario causa fuerit, Genealogiam Diplomaticam tam acerbe fugillandi, quamque totum eius systema infirmo atque labili nitatur fundamento.

CAPUT II.

Defenditur P. HERRGOTTI Prolegomeni III.
Genealogiæ Diplomaticæ paragraphus I. ubi,
Acta Murenfis a recentioribus Scriptoribus
magni habita, dixit.

I. **A**Dversarium ipso in vestibulo, & velut a ianua aberrasse, demonstratum est capite præcedenti: num iam res illius feliciter successerint, cum ipsum statim ingressus est, intuendum. Clar. P. HERRGOTTUS, ut Lectoribus suis plenam, planamque, Scriptoris Murenfis proponeret notitiam, aliorum statim de eo, ut cordatum virum decebat, proposuit iudicium; utque nihil dissimularet, ab iis initium duxit, qui eum insigni prorsus extulerunt laude, quos inter GUILLIMANNUM, *Christophorum* HARTMANNUM, ECCARDUM, nec non *Bernardum* PEZIUM, omnes insignes viros, adnumerat. His quod non coeca quadam mente subscripserit HERRGOTTUS, indignationem incurrit Vindicis: „ Alienis
„ etiam ex laudibus eidem adversari, conquerentis, quippe
„ quem tum maxime videatur parvi habere, dum ab aliis

Auctoritas
Anonymi
Murenf.
anticis
Instrumentis
perpetram æquiperatur;

pag. 4.

a „ magni habitum scribit. Attollere nimirum ut deprimat,
 „ atque adeo gravior sit ex fastigio ruina (a). „ Multa præ-
 terea alia verba facit, quæ tamen verba duntaxat sunt, & pa-
 rum probant. Præprimis autem eundem male habet, quod
 non plus detulerit HERRGOTTUS iudicio GUILLIMANNI scri-
 bentis: *Maiores apud me fides libello fundatorum Murensis Mo-
 nasterii* SUPER ANTIQUA INSTRUMENTA.

Nam id
 recepto a-
 xiomati
 diplomati-
 co repug-
 nat,

b Frustra ex-
 cipiente Adver-
 sario,
 pag. 7.

ibid.

II. Crediderim ego, GUILLIMANNUM ita sensisse, num
 vero recte, & an aliis etiam hanc fidem fecerit? hoc est,
 quo de merito dubitamus. Advertit hoc Adversarius, dum-
 que maxime in eo est, ut & P. HERRGOTTUM ad GUILLI-
 MANNO subscribendum, verbis adigat, in aliud se extremum
 prolabi videt, quo commune atque viris doctis hodie tanto-
 pere probatum axioma diplomaticum convellere cogitur: *In*
Genealogicis (adde & in ceteris rebus, ad fidem historicam per-
 tinentibus) *diplomata ac chartas maiorem nobis fidem facere,*
quam Scriptores, utut coævi, & ab omni mendacio sint ali-
nissimi (b). Hinc enim ut sese extricaret Adversarius, hanc
 regulam non nisi cum exceptione admittendam esse contendit:
tunc videlicet, quando de eo, quod Scriptor coævus, vel quasi,
positive asserit, diploma abstrahendo PENITUS CONTICESCIT.
 Mira prorsus exceptio, sed quam tamen non invitus ample-
 ctor; nam ubi diploma de eo, quod quæritur, *penitus con-*
ticescit, fidem etiam nullam flagitet, necesse est; & ego quide-
 m, hoc posito, vel ipsum APOLLINEM nihil extendere posse
 firmiter teneo, etiamsi integrum chartarum, diplomatumque
 plaustrum, & quidquid ex cana antiquitate tempus edax rerum
 nobis reliqui fecit, adveheretur. Fides enim ubi testes & tes-
 timonia: hisce desideratis, nequiquam postulatur. Verum
 mox apertius mentem suam explicat Adversarius, audiamus
 illum: *Quando, inquit, Scriptor Murensis non nomen dun-*
taxat, sed & stemma v. g. RADEBOTONIS clare, & veluti ex
professo docet, e contra diploma, a P. HERRGOTTO allegatum,
nudum RADEBOTONIS cuiusdam nomen, incidenter quidem,
ad-

(a) Vindic. p. 4.

(b) Verba sunt HERRGOTTI Proleg. I. §. V. ubi hæc pluribus exsequitur.

adducit, stemma autem alibi quarendi curam relinquit. Hic enim vero scire velimus, cuinam, Scriptori illi an diplomati, genealogus maiorem fidem habere debeat? Maiorem sane, imo omnem merebitur fidem is, a quo stemmatis illius notitiam acceperis. Hæc Adversarius loco citato, quo etiam ea omnia collimant, quæ in præcedentibus dixerat, a nobis studio duntaxat brevitatis omiſſa, non ignaris, conclusionis falsitate oſtenſa, etiam præmiſſas vacillare ac ruerē.

III. Digitum autem hic intendit ad librum *Genealogiæ Diplomaticæ* II. eiusque caput VII., ubi de RADEBOTONIS, Comitibus Cleggovie, stemmate. Parum autem, pace eiusdem dixerim, sibi constans videtur; nam cum paullo ante, tum potissimum contra diplomata excipiendum docuisset, si illa penitus conticescerent; mox in adducto a se exemplo saltem nudum RADEBOTONIS nomen legi ultro proſicitur. Magnum autem discrimen, opinor, inter altum silentium, atque nominis saltem nudam confessionem. Sed neque hiſce omnia ea dixit, quæ dicenda fuerant; adiicitur enim præterea nomen dignitatis, id est titulus COMITIS, immo & pagus: IN PAGO CHLEUGEUVE, in Comitatu vero RADEBOTONIS COMITIS. Denique & ibidem æram CHRISTI 1023. legimus, rem in Scriptore Murenſi fere ubique neglectam, quæ quantum in omni tractatione historica, tum in rebus præſertim Genealogicis, opportuna ac neceſſaria ſit, quantumque iisdem lucem accendat, ii intelligunt, qui id genus artes ac ſcientias non ſummis duntaxat labris attigerunt. Verum nondum integrum habemus Adverſarii peccatum. Is enim gratis fingit, eo loco de concurſu Scriptoris cuiusdam antiqui & diplomatis, ſibi invicem contradicentium, agi. Quoad hoc enim Scriptori Murenſi nihil admodum præfertur, nihil cum eo contenditur, quin immo vel maxime vocatur in ſubſidium. Adſcribamus ipliſſima HERRGOTTI verba: „ In præcepto HENRICI II. Imp. quo Rhinaugiens ſi Monafterio prædium „ Wiſzenburc donatur, IV. Kal. Nov. an. 1023. Tom. II. „ num. CLXVI. dicitur prædictum prædium ſitum eſſe in pa- „ go CHLEUGEUVE, in Comitatu vero RADEBOTONIS COMI- „ TIS. Quoniam vero tunc temporis in tractu Argovie &

„Alfatæ nullus alius hoc nomine RADEBOTONIS Comitis
 „occurrit, quam hic noster Comes in pago *Chleugeuoe*, id
 „est *Cleggoviæ*, quem Acta Murenſia filium KANZELINI, pa-
 „tremque OTTONIS, ALBERTI & WERNHARII conſtituunt,
 „qui citra controverſiam HABSBURGI COMITES fuerint; ſe-
 „quitur hunc ipſum RADEBOTONEM maiorem quoque, &
 „quidem in VII. gradu, cenſendum eſſe reſpectu RUDOLPHI I.
 „Regis Rom.; ſiquidem WERNHARIUM, RADEBOTONIS filium,
 „eiſdem Regis *tritavum* fuiſſe, argumentis ſat ſolidis a no-
 „bis demonſtratum eſt. Ex abundanti inſuper hunc Genea-
 „logiæ gradum evincunt memorata ſæpius Acta Murenſia,
 „ſuſfragante iisdem diplomate HENRICIANO. Hallucinantur
 „autem in eodem puncto laudata Acta, vel potius qui Acta
 „commentariis illuſtrarunt, Abbas *Dominicus* TſCHUDIUS,
 „alique nonnulli, quibus RADEBOTO noster Comes *Alten-*
 „*burgi* audit; cum tamen in citato diplomate expreſſis ver-
 „bis *Comes in pago Chleugeuoe* nominatur, & a nobis iam
 „alibi (*Prolegom.* V.) ſitus huius fabuloſi *Comitatus Altenbur-*
 „*gici* in terra omnibus ſinceris Geographis plane incognita,
 „in ipſiſſima nimirum Utopia, ſit collocatus. Hæc MAR-
 „QUARDUS, quæ quidem integra hic adducenda fuerunt, ut eo
 „magis clareſceret, quam nihil egerit Adverſarius, proferendo
 „hocce de ſtemmate RADEBOTONIS exemplum; quippe ubi
 „omnia aliter ſe habent, quam quod ab ipſo relata ſint.

Quod
 confirmatur.

IV. Deinde quam non inutilis eſt & inanis eius ſic di-
 ſta *exceptio*, cum ex ipſiſſimis HERRGOTTI verbis, hic om-
 nium conſpectui expoſitis, luce meridiana clarius fiat, Scrip-
 tori Murenſi hic litem ob ſtemma RADEBOTONIS haudqua-
 quam intendi, immo quoad hoc vel maxime laudari, ac vel-
 ut ſuccentorem in ſubſidium advocari: ſed ideo tantum,
 quod ab eo, idem RADEBOTO, *Comes ALTENBURGI* vocetur,
 id quod aliis occaſionem præbuit, Comitatum eiſmodi ne-
 quicquam ſtatuenti, quibus tamen oppoſitum eſt P. HERR-
 GOTTI *Prolegomenon* V., quo fabuloſus hic *Comitatus ex or-*
be antiquo relegatus fuit. Scio equidem quid Adverſarius
 hoc loco porro opponendum putaret, immo revera opponit,
 Genealogiam nempe Habsburgicam non *vi & virtute Inſtru-*

men

mentorū, sed Murenſium duntaxat Actorū contextam eſſe (a), atque hic etiam ſtemma RADEBOTONIS non aliunde, quam ex iisdem Actis oſtendi poſſe. Sed recurret hoc argumentum alibi, ubi de ſtemmate RADEBOTONIS data opera tractaturi, fatiſ ſuperque faciemus.

V. Nunc mihi breviter adhuc perſtringendus eſt Adverſarius, qui P. HERRGOTTUM, Chriſtophoro HARTMANNO ſuccenſere dicit, eo quod iſ in *Annalibus Eremitarum* Anonymi Murenſiſ auctoritate nitatur. En verba HERRGOTTI innocua: Chriſtophorus HARTMANNUS, ait, illum variis in locis citat, eiſque auctoritate nititur. Ubi vituperii, aut indignationiſ vola vel veſtigium? & hoc tamen ſuccenſere ſignificat in lexico Adverſarii.

Vindicatur
P. HERR-
GOTTUS ab
a iſ obiec-
tatione.

CAPUT III.

Confirmatur eiſdem Prolegomeni paragraphus II., quo *Acta Murenſia* a BLONDELLO in dubitationem adducta fuiſſe docetur.

I. O Pponimus hoc caput, capiti Adverſarii II. quo paragraphum P. HERRGOTTI itidem ſecundum, elevare ſtudet. Recenſitiſ nempe non ſine laudiſ præſatione Scriptoriſ, qui Anonymum Murenſem in ſublimiſſimo humanæ fidei faſtigio locarunt, ad eos progreditur P. HERRGOTTUS, qui eum retrahendum, ac in gradu nonnihil inferiori collocandum putarunt; vacillante quippe in nonnulliſ eiſdem fide & authentia. Hoſ inter BLONDELLUM fere commemorat, Acta hæc mendosa appellantem, quanquam quid BLONDELLUM ad tale ferendum iudiciū moverit, ſe in BLONDELLO non legiſſe fateatur. Continuo adeſt Adverſarius, ſuppeticiaſ laturuſ, at ſuppeticiaſ nunquam petitaſ, & vel ideo ſuſpectaſ; quia ab Adverſario. At utrumque tamen ſupplere hic ſtudet, BLONDELLO nempe, quem P. HERRGOTTUS ſolum excitaverat, ad-

Fideſ Anonymi Murenſiſ, ut vacillet apud BLONDELLUM,

(a) Vindic. p. 6. & 8.

Et adiungit SCHOENLEBENIUM, cuius tamen iudicium præceps & inconsultum, ut in antecedentibus diximus, non approbamus. Deinde postquam HERRGOTTO obiecisset, suspecto Auctori, qualis haud dubie hoc in negotio BLONDELLUS sit, fidem adhibendam non fuisse, etiam alterum huius paragraphi membrum perficere satagit, sibi dicens licuisse esse tam felici, ut quod HERRGOTTUS invenire non potuerit in BLONDELLO, ipse apud ECCARDUM invenerit. Subiungit deinde cum ipsius ECCARDI, tum Scriptoris cuiusdam Galli, ad excusandos Anonymi errores longissimos textus, qui huius capituli utramque fere paginam faciunt. De his omnibus nunc nobis agendum est.

Cur & qua
ratione
prioris au-
ctoritas a
P. HERR-
GOTTO ad-
ducta fue-
rit.

II. Laudamus hic cumprimis ac merito quidem, Adversarii ingenuitatem, qui iam ipse non dissitetur, quosdam *Genealogia Habsburgica esse Scriptores*, qui - - - acrius in *Genealogum Murensem invehantur*, quanquam quod id *sinistro vel affectu* vel *supposito* fieri velit, non æque probare possumus; quippe cum a veritatis tramite longius absit. Eidem assensum præbere pariter nequimus, cum BLONDELLUM in testem advocandum fuisse negat. Licet enim a studio partium, ut HERRGOTTUS probe atque ante Adversarium advertit, in rebus Habsburgicis *immunis haud sit*, exinde tamen confectarium minime sit, eundem ubique & semper talem esse. Nego etiam ac pernego, BLONDELLUM hic ut testem excitari, quin potius simplici relatione historica annuntiat HERRGOTTUS, quis primus fuerit, qui Actuario dicam scribere ausus sit. *Primus*, inquit, *qui fidem auctoritatemque Actorum Murensum in dubitationem adlucxerat*, BLONDELLUS fuit, *Scriptor Gallus sat celebris, quanquam studio partium haud immunis*. Hinc est, quod eiusdem rationibus ac momentis, quibus adductus, hoc fecerat, adeo sibi opus non esse censuerit P. HERRGOTTUS, ut potius boni ac cordati viri esse reputans, suis, quam alienis oculis magis fidere, remque ipsam explorare, atque decantatum Scriptorem data opera, ac proprio Marte sub examen revocare maluerit, quod & subsecutis sectionibus egregie præstitit. Quare HERRGOTTO nullum officium tribui credat Adversarius, cum quod *apud BLONDELLUM P. HERRGOTTUS scrip-*

pag. 11.

tum

tum non invenit, invenire sibi licuisse apud ECCARDUM scribit. Nam invenisset utique & ipse, si quærere voluisset; nunc autem noluit, quia propria, quam aliena vitula, arare maluit.

III. Nihilominus intuendum est, quid invenerit Adversarius apud ECCARDUM. Agens ille de ITA, RADEBOTONIS coniuge, quæri ait, cuius THEODORICI Lotharingi foror ea fuerit? nam de ea, in genealogia, Actis præfixa, hæc habemus: *Theodoricus Dux Lothuringorum & Como Comes de Rbinfelden fratres fuerunt, horum soror fuit Ita Comitissa de Habsburg, reparatrix huius Murensis cænobii.* VIGNIERIUS, etsi ingentem temporum differentiam viderit, ITAM tamen THEODORICI II. Ducis Lotharingæ sororem constituit, cui subscripsit CHIFFLETIUS, ambo seducti a Genealogia vetere, Actis Murensibus præfixa, inquit ECCARDUS. Quare is sententiam BLONDELLI adoptavit, opinantis: intelligi debere THEODORICUM I. Ducem Lotharingæ Barrensem, cuius tempora accurate cum ITÆ ætate conveniant (a). Triumphat hic Adversarius, atque letabundus exclamat: *En! qua ratione Scriptorem veterem nunc erroneum, mox autem verum habere possumus, ex sensu videlicet, quem ipsi attribuimus. Sepe is errat errore nostro, talemque habemus, qualem intelligimus. Ita sane, si genealogiam Murensensem hic intelligas de Theodorico illo II. Duce Lotharingæ, manifeste non erres ipse tantum, sed & genealogia, hoc sensu imbuta, erronea sit oportet &c.* Hæc Adversarius; sed præna canit ante victoriam, ut mox audiemus: interim videndum, ut hanc BLONDELLI & ECCARDI opinionem, quam nos quidem pridem novimus, confirmet. Excitat nimirum novissimum Scriptorem Gilbertum Carolum le GENDRE (b), qui adversus CHANTERAVIUM, virum non minus doctum, insurgit, eo quod systema Anonymi Murensis sub examen revocans, erroneum esse pronuntiaverit.

Error Anonymi circa ITA, RADEBOTONIS conjugis, stemina.

a
pag. 13.

b

IV. Illius proinde verba integra, etsi longiuscula, pro-
ut apud Adversarium latinitate donata habentur, hic adduce-
re debeo; cum is magnum, immo maximum in iis momentum

Quem compone-
re nititur
Adversarius ex D.
GENDRE-
RIO,

C

po-

(a) Vid. ECCARD, Orig. Habsb. lib. 2. c. 3. p. 75. & Adversar. hic p. 12. seq.

(b) Des antiquités de la Maison de France &c. p. 344. seq.

ponat, sic autem habent : „ Quintum systema habetur in
 „ genealogia Comitum de Habsburg. --- sed hoc instrumen-
 „ tum revera *authenticum*, *tametsi etiam valde obscurum*, nul-
 „ lam habet relationem ad Domum Lotharingicam ; fuitque
 „ occasio erroris, in quem incidit CHANTERAVIUS. Hic e-
 „ nim ex eo, tanquam fundamento, probare ac defendere
 „ conatus est, GERARDUM de Alsatia (qui ab HENRICO III.
 „ Imp. in possessionem Lotharingæ immisus est an. 1048.)
 „ fuisse filium THEODORICI, FRIDERICO illo progeniti, qui
 „ BEATRICEM, sororem HUGONIS *Capeti*, Francorum Regis,
 „ matrimonio sibi iunxerat, a BRUNONE Archi-Episcopo Co-
 „ loniensi, Avunculo suo, primus Dux Mosellanzæ, seu su-
 „ perioris Lotharingæ constitutus an. 958.

Qui genus
 ITÆ a FRID-
 ERICO
 Duce Mo-
 sellanzæ de-
 ducens,

„ Verum CHANTERAVIUS valde in incertum discurrit,
 „ sufficitque illi probasse, Domum *Lotharingicam* descendere
 „ ex GERARDO de Alsatia, non vero ex GUILIELMO de *Bolonia*.
 „ Ad evitandam confusionem, cui *genealogia Murenfis*
 „ *ansam præbuerat*, atque ad explicandam & expediendam
 „ originem genealogiæ Ducum Lotharingæ, perquam necesse
 „ est, distinguere duos THEODORICOS, & quatuor GERARDOS.

Duos THE-
 ODORICOS,

„ Primo cavendum, ne confundatur THEODORICUS ex ge-
 „ nealogia Murenfi (nempe Dux superioris Lotharingæ,
 „ frater ITÆ, Comitissæ de *Habsburg* dictæ, & ex sorore
 „ HUGONIS *Capeti* filius FRIDERICI, Ducis superioris Lotha-
 „ ringiæ an. 958.) cum THEODORICO similiter Duce superio-
 „ ris Lotharingæ, sed longiori post tempore, qui stirpe Lo-
 „ tharingica indubitanter oriundus, filiusque GERARDI de Al-
 „ sattia, Ducatu Lotharingæ investiti an. 1048.

Et quatuor
 GERARDOS
 constituit.

„ Secundo occurrunt hic quatuor GERARDI ; duo de qui-
 „ bus fit mentio in genealogia Murenfi ; unus filius THEODO-
 „ RICI ex eadem genealogia, nepos alter, Comes de Engis-
 „ heim : Tertius est GERARDUS de Alsatia, pater GERARDI,
 „ qui Ducatu Lotharingæ an. 1048. potitus est.

„ Consequenter THEODORICUS, duo GERARDI, & ITA,
 „ de quibus fit mentio in instrumento Murenfi, nihil habent
 „ commune cum maioribus Ducum Lotharingæ. ITA, con-
 „ iux RADEBOTONIS Comititis de Altenburg, nequaquam fuit
 „ soror THEODORICI Ducis Lotharingæ, qui filius fuit GE-

RAR.

“ RARDI de Alfatia ; sed soror THEODORICI , etiam Ducis
 “ superioris Lotharingæ , qui sc. filius erat Ducis FRIDERICI ,
 “ & BEATRICIS , sororis HUGONIS *Capeti*.

“ ITA mortua est an. 1026. & THEODORICUS frater eius
 “ obiit an. 1024. cum econtra THEODORICUS , filius GERAR-
 “ DI de Alfatia , valde fuerit iuuenis , quando an. 1070. pa-
 “ tri successit , nec nisi an. 1115. e vita migraverit , nimirum
 “ 89. annis post ITAM , uxorem RADEBOTONIS , Comitissam
 “ de *Habsburg* , sic dictam a marito , & 91. annis post alter-
 “ rum THEODORICUM , Ducem Lotharingæ , FRIDERICI filium.

“ GERARDUS ex genealogia Murenli , filius THEODORICI ,
 “ Duce FRIDERICO progeniti . nequaquam (veluti CHAN-
 “ TERAVIUS opinatur) est GERARDUS de Alfatia , Dux Lo-
 “ tharingæ , pater THEODORICI , similiter Lotharingæ Duc-
 “ cis , an. 1115. demortui , stirpis indubie Lotharingicæ . GE-
 “ RARDUS enim ille ex genealogia Murenli , nihil habet com-
 “ mune cum Domo Alfatie , sicut neque GERARDUS de E-
 “ GISHEIM , de quo pariter fit mentio in eadem genealogia ,
 “ neque huius filii ULRICUS & STEPHANUS . Totum hoc alie-
 “ num est a Domo Alfatie & Lotharingæ , de qua hic agitur .
 “ Quapropter in Actis Murenlibus nihil habetur contrarium
 “ seu veræ genealogiæ S. ARNULFI , seu fundationi Bosonif-
 “ villæ , aliisque tabulis authenticis Domus Lotharingicæ . Ex
 “ una & altera parte sunt personæ totaliter diversæ . Hic e-
 “ rat scopulus revera difficulter evitabilis ; concursus nempe
 “ duorum THEODORICORUM , qui ambo Duces superioris Lo-
 “ tharingæ fuerant &c.

V. Hucusque disputatio viri illustris *Caroli GENDERII* , quæ Sed ficti-
 utinam sicut prolixa , ita & a fabulis expurgata esset ; sed de tie :
 eo revera dicendum est , quod , qui sumum evitare voluit , in-
 ciderit in flammæ , & , qui alium sanare conatus est , febrim
 ipse non evitaverit . Habet autem veteres componendi Scrip-
 tores re ipsa facillimum , si Superis placet , modum : fingendi
 , puta , licentiam , quam tamen nos hætenus *Pictoribus at-*
que Poetis , non item Genealogis & Historicis , permissam fuisse
 credidimus . Nam si quatuor GERARDOS constituisse licet ,
 cur non etiam octo ? Nos certe cum probatissimis huius tem-

poris Historicis ac Genealogis in hunc usque diem non plures, quam duos GERARDOS, qui eam, qua de quærimus, ætatem vel in Lotharingia, vel Alsatia vixerint, novimus, estque res infinitis prope monumentis veterum ita testata, ita firmata, ut eam nemo unquam negare queat, vel audeat, nisi qui fabulis magis indulgendum existimet, quam litandum veritati. Hoc vero ut Lectoribus clare ante oculos ponamus, pluribus opus non est, quam tabulas genealogicas cum Ducum Lotharingæ priorum, tum Comitum Alsatia atque Egisheimensium, de quarum veritate nemo unus dubitat, oculo vel fugitivo intueri.

Quod ostendit dicti FRIDERICI genealogia;

a
b

VI. Damus ergo tabulam genealogicam ex opere immortalis, historia Lotharingica Reverendissimi CALMETI confectam.

FRIDERICUS I. Comes Calvimontis, fit Dux Barrensis an. 958. (a), a BRUNONE Archiepisc. Colonienſi, Avunculo suo, Locum-tenens in superiori Lotharinga constituitur an. 959. obiit an. 984. (b).

Uxor eius BEATRIX, HUGONIS Capeti, Reg. Franciæ, soror. Hæc in charta Senonensi iam an. 938. Ducissa appellatur.

THEODORICUS I. successit an. 984. ob. an. 1024. ux. RICHILDIS, seu SONECHILDIS.

ADALBERTO II. Episc. Virdunensis an. 984. fit eodem anno Episcopus Merensis, abdicato Episcopatu priori, ob. an. 1005.

HEZELINUS, seu HENRICUS, Comes de Voivre. Eius obitus in Necrologio Abbatia S. MICHAELIS die 21. Octobris notatur.

SIMON, Comes de Briè, qui obiit ante patrem.

FRIDERICUS II. qui patri successit. Obiit circiter annum 1032. 7. Aug.

FRIDERICUS III. Episc. Merensis ab an. 1047. ad 1072.

BALDUINUS, præcoci morte extinctus.

ADALAIS. Marit. VALERIANUS, Comes Arlonis.

BEATRIX. Marit. BONIFACIUS March. Eburicæ.

SOPHIA. Marit. FRIDERICUS Comes de Monçon & Pherreti. Ob. an. 1069.

PETRONILLA. Hanc addit Jean. de BATON, sed cui fidem non adhibet CALMET.

VII.

- (a) De tota hac Genealogia vid. CALMET. Histoire de Lorraine tom. I. col. CXCI. seq. edit. I. item col. CCLXXXV. seq. edit. II.
(b) Ibid. tom. II. col. 103.

VII. Post hæc (pergit idem (a) Celeberrimus Scriptor) Unde
Imperator CONRADUS *Salicus* Lotharingiam superiorem Go- namque
ZELONI gubernandam dedit, qui inferiori iam tum imperabat, discimus
hasque duas provincias ad mortem usque suam rexit, quæ ei eidem nul-
an. 1044. obvenit. Patet ergo, atque luce meridiana clarius lam filiam
est, 1^{mo} FRIDERICO I. Duci superioris Lotharingæ, ac BEA- ITAM no-
TRICI, eius coniugi, nullam aliam, præter tres memoratos mine,
filios, fuisse prolem: Hincque 2^{do} gratis ac præter omnem a
fidem historicam adstrui, ITAM, huius FRIDERICI filiam, at-
que THEODORICI I. sororem fuisse; nec dici potest, BEATRI-
CEM, mortuo FRIDERICO Duce, ad secunda vota, cum Prin-
cipe quodam extraneo transiisse; cum certo constet, eam in
statu viduitatis constanter perseverasse. Quod si etiam largi-
ter daremus, BEATRICEM secundis nuptiis animum applicuisse,
non video, ut adhuc filium, filiamque suscipere potuisset;
quippe quæ anno iam 938. Ducissa appellata, ut in tabula ge-
nealogica studio notavi, post obitum mariti, qui anno 984.
evenit, annum ætatis, ad minimum, quinquagesimum agebat.
Verum satis sit, eam perseverasse viduam, ut paullo inferius
audiemus.

VIII. Conficitur etiam tertio, progeniem FRIDERICI Eiusque
Barrensis in FRIDERICO II.; utpote qui sine mascula prole, ut progeniem
laudatus CALMETUS loco mox citato expresse notat, decessit, in FRID. II.
extinctam fuisse. Unde igitur quæremus duos illos GERAR- extinctam
DOS, THEODORICI I. ut prætenditur, filios? num in concavo fuisse.
lunæ? sed puto, neque ibi, nec alibi reperiundos; quippe
quod nunquam natos.

IX. Observo autem præterea, quod, etiamsi per sum- Obest
mam indulgentiam, ac contra nitente historica veritate, hypo- quoque
thesin illam, qua ITA FRIDERICI Barrensis ac superioris Lo- genealo-
tharingæ Ducis, ex BEATRICE, filia constituitur, admittere- gia Comi-
mus, nullum propterea Scriptori Murenfi lucrum accresceret: tum Egis-
quin aliud, præcedentibus haud paullo gravius, emergeret in- heimen-
conveniens, quo, tali subsistente hypothesi, Comites *Egis-* um,
heimenses, ex Comitibus *Calvimontis* descendere, statuendum

C 3

fo-

(a) Ibid. col. CCLXXVII.

foret, id quod quantam in genealogia ac historia Alfatice, Lotharingica atque Habsburgica, confusionem pareret, nemo melius intelligit, quam qui seriem eorundem genealogicam apud præcipuos huius argumenti myſtas, VIGNIERIUM, ECCARDUM, CALMETUM, HERRGOTTUM, SCHOEFFLINUM vel obiter inſpexerit; quare nec operæ quidem pretium erit, ſchemata iſthæc genealogica hic ante oculos ponere.

Ducum-
que Lotha-
ring. ho-
dierno-
rum,

X. Obſervo ulterius, fallere Scriptorem Murenſem, cum THEODORICO, Duci Lotharingiæ, CHOUNONEM, ſeu CONRADUM de Rhinſelden, fratrem aſſignat. Probatio in promptu eſt. Quando enim FRIDERICUS ille non plures, quam laudatos iam filios genuit, nec BEATRIX, uxor eius, ad ſecunda unquam vota tranſiit; plane conſequitur, ut CONRADUS ille eidem falſo ac præter fidem attribuat.

Quanti ergo in uno Scriptore errores? quæ rerum omnium, ſi ipſi fides tribuenda, confuſio, turbatioque? ut mirum oppido ſit, tam diligentem, tamque operoſum, nanciſci potuiſſe deſenſorem. At enim nemo exiſtimet, iam omnia a nobis recensita fuiſſe eiſdem peccata. Præterquam enim, quod de iis non unus alius dicendi recurret locus: audiendum, atque addendum iam eſt ſæpe laudati Reverendiſſimi CALMETI de eo iudicium: quo quidem nonnulla alia eiſdem notantur ſphalmata, iam memorata vero, accedente Viri Erudiſſimi auctoritate, magis magisque conſirmantur; ſic autem habet (a):

Quod e-
gregie de-
monſtrat
Abbas
CALMETUS

XI. Abbatia Murenſis in Helvetia a WERNHERO, Epifcopo Argentinenſi, LANCELINI filio, ac fratre LANCELINI & RADEBOTONIS an. 1027. fundata eſt (b). Idem WERNHERUS caſtrum Habsburg, primam Comitum Habsburgicorum, unde hodierna Domus Auſtriaca deſcendit, ſedem ædificavit. Ego Wernberus Straſburgenſis Epifcopus, & caſtri, quod dicitur Habesburg, Fundator, Monaſterium in patrimonio meo, in loco, qui Mure dicitur, conſtruxi, cui prædia, quæ hereditario iure mihi contigerant, per manum fratris mei
Lan-

(a) Loc. cit. col. CXC VII. edit. II. & col. CXXIX. editionis primæ.

(b) Annales Bened. T. II. p. 331.

Lancelini --- *contradidi*, verba sunt eiusdem, in charta fundationis huius Monasterii, data an. 1027. ITA Comitissa, RADEBOTONIS uxor, adeo liberalem adversus illud se exhibuit, ut eam nonnulli *Fundatricem* eiusdem putarent. Prima Monachorum colonia ex Abbazia Monasterii Einsidlenfis eo deducta fuit. Primi illorum Superiores, Præpositi duntaxat salutati, deinde vero Abbatiali dignitate aucti fuerunt. Hodierni Abbates titulum S. R. I. Principum ideo obtinuerunt; quod Monasterium eorum Augustæ Domus Austriacæ velut cunæ reputetur, quodque ibidem primæ eius notitiæ conservatæ fuerint.

Monachus quidam eiusdem Monasterii, qui anno 1128. sub RONZELINO Abbate scripsit (a) cuiusque Chronicon laudatæ Abbatæ Monacho circiter annum 1240 continuatum fuit, docet, GUNTRAMNUM *Divitem* Domus Austriacæ satorem, patrem KANCELINI, seu LANCELINI, Comitissæ Altenburgi, fuisse, ex LANCELINO autem propagatum RADEBOTONEM, maritum ITÆ, Benefactricis Abbatæ Murensis, ex RADEBOTONE denique genitos Comites, OTHONEM, ALBERTUM, & WERNHERUM; quorum hic ultimus præfens adfuit Dedicatoni Ecclesiæ Murensis.

Habes hic genealogiam apte sibi cohærentem, ac utriusque Domui, Austriacæ puta atque Lotharingicæ plane gloriosam: etsi eandem ingentibus circumseptam esse difficultatibus videam. Imprimis enim Auctor huius Chronici in eo fallitur, quod ITAM Comitissam sororem WERNHERI Episcopi faciat, cum non nisi fratris uxor fuerit; WERNHERUS enim frater Comitissæ RADEBOTONIS erat, ITA vero eiusdem Comitissæ uxor. 2^{do} Eandem Comitissam sororem THEODORICI Ducis Lotharingicæ facit (b), atque adeo filiam FRIDERICI I. & BEATRICIS Ducis & Ducissæ Lotharingicæ & Barri, cum tamen ITAM ex FRIDERICO & BEATRICE prognatam fuisse.

(a) DOMINICI Abb. Murens. *Origo & genealogia Gloriosissim. Comitum de Habsburg* --- ex antiquis Monasterii Murensis monumentis. Hæc genealogia primitus Parisiis sub ementito impressionis loco, cum Celeb. PEIRESKI prodiiit. Vide plura singularia atque observata digna de hoc MS. eiusque genealogia, quam continet, apud R. P. HERRGOTT. t. I. Proleg. III. p. XXIII.

(b) VIGNERIUS putabat, hunc THEODORICUM filium fuisse GERARDI, Comitissæ Alsatæ, quod impossibile est; cum ITA circa annum 1026. & THEODORICUS an. 1070, adhuc admodum iuvenis obierit.

fuisse, nobis plane peregrinum sit; omnes contra domestici Historici & Chronographi affirmant, eisdem præter THIETRICUM
 a feu THEODORICUM (a) nullam plane fuisse sobolem. Ad hæc genealogia S. ARNULPHI expresse notat THEODORICUM BEATRICEIS filium, huncque patrem Ducis FRIDERICI constituit, adeoque non Ducis GERARDI.

3^{to} Nec magis dici potest, BEATRICEM, postquam anno 953. (lege anno 984. secundum tabulam chronologicam, superius datam) vidua facta est, ad secunda vota cum Principe extraneo, convolasse. Vidua enim permansit, ac Lotharingiæ administrationem tempore sat longo tenuit, ita quidem, ut THEODORICO filio vi opus fuerit, ad eam a regimine an. 1011. deiiciendam (a).
 b

4^{to} CUNO, seu CONRADUS de Rhinfelden, quem Historicus iste pro fratre uterino ITÆ Comitissæ venditat, novum difficultatis nodum involvit. Sive enim dicamus, BEATRICEM, matrem THEODORICI, secundis votis Comiti de Rhinfelden nupuisse; sive RICHILDEM, uxorem THEODORICI, filiam fuisse Comitis de Rhinfelden statuamus, neutri suffragatur historia, neque etiam hoc ultimum probaret, CONRADUM fratrem uterinum fuisse ITÆ Comitissæ.

Si dicamus, Comitissam ITAM sororem fuisse THEODORICI eo modo, quo erat WERNHERI Episcopi Argentinenfis, id est, glotis eius, seu uxor fratris, habebimus solummodo, ITAM, RICHILDEM & CONRADUM fratrem fuisse, ex Comitibus de Rhinfelden ortos; & in hac hypothese neque ITA, neque CUNO, seu CONRADUS, ullo cognationis gradu cum FRIDERICO & BEATRICE coniuncti erunt.

Verum enimvero hisce etiam admissis, difficultas inde orta, quod Genealogus Murensis GERARDUM Ducem ex THEODORICO Lotharingiæ & Barri Duce natum esse dicat, nequaquam sublata foret; id quod ad nos propius spectat, quodque summis obstructum est difficultatibus. In hoc enim Genealogus Murensis adversatur veræ ac genuinæ genealogiæ S. ARNULPHI, universo Eruditorum cœtui tantopere probatæ; ad-

(a) Adde: ADALBERONEM & HEZELINUM. Vid. tab. super.

(b) Joann. de BAYON cap. 116. & charta S. MAXIMI Barrensis hic (id est: *Hist. de Lorr.*) Probat. tom. I.

adversatur instrumento foundationis *Bosonisville*, adversatur denique cunctis probatissimæ, ac indubitatissimæ fidei monumentis, a nobis in huius decursu historiæ, ac in codice probationum citatis, atque productis. Quare eundem, quantum quidem origines Domus Lotharingicæ concernit, haud ægre deferemus. Ignorabat nempe hic Scriptor, Domum Damburgicam & Lotharingicam eandem habere originem; hinc illam ex parte *Itæ* ducendam putabat, nesciens, altius esse repetendam, id quod eidem tamen parum successit.

XII. Hæc sicut prolixè, ita & ex vero Abbas CALMETUS, quæ cum non ignoraverit Adversarius (ut qui historiam eius Lotharingicam non uno loco citat) comprehendere satis nondum potui, cur ita agere voluerit, ut hæc obiecta, quæ Genealogi Murensis iugulum sane petunt, dissimularet, atque tam sicco vestigio præteriret. Nam si Genealogus iste ab omni errore, ut obtenditur, usque eo expurgatus censeretur, nihil ut ei obiici queat, cur non & hanc aspersam illi notam abstergere conatus est Adversarius? quandoquidem non minora hic illi obiiciuntur, quam quod a P. HERRGOTTO factum sit. Id ergo cum studio neglexerit Adversarius, argumentum sane præbet non minimum suspicandi, suboluisse etiam ipsi, quam omnem Genealogus iste respuat medicinam, quamque adeo nulla ratione, arte nulla sanari queat. Res enim hæc luculentiores sunt, quam ut temere negari, vel in dubitationem adduci queant. Sane Rev. Abbatem sententiæ suæ post duodeviginti annos adeo non poenituit, ut in secunda operis sui editione, ex qua adductam versionem adornavimus, nonnulla ex P. HERRGOTTO adoptaverit, atque adeo alibi Anonymum *mendosissimum* appellare nullus dubitaverit (a). Quanquam & id haud reticendum, nos eidem in omnibus, a nobis per expansum relatis, accedere non posse. Quod enim vir summus de Auctore operis docet, plane novum est; neque enim cuiquam adhuc in mentem venit, duos Chronici esse auctores, quorum alter anno 1128. scripserit, alter vero circiter annum 1140. opus continuaverit: bene vero genealogiæ præfixæ, ut per decursum huius operis,

Quodve
amplius
confirma-
tur, ex dis-
simulatione
Adversarii,

D

præ-

(a) Superius pag. 4. §. IV. & not. a

præsertim cap. XI. expendemus. Puto autem Doctissimum Abbatem deceptum esse ex præfatione PEIRESKII, a nobis inferius cap. citato adducenda, qua is instrumentum aliquod anni 1128. pro figenda Anonymi ætate allegat: sed illud Abbatem RONZELINUM attingit, non Genealogum. Quidquid de eo sit, nos certe, rem longe aliter habere, dicto capite demonstrabimus.

Reiecto-
que pleni-
us GENE-
ræ opina-
mento.

a b
c

XIII. Non magis quoque percipere quimus, cui bono, commodove, Adversarius superius laudati GENDERII testimonium in rem suam vertendum putaverit; quandoquidem illud parum sibi profuturum æque prævidere poterat, advertens, nihil novi esse, quod is de ITÆ stemmate adfert; utpote a BLONDELLO, ECCARDO, (a) CALMETO, (b) & HERRGOTTO (c) pridem decantatum; Genealogum Murensem eadem medicina, quam GENDERIUS adhibere conatus est, sanare studentibus, dicendo: ITAM, RADEBOTONIS coniugem, a FRIDERICO I. Duce Lotharingæ Mosellanæ fatam: sed in gratiam duntaxat Genealogi, ceterum non ignaris, quibus res scateat difficultatibus. Obest enim, totumque adeo systema subvertit id, quod Genealogus statim subiungit: *Genuit autem Theodoricus Gerbardum Ducem. Ille vero genuit Gerbardum de Egisheim.* Ut enim mox innuimus, Comites Egisheimenses nequaquam a Ducibus Barrensisibus, seu Lotharingæ, prioribus illis, descendunt, sed ex Comitibus Alsatæ, qui FRIDERICO nullo plane sanguinis nexu coniuncti sunt; hinc, stante ea hypothese, absurdum haud paullo maius sequeretur, genealogiæ Comitum Alsatæ, Ducumque Lotharingæ plane contrarium, ut ex antecedentibus patet. Eiusdem farinæ est, quod GENDERIUS de quatuor GERARDIS commentatur; nam eo ipso, quod Genealogus alterutrum eorum GERHARDUM de EGISHEIM nominet, planum fit, illum haudquaquam inter Nepotes FRIDERICI adnumerandum esse; cum Egisheimenses longe aliam habeant originem. Ceterum, quantum eidem GENDERII systemati etiam Genealogia S. AR-

NUL-

(a) Apud Adversar. pag. 13.

(b) Paulo superius p. 23. & not. b.

(c) Geneal. Diplom. lib. II. cap. VII. num. VI. pag. 145.

NULPHI contraria sit, cum ex dictis intelligi poterit, tum vero alibi patebit ex dicendis.

CAPUT IV.

Propugnatur paragraphus HERRGOTTI III.
ubi de Actorum Murenſium editione.

I. **D**E prima Actorum Murenſium editione, a PEIRESKIO curata, egerat P. HERRGOTTUS §. Prolegomeni ſui tertio, ubi inter cetera hæc legenda: „Acta Murenſia primo typis excuſa ſunt anno MDCXVIII. in 4^{to}. Continent paginas LXV. Editionem curavit PEIRESKIUS --- Inſcriptionem magnificam editioni præfixit, librum appellans: *Origines Murenſis Monafterii --- cum brevi chronico ſeculi XI. quo maior Scriptorum penuria fuit --- ex vetuſtiſſimo codice Murenſi, edita - Spirembergii in bibliopoli Bruknaufenio*. Verum ſuſpenſa hæc hedera ſpiſſo errorum pulvere conſperſa eſt; nam præterquam quod falſum ſit (ut poſtea pluribus demonſtrabo) Auctorem Chronici Murenſis ſeculo XI. ſcripſiſſe, codicem chartaceum, in quo autographum extat, *vetuſtiſſimum* deprædicare non oportebat.

De primo
Anonymi
editore P.
HERRGOTTI iudicium,

II. Omnia hic diſpicient Adverſario, utut pleraque eorum ad authentiam & auctoritatem Murenſis Scriptoris (qua de re tamen, ſi non ſolum, primario certe agitur) parum faciant. Sed hoc officium Vindicis eſſe putavit, nihil ut uſquam intactum relinqueret. Imprimis autem velut ſupervacaneum reiicit, quod primam Anonymi huius editionem Lectoribus ſuis indigitaverit MARQUARDUS. Reponit enim: *Acta Murenſia primo typis excuſa an. 1618. --- NEMO IGNORAT, quiqueſ demum hanc editionem curaverit: PEIRESKIUM fuiſſe credamus*. Quasi vero Scriptor Murenſis talis ac tantus ſit, ut eum nemo ignorare poſſit: aut P. MARQUARDO integrum haud fuerit, pleniorẽ de eo notitiam dare, exemplo utique Viris Eruditis uſitatiffimo. Adeat, quaſo, Adverſarius Du PINIOS, CEILLERIOS, OUDINOS, MABILLONIOS,

Immerito caſtigatum ab Adverſario.

pag. 20.

PEZIOS, ZIEGELBAURIOS, tum vero GESNEROS, MORHOFIOS, MENCKENIOS, CAVEOS, REIMANNOS, STRUVIOS, STOLLIOS, HEUMANNOS, aliosque non paucos Historiæ literariæ Scriptores, & parvo negotio intelliget, quam variarum editionum notitia utilis ac necessaria sit, quamque si bi adeo hac reprehensione parum consuluerit.

Alia primi
editoris
hallucina-
tio circa
ætatem
Auctoris,
ab Adver-
sario fru-
stra excu-
sata.

III. Pergit deinde Adversarius, atque falsum esse contendit, quod PEIRESKIUS unquam dixerit, Auctorem Chronici Murenſis seculo XI. scripsisse. *Aliud enim esse, Chronicon seculi XI. aliud seculo XI. scribere: Illud PEIRESKIUS affirmare, hoc nunquam.* Accipio distinctionem. Nam si aliud est, Chronicon seculi XI. aliud seculo XI. scribere; frustra sane atque inutiliter additur a PEIRESKIO: *in quo maior Scriptorum penuria fuit.* Quippe cum Scriptor seculo vivens duodecimo, Scriptorum seculi præcedentis penuriam supplere non possit. *Quemadmodum enim Auctorem istum (verba recito ipsius Adversarii, alibi prolata) ex eo, quod Chronicon seculi XI. scripserit, huic seculo coætaneum nemo dixerit: ita neque is Scriptorum inopiæ seculi XI. consuluisse dicendus est, qui Historiam eius ætatis, circa medium seculi XII. vel subsequentiſcriptis; alioquin idem dicendum foret de eo, qui vel hodie eiusmodi historiam contexeret, quod plane absurdum est.* Quando ergo titulum posuit PEIRESKIUS: *cum brevi Chronico seculi XI. quo maior Scriptorum penuria fuit,* hederam certe Anonymo Murenſi appendere voluit, quo rarior iuxta atque vendibilior evaderet, iusto proinde titulo notatus abs HERRGOTTO. Ceterum quanta Scriptorum egestate seculum præprimis X. & XI. laboravit, non opus esse puto, ut hoc loco pluribus commemorem, cum id abunde testentur Annalium Ecclesiasticorum conditores; quocirca tamen præterire nolo, eos non tam de Chronicorum, quam Chronistarum, ut sic dicam, qui eam ætatem vixerint, paucitate conqueri; id quod interpretationem nostram haud parum confirmat. Quae de re tamen paullo inferius. Redeamus nunc ad Adversarium nostrum, & quid porro virgula sua censoria notet, inspiciamus. Ea vero pauca admodum sunt.

pag. 34.

IV. Negarat MARQUARDUS, codicem *vetustissimum* de-
 prædicandum fuisse a PEIRESKIO ; cum chartaceus duntaxat
 sit, non membranaceus. Respondet Adversarius, huius rei
 parum interesse ; nam *Historias Livii si vel hodie describas in*
charta recenti, Auctorem habes antiquum, vel si velis, habes
codicem chartaceum, & codicem habes vetustissimum. Respon-
 sio non petita. Sermo enim eo loco de codice est, non Au-
 ctore : deinde vereor, ut Adversarius hoc multis persuaserit ;
 quod si v. g. LIVIUM (miror, quod HOMERUM aut HERODO-
 TUM ; antiquiores utique non nominaverit) in charta descri-
 bam, codicem habeam & chartaceum & antiquissimum : pu-
 tassent ego, me codicem habere chartaceum novum, Aucto-
 rem vero antiquum. Quos inter ingens extare discrimen ne-
 mo nescit, quam qui in arte critica hospes est & peregrinus.

Quemad-
 modum &
 tertia quo-
 ad vetula-
 tem codi-
 cis,

V. Aliter certe sentiunt, qui res has accuratori trus-
 tina expenderunt Viri docti. *Quemadmodum enim in diplo-*
matibus, ait Ven. Abbas Gottwicensis (a), adhibetur fides au-
tographo omnis fraudis & impostura vacuo - - - ita pariter
statuendum erit de codicibus manuscriptis, inter quos, si quis
archetypus sit aut ex archetypo proxime descriptus esse, tum
ex characterum forma, tum ex circumstantiis aliis credatur,
& hinc indubitata eiusdem fides appareat, Lydius pariter lapis
erit codex huiusmodi, ad quem reliquorum, licet numero plu-
rium, ætate tamen inferiorum - - - authentia examinetur. Sive
 ergo Anonymus Murenfis homo seculi XII. fuerit, ut con-
 tendit Adversarius, sive seculi XIII. ut HERRGOTTUS docuit,
 codex certe ipse respectu seculi X. & XI. unde ille genea-
 logiam suam deducit, antiquissimus non est ; ac ipse Adversar-
 rius, uti deinceps videbimus, scripturam ad seculum XIII.
 referendam ultro fateatur ; immo apographum, non autogra-
 phum esse, quasi pro aris & focis decertet. Quantum vero a
 seculo X. adusque finem XIII. intervallum excurrat, quilibet,
 credo, sine conspicii adminiculo pervidere poterit. Quod
 si ita ? dubium non est, quin potuissimus habere antiquio-
 rem, atque adeo talem, cui maior accuratio, sinceritas, fides
 & authentia inesse crederetur. Verbo : purius ex ipso fonte bi-
 buntur aquæ.

Quanti in-
 terlit inter
 codicem
 recentem
 & anti-
 quum,

D 3

VL

(a) Prodr. ad Chron. Gottwic. lib. I. p. I.

Præfertim
ob menda,
ab exscrip-
toribus va-
rie com-
missa.

a

VI. Advertisset ac perpendisset potius Adversarius, quot & quanta menda commissa fuerint a descriptoribus veterum codicum, ut qui vel incuria, vel imperitia peccarunt sæpius, nihil ut dicam de *impostura* & *temeritate*, quæ hic minus locum habere videntur. De incuria loquens *Joan.*

CLERICUS: *Novit enim quisque*, sapienter monet (a), *si quid exscribat parum attentus, non modo adfinia vocabula, dum animus peregrinatur, miscere; sed diversa plane scribere, detrabere, addere, & nescio, quot peccata admittere, quorum rationem ipse postea reddere non posset, nedum & alii eam deprehendere queant.* De altero vitio sic subiungit: *IMPERITIA quoque in describendo, si magna sit, ut sine dubio magna fuit in librariis* (NB. alios amanuenses hic non excludit; utpote qui hoc genus hominum præcipuos tantum dicit) *monstra etiam mendores peperit, cuius exemplorum ingentem copiam MSS. codices, omnes Criticorum libri suppeditant.* Quæ quidem ipse data opera adducit, integramque fere eam partem exscriberem, si quidem per singula ire vellem. Quare Adversarium ad eundem remittere cogor, spe fretus, fore, ut, inter apographum & idiographum, seu autographum Auctoris cuiuspiam, maximum esse discrimen, fateatur ultro, atque quo remotius a fonte, eo maius periculum obversari, ne Auctor temeratus, interpolatus, castratus, verbo, male descriptus, atque adeo additione, vel subtractione, depravatus fuerit.

b

Quamobrem REFERT, QUO FONTE BIBATUR (b).

Quid fen-
riendum
de falso
impressio-
nis loco,
primæ e-
ditioni
præposito:
pag. 23.

VII. Quæ de loco impressionis reponit Adversarius, responsione vix indigent: notanda tamen cumprimis sunt hæc eius verba: *Quocunque demum loco Aſta Murenſia dicantur impressa, nihil importat, nisi quod magnifica inscriptionis splendor creſceret, si Parisiis, Regia Galliarum Metropoli, edita ſcriberentur.* Hæc enim, ut dicam, quod res est, cum magnifica illa inscriptione, *Vindiciis* præfixa, vix ac ne vix quidem conveniunt; nam etsi huic propositioni, ut equidem nihil dissimulem, locum forte dederit, quod libellus sub conficto

(a) Art. Crit. P. III. Sect. I. cap. I.

(b) MARTIAL. epigr. lib. IX. Vid. etiam encarpum limbolarium cap. nostro I. præfixum, atque ex Geneal. Dipl. tom. II. pag. 247. eductum.

ficto quidem *Spiremborgii* nomine, revera autem Lutetiæ typis exscriptus fuerit; non tamen video, ut, qui tantis verborum phaleris, atque summa cum observantiæ ac submissionis significatione, opus suum Augustæ Gentis Habsburgicæ progenitoribus, tum & summis orbis moderatoribus Imp. Augg. nec non amoris & deliciis generis humani Iosepho *Porphyrogenito*, sacrum esse voluit, in votis habere queat, ut cliens suus Parisiis potius, loco utique pro argumento, quod tractat, alieno, quam Wiennæ prodiiisset. Sane *splendor* ille, tantis exoptatus votis, hic potius, quam illic accrevisset; cuius rei argumentum est, quod re ipsa Wiennæ Auspiciis Cæsareis, curante P. HERRGOTTO, splendidissime editus fuerit, ut Adversarius ipse alibi fateri cogitur dicens: *Quapropter Clar. P. HERRGOTTUS eadem Acta, typis novis & sane perquam nitidis, recusa, Tomo I. Genealogiæ suæ Diplomaticæ integra subtexit* (a). Ceterum eodem loco recte subiungit Adversarius, *non sine ratione, sine tamen errore latere quandoque volumus & possumus*. At enim, cum eadem rationes diversissimæ sint, illas ut plurimum difficulter admodum assequimur, id quod & hic nobis feliciter obtingit; quis enim certo dicere queat, cur PEIRESKIUS hic latere voluerit? interim tamen semper verum est, libellum sub ementito *Spiremborgii* impressionis loco, quod & Rev^{dm} CALMETUS advertit (b), prodiiisse. Nec certe aliud dixit P. HERRGOTTUS, quando dixit: *Ad hæc non Spiremborgii, sed Parisiis Acta illa excusa esse*. Quid ergo hic animadversione dignum?

a
ibid.

b

loc. cit. &
adducto.

VIII. Extrema huius capituli in recensione nonnullorum errorum occupantur, quos P. HERRGOTTUS, ac alibi (c) eius potius RR. Sodales in nova Actorum Murensum editione commisisse dicuntur. At neuter eorum iure redargui potest, sed culpa omnis, si qua est, in exscriptores, quibus id negotii Wiennæ noviter datum est, reici debet. Quod si vero laudati Sodales nostri culpa vacarent non omni, condonandum id potius videbatur, quam publice reprehendendum

Editio P.
H. errorum postu-
lata.

c

ab

(a) In præfat. ad nov. Actor. Mur. editionem, pag. I.

(b) Vid. paullo superius pag. 23. not. a.

(c) Cit. præfat. pag. 3.

ab iis, qui non nesciebant, eos diebus duntaxat quinque *Muris* commoratos, laboribus vix non obrutos fuisse; quo siquidem temporis spatio cum tabulam aeneam maximam, in prolegomeno Genealogiæ Diplomaticæ tertio pag. XXV. exhibitam, delineabant, tum vero & Instrumenta Murenſia, in eadem Genealogia magno numero adducta, describebant, ut adeo exiguum superfuerit tempus, codicem Actorum conferendi. Nihil ergo mirum, si nova Actuarii editio ceteris præstet; cum quantum est inter pauculas horulas, & integrum duodecim annorum spatium, discrimen, tantum vix non, ceteris paribus, editioni novissimæ otii impendi potuerit.

At imme-
rito, nec
ei editio
Adversarii
præferri
potest.

IX. Verumtamen cum conditione loquor; nam quis Actuarium accuratius ediderit, HERRGOTTUS, an Adversarius? adhuc sub iudice lis est, ad quam decidendam nova illa editio, quæ itidem fallere potest, non iuvat, sed oculorum fides, seu virorum, a studio partium alienorum, inspectio: quod dum interim expectamus, sufficiet, ostendisse, priores lineas ab Adversario minime accurate adeo editas fuisse, ut venditatur. Probat id schema a P. HERRGOTTO dicta tab. seu num. I. exhibitum, quod genus ectyporum erroribus haud sane obnoxium esse ii sciunt, qui modum & rationem eadem conficiendi non ignorant. In ea igitur pag. v. g. 4. quæ est autographi prima, linea sexta decima edidit Adversarius *Comitem*, cuius loco autographum præfert *Comem*; quod licet male, a tam accurato tamen editore sine admonitione prætereundum haud videbatur. Linea sequenti legimus *Rudolfus*, ubi schema exhibet *Rudolfus*; & linea demum 25. *Comitissam* editum fuit, cum exigente MS. *Cometissam* imprimendum fuisset. Adeo non usquequaque verum est, quod tanta cum fiducia prætenditur, Actuarium accuratius editum fuisse ab Adversario, quam a P. HERRGOTTO. Cum ergo iam ex hac lacinia de reliquo texto facile iudicari possit, nolo etiam reliquum cum edito contendere schema; maxime cum plerique errores P. HERRGOTTO obiecti, aut nullius, aut exigui certe sint momenti, quos fac ab eodem esse commissos, dubium certe adhuc remanet, num vere sic apellandi sint, nec ne? quis enim regulam statuit, ut omnes omni-

no

no minutias, ne dicam ineptias, in edendo Auctore quopiam vetere sectemur, eas præsertim, quæ circa orthographiam medii ævi versantur? Hoc certo cum nemo in se receperit, a nemine etiam, sive P. HERRGOTTO, sive eius Sodalibus, exigi potest; ut qui Auctorem emendatius quoad eius, tam exiguo temporis spatio, fieri potuit, edere studuerunt, expungendo menda vulgatæ editionis extantiora: non omnes ineptias orthographiæ mediæ insectando, atque adeo captando muscas.

X. De cetero videat Adversarius, ne nimia errorum, si qui sunt, *Herrgottianæ* editionis confectatione, vel in ipsos Venerabiles Principales Murensis Asceterii Patres nonnihil iniurius videatur. Sciverant hi utique, laudatos R. P. HERRGOTTI Sodales iter suum litterarium non suis, sed Cæsareis auspiciis instituisse. Nonne ergo fidelitatem, atque promptitudinem in iis desiderare possent exteri; quod illos in eo exscribendo, emendandoque, non maiori adiuverint diligentia? utpote quibus solis licuit, autographum ipsum nocturna versare manu, versare diurna? ut adeo collatis hunc in modum symbolis, Anonymus ille, dum res integra fuit, atque voluntas Cæsaris id maxime postulare videbatur, quam emendatissime emitti potuisset. Atque revera ita factum fuisse, persuasum erat P. HERRGOTTO. Hinc pro summa, qua pollet, humanitate, gratias publice agere neutiquam neglexit, idque verbis amplissimis, quæ hic repetere operæ pretium erit: *Hinc gratias habemus maximas Illustrissimo ac Reverendissimo GEROLDO, qui modo præest Murensi Monasterio, S. R. I. Principi dignissimo, qui non modo me (antea scilicet, ac priusquam de Genealogia Habsburgica cogitaret) meosque Sodales, humanissime excepit, sed aditum etiam ad sacrationu tabularia nobis potere iussit: quo loco memorandus etiam est Vir admodum Reverendus iuxta ac eruditus, mihiq; familiaritate coniunctus, P. LEODEGARIUS MEYERUS, Vice-Dominus Murensis, qui studia nostra egregie adiuvit: quo factum est, ut ipsa Murensia monumenta maiori cura, & ad genium hodierni sæculi exacta, id est, notis Chronologicis, aliisque commentationibus illustrata, in publicam lucem adducere possim.*

Quam male sibi id. Adversarius hac insectatione consulerit.

Proleg. III. S. XLIII.

E

CA-

CAPUT V.

Afferitur Prolegomeni III. paragraphus IV. quo P. HERRGOTTUS in ætatem Actorum Murenſium inquirere incipit.

Eadem
crambes
de titulo,
PEIRESKII
editioni
præfixo,

I. **N**OVAM hic ſectionem habemus, novam materiem: ſed argumentum non habemus. Erat hoc Adverſario inter cetera etiam, ut videtur, conſtitutum animo, ut quot P. HERRGOTTUS prolegomenon ſuum III. diſtinxit *paragraphis*, tot ille eidem opponeret *capita*; nihil ut uſpiam rectum, nihil ut ſanum videretur. Quod quam feliciter ſucceſſerit, vidimus hucusque, ac deinceps quoque magis, magisque videbimus. Ergo & hic quoque caput novum procedendum erat, etſi argumentum duntaxat occurreret antiquum; quippe cum res tota circa ſæpe recitata PEIRESKII verba, a P. HERRGOTTO iam alia occasione prolata: *cum brevi chronico ſeculi XI. quo maior Scriptorum penuria fuit*, denuo procedat. Ex iis nempe P. HERRGOTTUS arguit, & recte quidem: Anonymum Murenſem a PEIRESKIO in titulo ac fronte libelli quaſi pro auctore ſeculi XI. haberi, dicens: PEIRESKIIUS *cum in fronte ſue editionis appellat Anonymum Scriptorem ſeculi XI. mox vero in ſubſequenti præſatione eundem ad ſeculum XII. reponit.*

Proleg. III.
ſ. IV.

Quem ſibi
non con-
ſtare, de-
nuo oſten-
ditur.
Pag. 26.

II. PEIRESKII patrociniū denuo ſuſcipiens Adverſarius, eodem fere modo, quo capite præcedenti reſpondet: *De P. HERRGOTTO, inquit, iure merito dicere queamus, ſcripſiſſe & eum chronicon, genealogicum videlicet, non hodierni, ſed avi longe ſuperioris, quo maior talium Scriptorum penuria fuit. An igitur ipſum avi illius Scriptorem appellare, inde videamur? minime vero. Recte quidem & appoſite; at enim inutile eſt, quod adiicitur: quo maior Scriptorum penuria fuit; ſiquidem huic inopiæ a Scriptore ſeculi XVIII. ſuccurrit nequit. Contra vero recte dixiſſet PEIRESKIIUS: Cum chronico ſeculi XI. quo maior chronicorum penuria fuit, non item*

quo

quo maior Scriptorum penuria fuit; hoc enim addito, quilibet prudens rem ita concipit, ut tam chronicon, quam Auctorem illius unius, eiusdemque ætatis esse, iudicet. Quando ergo similitudo, ab Adversario proposita, haud parum claudicat, eidem, inverso paululum stilo, hunc in modum succurrere conemur. Ponamus quemdam esse, qui sumpta in manu, aut, intento digito, ostensa Genealogia Diplomatica, seu, ut rem clarius exponamus, sumpta in manu ea parte operis, quæ circa seculum X. versatur, dicat: en chronicon seculi X. quo maxima Scriptorum penuria fuit (uti revera etiam fuit) (a) nonne is talis fucum facere, aut inepte locutus fuisse videretur? Quid agis fodes? diceret aliquis, num putas te nobis imponere posse? Scimus utique, quanta penuria Scriptorum seculo X fuerit, nec ignoramus exiguum, etsi paullo maiorem, seculi XI. proventum. Sed inde obscuris hisce ætatibus lucrum accedit ex eo nullum, quod fuerint, qui posterioribus demum temporibus obscuritati, aut infelicitati huic succurrere attentarunt, tantum abest, ut Scriptor ille, quem tu hic nobis venditas; utpote qui octingentis post annis vixit, hanc inopiam tantillum supplere ac sublevare queat. Ecquid ergo addis: *in quo maior Scriptorum penuria fuit?* quandoquidem illud nihil ad rem. Tantundem dici debet de PEIRESKII hedera; quæ ita comparata est, & eam menti ideam imprimit, ac si chronicon & auctor unius, eiusdemque essent ætatis, cum tamen chronicon seculi XI. sit, Auctor in hypothesi adversa XII. in hypothesi vero P. HERRGOTTI tertii decimi.

III. Piget in re tam levi tam multa facere verba: nec tamen omittere volo quorundam de Scriptoribus seculi XI. & XII. iudicia; ut pateat non tam de chronicorum penuria, quam de chronicorum Scriptoribus, Eruditorum procedere querelam tum, cum de exiguo seculi XI. litteratorum proventu conqueruntur. Qua in re BELLARMINOS, DU PINIOS, OUDINOS, aliosque eruditos Viros, præcipue vero præfulgens S. Ordinis nostri lumen, Reverendissimum *Remigium CEILLE-*

Ac confirmatur ex penuria Scriptorum seculi XI. & XII.

E 2

RI-

(a) Vid. tamen MABILLON. Præfat. ad Acta SS. Ordin. S. BENED. secul. V. ab initio.

- RIUM, Prælaturum Flavyniacensem, in opere præclaro, *historia Auctorum Ecclesiasticorum* inscripto, quod Gallica lingua editur, nominare possem, qui omnis ætatis, atque adeo utriusque seculi Scriptores summo studio recentent. Verum cum operæ pretium haud sit, tantos evocare heroas, verba duntaxat Cl. Aug. HEUMANNI adscribam; partim, quod brevia sint, partim, quod luculenter enuntient, quod volo. Is ergo cum in *via sua ad historiam litterariam* Scriptores utriusque seculi saltem præcipuos, atque undecimo Scriptores duodeviginti, subsequenti vero XII. novem & viginti enumerasset, sic demum subiungit (a): *Apparet hinc, seculo XII. in utroque orbe acrius excoli cœpisse cum iucundiores, tum severiores litteras.* Similia observat CONRINGIUS cum ait: *Hoc seculo XII. Studium Theologicum multo, quam ante aliquot seculis accuratius tradi ceptum est, paulisper & studiis philosophicis exercitatis, & patrum antiquorum monumentis passim in opulentissimis monasteriis, cum primis tamen in schola Parisiensi, revocatis iterum in lucem.* Et post alia: *Seculum hoc habuit nonnullos, ut tunc tempora ferebant, haud ignobiles historicos &c.* (b). Recentet Scriptores utriusque seculi uberius Dominicanus Doctissimus Alexander NATALIS, atque ex priori non plures quam octo & quadraginta cogit, ex posteriori præter propter centum (c). Ex quibus multi sunt, qui historiam seculi XI. attigerunt, nemini tamen adhuc venit in mentem, ut producto, aut laudato tali Scriptore, inopiam Scriptorum seculi XI. qualiter in sæpius repetito loco, cum sua hedera prætendit PEIRESKIUS, sublevatum iri existimaret.

PEIRESKIUS
levis contradic-
tionis merito
postulatus.
pag. 26.

IV. Alterum P. HERRGOTTI crimen esse dicitur, quod PEIRESKIUM contradictionis arguat. *Denuo enim hic, ait Adversarius, & tam obfirmate quidem prætendit, Actuarius Murensem a PEIRESKIO Scriptorem seculi XI. appellatum esse, ut illum vix non contradictionis insinuet.* Vix non? Percit Adversarius, ubi mitius haberi minime cupimus. Revera enim contradictionis postulatus est PEIRESKIUS, ut id verba HERR-

GOT-

(a) Cap. IV. §. XXXIV. m. p. 108.

(b) De Scriptoribus XVII. post C. N. seculor. Opp. tom. V. secul. XII. cap. 1. & §. pagg. 811. & 814. ubi, si lubet, plura legenda.

(c) Vid. eius hist. Eccles. tom. VI. cap. V. & VI.

GOTTI, superius recitata, docent. Sed quid tum? homo utique erat similis nobis, passibilis, si cum Scriptura loqui licet, nec is error primus, nec maximus, nec ultimus fuit, in illa Scriptoris Murenfis editione commissus; ut nos inferius pluribus ostendemus. Denique tolerabilius videtur, Virum Doctum contradictionis arguere in re nullius prorsus momenti, atque paucissimorum verborum, quam alium in opere tanti momenti, & quod maximos totius Germaniæ, atque adeo totius Europæ Principes attingit, inconstantis doctrinæ postulare, ut fecit Adversarius (a). Sæpius enim contingit, ut etiam bonus dormitet HOMERUS, atque in verbis nonnullis cespitet: at ubi doctrinam, non verba *inconstantis hypotheseos* accusaveris, hoc demum maius quid est, atque adeo pro rei gravitate vindicandum. His adice: quod in editionem PETRESKII mendum forte typographicum irrepperit, adeoque excusationi utcumque locus sit, secus fit in casu altero.

CAPUT VI.

Ostenditur veritas paragraphi quinti, quo dicto Prolegomeno P. HERRGOTTUS, recentiorem esse codicis Murenfis ætatem, ex charta, qua constat, papyracea, demonstravit.

I. **C**UI nunc obviandum instituimus, Adversarii caput contra segmentum P. HERRGOTTI quintum pugnat, ubi ætatem Murenfis codicis ex charta, qua constat, dimetiens, illum, cum plurimum, ad seculum tertium decimum reponendum esse statuit, causam interferens: *Convenire inter Eruditos, usum charta lineæ vix ante seculum XIV. invaluisse*. Quam opinionem, adductis nonnullorum Eruditorum testimoniis, ut puta, Ven. GODEFRIDI Abbatis Gottwicensis, Clar. de GUDENUS & CONRINGII, corroboravit.

Recentior
codicis
Mur. ætas
ex charta,
qua con-
stat, papy-
racea,
Proleg. III.
§. V.

E 3

II.

(a) Vid. cap. nostrum I. pag. 2. n. II. & pag. 9. n. IX.

Adversario GODEFRIDI Abb. Gottwicensis sententiam, pag. 29.

II. Contrarium probare studens Adversarius, ad evincendam recentiorem codicis Murensis aetatem ex charta, qua constat, papiracea, solidum argumentum duci non posse, nec de hoc inter Eruditos convenire prætendit; quam rem admodum faciliter expediendam existimat, si verba GODEFRIDI, ab ipso P. HERRGOTTO excitata, attentius, seu ut ipse loquitur, reflexius, considerentur. Hinc licet ea integra in dicto paragrapho HERRGOTTI e regione paginae 29. legantur, denuo tamen repetenda putavit. Quare signum est, magnam ab eo in illis viam poni; unde & eadem nobis hic recitare liceat.

a De charta linea, ait GODEFRIDUS (a), aliqua remanet questio, quando nimirum eiusdem usus coeperit, quem nonnulli plane ad XI., quidam ad XII. seculum referunt, non observata, ut credimus, differentia inter chartam bombycinam & lineam. Arbitramur proinde vix ante seculum XIV. usum charta linea invaluisse, QUAMVIS ETIAM RELIQUA MABILLONII, IN HISCE ALIAS SAT PERSPICACIS, TESTIMONIA REICERE NOLIMUS. Hæc cum repetiisset Adversarius, atque extremum versum trabalibus litteris, in quo eum imitati sumus, expressisset, statim subiungit; nisi ergo nos Eruditorum albo exclusum velimus MABILLONIUM, omnium pene antiquitatum lustratorem & censorem versatissimum, quid hac super re sentiat, audiamus.

Nec non & MABILLONII auctoritatem frustra opponente;

III. Veneramur ac suspicimus & nos MABILLONIUM, eiusque cum rara modestia coniunctam eruditionem: veneratur & P. HERRGOTTUS, ut qui eiusdem hoc ipso in loco non sine laudis epitheto meminit, dicens: vidit illud (autographum nempe Actorum Murensium) Clar. MABILLONIUS, cuius mentionem ingerit in itinere suo Germanico: nec tamen cum in hac vel illa causa ab eo discedimus, eundem Eruditorum numero exclusum volumus; quandoquidem in eiusce modi scientia, Critica videlicet arte, quæ adeo antiqua, prout hodie tractatur, non est, dies diem docet, nec unus omnia ita exhaustit, ut, ceteris veriora observantibus, concedendum non sit: nec certe MABILLONIUS is fuit, qui conceptæ semel opinioni pertinaciter adhereret, aut Pilatissimum, quod scripsi, scripsi, imitandum sibi putaret. Sapuit ille, ut qui

(a) Prodrom. Chron. Gottwic, P. I. lib. I. cap. I. p. 13.

qui maxime, sapuerunt tamen & alii quoque, post ipsum scribentes, nec dubitandum, quin, si viveret modo, aliter non nihil de hac eadem re sentiret. Ut enim, in ceteris rebus plerisque, quo antiquiora, eo firmiora sunt Scriptorum testimonia, & sententiæ, ita in scientia Critica, rebusque ad eam pertinentibus, contrarium fieri observamus. Hæc singula mox illustriora reddentur: prius tamen intuendum est, quid demum sentiat MABILLONIUS. Multus est Adversarius in eisdem opinione referenda: nos brevitati studentes, unum PETRI Venerabilis, Abbatis Cluniacensis, testimonium, unde sua MABILLONIUS deduxit, nec illud integrum, proferemus. Is de vario librorum genere, oblata occasione, quod Iudæi librum Talmud in coelo a DEO legi fabulantur, agens, de nonnullis mentionem ingerit, *qui ex rasuris veterum pannorum compacti sunt*; unde equidem insert Vir Doctissimus: hodiernam papyrum eo tempore, nempe medio seculo duodecimo, incepisse. Non ignoravit Ven. GODEFRIDUS hanc MABILLONII sententiam, sed neque ignoravit P. HERRGOTTUS; quippe quod hunc Virum ignorare non licet iis, quicunque rem Diplomaticam tractare cupiunt: & certe GODEFRIDI ultima verba, superius relata, & a P. HERRGOTTO excitata, ad hunc MABILLONII locum collimant. Mirari ergo subit, reponet haud dubie Adversarius, quod idem P. HERRGOTTUS asserere ausus fuerit, convenire apud Eruditos, *usum chartæ lineæ vix ante seculum XIV. invaluisse*, cum tamen ille, cui inter Eruditos prima subsellia iure debentur, contra sentiat. Ego vero nihil insolens hic video, quin potius id solum admiratione dignum censeo, quod uno dissentiente, iam nihil solidi argumento subesse, contendat Adversarius, quod quam in omni philosophia peregrinum sit, scimus. Sed nolo hic vim argumenti ponere.

IV. Ratio duntaxat reddenda est, cur hic ab opinione A quo MABILLONII tam Abbas GODEFRIDUS, quam P. HERRGOTTUS paullulum discesserint. Facit id ille modestissime dicens: *Arbitramur proinde, vix ante seculum XIV. usum chartæ lineæ invaluisse, quamvis etiam reliqua MABILLONII . . . reice-* dum est: *re nolumus.* Vere ergo arbitratur, quod res est, nec tamen prop-

pag. 29.

propterea MABILLONII Manibus gravis accidere vult, quem quippe ob suam ipsius eruditionem & modestiam nemo non magni facit. Dicamus ergo cum Adversario, *veneremur hic* (nam hæc verba citato GODEFRIDI versui ultimo ipsemet adiiicit) *æquanimitatem Reverendissimi Auctoris*; æquitas scilicet animi erat, atque modestia Abbatis, quod MABILLONII opinionem, licet ex iis, quæ circa veteres libros, quibus & ipse studium suum impenderat, scite & accurate non minus, quam ipse, ut plerique iudicant, MABILLONIUS observaverat, aliter sentire cogeretur. *Arbitramur proinde*, inquit, id est, censemus, iudicamus, *vix ante seculum XIV. usum chartæ lineæ invaluisse*. Et hæc est Abbatis vera & genuina mens ac sententia, hæcque ratio, cur ab opinione MABILLONII tanta cum moderatione discesserit, ita quidem, ut eidem omnem venerationem se habere, publice simul testatus sit.

Suffragan-
te MAFFE-
IO,

V. Reipsa porro a MABILLONIO discessisse GODEFREDUM non obscure hisce verbis innuit: *non observata (ut credimus) differentia inter chartam bombycinam & lineam*; nam id ita se habere, atque MABILLONII opinionem elevatam esse, ambo norant, GODEFRIDUS nempe & HERRGOTTUS; ex opere Illustr. SCIPIONIS MAFFEI, ut qui citatum PETRI Venerabilis locum, non de rasuris veterum pannorum lineorum, sed bombycinorum, capiendum esse docet (a), & recte quidem; cum enim pannus laneas æque ac lineas vestes significet, ac panni, seu PAKH, non minus lanei quam linei habeantur (b), aliud certe, idque longe luculentius veterum testimonium extare deberet, antequam inventionem hodiernæ papyri ad seculum XII. reponere possemus. Ratio est, quod papyrum ex rasuris veterum pannorum bombycinorum longe ante seculum XII. in usu fuisse, satis superque constet: nemo contra definire ausus fuerit, nec etiam, cognita iam duplici panni significatione, definire ausit, in adducto PETRI MAURITII loco, lineos potius, quam bombycinos panniculos indicari.

VI.

(a) Istor. Dipl. p. 77.

(b) OVID. de arte Poet. v. 15. *Purpureus late qui splendet unus & alter, Assuitur pannus.*

VI. Quin immo bombycinos potius, quam lineos intelligi debere, inde evincitur; quod nemo adhuc fuerit, qui chartam vulgarem seculo XIII. vertente superiorem viderit. Ipse sane MABILLONIUS, qui laudatum PETRI *Venerabilis* locum post VALESIUM excitavit, nullam tamen chartam lineam, seculo XIII. superiorem, unquam, aut uspiam vidit. *Et si porro diplomata & instrumenta fere (ait) nulla, quæ, quantūcūque momenti essent, scripta sunt in charta nostra vulgari, eius tamen usus in epistolis aliquando adhibitus est, ut docet LOINVILLEI epistola ad S. LUDOVICUM, in eiusmodi charta exarata, quam Antonius HEROVALLIUS mihi cum multis aliis communicavit.*

Et ex parte ipso MABILLONIO,

VII. Idem cum MABILLONIO sentit & expertus est Clar. MONTEFALCONIUS, qui etsi eundem PETRI locum de rasuris pannorum lineorum accipiendum esse, æque, ac MABILLONIO visum, sentiat, atque in eam rem studio ac data opera indagaverit, aperte tamen & ipse confiteri cogitur: „ quod „ quantumvis diligenti investigatione tam in Italia, quam Gal- „ lia adhibita, nullum tamen unquam librum, immo nec fo- „ lium hodiernæ papyri sibi visum, cuius scriptura S. Ludo- „ vici ævo inferior non sit. (a) „ Quis igitur sibi persuade- re queat, post tam diligentem Virorum Eruditorum collatam ea in re operam, nullum, nec *folium quidem*, reperiri potuisse, anno 1270. superius, si usus chartæ lineæ iam medio seculo XII. quo PETRUS Ven. floruit, iam obtinuisset: res esset miraculo similis, nullum amplius extare eiusmodi monumentum, cum tot alia ex eodem supersint seculo.

Nec non & P. MONTFALCONIO.

VIII. Atque ex hoc iam longe melius interpretari GODEFRIDI verba existimo, quam factum fuerit ab Adversario. Obtendit is quidem, nulla fere alia re opus esse, ad ostendendum, non convenire de hac re inter Eruditos, quam ut laudati Abbatis verba *hic reflexius perpendamus*, cumque id vel maxime nunc fieri existimes, nihil admodum sit, quam ut repetantur eius verba, ut diximus, atque ultimus eorum versus trabalibus exprimatur elementis. Sed id haudquaquam

Hinc GODEFRIDUS aliter interpretandus, factum discrimine inter chartam bombycinam & lineam, pag. 25.

F

fuf.

(a) Mem. de l'Académie des Inscriptions. T. IX. p. 329. edit. Holland.

suffecisse, hucusque vidimus, ostendentes, GODEFRIDUM cum P. HERRGOTTO omnino facere, suspicarique, omnes illos, qui usum chartæ vulgaris ad seculum XII. referunt, nequidem MABILLONIO ac MONTEFALCONIO exceptis, differentiam inter chartam bombycinam & lineam haud satis observasse; qua in re cum laudato Marchione MAFFEIO facit.

Secus, ac
erronee
fecit Ce-
leb. MURA-
TORIUS,

a

IX. Sane quod ipse GODEFRIDUS circa discrimen hoc observat, feliciter quoque non multo antea evenerat Viro Celeberrimi nominis Ant. MURATORIO, de omni hac re ita differenti: *quanquam sine hesitatione statuamus, vel seculo decimo prodire cepisse chartam vulgarem nostram, attamen tutius agemus, si eius usum in seculum undecimum reicimus* (a). Locutus est hæc MURATORIUS, subnixus auctoritate sæpius laudati MONTEFALCONII nostri, quam paullo ante hunc in modum allegarat: *Clariss. P. D. Montfaucon, Benedictinus e Congregatione S. Mauri, cui tot egregia, & Sanctorum Patrum & antiquitatis illustrata volumina debemus, lib. 1. c. 2. Palæographiæ Græcæ contendit, bombycinam chartam (sic enim primum appellata est vulgaris nostra) usurpatam reperiri etiam seculo epochæ nostræ undecimo, immo & decimo: quod ipse coniecit ex vetustate nonnullorum codicum. Mihi nunquam contigit intueri codices, ex eadem charta scriptos, ante annum mc. & quanquam difficile putem, ex una characterum forma statui certe posse ætatem cuiusque codicis, dum notæ chronologicæ, aliæ indicia desint, nihilo tamen secius tanta est apud me doctissimi MONTEFAUCONII auctoritas, ut ei iudicanti accomodare fidem in hoc etiam velim* (b). Hæc fidenter Celeb. MURATORIUS, sed, non observata differentia inter chartam lineam & bombycinam, ut scite monuit GODEFRIDUS, feliciter deceptum fuisse, non solum ex eo constat, quod chartam bombycinam expresse hic nominat, sed inde etiam, quod MONTEFALCONIUS nihil minus cogitaverit, quam ut usum chartæ vulgaris ad seculum, vel decimum, vel undecimum referret, ut eius mentem paullo ante exploravimus.

b

X.

(a) MURATOR. Antiq. Ital. medii ævi T. III. col. 872.

(b) Id. ibid col. 871.

X. Non ego solus, nec primus sum, qui hanc Ce-
leber. MURATORI hallucinationem palam faciam: adverte-
runt eam ante me stupendæ eruditionis duum-viri Benedicti-
ni ex Congregatione S. MAURI, quorum nomina tanto ma-
iori cum gloria olim celebranda confidimus, quanto maiori
cum modestia nunc latent, in novo de re diplomatica opere
(a), unde pleraque hæc collegimus. Hi porro varias Viro-
rum Eruditorum, hac de re, opiniones invicem contendentes,
ponderatis omnibus sic in rem nostram concludunt:
„ Etsi nemo adhuc (ponunt hanc primam constructionem ex
mente MABILLONII de re Dipl. p. 39. quem & citant)
„ certum definire tempus accurate adeo ausus fuerit, quo pa-
„ pyrus nostra in usu esse cœpit, eius tamen inventio secu-
„ lo XIII. inferior non est, nec usus eius vulgaris ultra se-
„ culum XIV. referendus. Actis autem, in gratiam posteri-
„ tatis, paullo remotioris, concinnandis fere nunquam ad-
„ hibebatur (b).

Emenda-
tus a duo-
bus Ano-
nymis, ve-
ram sen-
tentiam
proponen-
tibus:

a

b

XI. Sufficere hæc credimus Adversario, ut sententiam
suam, quam hic contra usum papyri hodiernæ, argumentum-
que exinde, ad figendam codicis Murenfis ætatem, deductum,
proponere placuit, immutet; maxime cum præter hæc om-
nia etiam MABILLONII & MONTEFALCONII opinio nobis mul-
to magis, quam ipsi faveat. Etsi enim ambo hi accuratissi-
mi rerum antiquarum ruspatores PETRI Venerabilis locum de
charta, pannisque lineis, accipiant, quia tamen & ipsi, ac
maxime posterior, fatentur, ante exitum seculi XIII. nostram
papyrum in usum haud venisse, atque insuper addant, nul-
lum hætenus repertum fuisse chartaceum eiusmodi folium,
immo *instrumenta fere nulla, quæ quanticumque momenti essent,*
in charta nostra vulgari scripta fuisse; plane consequitur, ut
& hi cum reliquis Eruditis apprime consentiant, usum chartæ

Quæ am-
plius fir-
matur.

F 2

li-

(a) Traité nouveau de Diplomatique P. II. sect. I. cap. VIII. p. §22.

(b) Ibid. p. §24. Quoique personne n'ait encore osé fixer au juste le tems, auquel commença l'usage de notre papier, on ne peut reculer son invention plus tard, qu'au XIII. siècle, ni son usage ordinaire au-delà du XIV. Mais on ne s'en est presque jamais servi, quand on a voulu dresser des Actes, qui devoient être transmis à une postérité fort éloignée.

lineæ (quod solum docuit P. HERRGOTTUS) *vix ante seculum XIV. invaluisse*. Neque enim convenire inter Eruditos de chartæ vulgaris inventione quidquam dixit P. HERRGOTTUS, sed de eius *usu* tantum, quem ante seculum XIV. *vix* invaluisse certum est, ut hucusque demonstravimus. Sed hæc ex superabundanti duntaxat, quando superiora soliditatem argumenti, ex charta vulgari deducti, satis superque evincunt. Adde, quod, ut paullo ante dictum est, MABILLONIUS codicem Murensensem suis ipsius usurpaverit oculis, contrectaveritque manibus, quem si antiquum adeo censuit, eccur eiusdem mentionem faciens, nihil eiusmodi commemoravit?

Adversarii
labor cir-
ca hoc ar-
gumen-
tum, quam
inutilis sit,
pag. 31.

pag. 33.

pag. 31.

XII. Verum enimvero fatetur utique Adversarius, codicem Murensensem seculo XIII. vetustioreni haud esse, dicens: *Quod tamen eo animo dictum non sit, ac inde etiam codici nostro, secundum materiam, qua constat, chartaceam, considerato, seculum XII. asserere intenderemus; sed ut vi propositi argumenti recentioreni ætatem tam codicis, quam Auctoris nostri minime evinci, ostendamus, qui deinceps inter utrumque distingui velimus*. Similia habet Adversarius capite sequenti VI. ubi ait: *Verum nolumus nos, codicem Aëtorum Murensium supra ætatem legitimam extolli, quin potius manus hic damus convictas, nosque submittimus sententiæ P. Herrgotti, fatendo, scripturam codicis nostri seculum XIII. præferre*. Si ergo ipse Adversarius fatetur, iustam de ætate codicis Murensis, tam inspecta eius materia, quam & litterarum figura, latam esse sententiam a P. HERRGOTTO, atque adeo herbam porrigit: quid ergo opus fuit, tam præsentem, quem iam restituvimus, quam & sequentem, quem mox restitutori sumus, paragraphum traducendi, quasi ficulneis atque elumbibus argumentis usus fuisset Auctor, atque adeo opprobrio esse videretur legentibus? num Viri Eruditi, ac de republica litteraria bene meriti, tali loco habendi? At docendum fuit, *vi propositi argumenti, ætatem tam codicis, quam Auctoris nostri minime evinci*. De ætate Auctoris nihil dictum memini, ipse etiam paragraphus non de ætate Auctoris, sed sic inscribitur: *Recentior atas codicis Murensis evincitur I. ex charta, qua constat, papyracea; insertur igitur hic plus in conclusionem, quam fuerat præmissum*.

XIII.

XIII. Quod vero ad ætatem codicis, ex materia diu-
dicandam, attinet, pulchre scilicet ostensum est: auctores
ea de re disconvenire, quando eosdem in idem tam manife-
ste conspirare vidimus. Porro quam belle processerit argu-
mentum Adversarii, allegantis unius Scriptoris, utut Doctis-
simi, quemque super hæc omnia, ad nostram inclinare senten-
tiam intelleximus, auctoritatem contra plures alios, iudicent,
qui sunt a studio partium remoti: præsertim eo in argumen-
to, in quo exasciando & ad perfectionem deducendo operam
suam certatim impendunt, nova identidem detegentes, sta-
bilientesque Eruditi. Si MABILLONIUS omnia exhaustit, col-
legitque, nullum, ut reliquum sit, spicilegium, frustra certe
sunt, qui post illum in eodem versantur argumento. Certe
si eius de inventione chartæ lineæ statuminari potuisset opinio,
statuminassent, ut par fuerat, laudati Anonymi Benedictini; ut-
pote qui contra hyperapisten eius, Illustr. Marchionem MAF-
FEIUM, alias acerrime at solidissime pugnant. Cum igitur MA-
BILLONII opinionem defendere ac tueri nequierint, ac etiam
veritatis amore ducti, id facere noluerint, persuasum mihi esse
non diffiteor, Adversarium etiam hac cecidisse causâ, adeo-
que & verum, quin & verissimum esse, quod statuit P. HERR-
GOTTUS, *convenire inter Eruditos, usum chartæ lineæ vix an-
te seculum XIV. invaluisse.* At tempus vocat, ut de eo iam
videamus, ubi denuo manus victas dat Adversarius, ætate vi-
delicet codicis ex pictura litterarum.

Atque in-
firmo con-
sistat talo.

CAPUT VII.

Restituitur sectio eiusdem Prolegomeni VI.
qua P. HERRGOTTUS de ætate codicis Mu-
rensis censuit ex figura litterarum, quas
præfert.

I. **A** Iterum de ætate codicis Murenensis argumentum desump-
sit P. HERRGOTTUS ex ductu litterarum, in codice
exhibitarum, utque de iis tutius iudicare possent pa-
læographiæ Latinæ periti, cætyma illarum sistens, id unum præ-
ter-

Recentior
codicis
Mur., ætas
ex pictura
litterarum.

Proleg.
§. VI.

terea animadvertit, litteram i accentu acuto superius notari, qui characterisimus est seculi XIII. vel subsequenteris, id quod breviter hisce sæpius laudati Abbatis Gottwicensis loc. cit. lib. I. c. 6. verbis confirmat: *Singularis huius seculi (XIII.) nota characteristica est, litteram i accentu quodam acuto superius notari cæpisse, licet aliquot iam tum exempla in seculo XI. supra attulerimus.*

Cui tria
opponit
Adversa-
rius,
pag. 33.

a

b

II. Tria hisce opponit Adversarius, omnia eo animo ut ostendat, fallacem esse characterisimum, nec eundem semper & ubique ita proprium uni seculo, quin eius usus iam ævo superiori invaluerit. Itaque, quod opponat, subministrare ait, equidem primo ipsum Abbatem Gottwicensem, ut qui eius notæ characteristicæ seculo iamiam undecimo aliquot extare exempla ipse fateatur. Secundo ab ipso P. HERRGOTTO (a) produci instrumentum seculi XII. in quo litteram i accentu quodam acuto superius pariter notari videas. Denique subdit tertio, eundem Clar. P. afferre (b) excerpta ex necrologio Wettingensi, hoc præfixo rubro: *Primigenia scriptura est seculi XII. reliqua diversæ manus addiderunt.* Constat autem, monasterium illud Wettingense, Ord. Cisterciensis, Murenſi vicinam, demum seculo XIII. fundatum esse.

Eaque acerba admodum,

III. Speciosa haud dubie plerisque Lectorum hæc visa fuerint, atque ita comparata, ut nisi de P. HERRGOTTI eruditione, atque in rebus mediæ ævi experientia, aliunde constaret, ea de re haud levem præbitura fuerint dubitandi rationem. Qui enim in rebus, ad Criticam artem pertinentibus, ita versatur, ut aliorum adducens testimonia, sibi ipsi repugnet: qui statutis suis ipsiusmet regulis documenta contraria affert: qui denique codices MSS. rebus ipsis, de quibus illi tractant, antiquiores facit: hunc talem operi tanto, quantum est Genealogia Diplomatica, moliendo inparem, atque in rebus, ad hanc spartam exornandam, necessariis, hospitem & peregrinum fuisse, nemo non arbitrabitur. Nutat ergo hic fama HERRGOTTI, quam tamen immerito tentatam, restitutum

(a) Geneal. Dipl. T. I. lib. II. cap. X. p. 157.

(b) Ibid. T. II. num. cml. p. 842.

tum ita ibimus, ut pateat, suppetere plurima, eaque satis gratia, quæ illum ab impacta eiusmodi nota egregie prorsus vindicant, atque tuentur, simulque palam faciunt, quantum distet inter solidum in rebus antiquis iudicium, ac inter lufum duntaxat verborum.

IV. *Fallacem esse characterisnum*, asserit Adversarius, *Quorum nec eundem semper & ubique ita proprium uni seculo, quin tamen omnium primum, a eius usus iam ævo superiori invaluerit.* Facile dissipari copias a reliquo exercitu longius seiunctas nemo non novit, divisisque viribus, hosti victoriam parvo constare, pariter compertum habemus. Idem hic egit, quod pace eius dixerim, Adversarius; ut qui eo, quod res ipsa est, insuper habito, verbis duntaxat bellum indixit, non rebus, non ipsis argumentis. Disiunxit vires, ut eo minori negotio vicisse videretur, id quod eo etiam gravius nobis accidit, quod non nesciret, P. HERRGOTTUM vim suam non tam in dicto characteristico seculi XIII. posuisse, quam (ut cordatum virum decet) scripturam omnium peritorum oculis subiecisse, ut de ea quilibet iudicium ferre posset.

V. Provocavit nempe ad ipsam oculorum fidem, ut ne Quippe ad criteria singula, quæ pro scriptura seculi XIII. faciunt, in medium afferre deberet, contentus notasse illud tantum, quod ceteri quem non habent pro præcipuo, licet non solo. *Qua in re illud ego solum pro præprimis, inquit, noto, litteram i accentu acuto superius vocavit P. notari.* Præprimis ait, ut intelligas, suppetere & alia, oculorum iudicio relicta. Non ignoravit hæc Adversarius, HERRGOTT. nec inconsiderationi adscribi potest, quod tacitus præteriiit; utpote qui conceptis verbis ait: *Alterum argumentum - - - desumit P. HERRGOTTUS ex forma & figura litterarum, quarum et ectypa, utcunque conformia, hic sistit.* Ut ergo argumentum Adversarii vim habuisset, ectypa illa cum character seculi XIII. non convenire, demonstrandum fuerat: non solus accentus litteræ *i* (de quo tamen mox diceimus, quod res est) velut eiusdem seculi characterisimus, impugnandus. Nam ubi character antiquæ manus ad maiorem, quam præcedentibus seculis, rotunditatem accedit: ubi fre-

frequentiores abbreviaturæ obveniunt: ubi litteræ unciales clausæ ac velut crispatæ, æque operosius multo, quam seculo XII. concinnatæ apparent; ibi certe, nisi præstantissimorum antiquariorum studiose conquisitas, conditasque ea de re leges & regulas, contemnere ausis, concludendum est: scripturam esse seculi ad minimum XIII. Et quid demum opus fuerat, hic singulos scripturæ commemorare characteres? nonne sufficiebat, immo nonne præstabilius pro veritate, proque candore Scriptoris tutius erat, ipsum producere schema, quam, longa verborum serie, formam, habitumque libri exponere? quandoquidem id muneris illis duntaxat convenit, qui pro tironibus, non qui in usum Eruditorum scribunt. Et scripsit certe P. HERRGOTTUS pro Eruditis, qui longis verborum ambagibus in re, ab instituto aliena, haud delectantur. Quod si denique prævideri potuisset, opus suum eiusmodi censura præter ius fasque notandum, monuisset utique, id, quod eo loco *præprimis* tantum *notavit*, non omne illud esse, quod ad dignoscendam penitus scripturæ ætatem afferri posset, sed alterum cum altero iunctum. Immo & hoc fecit, provocando videlicet ad *peritorum iudicia*, quæ quidem in hunc usque diem ab ipso steterunt MARQUARDO.

Licet alio-
quin verus
eiusdem
seculi cha-
racteris-
mus litte-
ra i accentu-
ata:

a

pag. 29.

VI. Neque interim existimet quisquam, litteram i non præcipuum scripturarum seculi XIII. esse & haberi characterisimum. Sunt plane Viri undequaque Doctissimi, qui id adstruunt, quos inter & ipse MABILLONIUS, quem eo lubentius adduco; quod eidem vel minimum contraire, iniquum esse, capite præcedenti existimare visus sit Adversarius. Ait autem (a): Porro minute littera i accentus acutus superponi capit seculo XIII. ut patet ex variis eius ævi MSS. Possent igitur, si vellem, eodem modo, at maiori iure, obicere Adversario, quod ille P. HERRGOTTO obiecit cap. præcedenti: nisi ergo ex Eruditorum albo exclusionem velimus MABILLONIUM, omnium pene antiquitatum lustratorem & censorem versatissimum, eiusdem hic verbis subscribendum est. At enim nolumus ita agere; cum res nonnihil aliter, ut mox videbimus, se habeat, ac aliunde iurare in verba Magistri a nobis prorsus alienum sit.

(a) De re Di; L. lib. I. cap. XI. §. XIX.

fit. Veritatem duntaxat quærimus, ad eandemque apertius adhuc manifestandam, id tantum superest, ut momenta, quæ unico huius paragraphi *Herrgottiani* argumento opposuit Adversarius, singulatim nunc inspiciamus.

VII. D. Abbatem Gottwicensem *notæ characteristica seculi XIII. aliquot iam tum exempla in seculo XI. attulisse* reponit. Consului Abbatem, ac omnia & singula multo aliter se habere, non sine admiratione, deprehendi. Quod enim de accentu, velut aliud agens, dicit citato loco GODEFRIDUS, id de accentu, generatim sumpto, intelligendum est, non de accentu litteræ i, quem solum seculo XIII. notam characteristicam esse docuit. Enimvero ubi de notis scripturarum characteristicis seculi XI. agit, optimus verborum, sensuumque suorum interpres, hæc solummodo de accentibus habet (a): *Interpunctiones frequentes sunt, & vel per puncta sola, vel cum aliquo accentu acuto denotantur*. Patet ergo abunde, sermonem Abbati fuisse de accentu generatim sumpto, seu potius de eo, qui interpunctionibus adiici solebat, non de accentu litteræ i imposito, ita ut sensus sit: notam characteristicam seculi XIII. esse accentum acutum, litteræ i superimponi solitum, etsi iam tum seculo XI. nonnulla in scripturis Latinis accentuum acutorum, generatim sumptorum, extant exempla. Hæc ad liberandum a contradictionis nota chronicon Gottwicense, opus videlicet, tanto cum plausu exceptum, quanto non multa alia, & de quo iam laudati Doctissimi duo Benedictini Franci iudicant, ita exasciatum esse, ut ei quidquam addere impossibile sit (b). Dixi a contradictionis nota; nam si littera i accentuata iam seculo XI. invaluisse, proque characterismo eiusdem seculi haberetur, frustra sane pro characterismo seculi XIII. denuo vendicaretur a GODEFRIDO.

Quod &, perperam negante Adversario, docuit Abb. GODEFRIDUS. pag. 33.

a

b

VIII. Altera Adversarii obiectio circa privilegium, quo ALBERTUS Comes Habsburgi, Alsatix Landgravius, antiquissimum *Trutpertinum* Monasterium anno 1186. auxit, versatur; in quo nimirum *litteram i accentu quodam acuto superius*

Hinc quoque haud obest obiectatio Advers. II., a solo characterismo ducta, ibid.

G

no-

(a) Cirar, Chron. Gottwic. lib. I. c. V. §. III. p. 51.

(b) *Traité nouveau de Dipl. préface p. XXII.*

notari videas. Sub finem seculi XII. sæpe dictum accentum in nonnullis codicibus, æque ac Diplomatis quibusdam, reperiri, nemo negaverit. Observavit id namque pridem diligentissimus STRUVIUS (a), confirmaturque res egregie ex laudato Diplomate *Trutpertino*: at reliqua etiam seculi XIII. iisdem seculi XII. monumentis convenire criteria, nemo unus harum rerum peritus concesserit. Patet id quam maxime ex ipsis harum scripturarum schematibus, codicis nempe Murenfis, in Geneal. Dipl. proleg. III. exhibitis, & laudati Diplomatis *Trutpertini*, ibid. p. 157. quo ad peritum iudicem, si quidem res hæc tanti fuerit, remitto.

Qui rem
solus non
conficit.

IX. Periti Critici est, attendere cuiusque seculi characterem, non unum, ut facit Adversarius; sed præter eum, qui solito frequentior est, etiam ceteros, & tum demum iustum ferri poterit iudicium. Atqui ad solam litteram *i* accentuatam, P. HERRGOTTUM haud provocasse, iam antea diximus. Mirum interea oppido videtur, quod Adversarius exigat, ut notæ characteristicae singulares cuique seculo ita annexæ sint, ut alteri proxime antecedenti, vel consequenti, minime attribui possint. Quis hoc unquam somniavit? aut quæ constitutio Imperialis, vel Regia, Dicafteriis, Cancellariis, aut Ludorum demum moderatoribus, mutationem scripturarum, quolibet ineunte seculo, præcepit? Usum plane litteræ *i* accentuatæ ad seculum usque XV. etsi non ubique, perseverasse, laudatus testatur MABILLONIUS (b): nec tamen inde inferre licet, unicum esse horum duorum, aut trium seculorum characterismum, nec temere dici debet, de scripturis, eiusmodi litteras *i* præferentibus, ideo decidi non posse, utri seculo adiudicari debeant: quin potius, hoc non obstante, ac ceteris paribus, atque una concurrentibus, edici nonnunquam potest, hunc codicem sub initium, alterum sub medium, tertium sub finem huius vel alterius seculi esse exaratum. Sed id non, nisi a peritis, nec etiam semper,
nec

(a) Diff. de criter. MSS. apud BARING. in clav. Dipl. §. XXV. p. 92. ubi ait: Illi etiam, quia sine huius seculi (XII.) scripti, accentum habent littera *i* superimpositum. & §. XXXIX. p. 100. de MSS. Theoticis agens, sic ait: Seculo XII. scriptura admodum est nitida; littera *i* nullo puncto, variis accentis notata.

(b) Cit. §. XIX.

nec ubique. Id porro certissimum est: dici frequenter posse, hunc vel illum codicem, hoc vel isto seculo non esse superiorem, at quanto inferior sit, plerumque tam accurate sciri non potest: sic v. g. de codicis Murenſis ætate sine errandi periculo pronuntiamus, eum post medium seculi XIII. scriptum esse, num autem sub finem eiusdem seculi, aut etiam sub initium seculi XIV. reponendus sit, de hoc equidem nullus caverem. Sed optarem, ut sæpe laudati duo Benedictini opus suum de re Diplomatica maturarent; quippe a quibus id argumenti non minus, ac in ceteris præstiterunt, & præstituri sunt, penitus exhauriendum non dubitamus.

X. Accedimus nunc ad expungendum mendum typographicum. Ut enim nihil usquam prætermitteret Adversarius, quod laudem Genealogiæ Diplomaticæ elevare posset, etiam operarum errores in subsidium revocandi fuerunt. Videbimus id manifestissime, ubi ad caput Adversarii XXIII. deveniemus. Ibi enim P. HERRGOTTUM sugillat, quasi chartas & Diplomata nonnulla, ex Archivo Murenſi educta, *interpolasset*, cum tamen manifestissima sint operarum menda. In alio TESTIMONIO legi, dicit, cum TESTAMENTO legendum, in alio: *Notum sit cunctis futuris, præsentibus*, ubi autographum: *Notum sit cunctis fidelibus futuris & præsentibus*, præfert, & denique in eodem instrumento *sub anathematis vinculo* INNOVAMUS impressum fuisse conqueritur, refragante autographo, quod INNODAMUS exigit. Subiungit deinde Adversarius: *Notandum, eçtÿpa scriptura harum echartarum, per aliquot versus, initiales scilicet, & finales, a P. HERRGOTTO exhibita, dictis erroribus carere, adeoque hac in parte conformia esse autographis.* Si eçtÿpa scripturarum, ab ipso P. HERRGOTTO Eruditorum oculis subiecta, cum autographis conveniunt: si unum, idemque instrumentum alibi fideliter ac emendate, mendose alibi exhibitum fuit: quis, conscientia non adversante, dubitare possit, adducta singula loca per incuriam typographorum, aut correctorum oscitantiam, altero illo loco mendose impressa fuisse? adeoque ex parte P. HERRGOTTI nihil profus subesse, quod carpi mereatur. Et hoc tamen *interpolare*, id est, in vetera instrumenta temerarias

Tertium
Adversarii
argumen-
tum circa
errorem
duntaxat
typogra-
phicum
versatur,

pag. 162.
& 163.

inmittere manus, dicitur; quandoquidem interpolare secundum CICERONEM idem est, ac *aliquid demere, mutare, &c., ne litura appareat, interpolare.* Est quoque addendo corrumpere, secundum illud PRUDENTII: *Qui lata Christi culta fur INTERPOLAT, addens arenas æmulas* (a). Talem fraudem, si committere voluisset HERRGOTTUS, cur non sedulo cavisset, ne in tabulis, ære expressis, quidquam esset, quod eidem contradiceret. Et ad quid demum interpolatione opus erat? cum nihil eorum ad rem ipsam quidquam conferret.

Id quod
ostenditur
amplius.
Ibid.

XII. At ad autographorum tenorem (*siquidem hæc eum in finem oculis manibusque eius sodalium, id rogitantium, tam liberaliter subiecta fuere*) integra transumpta illa, quæ Tom. II. adducere placuit, exigi debuissent. Quod Acta atque monumenta eiusmodi sodalibus nostris tam liberaliter Communicata fuerint, laudavit prolixè ac publice P. HERRGOTTUS, ut in fine capitis IV. retulimus. Liberaliter se quoque exhibuerunt & alia monasteria, etiam si quidam confratrum nomine haud veniant, & cur non? fecerunt & Communitates aliæ, fecit & Episcopus, quod adhuc maius est, Basileensis: fecerunt civitates & urbes, immo & privati nonnumquam, alique, nedum nostri Ordinis, sed neque religionis; atque & iis omnibus gratiæ actæ. Quod si hæc singula non sufficiunt, adhuc semel gratias agimus maximas, dummodo de eo nemo dubitet, autographa cum editis, transumpta cum autographis diligenter collata fuisse. At errores typographicos omnes in opere tam longo caveri posse, quis possibile credat; quandoquidem & ipse Adversarius in opere non longo plures etiam, ut indiculi errorum ostendunt, commisit? Denique prædictos errores tam in *Muro & Antemurali*, quam in *Origine & Genealogia -- Comitum de Habsburg*, ab Abbate TSCHUDIO edita, non comparere, inspicere volenti patebit, ut adeo Instrumenta P. HERRGOTTI non ex editis, sed ex transumptis, etsi oscitantia typographorum nonnihil mendose, impressa

(a) Vid. FABRI Thesaurus erud. scholast. ex edit. GESNERI de ann. 1739. Denique quale crimen sit, vetera monumenta supponere, aut interpolare, docet CLERICUS Art. Crit. P. III, sect. II. *Non pepercerunt*, inquit RUFINUS apud eundem p. m. 314. *Scriptis eorum venenatum virus infundere, seu INTERPOLANDO, quæ dixerant, seu quæ non dixerant, inserenda,*

sa fuisse, nemo unus hæsitare queat. Hæc igitur typographiæ sphalmata, cum in citatis Instrumentis pro interpolatione haberit Adversarius, mirum non est, quod & in præsentis similem errorem typographicum pro lapsu auctoris habeat.

XII. Wettingense Monasterium seculo primo XIII. constitutum fuisse asserit, teste Idea Chrono-Topographica Congreg. Cisterc. per super. Germ. p. 91. qui igitur necrologium eorundem scripturam seculi XII. præferre queat? maxime cum illud *non in ipso statim foundationis limine erectum fuerit*. Cumprimis hic suspicimus, cur Adversarius more suo rem ex ipso P. MARQUARDO, quem sæpe suis ipsiusmet cum verbis, cum doctrina impetere, in deliciis habet, exponere, cum maxime potuisset, noluerit? ego enim, nisi veritati in omnibus rebus solummodo litare, eamque pro virili parte tueri decrevissem, Auctorem Auctori, Scriptori Scriptorum, revera non minus celebrem, opponere possem, *Augustinum* nempe SARTORIUM in *Cistercio bis tertio* Germanicæ versionis p. 1000. ubi dictum Monasterium seculo XII. iam constitutum fuisse, distinctis verbis legitur. Hoc namque factò, apud nonnullos saltem id facerem, ut rem in suspensò relinquerent; sed nolo cuiquam illudere.

Error in titulo necrologii Wettingensis typographiæ est, non P. H. pag. 33.

XIII. Recte namque dicitur, prædicti Monasterii Wettingensis origines ad seculum XIII. reiiciendas esse, cum idclare docuerit P. HERRGOTTUS (a) productis nempe eiusdem

Ut qui eius cenobii origines probe novit.

G 3

Mo-

- (a) Iuvat hic nonnulla ex iisdem litteris excerpere. Primum sit ex Instrumento anni 1227. T. II. num. CCLXXXIII. ubi H. Comitum in Dillingen, HENRICO de Ufingen, Monacho & Legato Abbatis de Salem donasse legimus, quod antea iam, *ut in eodem pradio clausum* (Wettingense) *liberius edificari potuisset* - - *in manus Episcopi resignavit*. Alterum eiusdem anni Instrumentum, a P. HERRGOTTO num. sequent. CCLXXXIV. productum, sic orditur: *Noverint omnes, tam presentes quam futuri, quod HENRICUS Nobilis dictus de Wandelbere, fundator domus in Wettingen &c.* Tertium est Diploma HENRICI VII. qui attendens *bonestatem & devotionem Ordinis Cisterciensis, domum & Cenobium Wettingen de novo fundatum & edificatum* - - *anno Dominica Incarnationis millesimo ducentesimo vigesimo octavo, Kalendas Novembris indictione prima in suam specialem protectionem recepit*. Ibid. pag. 234. num. seq. Hæc sunt origines Monasterii Wettingensis, a P. HERRGOTTO editæ, atque notis perceptis illustratæ, & is tamen nesciat, cuius ætatis aut scripturæ sit eiusdem necrologium?

Monasterii litteris foundationis, quæ cum Adversario haud dubie lectæ fuerint, comprehendere non possum, cur rivulum potius, quam fontem adire voluerit, nisi forte ideo factum, ut ne facile suboleret, mendum hic subesse typographicum magis, quam hallucinationem Auctoris. Nolo tamen quidquam adducere in suspensionem: crediderim potius, Adversarium in laudatas foundationis litteras non incidisse; alias enim cur mendum typographiæ subodoratus non esset? Quo enim pacto ignorare poterat P. HERRGOTTUS Monasterii Wettingenensis initia, cum eiusdem origines, productis authenticis Instrumentis, orbi erudito communicaverit? aut qui necrologium illud seculo XIII. antè putaverit; quandoquidem illud studiose legens, ac plus simplici vice revolvens, nullam in eo obvenire personam, dicta ætate superiorem, toties animadvertit, quoties illud citavit? Certe cum lapsus operarum ubique facilis sit, nullibi temere facilior est, quam in numeris Romanis; ubi multo magis credibile est, typographum, omiffa unitate, numerum XII. pro XIII., errore, nedum diligentissimo correctori, sed ne ipsi sæpe Auctori perceptibili, supposuisse, quam origines Monasterii Wettingenensis, atque antiquitatem necrologii, latuisse illum, qui eas tantum non primus detexit.

Infirmas
argumenti
adversi a-
lio ex ca-
pite.

XIV. Verum enimvero ponamus, P. HERRGOTTUM hic humani aliquid passum, ac elementorum forma ita falsum fuisse, ut illam antiquiorem, quam par erat, existimaret: res tamen hæc tanti non fuerat, ut publice carperetur; maxime cum figuræ litterarum sub finem seculi XII. ab iis, quibus, in eunte seculo sequenti, usi fuerunt homines, multum inter se distare haud pollint, ut iam observavimus. Dixi: non fuisse publice carpendum; neque enim video, qua alia de causa tale exemplum in medium adductum fuerit; quippe cui aliunde vim nullam probandi inesse sciri poterat. Disceptatur enim hic loci de integris codicibus, qualis certe Murensis haberi debet: Adversarius contra de paucis quibusdam lineis, quæ necrologiis, cum primum conduntur, adscribi solent, agit; reliqua enim primum postea, nempe secundum tempus, quo inscribendi ad plures abeunt, superaddi solent; in quibus
falli

falli pronum esse, nemo negat. Sed aliud est integer codex, aliud paucae lineæ.

Ceterum & hic quoque herbam porrigere Adversarium, cumque P. HERRGOTTO fateri, *scripturam codicis seculum XIII. præferre*, ad calcem capitis præcedentis iam monuimus. Potuimus ergo toto hoc capite, dicet non nemo, superfedere? at restituendus fuit Auctoris Genealogiæ Diplomaticæ honos, etiam ibi bis iam tentatus, ubi ex ipsa Adversarii publica confessione vera scripsit. Quis ergo putasset, tam ingentem, quod in proverbio est, de nihilo nasci potuisse historiam?

CAPUT VIII.

Examinatur vis argumenti, quod P. HERRGOTTUS pro ætate Anonymi Murensis stabilienda, ex ipso eius contextu deduxit.

I. **E**Gimus hætenus de ætate codicis Murensis, nunc, ordine ita exigente, ætas ipsius Auctoris exploranda venit. Qua de re, quid P. HERRGOTTUS sentiat, cum primis intuendum. Is contextum ipsum adiens, locum excipit, ubi de CHUNRADO Monacho hunc in modum mentionat: *Obtulit ergo --- maximum librum Missalem, quem habemus, duos calices deauratos --- caputque S. Joannis Baptista cum licentia Domini ANSHELMI TUNC TEMPORIS ABBATIS construxit. Ex hoc loco, pergit HERRGOTTUS, nisi omnia me fallant, clarissime patet, Scriptorem loqui de donationibus CHUNRADI, tanquam de re iam præterita, & quæ facta fuerit sub ANSHELMO, qui TUNC TEMPORIS Cænobio præerat. Si enim ANSHELMUS Abbas eo tempore floruiisset, quo Anonymus noster Acta sua conscripsit, dixisset utique: NUNC TEMPORIS, vel HODIERNI ABBATIS: atqui, testibus Scriptoribus Monasterii Murensis, anno 1178. Abbas electus, an. 1210. diem clausit supremum. Eandem fere ætatem assignant CHUNRADO Cellerario, quem circiter an. 1193. obiisse, persuasum habent. Concludit ergo*

Recentior
Anonymi
Mur. ætas
ex contextu
monstrata.

Proleg. III.
§. VII.

ergo P. HERRGOTTUS, Scriptorem libri longius in seculum XIII. reponendum esse.

Quem
perperam
interpre-
tatur Ad-
versarius.
pag. 37.

II. Quid ad hæc Adversarius? Etsi is illam ANSHELMII Abbatis ætatem non invitus admittat, negat tamen ac perneget, exinde confectarium esse, ut talia demum post mortem ipsius Præfulus exarata fuerint. *Constat enim*, ait, *quod sapius ea, quæ notitiæ posterorum consignata volumus, licet nostris temporibus, & vel hodie gesta, tanquam diutius præterita, & qualia ipsis sunt posteris, remota nos quoque considerare, utque talia illis transcribere soleamus: necque etiam præsentiam eorum, qui rei gesta interfuerunt, adhuc congruentius per terminos TUNC TEMPORIS, quam NUNC TEMPORIS, exprimimus.* Novam hic habemus antiquos interpretandi Auctores rationem, ante plane ignotam. Scimus equidem, Prophetas Veteris Instrumenti Theopneustos de rebus futuris nonnuncquam locutos, ac si præsentibus adessent: at ex Historicis ne unum quidem extare crediderim, nec a quoquam, qui de scriptis eorum commentati sunt, observatum, aut vel obiter indicatum memini, fuisse inter eos, qui a contrario de rebus præsentibus, quasi de præteritis, locuti fuerint, tantum abest, ut facta recentia adhuc *congruentius per terminos TUNC TEMPORIS, quam NUNC TEMPORIS exprimi queant.* Lufca est Historia, eiusdemque oculus chronologia frustra plane audit, si tempora adeo confuderunt antiqui, nulla ut ab eis observata fuerit *præsentis* atque *præteriti* distinctio; quis enim in tanta confusione veram & accuratam temporum rationem inire poterit? Ineptus certe sit, qui de hodierno Imperatore, gloriosissime regnante, verba faciens, adiiciat: *TUNC TEMPORIS Romanorum Imperatore*; nonne enim omnes existimarent, hunc talem vel desipere, vel ea esse in persuasionem, ut putet, Imperatorem esse defunctum, iamque in eius locum alium esse successum? Sed apage id genus paradoxa; quandoquidem ipse clamat Actuarius, ut ne tanta sibi vis inferatur, dum eodem, quem in præsentem ventilamus, loco, inter præsens & præteritum, quam accuratissime distinguit: *Obtulit ergo*, inquit, *initio conversionis suæ* (vide tempus certum & præteritum) *maximum librum Missalem, quem habemus:* (ecce

(ecce tempus præsens) duos calices deauratos, quæ usque in præsens in ministerio Domini cuncta parent (en denuo tempus præsens, ubi Scriptor rem, de qua agit, cum adhuc ob oculos versetur, velut digito monstrat) iam ad rem præteritam animum intendamus: nec non & brachium S. Martini Trevirorum Archiep. caputque S. Ioannis Baptistæ, cum licentia Domini ANSHELMi TUNC TEMPORIS ABBATIS, construxit. Cur, quæso, in his ultimis verbis solis de re præsentis, quasi de præterita, locutus fuerit? Quis credat Scriptorem, alias factis accuratum, posteris adeo imponere, aut saltem errandi occasionem studio præbere voluisse, ut particula, quam Grammatici temporis vocant, alieno prorsus sensu uteretur? Quis enim nescit, v oculis TUNC TEMPORIS vim inesse non aliam, quam temporis præteriti? Possẽm hæc pluribus aliis Actuarii locis roborare, sed, ut ne tempus in re, per se clarissima, inutiliter teram, haud ægre superfedeo.

III. Enimvero nec Adversarius omnem in istarum particularum gratuita hac interpretatione vim sui argumenti ponit, quin potius liberaliter concedit, gesta CONRADI Cellerarii post mortem tam huius, id est ipsius CONRADI, quam Abbatis ANSHELMi conscripta: cumque plurima hac de re verba fecisset, repetito etiam, bonam partem, paragrapho, quem hic ventilamus, septimo, alias initio capitis impresso, sic demum infert: Ne ergo putet, Clar. Pater, nova nobis esse, quæ ex memoria Abbatis ANSHELMi contra Murensum Altorum atatem opponit, audiat, quid Murense Monachi ipsi de hac re sentiant, & qua ratione iacula prævisa, quo minus feriant, declinent, penitusque retundant. Utrum nova an vetera se proferre existimaverit P. HERRGOTTUS, equidem cum ignarissimis scio, id tamen neutiquam me latet, P. HERRGOTTUM id nuspiam venditasse: Scriptorem seculi XIII. esse adtruxerat, hanc propositionem ut tueretur, CONRADI Cellerarii, & ANSHELMi Abbatis, hominum eodem seculo viventium, memoriam inibi fieri dixit, nihil prorsus addendo de novitate, aut vetustate argumenti. Præterea nullam iniuriam, nec PEIRESKIO, nec Abbati TSCHUDIO, factam pariter contendo, etsi, de posteriori præprimis, Adversarius citata pagina id non obscure innuere vi-

Nec cum
iuvat Ab-
batis
TSCHUDII,
pag. 38.

pag. 39.

ibid.

deatur, dicens: *An vero Dominicum, virum cetera eruditum, hic adeo rudem habeamus, qui neque ætates duorum illorum Abbatum, quorum tot extant monumenta chronographica, novisset secernere.* Rudis habeatur Abbas DOMINICUS? Quis, quæso, hoc unquam dixit? Accipe, amice Lector, innocua P. HERRGOTTI verba: *Ex hæcenus dictis, ait, refellitur PEIRESKII sententia, cui subscripsit Reverendissimus D. Dominicus TSCHUDIUS, Abbas Murenfis, vir cetera eruditus.* Eruditum appellat, præmissa etiam honoris præfatione *Reverendissimi*, & Adversarius tamen, obiectam eidem ruditatem fuisse, inde arguit. Sed ponamus etiam, quod Abbatem hæc fugerint, aut non observata fuerint (uti revera de hoc nihil uspiam observat) num propterea rudis habendus? Tractarunt hunc Scriptorem GUILLIMANNUS, PEIRESKIUS, TSCHUDIUS, ECCARDUS, CALMETUS, HERRGOTTUS, ac plures alii, alius alio plura in eo observavit, nec tamen priores *rudēs* habendos quisquam existimabit, quod minora consequentibus observaverint. Deinde mihi quidem dubium non est, *Dominico TSCHUDIO* ætatem tam RONZELINI quam ANSHELMII Abbatum probe cognitam, atque perfectam fuisse; at illum ex temporum congruentia Abbatis ANSHELMII, ætatem Anonymi nunquam mensurasse, æque compertum est; quippe, qui hac de re nihil uspiam prodit. Ceterum quæ sint illa *iacula prævisa*, de quibus in adductis verbis mentio fit, non satis capio? Grande forsan crimen, cum Scriptoris cuiusdam errores, ab aliis, saltem quoad partem non exiguam, iam visi, plenius, re & instituto ita exigente, deteguntur, atque ætas etiam, quoad in re adhuc obscura fieri potuit, exponitur? perinde ac si respublica litteraria libera non esset, aut communitati iniuria fieret, si defectus nonnulli, a Scriptore, eiusdem membro, sine noxa, sine culpa, ac sine umbra criminis, quin ex fragilitate duntaxat humana, commissi, propalantur? si hæc non licent, cur ergo signum contra P. MARQUARDUM sustollitur? num ex uno malo duo procudenda? *Respublica litteraria*, scite docet MABILLONIUS (a), *status amplæ libertatis perhibetur esse, in quo unusquisque patritium ius habere præsumit.*

IV.

(a) Tract. de stud. monast. P. II. c. XIII. p. 193. edit. II. Venetæ.

IV. Verum iam propius ad rem veniendum est, videndumque, quid de ætate ipsius sentiant Venerabiles Monachi Murenenses. Hos enim, etli præ aliis audire haudquaquam teneamur (neque enim, quod codex ad eos pertineat, in iudicando aut acutiores sunt, aut maius ad id, præ ceteris, præsidium habent, maxime, cum iam & Specimen scripturæ editum, atque adeo aliis quoque communicatum sit) iuvat tamen, ut monente ac volente Adversario, præ omnibus audiamus R. P. WISENBACHIUM (a). Si varius, ait, in Genealogia describenda stilus observatus, argumento est, coniecturandi varios Auctores, eandem profecto censuram de Auctoribus libri foundationum fieri oportet, & si is sub RONZELINO solus scripsisse, vere assereretur, amabo! quomodo Acta nostra in illius ipsius libro subsistent? ubi hæc expressim leguntur de CONRADO Monacho &c. & paucis interiectis: inter RONZELINUM & ANSELMUM duo adhuc Abbates, CHUNO & WERNHERUS, præfuderunt, plurium annorum intervallo. Quapropter verosimilius est, non unum, sed plures fuisse Actorum concinnatores. Conditionem ergo ponit WISENBACHIUS: Si varius stilus observatus argumento est, at hanc stili varietatem gratis adstrui, nec unquam ex sola stili diversitate tuto indicari posse, notum est, atque indubitatum, ut nos cap. XI. pluribus exponemus. Quod autem adiicit, & si is sub RONZELINO solus scripsisse vere assereretur &c. responderi queat, id haudquaquam necesse esse, ut dicatur, adstruaturque; sufficit enim dicere, eum post ANSELMUM Abbatem & CONRADUM Cellerarium vixisse, ac tum res in salvo erit. Falsum enim est, ut statim videbimus, Actuarium sub RONZELINO Abbate vixisse. Denique R. P. WISENBACHIUS vir sane æquus & modestus erat, qui graviora argumenta non habens, verisimilitudinem duntaxat, non certitudinem, ex coniecturis suis extundere conatur, dicens: quapropter verisimilius est, non unum sed plures fuisse, nihil pro certo statuens, secus ac fecit Adversarius, ut adeo mirum sit, eius auctoritatem fuisse evocatam?

Nec P.
WISENBA-
CHII ea de
re opinio;

a

V. Maioris momenti videtur, quod deinceps. opponit Adversarius, ubi œconomiam operis exponens, finem prioris

Nec deni-
que ex
conclu-

H 2

Scrip-

(a) Annal. Eccles. p. 608. MS.

dendi formula, ante finem codicis legendenda, quicquam extunditur; pag. 42.

Scriptoris ex his verbis, pag. XXXVI. legendis, apparere contendit: *Nunc ergo sicut nos substantiam istius sanctæ Ecclesiæ, quæ vel ante nos, vel nostris temporibus hæc collata est, descripsimus, sic faciant & illi, qui post nos veniant.* Hæc sane verba Scriptoris esse finientis, nemo non videt, subiungit Adversarius: id quod neque ego inficior; nam si hic tantisper abruptum esse, quis negaverit? at reassumi non potuisse, id denique est, quod nulla cum iniuria negamus, cum revera denuo reassumptum fuerit; nam ibidem sequitur: *Notum omnibus sit presentibus & futuris &c.* quando enim alia sine novo titulo, sine intervallo, sine aliqua finis nota, subsequuntur, signum est, librum nondum esse finitum. Porro ex ipso Auctore satis superque perspicuum sit, illum non solum hic loci scriptionem suam formula quadam finali coronare, sed & sæpius alibi. Quod si ergo toties alium Scriptorem statueris, quot clausulas eiusmodi finales videris, legisve, non duo duntaxat, quod prætenditur, sed multo plures Scriptores habebimus, atque adeo insignem prorsus centonem; qua de re nemo adhuc somniavit.

Cui quippe similis alia obfunt:

VI. Ne autem id, quod dixi, grati dixisse videar, Auctorem iam ipsum inspiciamus, aucupemurque eius concludendi formulas. Prima occurrit pag. 36. ubi conceptis verbis hunc in modum concludit: *Econtra autem oportet scire, quantam felicitatem locus iste, & inhabitatores eius sæpe affecti sunt, ut modo in multis rebus claret --- quod nunquam desinat facere Iesus Christus Dominus noster, sed nobis miseris famulis suis semper auxiliari dignetur. Amen.* Nihil videt, qui non videt, clausulam hanc vel integro tractatui finiendi aptam esse: ut nihil dicam de vocabulo *Amen*, modo concludendi aliunde usitatissimo. Attamen id Scriptorem non impedit, quin telam, tantisper abruptam, denuo præ manibus sumeret, pergendo: *Prius scripseramus, qualiter locus iste &c.* ut paulo inferius. Eodem fere modo S. LUCAS (liceat parvis componere magna) bina opera, Evangelium nimirum, & Acta Apostolorum distinxit, illud hunc in modum finiens: *Et erant semper in templo laudantes & benedicentes Deum. Amen.* Hoc autem tali modo incipiens: *Primum quidem sermonem feci*

feci de omnibus , o Theophile &c. At hæc opera diversa esse, nemo nescit. Alium finiendi modum invenio pag. 44. cum brevi adhortatiuncula ad Monachos, seu potius ad Abbates, quod postea dicemus, successores, iisdem fere verbis expressa, quibus illa finiendi formula, ad quam Adversarius antea provocavit: *quia anteriores nostri semper studuerunt potius augmentare censum ecclesiasticum, quam minuere, ita & nos, & qui post nos venerunt* (lego venerint) *oportet augere.* Quemadmodum enim priori in loco successores adhortatur, ut si deinceps bona quædam aquisituri sint, id diligenter adnotare, seu describere, non omittant; eodem modo tamen sibi, quam successoribus, legem sancit, ut ecclesiastico censui novos identidem pro virili parte adiicere studeant. Non absimili modo finem imponere videtur pagina antecedenti 42. ubi de reliquiis Sanctorum agens, quas, ut inquit, *largire dignatus est Dominus huic loco*, easdem augere, & conservare præcipit, immo & annotare cum istis, *ut sciatur nomen eorum, & non deleatur nomen eorum.* Alia porro Auctoris concludentis vestigia comparent in fine paginæ 48. ubi hæc legimus: *Sunt adhuc hic opuscula libellorum satis utilia, quæ oportet servare & meliorare, & non destruere, quia nos non potuimus ea sigillatim describere. Libros autem oportet semper describere, & augere, & meliorare, & ornare, & annotare cum istis, quia vita omnium spiritualium hominum sine libris nihil est.* Sic finit loco citato, nec tamen propterea dicendum est, post hæc novum opus, alterius interveniente industria, incipere; cum Actuarius ipse continuo hunc in modum pergat: *At nos, quia aliquantum substantiam interioris nostræ ecclesiæ descripsimus, libet etiam exteriorem substantiam, quam iste sacer locus in pradiis affecutus est, intimare.* Non, inquam, isthæc, etli ex se, finientis manifesta sint indicia, singula novum arguunt Auctorem, sed novam duntaxat sectionem, quæ secundum œconomiam operis sponte sese offerebat.

VII. At ego longius exspatiarer, si singula vellem prosequi, id unum adhuc addo: pag. 64. reperiri nedum concludendi formulam, sed & novæ prælationis vestigia, hisce verbis expressa: *Periculosum est, ea scriptura affirmare, vel pro-*

lmo & nova fere præfatio.

palare, quæ cum iniustitia & rapina, aut violentia congregata, aut aquisita sunt & reliqua usque ad verba: quæ nos simplices & pueros hactenus latuerunt. Hæc & similia cum præfatus esset Auctor, narrationem suam, cuius causa ea præmiserat, hunc in modum ac velut ab ovo orditur: IN Wolen habitavit quondam secularis ac præpotens vir, nomine Guntrannus & cetera, ibi per extensum legenda, quæ sane, si quid aliud, diversitatem Scriptorum, multo magis probant, quam illa concludendi formula, ab Adversario adducta; nec tamen ideo dixerim, diversorum Auctorum admitti debere centonem. Cum ergo eiusdem Adversarii argumentum nimium probet, ita quidem, ut ex variis eiusmodi concludendi formulis, in codice observatis, plures emergerent Scriptores, atque computato quoque eo Scriptore, aut iis Scriptoribus, qui tabulam genealogicam, Actis præfixam, condiderunt, ad minimum quinque aut sex extunderentur, nihil ut probet necesse est. Hinc & gratis carpitur P. HERRGOTRUS, quod visa illa atque lecta concludendi formula, unicum tamen computaverit Scriptorem; quippe cum eiusmodi formulæ plures occurrant, adeoque ex principiis Adversarii plures, quam par esset, constituendi forent Scriptores.

**Diluitur
obiectio.**

VIII. Dices haud dubie: Ultimam conclusionem, ab Adversario excitatam, clausulam esse totius operis, reliquas cuiuslibet partis. At non ita esse, clausulas eiusmodi repetenti constabit. Nam revera & illa, quæ sub finem habetur, specialis duntaxat est, eius scilicet partis, quæ de *substantia* tam *exteriori*, quam *interiori* agit, quamque a pagina sexta & tricesima, ad nonagesimam secundam descriplit. Apertissime enim in ea clausula de *substantia* duntaxat *ecclesie*, cuius historiam dare constituit, loquitur, contra vero in præcedentibus a pag. 2. ad 36. speciali segmento historiam fundationis, nec non & Præpositorum & Abbatum, exhibuit. Quare prima parte finita, ad alteram transiturus, hunc in modum præfatur: *Prius scripseramus, qualiter locus iste Mara fundatus sit, aut quomodo, vel unde Monachica vita ordinata hic fuerit, sive qualiter libertatem, aut Abbates, sive alios rectores, aut advocatos acceperit; nunc autem volumus, in quantum*

tum possumus, annotare substantiam huius sacratissimi Altaris. Cum ergo integra pars præcefferit, ac ea clausula, quæ parti illi, de substantia Monasterii tractanti, subiungitur, de prima libelli parte mentionem nullam faciat, evidentissimum est, clausulam illam haudquaquam generalem esse, sed specialem, illius scilicet partis, quæ de substantia monasterii inscribitur, ut adeo singula hæc frustra obijciantur.

IX. Verum hæc neutiquam eo dicta sint animo, ac, si mihi persuasum esset, non duos, sed unum duntaxat Auctorem esse, nec fieri potuisse, ut eidem aliquando adiiceretur appendix; quid enim de omni hac re sentiam, deinceps expositurus sum, sed ut ostenderem, ut dixi, vi argumentorum, ab Adversario prolatorum, nihil probari contra P. HERRGOTTUM, atque argumentum ex ætate Abbatis ANSELMII & CONRADI Cellerarii optime processisse. Atque hinc est, quod nonnulla alia, ab Adversario hic obiecta, sicco vestigio præteream, clarius locuturus, cum ad caput XI. & XII. ventum fuerit.

Hactenus dicta, quomodo capienda.

X. Unum tamen hic prætermittere haud possum: Obijcit scilicet Adversarius P. HERRGOTTO: perperam legi in eius editione *Cellario* pro Cellerario; non *Cellario*, inquit, ut P. HERRGOTTI editio habet. Quæso tantum, ne quid nimis: tam enim facilis est lapsus calami aut typi, quam, secundum VIRGILIUM, descensus averni: nec certe ipsa Adversarii typographia, licet sub eodem cum Auctore, tecto constructa, ab eiusmodi erroribus, quos inter humanæ fragilitatis testes recte adnumeraveris, penitus immunis est; quandoquidem non minus triginta *Vindictis*, octo vero errata ipsis subiungantur Actis, ab Adversario editis. Cave autem, credas, omnia ibi emendata & exposita esse, quod exemplis monstrare possem, siquidem operæ pretium foret: nec tamen prætereundi sunt errores non nulli in ipsa Actorum editione commissi, simillimi iis, quos ille P. HERRGOTTO, eiusque Sodalibus, operose adeo obijcit, de quibus nos superius cap. IV. num. IX. p. 32. His accedit, quod P. HERRGOTTUS eodem, quem Adversarius indicat, loco, revera ediderit *Cellario*, non *Cel-*

Nova Adversarii obiectatio breviter remissa. pag. 37.

Cellario: Adversarius contra eundem pag. 93. num 346. emendaverit, substitueritque *Cellario*. Vel ergo Adversarius egregie deceptus est, vel sibi ipse non constat, vel denique hæc vitiligitationis duntaxat studio facta sunt. Quidquid sit, falsum est, P. HERRGOTTI editionem præferre *Cellario*.

CAPUT IX.

Expenditur PEIRESKII coniectura de ætate Anonymi Murenfis.

PEIRESKII
de ætate
Anonymi
coniectu-
ra a P. H.
reiecit.

L Accedimus ad Adversarii caput VIII., quod totum firmandis PEIRESKII coniecturis datum est. Arguerat is, Anonymum Murensem sub medium seculi XII. id est, sub RONZELINO, seu ROEZELINO, ut eum Actuarius constanter nominat, Abbate, qui anno MCXLV. 4. Ian. obiit, vixisse, atque lucubrationem suam anno præter propter MCXLII. ad umbilicum deduxisse. Quam coniecturam, ut statueret PEIRESKIUS, ad locorum contextum provocabat, quorum is præcipuus est, qui RONZELINI Abbatis memoriam p. 51. hunc in modum ingerit: *Sed quod altare male compositum fuit sub Abbate Ronzelino, effregimus ipsum altare, & sicut modo est, collocavimus. Cumque ad reliquias ipsas perveniremus, penitus ex humore terra computruerunt, at nihil invenimus, nisi quoddam os & pulverem.* Ex hoc loco contrarium potius, quam quod probare nitebatur PEIRESKIUS, consequi, demonstravit P. HERRGOTTUS, dicens: „Scriptorem hic vere de RONZELINO loqui, tanquam de viro, „qui longissimo ante tempore iam mortuus fuisset; siquidem „altare a RONZELINO male compositum, Scriptoris ævo effringere, & in aliam formam redigere opus fuerat: tantum „vero temporis intervallum intercessisse inter fabricationem „RONZELINI & novam exædificationem altaris, ut Scriptoris ævo reliquæ Sanctorum ibidem collocatæ, ex humore „terræ computruerint, & præter os & pulverem nihil residui repertum fuerit.

Proleg. III.
§. VIII.

II.

II. Longe aliter clientem suum hic interpretatur Adversarius, ac antequam diffusorem prædicti loci contextum adducat, tantum non aperte dicit, P. HERRGOTTUM hic mala fide egisse, textumque studiose mutilasse. En eius verba: *Adeamus ergo & nos locos, ab illo allegatos; verum non tantum fragmentum historiae, prout hanc P. HERRGOTTUS DATA OPERA HIC MUTILAT, sed integram illius seriem inspiciamus, & quidem sicut hanc ipse Clar. Pater in sua Aëtorum Murensium editione legit.* Quis amabo! cui quidem sanum sit sinciput, in animum possit inducere suum, virum illum, qui tanto in hac scriptione sua candore usus est, ut Auctoris, cetera licet ad rem suam adprime facientis, vitia ac virtutes nullo modo dissimulare voluerit: qui ubique veterum scripturarum, non in ulla re deesset, atque ipsius etiam Scriptoris Murensis ectypa dedit: qui demum ipsum codicem Murensium cum MS. ab ipsis Murenlibus, eius Sodalibus communicato, denuo contulit, atque ad calcem eiusdem voluminis, quo hæc scripsit, secundis curis edidit: quis, inquam, comprehendere queat, P. HERRGOTTO unquam in mentem venisse, ut hic textum Auctoris, quem alibi amplissime exhibet, data opera mutilaret, atque adeo Lectorem circumveniat? Et ad quid demum eiusmodi truncationem eius Scriptoris sibi profuturam sperare poterat, quem a PETRESKIO & ECCARDO prudenter atque integrum editum fuisse, omnes noverant? Num omnia longissimis textibus infarcienda sunt? prelumque, ubi opus haud est, fatigandum? ne, quaeso, vacuis suspicionibus tribuamus nimium.

Nec tamen, textum truncatim adducendo, pag. 46-

III. Non minori, immo haud paullo maiori vitio datur P. HERRGOTTO, quod recitatum textum Anonymi, ex editione PETRESKII eductum, cum errore typographico, transposito nempe colo, citaverit; cum tamen in propria editione comma illud loco debito conspiciatur. Hinc Adversarius eundem hunc in modum restituit: *Sed quia altare male compositum fuit, sub Ronzelino Abbate effrigimus ipsum altare, & sicut modo est, collocavimus.* Consistit ergo tota emendatio in retractione unius commatis, quod post verbum substantivum fuit, reponendum: Nec culpatur hic P. HERR-

Aut commat aliquod perperam locando, pag. 47.

pag. 49.

GOTTUS, quod textum hunc male ediderit, quia comma illud recte, ac suo loco comparet, sed quod illud male, & secundum mendosam PEIRESKII editionem, in hoc paragrafo citaverit, & hinc illæ lacrymæ! Id ipsum enim est, quod eidem exprobratur, quasi mala fide egisset, aliter citando, aliter edendo; exclamante propterea Adversario: *Num omni culpa immunis, qui assumpta semel provincia, castigandi vitiosas Actorum Murensum editiones, errorem illum non tantum non notarit, sed quem sibi ad ætates Ronzelini, & Scriptoris longius intervallandas patrocinari putabat, contra suamet editionis sensum hic amplecti, vel saltem dissimulare voluerit?*

Mala fide
egit P.
HERRGOT-
TUS;

IV. Mira humani ingenii in rebus controversis sagacitas! Modo malæ fidei postulatur, qui fide egit optima; modo, qui candidissimus est, dissimulatur audit; non alia ex causa, quam quod nostris non faveat partibus. Comma illud, quod tantos excitavit clamores, si dissimulare voluisset P. HERRGOTTUS, nonne consequens erat, ut id in editione quoque, à se curata, loco non suo poneret? Id ergo cum non fecerit, perspicuum omnino sit, illum nihil prorsus egisse per dissimulationem. Scire denique cuperem, qua subnixus auctoritate, Adversarius exigat, ut dictum illud incisum post verbum *fuit* potius, quam post verba *Abbate Ronzelino*, colloceatur? quandoquidem autographum ipsum, nullis commatis vel colis, ut specimen, a P. HERRGOTTO edita, manifestissime docent, distinguuntur, omnisque interpunctio ab editoribus primum adiecta sit? Cum ergo comma illud æque in hoc, ac altero loco, commode, cunIQUE nullo vero verborum sensui, vim inferendi periculo, recipi queat: ius utique fuerit P. HERRGOTTO non minus, quam ceteris editoribus, illud aut cum ECCARDO ab antiqua sede deturbandi, vel in eo statu, quo illud primus editor PEIRESKIUS posuit, relinquendi. Cum ergo facere potuisset, quidquid libuisset, iniuste sane dissimulationis accersitur HERRGOTTUS. Denique non video, qui fieri potuisset, ut propria potius, quam aliena editione, cum Prolegomenon illud tertium scriberet, uteretur; quippe quam nondum habuerat: atque illud velut in fronte libri: Acta contra in calce eiusdem, typis exscribi debuerint. Nemo

etiam

etiam nescit, quam facilem præbeant usum libri iam impressi præ manuscriptorum fasciculis ; utpote plerumque nondum ligatis & complicatis, nec non grandioribus etiam.

V. His omnibus accedit, quod P. HERRGOTTUS alia, quam PEIRESKII editione non solum non uti potuerit, sed neque debuerit quidem. Frontem ad hæc rugabit nonnemo, existimans audire se paradoxum; at frontem iterum porriget, quicumque æquus rerum censor, mecum expendet, quod, quidquid hic in medium protulit P. HERRGOTTUS, id non tam ad stabiliendam suam hypothesin, quam elevandam opinionem PEIRESKII prolatum fuisse, atque adeo eo elaboratum, ut ex verbis Actuarii, prout ea a PEIRESKIO excitata fuerunt, nihil probari; quin potius ex iis evinci contrarium, demonstraretur. Paucis: verba adduxit PEIRESKIVS, eadem PEIRESKIO verba, nec alia, reddi debuerunt. Sed ut hæc res clarius patecat, altius nonnihil repetenda erit.

Quin potius aliter fieri nec potuit,

VI. Egerat P. HERRGOTTUS, segmentis tribus antecedentibus, de ætate, cum Anonymi, tum codicis Murenfis, huncque, cum ex materia, qua constat, tum ex figura litterarum, nec non ex contextu ipso diiudicans, ad seculum tertium decimum tam codicem ipsum, quam & eius Auctorem reiiciendos statuit. Reliquum ergo erat, ut argumenta, a partibus sibi adversis in medium allata, æqua lance ponderans, quid ex iis rite deduci posset, aut non posset, examinaret. Duo autem ipsi oberant potissimum, de ætate Anonymi aliter sentientes, PEIRESKIVS videlicet & Reverendiss. Abbas TSCHUDIUS. Hic transmitti poterat; ut qui alterius iudicio contentus, novas probationes non attulit. Solus igitur restabat PEIRESKIVS. Quid ille? *Vixit*, inquit, Anonymus Murenfis ante annos fere quingentos; nimirum, ut ipse testatur, sub Ronzelino Abbate, digitum intendens ad locum Anonymi, paullo superius allegatum, ut & Adversarius ultro largitur. Iam quid ageret HERRGOTTUS? id utique, quod e re sua foret, ostendendo, PEIRESKIVM ex citatis verbis quoad ætatem Anonymi nihil probasse, quin potius, quod ex iisdem, prout hic iacent, & quatenus interpunctio, ab ipso-

Nec debuit.

met posita (ut & poni poterat) exigebat, contrarium potius consequatur. Quid enim his verbis luculentius : *Sed quod altare male compositum fuit sub Abbate Ronzelino, effregimus ipsum altare, & sicut modo est, collocavimus. Cunque ad reliquias ipsas perveniremus penitus ex humore terræ computruerunt; at nihil invenimus, nisi quoddam os & pulverem?* Nunquid enim non rectissime ex iis infertur, altare sub RONZELINO Abbate male compositum, Auctoris ævo effractum fuisse, tantumque adeo inter constructionem, sub RONZELINO Abbate factam, atque reparationem, ævo Auctoris susceptam, effluxisse temporis, ut reliquiae ex humore terræ computruerint, nihil ut amplius, præter os & pulverem, reperi- tum fuerit? Id, inquam, ex adductis Actuarii verbis manifeste consequitur, etiamsi integram, rei gestæ seriem, quam mox inferius dabimus, una coniungamus. Etsi enim tota illa relatio rectius nonnihil cohareat, si altare illud, sub UDALRICO dicatum, sub RONZELINO Abbate effractum fuisse (id quod historia equidem refert) dicamus: quamdiu tamen comma illud, quo de P. HERRGOTTO nulla, ut diximus, suspicio, aut dubium obversari poterat, eo loco, quo illud PEIRESKIUS locavit, manet, necesse est, ut alium eruamus sensum, ac aliquid sub RONZELINO Abbate iuxta vel in ipso altari immutatum, aut reparatum fuisse dicamus, eidem altari ita novum, ut deinde illud effingi, ac denuo reparari opus fuerit. Quanquam, ut hæc singula tam severo examine trutinaret HERRGOTTUS, sui ipsius muneris haudquaquam fuerit; ut qui contentus esse poterat, ostendisse, ex eo loco, ad quem provocabat PEIRESKIUS, nihil admodum contra suam opinionem probari, quin potius eandem magis, magisque confirmari. Etenim Scriptorem hunc hominem seculi XIII. esse, in hoc parographo, non tam novo argumento demonstrare, quam obiectionem, ex sententia PEIRESKII petitam, solvere parabat P. HERRGOTTUS, ex *hactenus dictis*, ait, *refellitur Peireskii sententia*: quod ut rite præstaret, quid amplius opus erat, quam, ut locos, ad quos ille provocabat, ex ipsiusmet editione in medium proferret, ostenderetque breviter, quod illi haudquaquam faveant? Satis enim ætas Scriptoris, supposito, unum, eundemque esse Auctorem, ex antea

loc. cit.

dic-

dictis colligi poterat, ut adeo de novis argumentis parum sollicitus P. HERRGOTTUS, PEIRESKIU ex PEIRESKIO refutandum sibi sumpserit, quod & , stante sua hypothefi, optime processit.

VII. Eadem fere ratione obviamus Adversario, quando reliquam huius sectionis partem satis acerbe deinceps traducit, hanc P. HERRGOTTI obiectionem, quam is sibi ipse fecit, aggrediens : „ Nec iuvat dicere, reliquias illas ab „ UDALRICO Episcopo II. Constantiensi, nono Kal. Ianuarii, „ ibidem denuo repositas esse. Nam etsi Udabricus Ep. in „ nostris chartis recurat annis MCXXX. 8. Febr. & MCXXXVIII. „ 28. Nov. id tamen minime probat, Scriptorem ævo Udal- „ rici Episcopi vixisse, quin mox subsequencia verba, quibus „ ait: continentur autem in ipso altari, sicut ego ipse vidi & „ audivi, reliquias &c. indicant, reliquias, anteriori tempore „ ab Udalrico Episcopo repositas, Scriptori postmodum visas „ esse, huncque ab aliis forte monachis audivisse, quoniam „ reliquias, & a quo ibidem reconditæ fuissent. „ Hæc P. HERRGOTTUS sibi opponit, quæ ab aliis ex contextu Auctoris, quem deinceps integrum adducemus, opponi potuissent, atque insimul ipse etiam diluit; quam tamen circumspedtionem tantum non probavit Adversario, ut eidem vix non sibi fit, quando post multa, a nobis postea examinanda, sic demum pronuntiat : Poterat hinc etiam & debebat inferre pag. 52. (HERRGOTTUS) Scriptorem Murensem, seu rei gesta oculatum testem, sub Abbate RONZELINO vixisse, nisi illud paradoxum & ipse voluisset admittere, nempe, altare quidem effractum ævo Scriptoris, hoc est, iuxta chronologiam P. HERRGOTTI seculo XIII. sed reliquias, in effractione repositas, unacum aliis, in ipsum altare ab Udalrico Episcopo rursus repositas esse tempore longe anteriori, videlicet seculo XII.

VIII. Accusatur ergo P. HERRGOTTUS, quasi qui adeo foedum commisisset anachronismum, adeo male duxisset calculum, ut integrum seculum, cursu retrogrado quasi retrahendum esset; si quidem ratio chronologica eiusdem constata deberet. Gravis certe in virum Eruditum obiectio, & eo-
Alia Adversarii obiectio, loc. cit.
Minime Probans, P. HERRGOTTUM anachronismi accusandum;

quidem gravior, quod P. HERRGOTTUS nihil hic tale commiserit. Non enim hæc verba Murensis Scriptoris, tanquam testis oculati, ut falso supponit Adversarius, proposuit P. HERRGOTTUS, sed ut Scriptoris subsecuti, quasi dixisset: altare illud anteriori tempore, id est, ante effractionem, ævo primum Scriptoris factam, aliqua reparatione opus habuisse, ita ut reliquiæ, primitus ibidem conditæ, rursus recondi debuerint ab UDALRICO Episcopo sub RONZELINO Abbate, quas deinde viderit Auctor suo tempore; qua in re non capio, quid contra temporum rationem peccatum fuerit. Supponit nempe, ut id addam, P. HERRGOTTUS etiam hic, quod in præcedentibus paragraphis (stante hypotesi, quod unus duntaxat, non plures, codicis auctores sint) invictis probaverat argumentis: Scriptorem vixisse seculo tertio decimo; hinc, ut is sibi ipsi contrarius ne videretur, aliqua ratione explicandus & salvandus erat, id quod melius sane, quam iam dicta, fieri haud poterat ratione.

Non subsistente
quippe hypothesi.

IX. At dices: quomodo Auctor reliquias, sub UDALRICO secundo Ep. Constantiensi integro ante seculo reconditas, videre poterat; quandoquidem hoc sine violatione sepulcri fieri haud poterat? Id ipsum est, quod Adversarius pag. 51. obiicit, mihi que iam ansam præbet, vexatissimum hunc Actuarii locum operosius non nihil examinandi, atque eo iam ordine, quem Adversarius tenuit, procedendi. Debeo autem ante omnia integrum apponere locum, quod & Adversarius fecit, & fieri debere obtendit, inmo integriorem adhuc adducam, cum postrema verba non minus, quam priora, in rem nostram faciant:

„ Cappellam autem S. Iohannis Evangelistæ construxit quædam nobilis matrona, nomine Gerhild, sub Abbate Uodalrico, qui fecit eam dedicari XII. Kl. Maii in honore supra dicti Sancti Iohannis a quodam Episcopo, nomine Geroldo de Rinzin, qui erat monachus factus ad Suavinhausen. In quod altare collocatæ sunt tunc reliquiæ Sanctorum, id est eiusdem S. Iohannis, Mauriti, Pancratii, Iohannis & Pauli, Sebastiani, Placidi, Sigberti, Eucharii. Sed quia altare male compositum fuit, sub Abbate Rozelino effrigimus ipsum

„ ipsum altare, & sicut modo est, collocavimus. Cumque
 „ ad reliquias ipsas perveniremus, penitus ex humore terræ
 „ computruerunt, ac nichil invenimus, nisi quoddam os:
 „ sed pulverem ita, ut invenimus, collegimus, ac cum reli-
 „ quis Sancti Marci Evangelistæ, & Sancti Nicolai Episcopi
 „ rursus repositæ sunt eadem (eædem) reliquiæ in ipsum alt-
 „ tare ab Uodalrico Episcopo II. Constantiensi sub die nono
 „ Kl. Ianuarii. Continentur autem in ipso altari, sicut ego
 „ ipse vidi & audiui, reliquiæ Sanctæ Dei Genitricis Mariæ.
 „ De Sepulcro Domini. De sancta Cruce. Sancti Petri, Pau-
 „ li, Iacobi, Stephani Prothomartiris, Alexandri, Marcelli,
 „ Albini, Constantis & Alexandri, Vincentii, Mauricii, Ge-
 „ reonis, Felicis, Pancratii, Cristofori, Sebastiani, Valenti-
 „ ni, Ypolliti, Pelagii, Gangolfi, Genesii, Apri, Cosmæ
 „ & Damiani, Gregorii Papæ, Martini, Nicolai, Briccii, Zeo-
 „ nis, Victorini, Severini, Legoncii, Benedicti, Galli, Leonhar-
 „ di, Julianæ, Regulæ, Fortunatæ, Gertrudis, Afræ, un-
 „ decim M. Virginum. In capsâ autem, quæ stat super Alta-
 „ re, sunt reliquiæ Sancti Martini, Blasii, Vincentii, Victo-
 „ ris & Ursi, Mauricii, Gorgii, Dyonisii, Gregorii Papæ,
 „ Innocentii, Tede (Teclæ) Virginis. „ Hucusque Actuarius
 Murenfis, fideliter, secundum ipsius Adversarii editionem,
 exscriptus; ex quo satis prolixo loco, tam PEIRESKIUS, quam
 & Adversarius, evincere student: Actuarium Murensem sub
 RONZELINO Abbate vixisse, rationem suam inde promentes;
 quod rem totam hic enarret, quasi qui ipsamet interfuerit,
 testisque præsens, rem omnem oculis usurpaverit suis. Quod
 si vero contrarium ostendero, nempe ex illo ipso loco con-
 sequi, Auctorem illi actui non interfuisse, ruet, quidquid hic
 Adversarius P. MARQUARDO opposuit.

X. Ut igitur ordine procedamus, concedimus Adver- Hinc Ad-
 sario, sensum huius loci sincerum & genuinum hunc esse: versarius
Sub Abbate Uodalrico altare male compositum, sub Abbate au- potius, at-
tem subsequenti Ronzelino effractum atque reparatum, ac de- que PEI-
num præserte Udalrico II. Episcopo Constantiensi consecratum RESKIUS
fuisse. Lubens hæc, inquam, concedo, & quæro tantum, peccant,
 undenam, & quibus ex verbis probent tam PEIRESKIUS, pag. 48.
 quam

quam Adversarius, Auctorem loqui de sua ipsius præsentiâ? Duobus ex versibus haud dubie respondebunt. Primo, quod hisce verbis utatur: *effrigimus, collocavimus, perveniremus, invenimus, collegimus*, deinde, quod expresse dicat: SICUT EGO IPSE VIDI ET AUDIVI; qui enim videt & audit, nedum iam natus sit, oportet, sed & non longe abesse potest ab ea re, quam videt & audit. Verum quod ad primum attinet, vehementer nego, ex illis loquendi formulis, Auctori huic aliunde summopere frequentatis, confectarium esse, ut solemnitati isti præsens adfuerit. Utitur enim ipsissimis loquendi modis, id est, plurali numero, æque alibi, ubi tamen ex certis indiciiis deprehenditur, ipsum actioni, quam narrat, haudquaquam interfuisse. Sic vg. p. 20. scribit: *sed hoc verum est etiam, quod decimas omnium Ecclesiarum, pene usque ad Windisso sitarum, cis fluvium, nos antea accipiebamus*. Facta hæc sunt, antequam Auctor monachum induisse poterat. Agitur enim ibi de Dedicatione Basilicæ Murenensis, quæ anno 1060. peracta esse dicitur, nec non de bonis, ea occasione acquisitis. Unde Auctor paullo antea dixit: *si plus sit confirmatum vel datum in Dedicationem, non potuimus verius investigare*. En hic similes loquendi modos, nec tamen dixeris, Auctorem iam tum anno 1060. monachi vitam egisse, Dedicationique præsentem fuisse, ut ex se patet. Eosdem scribendi modos adhibet quoque pag. 90. ubi de latifundiis, quæ in Rotwil castro, quod est iuxta Friburg, aquisierant Murenenses, agens, subiungit: *De vitibus autem, sive quod nos plantavimus, vel plantatas invenimus, quando primum possedimus, quod ad decem &c.* PLANTAVIMUS, ait, cum credibile non sit, monachos Murenenses Rotwylam in Brisgoviam prosectos, ad vineas ibidem excolendas. Ait præterea: QUANDO PRIMUM POSSEDIMUS, itemque INVENIMUS, etsi ipse certo certius operam suam in nulla hac re contulerit; hinc ergo ex citatis eiusmodi loquendi modis nihil admodum evincitur.

Maxime
autem Ad-
versarius
pag 52.

XI. Sed multo magis urget Adversarius ipsam Actuarii confessionem, sicut & ego ipse VIDI & AUDIVI, fidenter admodum subinserens: *Quare dicendum, vidisse Scriptorem tunc præsentem reliquias omnes, quæ novo altari ab Udalrico Episcopo*

copo imponebantur, audivisse autem vel publice promulgari, vel privatim explicari, quorumnam Sanctorum reliquiae essent. Huc etiam pertinent, quæ Adversarius alibi, non sine concepta spe, extorquendi assensum, hunc in modum proloquitur: Si autem quoquo etiam modo susineri posset, reliquias, pag. 51. quorum testem de visu & auditu Scriptor Actorum se dicit, in altare istud anteriori tempore ab Ep. Udalrico reconditas, postmodum vero, hoc est, post integri seculi decursum, ipsi Scriptori visas esse, non potuit tamen is reliquias illas unquam vidisse, nisi altari iterum EFFRACTO, iterum REPARATO, iterumque CONSECRATO. Ego vero in alia omnia hic ire nullo dubito, ac summa cum probabilitate exinde colligendum puto, Scriptorem non modo ei solemnitati non interfuisse; sed omnia & singula ex auditu, seu aliorum ex relatione percepisse. Non enim, cum se reliquias, in altari contentas, vidisse & audisse dicit Actuarius, de reliquiis, ab Episcopo ex munere pastoralis reconditis, sed de aliis omnino, quibus Episcopus, ad perficiendam consecrationem altaris, usus non est, mentionem facit, quæve adeo, sine nova effractione, reparatione, aut consecratione videri, immo & contrectari poterant. Quod ut recte intelligatur, triplicis generis reliquiae, de quibus hic Auctor luculentissime memorat, distinguendæ veniunt. Primi generis sunt, quæ penitus ex humore terræ computruerunt, quarumque nihil amplius inventum fuit, præter quoddam os, atque hæc, collecto etiam pulvere priorum, unacum novis reliquiis Sancti Marci Evangelistæ, & Sancti Nicolai Episcopi, rursus repositæ sunt - - ab Udalrico Episcopo II. Constantiensi, ut testatur Actuarius. Alterius generis sunt, quas ab Episcopo compositas esse non legimus, immo ab Episcopo intactas mansisse, ex relationis serie clarissime intelligimus. Cum enim Auctor, quid ab Episcopo factum fuerat, ordine narrasset, atque reliquias etiam, quibus sepulcrum altaris, seu confessio, ab eodem Episcopo denuo repleta fuit, speciatim enumerasset, completa ea relatione, ad ceteras quoque reliquias, tam in ipso altari, id est, in parte eius eminentiori, quam & in capsâ eiusdem contentas, atque haud dubie venerationi publicæ expositas, recensendas descendit, hunc quidem in modum: *Continentur autem in*

K

ipso

ipſo altari, ſicut ego ipſe VIDI & AUDIVI, reliquiæ Sanctæ Dei Genitricis Mariæ. De ſepulcro Domini &c. Hiſce denique enumeratis, etiam tertiæ reliquiarum collectionis meminit, dicens: *In capſa autem, quæ ſtat ſuper Altare, ſunt reliquiæ Sancti Martini, Blaſii, Vincentii &c.* Ecce hic triplicis generis reliquias, in capella olim S. Joannis Baptiſtæ cultas. Harum aliæ ab Epifcopo conſecrationis ergo repositæ fuerunt, de quibus Auctor ſpeciatiim meminit, aliæ in capſa, quæ ſupra altare ſtabat, conſeſæ: aliæ denique in ipſo altari, id eſt, *elevatione* eiſdem, ut id hodieum in uſu eſt, collocatæ fuerunt. Quæ, cum ita ſint, facile concedo, prioris generis Sanctorum liſana, in ſepulcro Altaris reposita, Actuário Murenſi viſa haud fuiſſe, bene vero ſecundi & tertiĩ generis.

Cuius
namque
argumen-
tis nihil
ineſt pon-
deris.

XII. Quare ſatis opinor, intelligitur, ruere Achillem argumentorum, tam a PEIRESKIO, quam & præcipue Adverſario, prolatorum, exiſtimantibus, reliquias illas, quas a ſe viſas teſtatur Actuarius, alia occaſione videri haud potuiſſe, quam cum altare S. IOANNIS BAPTISTÆ ab Epifcopo denuo dedicatum fuit. Hinc, cum res, ut oſtendimus, longe aliter ſe habeat, inferre non dubito, Auctorem iſti ſolemnitati haudquaquam interfuſſe. Cum enim dicat, ſe ab aliis audiſſe, cuius generis reliquiæ in eo altari expoſitæ fuerint, cumque oculos teſtes non advocet, niſi quoad eas reliquias, quæ ad conſecrationem altaris adhibita non fuerunt; manifeſte apparet, ipſum eiſmodi actioni non interfuſſe, ſed audiſſe duntaxat a narrantibus, vidifſeque, vel in *breviculo*, ad quod genus commentarios aliunde non infrequenter provocat, vel in ipſa altaris *elevatione*, vel lectis Sanctorum nominibus, reliquiarum particulis (id quod tum facile etiam in uſu fuerat) ſuperſcribi ſolit. Alias enim inepte admodum locutus fuiſſet, dicendo: ſe vidifſe & audiſſe, Epifcopum reliquias in Altari quodam reposituiſſe; quas enim actiones ipſimet videmus, non opus eſt, ut ab aliis quoque nobis narrentur, aut ubi rem viſam narrare volumus, auditum, ſeu famam, a narrantibus propagatam, in ſubſidium, ſeu teſtimonium, advoce-
mus. Contra vero optime procedunt Actuarii verba, quod
audierit a narrantibus, quænam præter propter reliquiæ in eo
al-

altari contineantur, atque ipse etiam easdem viderit, usurpaveritque oculis, postquam Acta sua scripturus, quæ reliquæ in altari S. IOANNIS BAPTISTÆ asserventur, explorare voluit. Videat ergo Adversarius, quam nihil ex hoc Actuarii loco, tam operose licet enucleato, contra P. HERRGOTTUM probaverit, quamque nihil pariter egerit, dum ad inspicandas sæpe dictas reliquias, *iterata EFFRACTIONE, iterata REPARATIONE*, ac *iterata* denique *CONSECRATIONE*, opus fuisse putavit.

XIII. Reliquum iam esset, ut ad cetera loca, quibus noviter in medium adductis, ætatem Anonymi stabilire studeat Adversarius, intucemur, sed cum de iis commodior agendi locus occurreret inferius, capiti huic finem imponimus.

Prætere-
untur ce-
tera. i

CAPUT X.

Ponderatur alia coniectura, a P. HERRGOTTO
PEIRESKIO opposita.

I. **A**ltera, quam contra PEIRESKII opinionem P. HERRGOTTUS formavit, coniectura, ex ipso iterum Actuario desumpta fuit. In eo namque extat locus, ubi HENRICI, *ministerialis* de HABSBURG, mentio ingeritur, qui monasterio Murenfi ad *Rüti mansum dedit, ea conditione, ut anniversarius obitus sui cum eo celebretur, qui est VII. Kal. Augusti.* De hoc igitur HENRICO, sequentia observat P. HERRGOTTUS: „Hic vero HENRICUS, sive senior, sive iunior ille fuerit, *Pincerna* erat Comitum de HABSBURG, quorum prior in chartis nostris an. MCCVII., MCCXLII. 23. April., & MCCLII. recurrit; posterior vero in monumentis an. MCCXXXII. 10. April., MCCXL., MCCXLII. 23. April., & MCCLIV. 18. Martii describitur. Ex hac autem notione concipiendum erat, Scriptorem Actorum Murensum, qui data opera donationis, ab uno horum HENRICORUM factæ, meminit, aut illorum fuisse æqualem, aut post

Altera P.
H. de eo-
dem argu-
mento
coniec-
tura,

Pro'eg.III.
§. IX.

„ illorum mortem scripsisse. Dicendum itaque, ante medi-
 „ um circiter seculum XIII. Acta Murensia non fuisse ex-
 „ arata.

Invisa Ad-
 versario.

pag. 59.

II. Multa, pro convellenda hac coniectura, congestit Adversarius, quæ, quali nitantur fundamento, ex nova & insolita eiusdem discimus argumentandi ratione. Exigit nempe a P. HERRGOTTO, ut doceat, non tantum istorum Henricorum ætatem, sed ipsum, de quo Scriptor Murensis, alterutrum eorum, sive seniore, sive iuniore fuisse, demonstrat, nec præpropere & decretorie quidem pronuntiet, Scriptorem Murensis data opera donationis, ab uno horum Henricorum factæ, meminisse. Si duo, pergit, Henrici de Habsburg dicti sub idem tempus simul occurrunt, poterat & tertius integro ante seculo exitisse, seu ex ministerio, seu ex stemmate cognominatus DE HABSURG. Et quid, si hunc ipsum P. Herrgotti Instrumenta monstrarent? Non vana enim forsitan sit coniectura, eundem cum nostro esse Henricum illum, QUI IN CHARTA ANNI 1127. inter Testes connumeratur, sub cognomine de Habsberg: quam chartam P. Herrgottus ex codice (cuius ætatis & authenticæ? ignoramus) membranaceo Archivi San-Blasiani descriptam citat.

Qui sibi
 non con-
 stans, vario
 modo pec-
 cat:

Ibid.

III. Nova hæc, adhuc repeto, ratiocinandi methodus est; accipe probationem: P. HERRGOTTUS argumentum suum, hoc, quem agimus, paragrapho, prolatum, non nisi pro coniectura venditat: ex hac notione coniciendum erat, inquit. Reiicitur hæc coniectura; quare? quia prius demonstrandum fuerat, alterutrum horum HENRICORUM, de quibus charta P. HERRGOTTI memorant, hunc ipsum fuisse, de quo Scriptor Murensis loquitur. Sed doceat, velimus, ait Adversarius, non tantum istorum ætatem, sed ipsum, de quo Scriptor Murensis, alterutrum eorum, sive seniore, sive iuniore DEMONSTRET. Rarum atque singulare prorsus petium! Id enim, si ostendi, ac demonstrari posset, num diceret P. HERRGOTTUS, se vendere duntaxat coniecturam? Peccat igitur Adversarius in paucis his lineis vario modo; nam imprimis a P. HERRGOTTO demonstrationes exigit; Doceat, ait,

ait, *demonstret* &c. cum tamen & ipse in medium producendo tertium suum HENRICUM, integro seculo superiore, nil nisi coniecturas, immo ne quidem, ut postea ostendemus, coniecturas, afferat. *Non vana enim forsitan sit coniectura*, ait. Secundo accusat P. HERRGOTTUM, quod *prapropere* & *decretorie quidem pronuntiet*, licet is, ut iam diximus, præter coniecturam nihil asserere se publice fateatur. Num is *prapropere* ac *decretorie pronuntiat*, qui expresse monet, asserere se coniecturam? Tertio denique coniecturas coniecturis accumulatur, unam superstruendo alteri; nam primo coniicit, HENRICUM illum, de quo dicta charta an. 1127. meminit, illum ipsum fuisse, quo de meminit & Actuarius; cumque secundo videat, ne quidem nomen congruere, cum non *de Habsburg*, sed *de Habesberg* legatur, etiam hanc lectionem ex coniecturis, at minime solidis, tentare, atque in rem suam, ut statim dicemus, convertere allaborat. Venditantur igitur nobis leves coniecturæ, cum contra a nobis, circa idem argumentum, non nisi demonstrationes exigantur. Sed hæc ex Logica Adversarii.

IV. Videamus iam, quænam illa *non vana* Adversarii *sit coniectura*? quo usque valeat, & num ea coniecturæ nomen mereatur? tum vero etiam de coniecturis P. HERRGOTTI dispiciamus. Legitur itaque in dicto Instrumento, inter testes subscriptos, HENRICUS *de Habesberg* (a), at eius loco vel substituendum esse HENRICUS *de Habsburg*, contendit Adversarius, vel vocabulum *Habesberg* & *Habsburg* idem prorsus denotare. Hoc ostendere conatur ex eo, quod, licet P. HERRGOTTUS alicubi coniiciat (b), iam tum (id est seculo XII.) floruisse nobilem in Suevia familiam, nomine *Habesberg*, unde HENRICUS ille descenderit, de ipso tamen vocabulo ipse adiciat: *an nomen HABESBERG cum voce HABSBERG synonymum sit, definire equidem cuilibet in promptu non erit.* Item, quod alibi (c) quoque moneat, etiam per nomen *Habechesberg*, licet a voce *Habsburg* plus abeat, castrum *Habsburg* in Argovia de-

Vanam præterea coniecturam de variante lectione vocab. *Habsburg* & *Habesberg* afferens,

a
pag. 60.
b

c

K 3

(a) Geneal. Dipl. tom. II. num. CCVIII.

(b) Ibid. tom. I. lib. I. c. VI. §. XII.

(c) Ibid. c. V. §. IX.

Ibid.

denotari. Hæ duæ primæ rationes. Præcipua autem ratio est, *cur in præfenti casu nostro inter HABESBERG & HABSBURG, inquit, distinguere dubitemus, quod alia lectio habeat HENRICUS DE HABESBERG, ut ipse P. Herrgottus advertit, in notis ad prædictam chartam, ubi ait: „HENRICUS DE HABESBERG; ita in citato codice nostro scriptum legitur, contra quod apud LUNIG. loco cit. (nempe in Spicil. Eccles. Arch. Imp. P. III. p. 366.) mendose exaratum HENRICUS DE HABESBURG „caussa mendositatis non indicata, nisi per præferentiam codicis San-Blasiani, licet utrobique apographum tantum dictæ chartæ habeatur, cum aequali mendosa scriptionis periculo.* Probare id nititur ex eo, quod P. HERRGOTTUS mendum in charta quadam, ex eodem NB. Archivo San-Blasiano eruta, repererit (a), a se ipso in margine inferiori sic notatum: *Loco HEINRICI Episc. Constantiensis, legendum HERMANNI; constat enim hoc tempore HEINRICUM Episcopatum Constantiensi non præfuisse. Ex sigla, seu initiali littera h. amanuensis in vicem HERMANNI scripsit HEINRICI.* Hinc concludit Adversarius: *Si amanuensis in vicem HERMANNI audentissime substituit nomen HENRICI, poterat & alibi faciliiori lapsu pro HABESBURG scribere HABESBERG.*

Quam per-
peram ad-
ductis P.
HERRGOT-
ti verbis,

V. Mire delectatur Adversarius in adducendis P. HERRGOTTI verbis, ubi HERRGOTTUM ex HERRGOTTO vinci, atque tantum non contradictionis, immo & contradictionis argui posse existimat. At firmiora sunt illius fundamenta, quam ut tam facile concuti, nedum subverti possint: nec eius doctrina tam male cohæret, ut vel levissimæ contradictionis argui queat. Illustria eius rei exempla retulimus in præcedentibus, nec dubito, quin & postea plura in medium adducere queamus. Non ultimum autem inter ea locum obtinet præfens, quam agitamus, materia. Eam ut ordine pertractemus, unum post alterum intuendum erit. Contendit primo loco Adversarius, in laudato Instrumento legendum esse: HENRICUS DE HABESBURG, non DE HABESBERG. Rationes, in eum finem allegatas, audivimus, quomodo subsistant, videamus. Locus P. HERRGOTTI, ad quem provocat Ad-

(a) Ibid. tom. II. num. CCXXIV.

Adversarius, tam parum ei patrocinatur, ut exinde nec calidum, nec frigidum extundi queat. Adducamus eundem integrum: „Supereſt tamen aliud caſtrum, *Habsberg* dictum, „in Suevia, prope Riedlingam, quod tanquam feudum novum & rectum Auſtriacum ab Auguſtiſſimo Imperatore noſtro CAROLO VI. Illuſtriſſimæ Domui Fuſttenbergicæ nuper collatum fuit. Illud antea clientelari titulo Guntelſingii atque Helfenſteinii ab Auſtriacis pariter poſſederunt, ut ex documentis Archivi Oenipontani colligere eſt. An verò dominium, ut aiunt, *directum* caſtri huius ab Habsburgiis, vel aliunde ad Auſtriacos pervenerit, nomenve *Habsberg* cum voce *Habsburg* ſynonymum ſit, definire equidem cuilibet in promptu non erit. Illud vero mihi exploratum, floruiſſe duodecimo Chriſti ſeculo nobilem in Suevia familiam, nomine *de Habesberg*, ex qua in charta noſtra anni 1127. num. CCVIII. occurrit inter teſtes *Henricus de Habesberg & frater eius Conradus*. His igitur caſtrum hoc de Habesberch forte proprium fuerit; quod poſtmodum ad Duces Auſtriæ, quocunq; demum modo pervenerit. Certe de hoc caſtro *Habesberg* in Suevia Habsburgenſes noſtri in monumentis ſe nec nominarunt, immo de eo nec mentionem fecerunt. (a) „ En integram ac genuinam P. HERRGOTTI ſententiam, quæ tantum abeſt, ut Adverſario faveat, ut eidem proſus adverſetur. Primo enim falſum eſt (quod non obſcure innuitur) quaſi P. HERRGOTTUS per ea verba: *an nomen HABSBERG cum voce HABSBERG ſynonymum ſit, definire equidem cuilibet in promptu non erit*, anceps hæſitare videatur, quid ea de re dicendum ſit? cum potius affirmare voluerit, nunquam futurum fore, ut quis affirmativam defendere queat. Patet id clariffime ex verbis illius extremis, præcedentium interpretibus: *certe de hoc caſtro Habesberg in Suevia, Habsburgenſes noſtri in monumentis ſe nec nominarunt, immo de eo nec mentionem fecerunt*. Qui nullam de eo caſtro & nomine, in ampliffima ſua collectione, mentionem fieri, pro certo tenet: qui illud Habsburgenſibus proſus ignotum fuiſſe, eodem loco affirmat: quo pacto dubitare vel ipſe queat, num dicta duo vocabula *Habesberg & Habsburg*

(a) Ibid. T. I. lib. I. cap. VI. §. XII. p. 43.

burg converti possint? Oportuerat ergo contextum P. HERRGOTTI simul consulere, eundemque ponderasse attentius, vel integrum adduxisse, nec adeo *prapropere* & *decretorie* pronuntiare.

Ac male e-
riam expo-
sitis, firma-
re nequit;

VI. Dicit secundo Adversarius, quod *Clar. Patris coniectura sit, iam tum* (id est seculo duodecimo) *floruisse nobilem in Suevia familiam, nomine de Habesberg.* Cum tamen ex contextu mox adducto, evidentissime constet, P. HERRGOTTO nunquam venisse in mentem, ut id pro coniectura tantum venditet, sed certum & exploratum esse, expresse dicat. *Illud vero mihi exploratum, ait, floruisse duodecimo seculo &c. & recte etiam; cum id laudata charta, de qua mox etiam plura, affirmet.* Parum itaque feliciter versatus est Adversarius in hac prima sua obiectione.

Cum lec-
tio codicis
San-Blasi-
ani haud
dubie præ-
ferenda
sit,

pag. 60.

VII. At non maiori, immo multo minori robore prædita est obiectione eius secunda; cuius tamen solutio, cum magnam partem dependeat a solutione obiectionis eius tertie, de hac primum, quam aliunde *potissimum* dicit Adversarius, videamus. Tota autem huc redit: in impresso D. LUNIGII haberi *Habesburg*, nullam ergo causam subesse, cur lectionem codicis San-Blasiani, qui *Habesberg* legit, præferamus, cum utrobique apographum tantum diste chartæ habeatur, cum aequali mendose scriptiois periculo. Ficulneum sane argumentum! Si enim codex codice melior & emendatior non est, si apographum apographo non præstat, nec præferri potest; si denique nulla ars est, quæ lectionem variantem cum variante contendens, hanc dimittendam, alteram amplectendam esse, idoneis atque prudentibus doceat regulis; si denique iudicium humanum in rebus philologicis nihil valet, virtutis habet nihil: tum demum recte sentit Adversarius, rem utrobique cum aequali mendose scriptiois periculo agi; at simul consequitur, ut operam fere perdiderint omnem, qui, collatis codicibus manuscriptis, aut SS. Patres & Concilia, aut Auctores veteres cuiuscunque generis alios, correctius, emendatiusque edere studuerunt; quandoquidem & hi non nisi apographorum, in quibus omnibus mendose scriptiois periculum est, subsidio instructi, ad hanc spartam exornandam acce-

acceſſerunt. Cum ergo docti illi viri, loca veterum Auctorum prope infinita, apographorum ope emendaverint, luxata reſtiterint, depravata correxerint; concedat Adverſarius, oportet, codicem codice eſſe meliorem, cuius auctoritate moti, unam diverſorum codicum leſionem præponant alteri. Atque huiusmodi etiam fuiſſe P. MARQUARDO rationes, & ſufficientes quidem, ne dubitet Adverſarius: nec cauſſetur etiam, nullam earum, præter *præferentiam*, ut loquitur, *codicis San-Blasiani*, fuiſſe indicatam, etſi vel hæc ſola ſufficere potuiſſet; utpote cum non neſciret P. HERRGOTTUS, codicem illum, eſſe optimæ notæ, atque cura HENRICI IV. Abbatis S. BLASII, circa medium ſeculi quarti decimi non ex apographis, ſed iſſis originalibus, quæ vocant, ſumma cum diligentia deſcriptum, ut id titulus codicis præfert, atque aliunde etiam, certis ex documentis probare, pronum fuiſſet. Si porro urgeat Adverſarius, rationes eiſusmodi luculentius exponendas fuiſſe: verbis ut parcat, rogitanus; ſi enim ad quamcunque emendationem, alioſque eiſusmodi labores, ad inſtitutum ex ſe haud pertinentes, operoſe diſputandum foret: vah! in quam molem excreſcerent libri? quæ humanæ diligentiae monſtra naſcerentur? Præſumitur in eiſcemodi rebus, quemcunque bona agere fide, donec conſtet de contrario. Tandiu enim quis cenſetur bonus, quamdiu non probatur eſſe malus. Huc accedit, quod adhuc valde incertum ſit, an non in LUNIGII editionem error irreperit typographicus, adeoque eiſus apographum revera HABESBERG prætulit. Certe ſi lapſus amanueſum facilis eſt, non minore facilitate aberrant operæ typographicæ. Unde conſequitur, ut Inſtrumentum, prout a laudato LUNIGIO editum, cum mendoſe ſcriptionis, tum impreſſionis periculo, adeoque bis, expoſitum fuerit, codex autem San-Blasianus ſemel duntaxat. Habet ergo a contrario P. HERRGOTTUS pro ſe duos veritatis gradus, unum duntaxat, aut certe nullum, Adverſarius.

VIII. Suppetebat præterea alia, & quidem maioris momenti ratio. Hæc in eo conſiſtit: quod Inſtrumentum iſtud in media fere Suevia, non longe a loco & caſtro *Habesberg*, in cœnobio videlicet Ochſenhuſano, præſentibus inſu-

Id quod
alia ratio-
ne firma-
tur.

L

per

per Nobilibus eiusdem regionis, id est Alemanniæ, non autem minoris Burgundiæ, aut Argoviæ, confectum fuerit: ut adeo præsumptio stet pro viciniori, nempe pro HENRICO DE HABESBERG, non pro ministeriali, multo minus pro Comite de Habsburg. Docet id aperte eiusdem subscriptio, sic habens: *Acta sunt hæc omnia in Ochsenbuseu, in Comitatu DIETHBOLDI Comitis, presentibus, quorum ista sunt nomina: Arnoldus de Hilterwilare. Henricus de Steiga. Sigifridus de Rockenbur. HENRICUS DE HABESBERG, & frater eius Conradus. Cuno de Baltisheim. Siegeboto & frater eius. Witego-ge de Albegg. Bilgerinus de Huirbele. Burchardus de Butsmundsbuseu. Udalricus de Sulmigen. Rudolfus de Turckheim. Adalbertus de Schwarzbach. Meingoz de Gottisbretisborem.* Nulla hic, nec vola, nec vestigium Comitum aut Nobilium veteris Burgundiæ occurrit. Res etiam, cum in Alemannia peracta sit, non video, quid ad Nobiles Argoviæ pertineat.

Nec obest
mendum
eius codi-
cis alio in
loco;
pag. 61.

IX. Sed tamen urget Adversarius amplius, errasse codicis San-Blasiani exscriptorem alibi, ergo & hic errare potuisse. *Poterat, inquit, pro Habesburg scribere Habesberg.* Bellum argumentum! quo nempe semel admissio, nedum nihil tutum, nihilque sanum in toto Instrumento superesse dicas; sed omnibus, quæcunque ætatem tulerunt, apographis bellum indictum, nec satis tuta erunt ipsa autographa. *Poterat, ait Adversarius, pro Habesburg scribere Habesberg:* ergo etiam, subsumo, ex eadem ratione, facili scilicet lapsu, pro *Henricus de Steiga*, STIEGA, pro *Sigifridus de Rockenbur*, ROCKENBERG, pro *Cuno de Baltisheim*, BALTSHUSEN. Percurratur hoc modo totus codex, immo omnia veterum Instrumenta, & nihil uspiam erit, quod ex principio possibilitatis non queas invertere. Nec iuvat dicere, quod idem amanuensis alibi *audentissime* pro HERMANNUS substituerit HEINRICUS; agnoscit enim ipse Adversarius in altero casu *lapsum*, non audaciam, præterquam quod ea gratis omnino adstruatur; quis enim in errore facile audaciam arguat, qui non minus ex incuria, aut ignorantia, accidere potuit. Cui bono, aut quo fine, id fecisset amanuensis? Credo, hominem fuisse famæ integræ. Sed ponamus tamen, hominem projectæ

pror-

prorsus audaciæ fuisse, atque locum illum, quo de antea diximus, temere prorsus corrupisse, num ideo ad cetera quoque eadem suspicio extendi debet? an nescimus, a singularibus ad universale non esse bonam argumentationem? Denique si propter unicum, quem quidem sciamus, codicis San-Blasiani errorem, etiam reliqua in eo contenta, creperæ arguenda fidei sunt, eadem ex ratione etiam LUNIGII impresum in suspensionem vocandum erit, quod in eo, ut id loc. cit. ostendit P. HERRGOTTUS, manifesto errore, *Curigensis* legitur pro *Curienfis*.

X. Hæc cum iam iam in chartam coniecissem, primum animadverti, Adversarium falso supponere, laudatum Instrumentum ab eodem amanuensi descriptum fuisse, quo charta illa, *ex codice membranaceo archivi San-Blasiani* desumpta. Id quod, quo sine facere voluerit, equidem diiudicare nolum. Illud saltem non ignoro, causam erroris nullam comparere; quandoquidem notæ marginales, utrique Instrumento a P. HERRGOTTO appositæ, clariores sunt, quam ut Adversario errandi occasionem præbere potuisse videantur. Quemadmodum enim prior illa aperte docet: Instrumentum isthoc *ex codice membranaceo archivi San-Blasiani* (a), adeoque ex apographo: ita non minus altera nota, margini similiter adiecta, perspicue ostendit, monumentum illud *ex archivo Abbatie San-Blasiane*, atque adeo ex autographo eductum fuisse (b). Neque enim facile, aut raro admodum, aliam, cum autographa produxit P. HERRGOTTUS, notitiam apponere solebat, ut Instrumenta mox subsequenter, *ex archivo Murenfi* sig. lit. A. n. 2. nec non *ex archivo San-Gallensi* (c), aliisque, desumpta, quibus ut plurimum similis prorsus titulus marginalis adscriptus est; ut quæ & ipsa autographa sunt, abunde docent. Quod porro apprime notandum, dictæ posterioris chartæ autographum, in membrana descriptum, adhuc asservamus, quod nuper admodum hisce contrectans manibus, non sine admiratione deprehendi, revera in eo legi HERMANNO (tribus videlicet

Quin nulli
libi reperi-
tur.

a

b

c

L 2

licet

(a) Vid. Gen. Dipl. rom. II. p. 151. num. CCVIII. in margine laterali.

(b) Ibid. num. CCXXIV. p. 172.

(c) Ibid. pag. 173. seqq.

licet elementis prioribus duntaxat expressis) non HENRICO; ut adeo emendatio P. HERRGOTTI amanuenseni recentiorum, non veterum, attingat. Videat igitur æquus rerum arbiter, quam supervacaneum sit, quamque inane omne illud, quod contra codicem San-Blasianum, quem aliunde optimæ notæ, & satis antiquum esse, mox antea innuimus, in medium allatum fuit.

Alia duo
Adversarii
peccata,
ibid.

pag. 59.

XI. Transmitto hic alia Adversarii peccata, hisce non absimilia, ex quibus tamen duo adhuc in medium afferre liceat. Postulat is autographa loco apographorum. *Autographa*, inquit, *adduxisse iuvaret*, et si & ipse autographis rem non gerat, immo nec manuscriptis quidem apographis, cum impressum Clar. D. LUNIGII multo magis a fonte abeat, quam apographum San-Blasianum; quippe quod illud plurimorum manus, exscriptorum scilicet & typographorum, triverint. Alibi coniecat hunc in modum: *poterat & tertius* (HENRICUS) *integro ante seculo extitisse*, seu *ex ministerio*, seu *ex stemmate cognominatus DE HABSBURG*, alludens ad sæpius citatam chartam, ubi HENRICUM illum *de Habesberg*, ex stemmate Comitum Habsburgensem esse potuisse, arbitratur; sed præterquam, quod huic coniecturæ multa obsint alia, non advertit, opinor, Adversarius, hæc non P. MARQUARDO, sed sibi ipsi, seu potius Genealogiæ, Actis præfixæ, adversari; ubi namque nulla prorsus mentio sit de HENRICO, Comite Habsburgensi, aut CONRADO fratre eius, in eadem charta occurrente. Quare, stante opinione Adversarii, consequens esset, a Genealogo Murenli etiam hos duos adultos Habsburgicos Comites, turpi ac non ferenda omissione, neglectos fuisse. Qui igitur prætextus ille HEINRICUS ex stemmate cognominari potuit de Habsburg? atque hinc est, quod P. HERRGOTTUS HEINRICOS suos inter *ministeriales* adnumeraverit, rectius, opinor, quam Adversarius inter Comites HENRICUM suum tertium, aliunde plane confectum.

Novum e-
iusdemar-
gumen-
tum, ex in-
flexione

XII. Sed mittamus hæc; satis enim iam constare existimo, fuisse P. HERRGOTTO rationes varias, easque urgentissimas, præferendi codicem San-Blasianum; cum Adversario

con-

contra nulla prorsus suppetat, quam possibilitas erroris, quam tamen & ipsam, saltem quoad præsentem casum, haud probare potest; iudicet ergo æquus rerum censor, cuiusnam coniecturæ validioribus nitantur causis, P. HERRGOTTI, an Adversarii? & num eiusmodi argumento vis coniecturæ aliqua inest, quod in nulla prorsus re fundatur? Ego præterea nihil addo, quam quod, his præmissis, sponte ruat Adversarii argumentum secundum, ex congruentia desumptum, quod scilicet vel ipse P. HERRGOTTUS moneat, nomine *Habebesberg*, pag. 60. licet illud a vocabulo *Habsburg* magis declinet, quam *Habesberg*, castrum *HABSURG* in pago Argoviæ significari.

voc. *Habesberg* desumptum,

XIII. Responsio enim in promptu est: Nomen enim *Habebesburg* sicubi occurrit, in charta occurrit, quæ alia indubia authenticæ signa præfert, ex quibus intelligi possit, castrum *Habsburg* eiusmodi vocabulo, fœde licet inflexo, atque corrupto, intelligi; secus fit, ut vidimus, in præsentī, ubi in alia omnia abeundum esse, persuadent cetera. Deinde hoc argumentum a re præsentī prorsus alienum est; ibi enim, id est, Geneal. Dipl. lib. I. cap. V. §. IX. fermo est de *perversa plebis pronuntiatione*, non de etymo nominis, prout in Diplomatis, aliisque Instrumentis authenticis occurrit. Eodem namque loco subiungit P. HERRGOTTUS: *Discrimen vero hac in re, uti & in nominibus penitus amissis, ac plebis perversa pronuntiatione in alium plane sonum quandoque detortis, ex diplomatibus & sigillis desumendum esse diximus.* Pessima est igitur argumentatio a mala plebis vocabulorum inversione ad documenta publica; utpote cum illa ex his emendari debeat, ut id præter P. HERRGOTTUM etiam HEINECCIUS observat (a). Postremo cum de vocabulo *Habebesberg* sermo est, illud inferioribus duntaxat temporibus exortum fuisse, subintelligi debet: nos autem loquimur de charta seculi XII., quo vox illa primum exorta, nihil dum corrupta fuit. Observavit id, suffragantibus Diplomatis, P. HERRGOTTUS sectione, mox citatam antecedente, dicens: *quæ ultima nominis inflexio (nempe HABESBURCH) totis seculis XII. & XIII. & quod excurrit, INVARIATA permanfit,*

Non una de causis reiectum.

L 3

pro-

(a) De Sigill. P. II. c. II. p. 189.

prout in sigillis istius avi, quæ nobis ad manum sunt, legimus, quibus vocabula HABES sive HABIS & BURC, sive BURCH, inscripta videre est. Idem, quod P. HERRGOTTUS ope sigillorum observat, observare etiam est in editis ab eo diplomatibus, ubi priori seculo modicas eius vocis inflexiones offendimus, secus in seculis consequentibus. Videat L. B., quam valide stringant argumenta Adversarii: Quæstionem ciet de vocabulo Instrumenti, seculo XII. conditi, & ipse inflexiones affert ex ævo posteriori.

Nova Ad-
versarii
obiectionis
breviter
diluta.

pag. 61.

XIV. Restat nunc pars obiectionum altera, qua Adversarius abunde quidem largitur, in chartis P. HERRGOTTI non nisi de duobus HENRICIS *Pincernis*, mentionem fieri, exinde tamen nunquam evinci posse, nullum alium HENRICUM temporibus retro actis extitisse, qui eam donationem cœnobio Murenſi fecerit. Probet Clar. P. argumento positivo, ait, alterum ex HENRICIS suis præmemoratam donationem seculo XIII. monasterio Murenſi fecisse. Ergo iterum argumentum positivum exigit Adversarius, ubi P. HERRGOTTUS ipsemet professus est, se, ut iam diximus, nil nisi coniecturam afferre in medium.

Frustra e-
tiam Mo-
nialibus in
subsidiis
evocatis.
pag. 62.
& 63.

a

XV. Pergens deinde ulterius, etiam Moniales in auxilium evocat, de quibus memoriæ proditum est (a), quod de cella S. BLASII, cum fratribus exterioribus, seu *Conversis*, *Muros* missæ, sub initia autem seculi XIII. *Hermetswilam*, inde sesqui hora distantem, translata fuerint; cumque Actuarius testetur, eas suo tempore adhuc prope *Muros* fuisse, consequens est, ut HENRICI, de quibus toties mentionem fecimus, ex Actis excludantur, nullusque ex iis esse potuerit, de quo chartæ & diplomata P. HERRGOTTI mentionem ingerunt, cum illi post eam translationem adhuc in vivis extiterint: quanquam de cetero annus exploratus haud sit, quo translatio illa peracta fuerit.

Acceptari possunt hæc omnia, nec invitus largior, quod Adversarius fufius probat: Moniales illas sub initia primum seculi XIII. aut ante medium illius Hermetswilam translatas fuisse. Nego tamen exinde quidquam probari contra P. HERR-

GOT-

(a) Actuarius Mur. p. XXI. apud Adversar. 55.

GOTTUM. *Dicendum itaque, ait iste, ante medium circiter seculum XIII. Acta Murensia non fuisse exarata.* Producit quoque prioris illius HEINRICI chartam de an. MCCVII. quod quid aliud innuit, nisi initia seculi XIII.? Ad hæc, cum dicit *circiter*, evidens est, calculum duci ex numero rotundo, quemadmodum nec Adversarius ipse certo dicere potest, quandam religiosa illa translatio contigerit. Et quis demum non videt, chartam anni MCCVII. cum initio seculi XIII. aperte congruere? Quo ergo pacto dici potest, HENRICOS nostros ex Actis Murenſibus excludi? Mirari præterea subit, cur Adversarius duo Instrumenta, alterum de anno 1240. alterum de an. 1244. de Sanctimonialibus memoriam ingerentia, in hanc rem adducere voluerit; cum tamen P. HERRGOTTUS coniecturam suam ultra id tempus minime producat, & citatæ chartæ statim post eam Sanctimonialium migrationem exarari potuerint.

CAPUT XI.

Disquiritur diligentius, num unus, an plures
Codicis Murenſis Auctores fuerint?

I. **T**Andem ad illud caput devolvimus, quo Adversario aliquid tribuendum est, sed ita tribuendum, ut eidem aut exiguum, aut nullum prorsus inde accedat lucrum. Quæritur nempe, num duo, aut plures, codicis Murenſis Auctores fuerint? Affirmabat PEIRESKIUS, negabat, ut vidimus, P. HERRGOTTUS, hisce, quas modo summatim referre liceat, adductis rationibus: I. quod codex ex papyro constet vulgari, quam ante finem seculi XIII. aut initium XIV. vix invaluisse exploratum sit. II. Quod forma litterarum, quibus depictus est, a capite ad calcem sibi similem, seculum XIII. arguant. III. Quod ibi memoria ingeratur CUNRADI monachi & Cellerarii Murenſis, ac ANSHELM, eiusdem coenobii Abbatis, hominum seculi tertii decimi. Quæ sane rationes, ut hætenus quidem ostendimus, robur habent maximum.

Rationes,
cur unus
codicis
Murenſis
Auctor vi-
deatur:

num, atque eius sunt generis, quibus de ætate codicum MSS. potissimum iudicari solet & debet. Et quis demum, iisdem recte ponderatis, non idem sentiat, considerans nempe, totum opus uno continuo filo a capite ad calcem deduci, nullo interposito novo capitulo, nulla nova sectione (ut de Auctorum nominibus, ubique silentio pressis, nihil dicam) aut alio certo signo, unde diversitatem Auctorum coniicias. Præterea, ubi videris, in frontispicio statim, post viginti circiter lineas, mentionem fieri Comitum Habsburgicorum, eodem seculo XIII. viventium, nec non & in calce, ininterrupta ferie, Abbatis & monachi Murenfis, de quibus itidem constat, eos seculo XIII. haud esse superiores: Hæc, inquam, quicumque demum attenderit, illico pronuntiabit, Auctorem esse unicum, adeoque eiusdem ætatem ad seculum XIII. haud dubie esse figendam.

Plures tamen esse, nec P. H. ex toto abnuir,

Proleg. III. S. X.

II. At nihilominus P. HERRGOTTUS suæ sententiæ adeo tenax non est, nec rem tanti existimat momenti, quin ultro concedat, duos aut plures esse Auctores. Ille enim, postquam iam omnia argumenta adversus PEIRESKII opinionem deprompisset, animo tamen prorsus æquabili, & a vitiligitationis studio prorsus alieno, subiungit: *Verum demum ultro, duos aut plures etiam Scriptores illi schemati genealogico, quod sex & viginti lineis per omnia simillimis characteribus constat, insudasse: &c.* immo, quod maius est, non plus sibi dari postulat, quam ut fateatur PEIRESKIVS, opus saltem post RONZELINUM Abbatem elaboratum fuisse, dum mox ita subiungit: *Concedamus etiam & hoc PEIRESKIO, stili diversitatem in eo reperiri: quid inde sequetur? Hoc semper manet in confesso, scripturam codicis Murenfis ætate seculum XIII. referre, illamque post mortem RONZELINI Abbatis fuisse elaboratam.*

Quod & statuitur, sic tamen, ut Genealogia seculi XII.

III. Etsi ergo ex hac concessione non obscure sequatur, ut pars codicis seculo quidem XIII., maxima autem, atque potior eiusdem pars, sub, aut paullo post medium seculum XII. elucubrata fuerit, nullus tamen dubito, quin P. HERRGOTTO non admodum, ut vidimus, invito, in eandem fere cum PEIRESKIO & Adversario, aliisque, sententiam abeam, dicam-

dicamque, plures esse Auctores. Verum distinctione hic opus est, quam antequam prodam, breviter & succincte præmittendum duxi, quæ me potissimum momenta ad hanc sententiam amplectendam induxerint. Ea igitur huc redeunt: Primum momentum, ut cordatum virum decet, erat ipsa, quam unice quærimus, rei veritas. Secundo me movit ipse P. HERGOTTUS, quem, cum viderim, facile concedere PEIRESKIO, tabulam genealogicam, Actis præfixam, duorum esse Auctorum, multo minori cum difficultate eidem contententi, concessurus fuisset, etiam appendicem illam, Actis adiectam, alterius esse Auctoris; cum non tam de Actis Murensibus, quam de Genealogia, iisdem præfixa, agatur. Etsi porro tertio exinde confectarium fiat: Actuarium Scriptorem esse seculi XII. reliquos, seu alterum seculi XIII., nihil admodum obest sententiæ P. HERRGOTTI, tum, quod concedendo semel, duos esse tabulæ præfixæ Auctores, per se confectarium sit: alterum huius, alius ætatis esse alterum; quippe cum ex Actis ipsis nihil excindi possit, quod eorundem Scriptorem medio seculo XII. inferiorem faciat: tum etiam, quod parum referat, cuius ætatis Auctor quispiam fuerit, modo de eius authentia non ambigatur, quæ cum vacillare in multis aliunde ostenderit P. HERRGOTTUS, nihil opus est, ut de ætate quæretur. Recens sit Auctor, antiquus sit idem; ubi de fide & authentia eius constiterit, sequendus est; secus, ubi nonnulla falsa narrasse deprehenditur. Tum enim vero locum habet illud S. Patris, eiusdemque summi Philosophi AUGUSTINI: *Fraçta enim, vel leviter diminuta auctoritate veritatis, omnia dubia remanebunt, quæ nisi vera credentur, teneri certe non possunt* (a). His adde, nos quidem statim invicte demonstraturos, Auctorem totius Genealogiæ præfixæ certo certius unicum, ab Actuario diversum, atque adeo Scriptorem seculi tertii decimi fuisse; unde sententiæ P. HERRGOTTI eo minus decedet, quo certius est, non tam de ætate & authentia Actuarii, quem is alibi (b) *Scriptorem Actorum Murensium gravem esse, quin & gravissimum in rebus domesticis & sui temporis, quodque in genealogia quoque Habs-*

M

bur-

(a) S. AUGUST. lib. de mendac. cap. X.

(b) Proleg. III. 5, XXV.

burgenſi eius auctoritas magni habenda ſit &c. ultro affirmat, quam de Genealogo præfixo, controverſiam noſtram agitari.

Actuarius
contra ſe-
culo XIII.

pag. 54.

IV. Hæ ſunt nonnullæ rationes, quibus permoti, Acta Murenſia, ſeu eam codicis Murenſis partem, quæ a verbis: *Locus iſte Mura*, uſque ad verba: *Nunc ergo ſicut nos ſubſtantiam iſtius ſanctæ eccleſiæ - - deſcripſimus, ſic faciant & illi, qui poſt nos veniunt*, excurrit, eſſe ſeculi XII. Auctoremque eius, circa medium eiſdem ſeculi operi ſuo finem impoſuiſſe. Ex iſdem autem rationibus facile præminet ipſa veritas, cui quippe ubique litandum eſt. Porro veritatem hanc, quantum ad ætatem horumce Scriptorum, magna ex parte clarere, eo minus dubitandum, quod ab Adverſario, poſt multorum induſtriam, loca quædam nova cap. VIII. excitata fuerint, quibus nolle acquieſcere religioni foret. Ex iis unum duntaxat ſeligimus, qui tamen inſtar omnium eſt, atque ſic habet: *Poſtea vero cum idem Comes (ADELBERTUS II.) obiſſet poſt annos XII. & nos ipſum prædium cum magno labore ad bonam utilitatem factum, uteremur, nepos eiſdem WERNHARIUS voluit vi (vim) afferre (malim, voluit vi auferre) & nullo modo potuimus retinere illud, niſi dimitteremus noſtra L. talenta cum prædio ad Goſlikon, & cum XVIII. manſis in Schaſbufen, quos ſimul tradiderat S. Martino prædiſtus Adelbertus. In Acharlon habemus duos agros; Uxor Adelberti Comitſ, nomine Iudenta, dedit S. Martino ad Muſchon ſex manſos, QUOS UTRUM ILLI AUFERAT AN DIMITTAT, INCERTUM EST. Ex his namque duo adverti oportet, WERNHARIUM Comitem, ADELBERTI ex fratre nepotem, & IUDENTAM, dicti ADELBERTI uxorem, de quo, id eſt WERNHARIO; utpote ADELBERTI ſucceſſore, cum dicat Actuarius, dubium ſe hære, utrum prædia cœnobio Murenſi antea donata auſſerant an dimittat, quis dubitabit, Auctorem tum temporis viſiſſe atque ſcripſiſſe? ætas certe ſeu obitus IUDENTÆ non longe poſt medium ſeculi XII. referendus eſt, quod ex Genealogia Diplomatica patet. Hic ergo locus, niſi diligentiam & accuratorem P. HERRGOTTI effugiſſet, certo certius & ipſe nihil aliud ſtatuſſet, quam Actuarium iſtum circa medium ſeculi XII. ſcripſiſſe. Sed nemo omnibus horis ſapit, & aliquan-*

quando etiam bonus dormitat HOMERUS. Laus ergo ista post plurimorum sudores nemini, quam Adversario nostro reservata fuit, quod Actuarium incredibili diligentia legens, ac relegens, id demum effecerit, ut de ætate eiusdem modo certissime constet.

V. His ita præmissis, tempus est, ut iam integram de omnibus hisce dicamus sententiam, mentemque demum aperiamus nostram. Ante omnia igitur tenemus, quod mox dictum fuit, Actuarium scripsisse sub medium duodecimi seculi. Deinde & id non minus certum esse existimo, sæpius dictam appendicem, a nonnullis Abbatibus, Scriptoris nostri Successoribus (nam & ipsum Abbatem fuisse dicemus postea) adiectam fuisse. De his duobus, cum iam nemo amplius dubitet, nihil quoque dicendum supererit. At iam emergit quæstio, cuius ætatis sit Genealogus præfixus, cuiusque Auctoris opus sit? Priorem eius partem ab ipso Actuarius præmissam fuisse, tenet PEIRESKIUS, subscribente Adversario & aliis, negat & recte quidem P. HERRGOTTUS, id quod modo excutiendum suscipimus. Quod ut recte adgrediamur, cumprimis intendum est, quid hoc loco dicat P. HERRGOTTUS, quæque pro stabilienda sua assertionem, in medium adducat, scilicet, quod ectypa, ex ipso codiceeducta, atque omnium oculis expolita, a secunda manu suppleta haud fuerint, atque adeo nullum pateat effugium adsciscendi continuatorem stemmatis, quod integrum XXVI. solummodo versibus constat, & una parva pagina in quarto, ut vocant, completum est: deinde, quod uti Scriptorum pluralitas gratis obiceretur, ita sine sufficienti fundamento stili diversitas, quæ alias brevissima, & sibi per omnia fatis constans, atque uniformis est, argui minime possit.

Amplior
huius sen-
tentiae de-
claratio,

Quam &
P. HERR-
GOTTUS
magna ex
parte te-
nuerat.
Proleg. III.
pag. 65.

VI. Remittit hic Adversarius ad caput suum VII. ubi de ætate Actuarii ex contextu actum fuit, quæ de re cum iam nemo dubitet, hic nihil addendum est; monendum duntaxat, quod etsi Actuarium Scriptoribus seculi duodecimi adnumerandum esse, minime dubitemus, id tamen ex locis, a PEIRESKIO adductis, non facimus; utpote, quas ibidem non sine gravibus causis explosimus. Præterea probe advertendum,

Adversarii
& PEIRES-
KII ea de
re opina-
menta
contraria;

p. 68.

dum, rationes ibidem pro ætate Auctoris generatim adductas, pro ætate Genealogi præfixi haud æque pugnare; quippe, cum id nec ex materia, qua constat, dici possit; quandoquidem usum papyri vulgaris ante finem seculi XIII., aut initium XIV., haud invaluisse, ostenderimus: neque etiam ex figura litterarum, quas itidem seculi XIII. esse demonstravimus; nec denique ex contextu; utpote qui & ipse ad eandem usque ætatem pertingit, quæ singula nec ipse inficiatur Adversarius. Superest itaque sola stili diversitas, ex qua duos extundere Auctores allaborant tam PEIRESKIUS, quam Adversarius, ceteris criteriis omnibus, in eo censendi genere adhibere solitis, prorsus destituti. Audiamus igitur PEIRESKIUM, & audiamus eundem integrum, maxime cum Adversarius incuset, immerito licet, P. HERRGOTTUM, quod PEIRESKII rationes, quibus illa (censura codicis) nititur, silentio prætereat. Is ergo editioni, a se curatæ, hunc in modum præfatur: *Actorum collector, quamvis Anonymus (at nomen eius postea prodemus) fidelissimus sane ac certissimus Auctor (in nonnullis tamen deceptus) monachus fuit Murensis monasterii (Abbas quidem Murensis, at monachus San-Blasianus). Vixitque ante annos fere quingentos, nimirum ut ipse testatur, sub RONZELINO Abbate (hoc de videbimus postea) de quo ibidem agitur in Instrumentis annorum 1128. & 1132. Scripsit autem, ut videtur, paullo post obitum Adelberti Comitis, circa annum plus minus 1142. (Non omnino male; at plus solummodo dicendum fuisse, postea clarebit). Monuitque posteros (id est Successores Abbates) ut sicut ipse, quæ vel ante eum, vel suis temporibus, huic sanctæ Ecclesiæ collata fuerant, descripserat; sic & illi facerent, qui post illum venturi erant. Unde non vana forte fuerit eorum coniectura (Adversarius tamen rem pro certissima habet) qui GENEALOGIAM, ACTIS præfixam, non unius tantum Auctoris fuisse dixerit, sed duorum. Quorum prior fuerit vel idem Actorum Scriptor (at is longe accuratior est, quam ut mendosæ huius genealogiæ Auctor constitui queat) vel alius eiusdem cænobii monachus, ipsi coæternus, qui genealogiam duxerit usque ad Richenzam de Fierri-to, quæ idem seculum non longe excesserit: ubi stemmatis pars prior non incommode constitui poterit. Recte enim partem al-*
te-

teram, seu supplementum conficient, quæ subsequuntur, ab Alberto, marito Ita de Psfullendorff, & deinceps, diverso omnino stilo, & speciali loquendi formula conscripta (PER ITAM, inquit, PER AGNETEM, PER HELWIGAM, PER FILIAM LUTHOLDI &c.) quæ continuatorem potius redolent, quam primitivum Auctorem, qui priorem partem verbis diversa prorsus ratione tradiderat, fœminas semper maritorum cognominibus potius, quam paternis ac gentilitiis distinguens. Itam videlicet de Habsburg, Richenzam de Lenzburg, Itam de Tierstein, Adelheidam de Huneburg, Richenzam de Chiburg, Gertrudem de Mumpelgard, & Richenzam de Fierrito. Quod continuatori non ita placuisse constat, cum aliam dictionis formam usurpare voluerit. Quo vero tempore continuator suum GENEALOGIÆ SUPPLEMENTUM attexuerit, hinc colligi videtur, quod inter liberos Alberti & Helwigæ, duos tantum filios, Albertum & Hermannum recenseat: omisso tertio, ab anno 1242. passim celebrato: qui tunc vel nondum natus (nullam ex hisce rationibus constare, ostensum ibimus, cum de hac Genealogiæ progenie agemus) vel inter huius ecclesiæ benefactores nondum referri meruerat, saltem monachis nondum innotuerat. Quam ob rem paullo ante annum 1240. adscriptum fuisse huiusmodi stemmatis supplementum non immerito coniecere licet. Hoc volui, ut scires. Hucusque PEIRESKIUS, cuius nonnulla sphalmata partim iam notavimus, partim adhuc notabimus. Subscribit autem eisdem Adversarius non tantum, sed & multo plura affirmat. Nam cum ille totus, quantus, coniecturis indulgeat, hic quasi omnem omnino certitudinem haberet, Constanter nos, inquit, tenemus, non tantum schema genealogicum, Actis præfixum, sed hæc ipsa a duobus concinnata. Concedimus hoc, negamus illud; cumque pro diversitate Auctorum nihil aliud allegetur, quam prætensa stili diversitas, seu specialis loquendi formula, pronuntiare non dubito, totum hoc, tam labili, tamque siculneo niti fundamento, ut nedum ulla uspiam appareat veri species, sed nequidem coniectura.

VII. Enimvero, quod ad primum attinet, prorsus gra- Quos nihil
tis adstruitur, ullam apparere stili diversitatem talem, qualis iuvat stili
ad diversitas,

ad plures statuendos Auctores requiri solet, & debet. *Fæminas semper maritorum cognominibus potius, quam paternis ac gentilitiis distingui*, obtendit PEIRESKIUS. At id divertitatem Auctorum haudquaquam arguit. Eodem enim modo nonnunquam egit Auctor genealogiæ S. ARNULPHI, Episcopi Metensis; nemini tamen adhuc venit in mentem, ut propterea diversos eiusdem fingeret Auctores. Operæ pretium erit, eiusdem hic nonnulla dare excerpta. Initium sic habet (a): ANAFLEDES *Regina Gothorum, genuit filios Childebertum Regem, Clotbarium Regem, Clodomerum Regem, Theodoricum Regem, & filiam Malabergam Reginam Thoringorum. Hæc genuit filium Lotharium.* Hic ex mente PEIRESKII & Adversarii desineret primus Auctor, regiuni sanguineam ab ANAFLEDE *fœmina deducens, atque adeo fœminas maritorum nominibus distinguens*; nam statim postea res ei cum viris potius, quam cum fœminis est; cum ita pergit: *De fratribus Malabergæ Clotbarius genuit filios Guntharium, Childeericum, Grannum, Heribertum, Guntramnum Regem, Chilbericum Regem, Sigebertum Regem, & filias Blitildem & Clotildem &c.* Nonnullis deinde interiectis, fœminarum nomina denuo maritorum nominibus præponit, hunc in modum pergens: *Beatrix filia Hadewindis superioris genuit Theodoricum Ducem, Theodoricus Fridericum Ducem, Adeladam. Fridericus Dux genuit Beatricem & Soffiam. Soffia genuit Theodoricum de Monconz &c.*

Quæ ex se
sola fallax
cum sit,

VIII. Verum hæc non magni facio; maius autem momentum trahit communis Doctorum Virorum persuasio, fallax omnino, atque labile esse criterium, de veterum scriptis iudicandi solo ex stilo. Dico ex sola diversitate stili; nam in eo, correspondentibus ceteris, validum subinde poni debere momentum, nullus ignoro. Res illustrior fiet ex MABILLONIO, cuius auctoritas hac in re nobis sufficiat. Is ergo, etsi & ipse stili rationem habeat, eamque inter ea adminicula, quibus de scriptis veterum genuinis aut supposititiis iudicari queat, secundo statim loco adnumeret, nihilominus mox sub-

(a) Apud CALMET. Hist. Lothar. tom. I. Probat. col. XCVII. edit. II. & pag. 75. edit. I.

subiungit : „ Non inficior tamen , multum sæpenumero con-
 „ tendi super uniformitate aut diversitate stili. Et sane mirum
 „ videtur , tot ferme super hoc hominum esse sententias ,
 „ quot capita , tunc potissimum , cum ex disputationis fer-
 „ vore animus disputantium rapitur ad abiudicandum proprio
 „ Auctori opus , de quo agitur (a). „ Rem deinde exemplis
 tam antiquis , quam recentibus illustrat , ex quibus insigne
 prorsus est , quod cum *Desiderio* ERASMO , atque *Iacobo* BIL-
 LIO contigit , quorum iudicia de homiliis quibusdam S.
 CHRYSOSTOMI adeo sibi invicem opponuntur . ut nox diei
 non magis contraria sit. En verba ERASMI : *Ex CHRYSO-*
TOMO in Acta (inquit in epist. ad TONSTALLUM) *verteram ho-*
milias tres : cuius operæ me pœnituit , cum nihil hic viderem
CHRYSOSTOMI. Tuo tamen hortatu recepi codicem in manum ;
sed nihil inquam legi indoctius. Ebrius ac stertens scriberem
meliora. Habet frigidos sensiculos , nec eos commode potest ex-
plicare. Alter , velut de compacto , de iisdem homiliis oppo-
situm sentit , etsi minori verborum copia , haud dissimili ta-
men , ut laudatus Vir summus advertit , verborum efficacia.
Græco codice , inquit , nihil fingi potest elegantius , quod CHRYSO-
SOSTOMI pbrasin melius referat. Hæc ERASMUS & BILLIUS ,
 quorum ambo Græce & Latine docti , ambo stili cultioris ap-
 prime studiosi erant. Omitto alia , ibidem relata , ex quibus
 plane convincimur , quam difficile sit , ex solo modo scrip-
 tionis iudicare , quamque nihil fidendum eiusmodi iudicio ,
 de diversitate stili ad diversitatem operum , nisi & cetera sint
 paria. Quod si præterea id genus criteria , quoad prolixa
 etiam opera diiudicanda , a veritatis tramite longe adeo abire
 possunt , quanto magis inane atque vacuum erit omne illud ,
 quod de viginti sex lineis , quibus duo monachi Murenenses in-
 sudasse dicuntur , deducitur solo prorsus ex stilo argumentum ?

IX. Ad hæc nemo sibi persuadeat , PEIRESKII expli-
 cationem adeo certam esse , nihil ut ei contravenire queat.
Primitivum Auctorem feminas semper maritorum cognomini-
bus potius , quam paternis & gentilitiis distinxisse , idque con-
tinuatori non ita placuisse , dicit. At rem nonnihil aliter se ha-
 bere,

In genea-
 logia Mu-
 rensi ne
 quidem
 reperitur.

(a) Tract. de stud. monast. P. II. cap. XIII. p. m. 199, edit. Venet. II.

bag. 130.

bere, constat ex progenie Genealogi sexta, ubi eodem modo filiam Comitis ADELBERTI, Comitissam de Linigen appellat, aperte illam mariti cognomine dittinguens. Respondet quidem alibi Adversarius, PEIRESKIUM hifce aliud noluisse, quam primum genealogiæ Scriptorem ab altero differre etiam in eo, quod fœminis SEMPER cognomen maritale, nunquam paternum addiderit, id quod posterior NON SEMPER observavit, sed UT PLURIMUM contrarium, methodo quidem aliunde adhuc diversa ut: per Itam de Pfullendorf, filiam sororis Ducis Welfh &c. Sed præterquam, quod PEIRESKIUS absolute loquatur, ex hoc certe loco constat, quam vana sit prætenfa illa stili diversitas; utpote, cum is etiam in consequentibus sibi similis sit, aut certe tantum haud appareat discrimen, quantum ad duos constituendos Auctores requiri potest & debet. Nam etsi id non semper egerit, ad rem nihil facit, cum quilibet suo abundet sensu. Denique nemo nescit, stilum subinde variare non modo licitum esse, sed & ad cavendum tædium, conciliandamque elegantiam, variari debere; hinc laudatus MABILONIUS porro apposite observat (a), quod unus etiam & eiusdem Auctoris stilus multifarius quandoque dignoscatur, ac in aliquo interdum opere qua elegantior, qua neglectior appareat.

a

Quin potius ubique sibi simillimus est.

X. His omnibus accedit, non maiorem stili diversitatem observari in prætenfa illa posteriori Genealogiæ parte, ceu prioris supplemento, quam priori eiusdem parte, seu initio operis. Ibi enim omiffis fœminis, seu uxoribus, Ducum duntaxat, Comitumque nomina prodit, ut: *Genuit autem Theodoricus Gerbardum Ducem. Ille vero genuit Gerbardum de Egisheim, patrem Uodelrici & Stephani.* Hic vero, paucis nempe interiectis, omiffis viris, fœminas tantum compellat: Ita de Habsburg genuit Wernberum Comitem, & Richenzam sororem eius de Lentzburg --- Richenza de Lentzburg genuit Arnoldum --- Ita de Tierstein sive Homberg genuit Wernberum & Ruodolfum de Habsburg &c. Hæc ergo, cum non minus inter se discrepent, quam cetera, a PEIRESKIO & Adversario allata, dicendum foret, octava statim autographi linea novum adesse auctorem, quod plane absurdum

(a) Loc. cit. p. 200.

dum est. Nihil iam addo de aliis formulis : *per Itam, per Agnesam, per Heilwigam* &c. cum eadem, quas adduximus, rationes contra istas æque pugnent.

XI. Videamus potius, an non suppetat, quod com-
mentum isthoc, de duobus genealogiæ præfixæ Auctoribus, directe, atque adeo plenius subvertat. Qua in re primum omnium in memoriam vocandum est, genealogiam Anonymi Murensis ad RUDOLPHI usque *Taciturni* filios, WERNHERUM & GOTTERIDUM, quorum hic anno primum 1270. obiisse creditur (a), atque adeo ad RUDOLPHUM usque *Habsburgicum*, Regem Romanorum, perduxisse, ita quidem, ut continuum & nuspiam interruptum filum a capite usque ad calcem deducatur, nullum ut uspiam supplementi, vel continuationis appareat vestigium. Hinc recte infertur, quod nisi aliis ex argumentis, quam ex fallaci de stili diversitate, conjectura probetur, duos fuisse genealogiæ præfixæ Auctores, pro uno tantum decernendum esse; cum maximum omnium fundamentum sine maxima quoque, atque luculenta ratione, reiici haud queat.

Totam Genealogiam præfixam ab alio, quam ab Actuario, esse scriptam, ostenditur *imo* ex contextu,

a

XII. Secundum argumentum deduco ex dissimilitudine doctrinæ; multa enim habet Genealogus, Actuario aut incognita, aut contraria, aut indicta. Unde recte deciditur, alium ab eo esse Auctorem. Iuvat eius rei periculum facere. Genealogus ITAM, RADEBOTONIS coniugem, cœnobii Murensis *reparatricem* vocat, contra ac facit Actuario, qui eam *fundatricem* fuisse, diffuse enarrat, ut quæ dotem, a coniuge RADEBOTONE obtentam, pio isti operi consecravit. Hinc idem Actuario contra illos, qui ex testamento WERNHARII Episcopi illum solum fundatorem fuisse putabant, occupat his verbis: *Quod autem alia scriptura narrat, illum (WERNHARIUM) solum esse fundatorem huius loci, hoc propterea sapientibus viris visum est melius; quia ipse in hiis tribus personis (WERNHARIO, RADEBOTONE, & ITA, eius coniuge) potior inventus est, ut eo firmior ac validior sententia sit,*

Tum ex dissimilitudine doctrinæ,

N

quam

(a) Vid. HERRGOTT, *Geneal. Dipl. T. I. lib. IV. c. II. §. III.*

Recte quoque & Adversarius monet, comprehendi non posse, qui Actuarius a se *tam alienus* esse potuerit, ut *ITAM reparatricem* diceret, quam tamen *fundatricem expresse agnoscit*; nam & nos id ab uno homine, qui sanæ mentis fuerit, fieri nequivisse, facile credimus, bene vero a diversis.

XIII. Huc pertinent, quas nos iam pro tertia adducimus ratione, extantes ac non ferendæ Genealogi omissiones & lacunæ; ut qui Actuarium tam oscitanter, tamque negligenter, aut certe omnino non legit, ut etsi GUNTRAMNUM & KANCELINUM præ oculis atque in ipsa fronte libri habuerit, penitus neglexerit. Eodem modo reticuit & RADEBOTONEM, qui tamen ante omnes nominandus fuerat, non solum, quod ITÆ maritus fuerit, atque adeo totius genealogiæ caput & apex; sed & quod omni etiam iure inter fundatores monasterii Murenfis adnumerandus sit. Hæc certe negligentia adeo crassa est, ut Actuarius nullo modo adscribi queat. Qui enim is chronici sui tam inmemor sit, ut genealogiam Principum scripturus, omnium tamen primos, etsi sibi satis superque cognitos, adque suum propositum adprime facientes, prætermittat? Num comprehendi queat, quod Scriptor adeo accuratus & disertus, genealogiam acephalam, atque apice suo ac capite truncatam, dare voluerit? Hæc certe ratio, si quæ alia, mihi summo persuadet opere, hunc pannum purpuræ, schema scilicet genealogicum, Actis tum primum assutum fuisse, cum integer codex, vertente seculo XIII., de novo exscriptus fuit: nec multo absum a suspicione, genealogiam illam nedum ab alio, quam ab ipso Actuario, esse elucubratam, sed & a tali, qui Actuarium aut nunquam viderit, aut saltem nunquam legerit. Non maiori felicitate versatus est Genealogus in subsequenribus generationibus, quod dudum ostendit P. HERRGOTTUS, nosque in consequentibus, contra nitente licet Adversario, non segniter confirmabimus. Neglexit nempe, præter iam laudatos, OTTONEM I. & ADELBERTUM I., filios RADEBOTONIS & ITÆ, ac WERNHARII fratres. Item ADELBERTUM II. eiusdem WERNHARII filium, ac fratrem OTTONIS II. Quis autem non videt, id ab alio Auctore, quam Actuario, necessario factum fuisse; cum nulla

Nec non
ex erroribus
bene multis,
abs Genealogico
commissis,

prorsus idonea ratio afferri queat, cur aliquos: nec, cur hos potius, quam alios omiserit.

Quos frustra excusare nititur Adversarius, pag. 77.

XIV. Scio equidem, quid ad hæc respondeat Adversarius alio loco, scilicet *Scriptorem nostrum non voluisse arborē genealogicā erigere, omnibus numeris absolutam, seu in singulos prorsus ramos extensam*; sed gratis hoc allegari dicemus alibi: strictim hic advertentes, falsitatem huius coniecturæ vel ex solo titulo, Genealogiæ præposito, apparere, qua dicit Auctor: *Ista est Genealogia nostrorum Principum*, non obscure innuens, se genealogiam daturum integram. Deinde si largiter etiam daremus, potuisse unum alterumve omitti, omitti tamen nec poterat, nec debuerat RADEBOTO; utpote totius Genealogiæ Habsburgicæ & apex & caput. Sed de his, ut diximus, alibi, satis iam probasse persuasi, Genealogiæ, Actis Murensibus præfixæ, unum prorsus eundemque fuisse Auctorem, eumque ab Actuario plane diversissimum, quique post medium saltem seculi XIII. vixerit. Quare nonnulla alia argumenta, huc facientia, ut superflua, consulto prætermittimus. Pauca tamen adhuc restant, quæ, etli ad rem ipsam, id est, ad controversiam nostram, parum faciant, levi saltem brachio attingenda sunt.

Alia obiectatio breviter expedita.

pag. 72.

XV. Conclufit hanc sectionem P. HERRGOTTUS, ut iam innuimus, hunc in modum: *Verum demus ultro, duos aut etiam plures Scriptores illi schemati genealogico, quod sex & viginti lineis, per omnia similibus characteribus constat, insudasse: concedamus & hoc PETRESKIO, stili diversitatem in eo reperiri: quid inde sequitur? Hoc semper manet in confesso, scripturam codicis Murensis atate seculum XIII. referre, illamque post mortem RONZELINI Abbatis (ut supra iam monstravimus) fuisse elaboratam. Duo ad hæc reponit Adversarius: alterum ænigmati simile est, alterum rem ipsam attingit. Prius illud hisce verbis complexus est: *An insudarint?* (duo nempe Auctores sex & viginti lineis) nescimus; si tamen insudassent, ne mireris, argumentum tractant, quod innumeros bucisque calamos lassavit. Plus nempe sudoris impendimus culturæ unius arboris frugifera, quam integræ silvæ. Ænigma hæc,*

hæc, inquam, continent, & certe ultima verba plus in recessu habent, quam primo ostendunt aspectu; quæ tamen nihilo secius explicare superfedeo. Id unum levissime dicam, eam silvam non omni hæcenus caruisse fructu; utpote unde quinque arbores frugiferæ, Abbates intelligo postulatos, quos inter & ipsum quoque Actuarium fuisse, deinceps ostendam, *Muros* transplantatæ fuerunt. Ceterum non male dicit Adversarius, quod Genealogus Murensis innumeros lassaverit calamos; nam certe multos sane exercuit ob sui obscuritatem. Clarior fuisset: nec multos adeo exercuisset, neque hunc etiam meum, utut exiguum & indoctum, exerceret. Ad alterum cum distinctione respondet Adversarius: *Concedimus totum*, inquit, *de codice præsentē, non vero de eius Auctore; concedimus, inquam, totum de scriptura hac individua & materiali, sine dispendio quidem vetustatis, quam altius ipsius Auctoris ætas præfert. Non enim putes, senem ex nova veste juvenescere. Acta Murensia, etiam heri* (id est ante annos duodecim) *splendidis a P. HERGOTTO typis exornata, manent antiqua.* Ignosco hic Adversario: scimus nihilominus, quantum olographum prætet apographo, ac quot innumera veterum scripta ab amanuensibus, exscriptoribusque, depravata, interpolata ac contaminata fuerint; certe quod vel ipse codex Murensis, si non temerarias, imperitas saltem & oscitantes manus haud evaserit; argumento sunt plures non infelicitè tentatæ ab Adversario emendationes, margini editionis suæ appositæ. (a) Non est igitur dubium, quin nova illa descriptio dispendium tam vetustati, quam veritati, asserre potuisset.

Ibid.

a

CAPUT XII.

Ostenditur, Actuarium Murensem fuisse CHUNONEM, seu CONRADUM, ex monasterio S. BLASII in silva nigra *Muros* postulatum Abbatem.

I Am paullo maiora canamus. Hæcimus nuper satis prolixè circa ætatem Anonymi Murensis, nunc eiusdem nomen atque dignitas investiganda est. Eum sub me-

Actuarium
Mur. paul-
lo post obi-
tum RON-
ZELINI Ab-

N 3

dium

(a) Vid. Cap. IV. pag. 30. §. VI.

bar. scrip-
fisse, con-
iectat Ad-
versarius,

pag. 54.
& 55.

dium seculi XII. vixisse & scripsisse, abunde iam ex dictis constare autumo. Utrumque sub RONZELINO Abbate factum, coniecerat PEIRESKIUS : disconvenit non nihil Adversarius, sub RONZELINO Abbate vixisse quidem existimans, negans tamen & scripsisse, ea de re ingenue sic effatus : *Et, ut verum fateamur, si coniecres, Anonymum Murensem aliquanto serius, atque etiam paullo post obitum ipsius Ronzelini, anno 1145. defuncti, scripsisse, id absolute negare vix queamus. Testatur is quidem, se sub Ronzelino Abbate vixisse, non testatur, se sub eodem & scripsisse.* Confitetur ergo Adversarius, aut saltem inficari nequit, Acta Murenfia paullo post obitum ipsius RONZELINI conscripta fuisse.

Id quod
amplius
stabilitur.

II. Recte omnino ; nam loca iam sæpius excitata, id plane evincunt ; cum de RONZELINO, velut iam defuncto, in iisdem Actis mentio fiat. Certe de eodem haud aliter loquitur, ac de ceteris Abbatibus prædecessoribus defunctis, ut v. g. p. 50. *Capellam - - - construxit quædam nobilis matrona, nomine Gerhild, sub Abbate Uodalrico.* Et nonnullis interiectis, de Abbate RONZELINO : *sed quia altare male compositum fuit, sub Abbate Rozelino effrigimus ipsum altare.* Utrunque simillimis utitur verbis. De prædio, ab eodem Abbate empto, pag. 90. agens, addit annum æræ vulgaris hunc in modum : *anno Dominicæ Incarnationis MCXXVIII. sub Abbate Rozelino.* Eodem modo prædicti Abbatis UODALRICI memoriam ingens, tempora accurate signat : *Anno autem MCXIII. Dominicæ Incarnationis venit Henricus Rex quartus ad Basileam - - audiensque hoc Abbas Uodalricus &c.* Omitto alios idoneos eiusmodi textus, cum ex hisce satis iam constare queat, Acta Murenfia post ætatem RONZELINI esse composita ; cum ineptum foret, Abbatem & annum incarnationis addere in decursu narrationis historicæ, si Abbas adhuc in vivis esset : atque aliunde, ut dixi, rem hanc nec ipse diffiteatur Adversarius. Addam tamen & alium insignem locum, ex quo summe perpicuum fiet id, quod intendimus. Extat is pag. 86. & sic habet : *Anno autem Dominicæ Incarnationis MCXXXII. cupiens Abbas Rozelinus augere sumptum potius sibi subiectorum, egit tum cum consilio fratrum, & Comitibus Adelberti, ut prædia*
Co-

Comitis Eberhardi de Nellenburg, quæ ibi habuit - - - Quæ propter vendidit bona & utilia prædia, & fregit aureum calicem optimum &c. Ex hoc loco, nisi me mea omnia fallant, clare intelligitur: Abbatem RONZELINUM Actuarii ætate iam iam defunctum fuisse, cum vivente & regnante adhuc Abbate nomen eius sine addito *hodiernus*, vel *noster*, vel aliquo simili, non adscripisset: Similem præteriti temporis vim habet particula *tum*, quæ & personam iſthic haud obſcure afficit.

III. Præterea & id tam ex hoc, quam aliis excitatis locis manifestum eſſe exiſtimo: RONZELINUM ipſum haudquaquam libelli Auctorem eſſe poſſe; cum de ſe ipſo loquens, haud dubie aliis verbis & modis uſus fuiſſet, immo uti debuiffet. Certe in vexatiſſimo eo loco, unde ætatem Auctoris eruere tentabat PEIRESKIUS: quum, quid factum fuerit de altari S. IOANNIS *Evangeliftæ*, ſub RONZELINO *Abbate*, retuliſſet, ſtatim ſubiungit: *continentur autem in ipſo altari, ſicut ego ipſe VIDI & AUDIVI reliquiæ ſanctæ Dei Genetricis Mariæ*, quæ verba non addidiſſet RONZELINUS Abbas, ſi ipſe Auctor libelli eſſet; cum nemo dubitare poſſet, eundem id vidiſſe & audiſſe, quod præſente ſe contigit, quodque ipſe, ut hiſtoria reſert, fieri curavit. Deinde cum Auctor iſtas ſolas reliquias ſibi viſas aſſerat, non autem reliquias illas, ab Epifcopo in ſepulcro, ſeu *confeſſione* altaris reſoſitas; iterum apparet, Auctorem ſolemnitati nequidem interſuiſſe; alias enim id ipſum de tota ea actione teſtatus eſſet, non de reliquiis duntaxat altaris, & capſæ eiufdem, ut nos cap. IX. ſuſe oſtendimus. Fruſtra præterea factum aliquod me audiſſe dico a narrantiſus, ſi actioni ipſus interſui, remque omnem oculis atque auribus uſurpavi. Hæc etſi clariffima ex ſe ſint, & apertiſſima, quadantenus tamen firmanda atque occupanda fuerunt, ne quis, quamvis futi-liter admodum, diceret: RONZELINUM Abbatem potuiſſe ſtudio de ſe ipſo ſcribere, quaſi de alio, ne nomen ſuum propalaret. Neque enim ulla potuit ſubelle ratio, cur nomen ſuum tam ſtudioſe tegere, aut potius ita ineptire voluiſſet.

Dici non poſſet, RONZELINUM ipſum eſſe libelli Auctorem.

IV. Pari modo conſtat, & Adverſarius quoque quaſi pro aris & focis contendit, libellum medio ſeculo XII. infe-
 rio- Licet is non longe poſt eius

ratem
scriptus
sit.

riorem haud esse, certe non longe post RONZELINI Abbatis mortem esse elucubratum, quod & nos haudquaquam inficiamur; idque exinde etiam planum fit, quod hic sit ultimus Abbatum, quo de mentio fit in ipsis Actis. Certe, si Acta post ratem CHUNGNIS, qui RONZELINO suffectus fuit, ac deinde, circiter annum 1166. abdicavit, primum elucubrata fuissent, cur non & eiusdem; utpote qui clavum uno & viginti annis laudabiliter tenuit, memoria ingeretur? maxime cum non defuisset materia; quam equidem præbuisset id, quod de eo notatur in appendice: *Notum omnibus sit - - quia factus sermo. venerabili Episcopo Hermanno Constantiensi, & Abbate venerando Chounone presentibus &c.*

Auctorem
nihilò fe-
cius Abba-
tem fuisse,
ostenditur
ex modo
res suas
proponen-
di,

V. Hæc igitur, quemadmodum certa sunt & indubitata, RONZELINUM non esse libelli Auctorem: neque etiam Auctorem post tempora CHUNGNIS reiiciendum esse, ita & id certum & indubitatum existimo: Auctorem nihilominus fuisse ABBATEM. Coniecerat id iam P. HERRGOTTUS hisce ex verbis: *Decernimus igitur, quatenus nulli Præpositorum, Cellariorum, aliarum Venerabilium personarum, liceat ea alterare, extra quam statuta sint.* Verum utut hæc coniectura gravissima est, ac multam veri speciem habet; cum tamen laudata verba, in appendice duntaxat legantur (quam ab alio, recentioris ævi, adiectam fuisse, ultro admisimus) non de Actuaria, sed de quodam ex successoribus, intelligenda veniunt.

Tam quum
spiritualia.

VI. Quare rem ex ipso Actuaria exputemus: ubi imprimis animadverti velim, Auctorem ubique fere imperative & potestatem habentis adinstar loqui, atque Abbatis munus in eo etiam prodere, quod de rebus spiritualibus agens, monachos suos pro re nata, non sine salutari admonitione, dimittat: tractans temporalia, seu œconomica, varias immisceat observationes, ac constitutiones. Sic v.g. quod ad primum attinet, ubi de latifundiis, in quibus monasterium constitutum fuit, agens (a), omnia primitus iniusto aquisita titulo fuisse, dixerat, monachos suos hunc in modum solatur: *Sed nemo sit, qui hinc dubitet vel desperet, dicens: qualis solus ani-*
ma-

(a) pag. 6. seqq.

inarum hic possit esse, vel provenire, & qualiter famulatus Dei valeat celebrari in tam male aquisito loco? quia Deus, cuius iudicia sunt abyssus multa, & nunquam iniusta, & qui malo bene scit uti, sicut e diverso homini bono male nulli imponit, nisi ipse meretur, nec alterius malitiam alteri nocere patitur, sicut scriptum est: anima quæ peccaverit, ipsa morietur; & reliqua, ibidem per expansum legenda, & ubi demum ita concludit: *Omnis enim qui ad habitandum istum locum venerit, primum a Deo, quæ sibi utilia sunt, postulet, deinde benedictibus veniam, expulsores indulgentiam, fundatoribus autem & exstructoribus mercedem imploret, sicque nil metuens vel dubitans, sed bene vivendo, ac Dei voluntatem in omnibus sequendo, latus diem Domini expectet.* Similia extant pag. 66. ubi, cum a prædecessoribus suis prædium aliquod pretio ducentarum librarum argenti (fracto hunc in finem aureo calice, pretiosis lapidibus exornato, duabusque argenteis crucibus) a RUDOLFO quodam, possessore iniusto, emptum, sicque monasterium pene omni substantia sua sive intus sive extra spoliatum, nudatumque fuisse, enarrasset, ex plenitudine potestatis, quod aiunt, sic profatur: *Hic ergo penset unusquisque apud semetipsum, quid utilitatis, aut felicitatis animæ suæ & corpori provenire possit de tam non recte acquisita substantia; dum unusquisque hoc solum attendere debeat, ne ita corpus nutriat, ut animam perdat; cogitetque, quid prosit, si lutro rapiat, & monachus comedat.* Hæc quippe ita comparata sunt, ut, nisi a supremam potestatem habente, sine offensione, aut Abbatis, aut æqualium, vix aut ne vix quidem proferri poterint. Postulat enim prædecessores Abbates iniuste emptio- nis: præsentibus vero iniuste retentionis: non obscure innuens, quam sibi gratum accideret, si consentientibus monachis, seu Capitulo, quod iniuste adeo acquisitum est, reddere, dum res integra esset, liceret, id quod unicuique pensavimus relinquit. Id saltem non incongrue inde deducimus, exhortatiunculam hanc ab Auctore Abbate ideo fuisse interspersam; ut monachos saltem præsentibus & futuros ab eiusmodi factis deterreret. Nihil enim hic solatii aut excusationis addit, quod tamen sedulo præstat in loco, mox antea adducto, nec non & alio, quo, de prædio, cum Ecclesia S. LEODEGARII

O

com-

commutato, tractans, ne quis illud iniusto quodam titulo ad monasterium venisse putaret, paterna plane sollicitudine monet: *Unde nemo perturbetur, nec aliquam contradictionem* (diligenter huic vitio obviare Abbates, aliunde notum est) *exco- gitet; quia legaliter & iuste factum est, ita, ut Advocatus illius ecclesie Comes Weruberus huc illorum traderet, & contra*
 a *noſter Advocatus Adelbertus istud illuc tribueret* (a). Non ab-
 ludunt ab his, quas sparsim alias interspergit Abbatales ex-
 hortatiunculas. Ut vg. cum dicit (b): *Nunc ergo decet ac*
 b *valde necesse est omnibus, qui unquam in hunc locum ad manen-*
dum secesserunt, ut sciant & cogitent, & recordentur, quam
vix, & laboriose iste locus ad hanc gloriam, in qua modo est,
sit perductus --- quam difficile sit & rarum, religiositatem hic
esse, vel posse custodire; quomodo semper in egestate & pau-
upertate fuit, & est, ut sic vivant & se habeant, ac se intra
claustra contineant (en vocem Abbatis) *aspectuque hominum,*
in quantum possunt, se removeant, & custodiant tam se, quam
locum, ne monastica vita, quæ vix hucusque fuit, dilabatur
penitusque locus desoletur, & ipsi periculum animarum suarum
proinde sustineant. Omnia hic Abbatem redolent, omnia sa-
 piunt pastorem. His addi possunt conclusiones partium sin-
 gularum, nunquam sine exhortatiuncula ad monachos trans-
 euntes, quæ, quia capite superiori VIII. iam adductæ sunt,
 Lectorem adhuc dubium aut hæsitantem illuc remitto.

Tam,
quumtem-
poralia
tractat:

VII. Quam vero curam hic impendit circa animas, sibi concreditas, Auctor, eandem quoque circa rem domesti- cam adhibet, varias de ea observatiunculas identidem interspergens, quas hic adducere longum foret. Præterire tamen nolo, quæ duobus in locis affert, linguam quippe veterem
 c Theodiscam illustrantia: Si quæris, ait (c), quid sit sistir? dictum est quasi dicatur constitutio, vel firmiter statutum; ipsi enim armentarii secundum suam consuetudinem habent nomina inventa, quibus utuntur; utpote tantum lactis, quo seracium potest fieri, vocant Imi, & octo Imi dicuntur sester, adeo-
 que

(a) pag. 89.

(b) pag. 35.

(c) pag. 79.

que seſter nihil eſt aliud, niſi (VIII.) ſeracia, unumquodque autem ſeracium ſequuntur VIII. caſei. Et inferius pag. 85. Si quæris cur vocetur mannwerck? ideo dicitur, quia uni viro committitur ad colendum, & eſt tantum terra, quantum par boum in die arare ſufficit. Conſulto omittimus plura alia per totum opus ſparſa (a), ex quibus Auctorem ſtilo, ut ita dicam, Abbatiali uſum, atque cum ſolliciti paſtoris, tum cœconomi munus ſtrenue obiſſe, haud difficulter intelligimus.

VIII. Sed nihil luculentius eſt, nihil ad rem præſentem opportunius, accomodatiusque iis locis, quibus Auctor ſe ipſum Abbatem nominat, ex quibus duo ſaltem proferre poſſumus, volumusque. Prior extat pag. 59. ubi hæc legimus: *Conſtitutio etiam quadam antiquitus obſervatur, ut Abbas præſet, quod ad cenſum pertinet, & Præpoſitus manſos, & villicus alia minora. Anteriores autem noſtri nolebant in iſto, & in aliis propinquis locis multa ponere ad cenſum. Per anteriores, non niſi Abbates, antecellſores ſuos, intelligere poteſt. Quod enim de iis in altero verſu dicit, cenſum, ſeu pecuni- am, ad cenſum elocandam, attingit, quem ab Abbate curandum eſſe, priori verſu retulerat, ita ut ſenſus ſit: „Con- ſtitutio quædam antiquitus obſervatur, ut quod ad pecuni- am ſcœnori dandam attinet, Abbas procuret. Antecellſores, autem mei nolebant neque in iſto, neque in aliis locis, huic vicinis, multum elocare argenti. „ Si enim mos antiquitus introductus erat, ut, quod ſcœnori datur, Abbates ſolummodo procurent, per anteriores quoque procuratores, eo ipſo, quod mos antiquitus iam obſervatus fuerit, Abbates intelligat, neceſſe eſt. Denique cum dicit anteriores noſtri, pro mei, ſtilo utitur ſibi familiari, quo de mox dicemus. At multo adhuc planiora ſunt, quæ non longe poſt, pag. ſcilicet 61. hunc in modum ſcribit: *Decima autem ad Walas- ril, dicitur deputata eſſe eccleſiæ S. Goaris, & adhuc auditum non eſt, ab ULLO ABBATE unquam ANTE NOS ablatam eſſe inde, & ideo oportet, ut deinceps illuc dimittatur.* Luculentif- ſima, inquam, apertiſſimæque hæc ſunt; qui enim dicit, ſcribitque, hoc vel illud a nullo ante ſe Abbate factum, clare in-
Maxime vero, ubi ſe ipſum Abbatem nuncupat.*

O 2

(a) Ut pagg. 76. 77. 80. 88. &c.

nuit, quod & ipse Abbatis dignitate eminuerit. Nec obeſt, quod non dicat *ante me*, ſed *ante nos*; plurali enim numero, quotiescunque de ſe ipſo locutus eſt Auctor, uſum fuiſſe, conſtat ex pluribus locis aliis, quorum nonnulla adducere, operæ pretium erit. Sic pag. vg. 36. ait: *Prius ſcripſeramus, qualiter &c. & ſequenti: Igitur quod nobis primum & unicum eſt, ſcilicet de reliquiis Sanctorum, quæ hic ſunt, dicemus.* Mox iterum pag. 42. *Quia ergo reliquias Sanctorum deſcribimus, iam de alia ſubſtantia --- videamus.* Tum vero pag. 48. *At nos quia aliquantum ſubſtantiam interiorem noſtræ Eccleſiæ deſcripſimus, & reliqua, per totum opus diſperſa: quæ ſingula adducere, ſuperſedemus.* Potuit & plurali numero uti ex prærogativa quadam, qua tum Abbates plurimum pollebant, aut potius multiplici exemplo aliorum Scriptorum, aut denique ex modeltia, more antiquorum.

a Hinc ubi canit VIRGILIUS (a):

Et nos aliquid nomenque decusque geſſimus.

SERVIUS ad eum locum, obſervante NOLTENIO in Lexico Antibarbaro addit: *Nos dixit, ad evitandum iactantiam. Nam ſi ſingulari dixiſſet, EGO GEſSI, excluſiſſe ceteros videretur.* Poſtremo conſtructio, poſitioque illorum verborum non permittit, ut per pronomen *nos*, plures intelligamus; contrahitur enim per præcedens *nullus Abbas*, ut *Singularem* neceſſario exigat, quod conſideranti patebit.

Hinc recte concluditur, Auctorem fuiſſe CONRADUM de S. BLASIO, qui tum cœnobio Mur. Abbas præſuit.

b

IX. His ita ſe habentibus, pronuntiare nullus dubito: Auctorem libelli fuiſſe CHUNONEM ſeu CONRADUM, qui ex monacho S. BLASII in nigra ſilva, ſub initium an. 1154., quo Abbas RÖNZELINUS obiit, ad Abbatiam monaſterii Murenſis poſtulatꝯ eſt; quam cum annis uno & viginti laudabiliter rexiſſet, atque etiam litterarum ſtudia, non nihil collapſa, reſtituiſſet, demum circiter annum 1166. abdicans, ad monaſterium S. BLASII remeavit, ibidemque anno primum 1188. die ſecunda, ſeu potius undecima Novembris, ad Superos evolavit (b). Hunc, inquam, Auctorem Murenſium Actorum fuiſſe.

(a) *Æneid.* II. v. 95.

(b) Ex Gallia Chriſtiana T. V. col. 1038. Rev. P. Fridolini Kopp, monachi Murenſis, nunc S. R. I. Principis & Abbatis, addidament. ad *Murum & Anſenurale*. P. Stanislaus Wülberz in brevib. notiis monaſt. S. BLASII MSS.

fuisse, ac deinceps haberi debere, asseverare eo minus dubito; quod rationes & argumenta, a nobis allata, id clarissime evincunt, quæ breviter hisce complectimur: Auctorem paullo post RONZELINUM scripsisse, partim nobiscum convenit Adversarius, partim paullo ante demonstratum fuit (a): eundem Abbatis dignitate præfuisse, itidem evicimus: quid ergo superest, quam ut dicamus: hunc ipsum fuisse CHUNONEM, seu quod idem est, CONRADUM; quippe qui eo ipso tempore Abbatis munere in monasterio Murenfiungebatur. Paucis: Acta Murenfia conscripsit Abbas quidam Murenfis, & ille quidem Abbas, qui inde ab an. 1145. ad annum usque 1166. præfuit: atqui Abbas ille fuit CHUNO seu CONRADUS, ex monasterio S. BLASII in nigra silva postulatus: ergo Acta Murenfia conscripsit CONRADUS de S. BLASIO.

X. Confirmantur hæc singula perpulchre ex rebus, monasterium Murense, & San-Blasianum tum temporis circumstantibus. Præcessit Abbas RONZELINUS, *vir quidem sive ze-lum discipline* (ut loquuntur Annales Murenfes) (b) *sive re-rum agendarum peritiam spectes, omni ex parte perfectus*; at eundem virum litterarum studia in monasterio, sibi concedito, neglexisse, pariter in comperto est. Hinc factum esse, minime dubito, ut, eo defuncto, nemo ex gremio *Conven-tus*, ut vocant, *Murenfis*, inventus fuerit, qui a pietate si-mul, atque doctrina, quas dotes S. BENEDICTUS in Abbate, *qui præesse dignus est*, exigit, fatis instructus, eiusmodi ge-rendo muneri aptus videretur (c). Itum est igitur in anti-quam silvam, coenobium aio S. BLASII, atque tertius inde

Instauratur
argumen-
tum ex eo,
quod ob
penuriam
virorum i-
doneorum
CONRADUS
noster il-
luc Abbas
postulatus
fuerit.

b

c

O 3

Ab-

- (a) Id ipsum nunc quoque magis elucet; nam cum ex contextu pateat, RONZELINUM Auctorem libri haud fuisse, eundemque tamen fuisse Abbatem, plane consequitur, ut is eiusdem successor fuerit; cum aliunde CHUNONIS successoris opus adscribi nequeat, adeoque nec præcessori, nec successoris.
- (b) Vjd. Auctores citatos.
- (c) Præfincine hæc & similia dixerim; non enim ex alio fine proferuntur, quam ut exinde veritas magis magisque appareat. Neque enim Celeberr. asceterio fraudi sit, aut dedecori, alienis aliquando indignisse subsidii: vel disciplinam ac litterarum studia collapsa fuisse; cum nihil stabile sit in hoc mundo, atque rara admodum sint coenobia, alizque communitates, quæ perpetua usque sint felicitate.

- a Abbas CHUNO evocatus fuit (a), qui & rigidiorē introduxit disciplinam, & collapsa litterarum studia feliciter revocavit.

Quod, flore-
nte ibi-
dem doc-
trina & dis-
ciplina, fa-
ctum haud
fuisse;

- XI. Enimvero utrumque horum, seu disciplina, seu doctrina, si tum florisset in monasterio Murenſi, aut firmiter substitisset saltem, alienum certe Abbatē haudquaquam postulasſent. Abbates namque olim non minus ac hodie, ex alienis monasteriis postulatōs haud fuisse, nisi urgentissima ex necessitate, ac tum cumprimis, si viri idonei, id est, pietate & doctrina pollentes, defuerunt; testis est charta LUDOVICI Germanici, seu Orientalis Franciæ Regis, pro monasterio Rhinaugiensi data an. 870. ubi legimus (b): *Fratres licentiam habeant secundum Regulam S. BENEDICTI Abbatē eligendi, quamdiu possit inter se inveniri, at si non posse contingat, invicem reperiri, QUOD ABSIT, a quacunque monachica professione congregatione sibi placeat, salva electione sui, sibi rectorem eligant.* Similia legimus ibidem in charta, hanc præcedenti, eiusdem Regis: *non aliunde Abbas constituitur, nisi, QUOD ABSIT, nullus idoneus inveniat.* Quod si vero hæc nimis antiqua videntur, producimus verba HENRICI V. Rom. Imp. in Diplomate pro libertate ipsius Murenſis asceterii anno 1114. id est, uno & triginta duntaxat annis, antequam CHUNO Abbatiam illam iniret, dato, quæ apud P. HERRGOTTUM sic sonant (c): *Et hoc etiam constituit, ut quandocunque Patre Spirituali orbatu fuerint, ipsi habeant liberam potestatem secundum Regulam S. BENEDICTI intra vel undecunque, SI OPUS FUERIT, non solum eligendi, sed & constituendi.* Hæc quidem tam clara non sunt, ac priora, docent tamen non obscure, quod volumus; nam si opus fuerit, inquit;

- (a) Dedimus huic monasterio quinque admodum Abbates. Beatum LUTFRIDUM ab an. 1087. ad 1096. RUPERTUM ab an. 1096. ad 1108. Is prius Præpositi munus ibidem obierat. CHUNONEM, de quo hic agimus. RUDOLFUM de *Bosſikon* ab anno 1303. ad 1309. obiitque, abdicato Præſulatu, anno primum 1333. in monasterio S. BLASII. Denique & circa annum 1333. LUTOLDUM seu LUTOLDUM, quem Scriptores Murenſes hæctenus ignorarunt: produnt tamen monumenta authentica Bibliothecæ nostræ MS. testante supra laudato P. Stanislas WÜLBERTZ.
- (b) Gallia Christiana tom. V. col. 510. num. II.
- (c) Gallia Dipl. tom. II. p. 132. Refertur quoque a CONRADO de S. BLASIO pag. 32.

quit; unde non sine urgente necessitate fieri consuevisse, colligimus. Clarius porro, atque in rem nostram opportunius, loquitur HENRICUS V. in pancharta pro monasterio Augiensis apud eundem p. 104. *Eo tempore, quo Divina vocatione Abbatibus de hac vita migrant, quamdiu monachi inter se invenerint idoneum, qui iuxta Regulam S. BENEDICTI digne præesse poterit, firmissima facultate & consensu Regis vel Imperatoris Abbatem eligant.* Non ergo quamdiu idoneus secundum regulam S. BENEDICTI qui doctus sit lege Divina, ut sciat, de thesauro suo proferre nova, & vetera in monasteriis reperire erat, ad alia cœnobia confugere solebant, immo plerumque vix, ut videtur, audebant veteres. Quid multis? de eodem ac hodie luto finxit & olim præcordia TITAN, ut adeo minime dubitari queat, vix aliquando, nisi in summa idoneorum, ad Abbatialem dignitatem, monachorum penuria, ad externos recurrere consuevisse. Quæ causa, cum etiam tum, cum CHUNO seu CONRADUS noster Muros postulatus est, observata fuerit, fatis liquet, etiam ibidem similem fuisse inopiam.

XII. Eodem accedit, quod a novo Abbate cum disciplina, tum res litteraria restituta fuerit. Verba enim non semel laudati KOPPII hæc sunt: *Disciplina zelum deinde si spectes, suspicies. Regulam ut ad amissum servarent sui, omnium Regula factus. Virtutes cum doceret, edidit, cum ederet, docuit, & nonnullis interiectionibus, in fine: Finit interea regimen, non gloriam Chuno, cum exules antea musas ad Muros Apollo revocasset, ne deesset, qui famam Chunonis caneret.* Hæc stilo lapidari, nec abhorrent subiectæ notæ: *Post restaurata litterarum studia, quondam hic floridissima, sed hætenus nonnihil remissa, circa annum 1166. Chuno resignasse Abbatiam legitur (a).* Idem dicendum de disciplina, seu vita monastica, de qua Actarius expresse conqueritur, quod vix hucusque servata fuerit, ut paullo ante in fine num. VI. pag. 106. audivimus. Qui ergo Virum tunc non habuerunt, gerendo pedo pastoralis aptum, quique Musarum restauratore, ac restitutore vitæ monasticæ, opus habue-

Quarum
utramque
CONRADUS
noster re-
stituit;

a

(a) pag. 26. seqq.

buerunt Murenſes, iidem & Scriptorem, ac talem quidem, qui pro eo, quod vixit, tempore, inter luculentiffimos, præſtantiffimosque merito ſuo (nam eum mendosæ Genealogiæ, Actis præfixæ, Auctorem haud eſſe, ſupra demonſtravimus) adnumerandus eſt, vix ac ne vix quidem habuerint. Etenim id genus viri, Scriptores puta, ac præſertim Hiſtorici, etiam ibi, ubi Muſis ſuis conſtat honos, rariores ſunt aves, quanto ergo minus reperiundi, ubi *exulant*, ut dicit Cl. KOPPIUS, & ut contemptæ, magnam partem deſeciſſe dignoſcuntur? ita quidem, ut reſtauratore, ſeu reſtitutore indigerint?

Qui magnus rei litterariæ ſtator,

XIII. Ad hæc cultorem Muſarum audire mihi videor in Actuario noſtro, cum pag. 48. de utilitate rei litterariæ ita proloquitur: *Sunt adhuc hic opuscula librorum ſatis utilia, quæ oportet ſervare, & meliorare, & non deſtruire; quia nos non potuimus ea hic ſigillatim deſcribere, libros autem oportet ſemper deſcribere, & augere & meliorare, & ornare & annotare cum iſtis, quia vita omnium ſpiritualium ſine libris nihil eſt.* Digna plane & Abbate & litterarum ſtatore ſententia: alia contra audiebatur cantilena ſub prædeceſſore eius RONZELINO, qui etſi Abbas omnino laudabilis fuerit, vitam tamen monaſticam ſine libris utcunque ſubſiſtere poſſe, haud dubie exiſtimavit; utpote qui rem litterariam non ita curæ & cordi habuit, ut ne, ipſo regnante, remiſſius ſtuderent monachi: tantum abeſt, ut hæc talia (quod obiter addo) ab eo tanquam ab Auctore libri, proferri potuerint. Neque enim ſtudia facile negligit, qui ita loquitur, nec ita loquitur, qui Muſas ipſe non colit & veneratur; certe *vitam omnium ſpiritualium ſine libris nihil eſſe*, nullo ex alio fine dixit CONRADUS, quam ut monachos, ſibi commiſſos, ad vacandum iis animaret, ſicque ſtudia collapſa reſtitueret, quod & egregie ſucceſſiſſe, ipſi, ut audivimus, deprædicant Murenſes.

Operumque aliorum Auctorem ſcriptioni par fuiſ,

XIV. Hiſce adiici debet: Scriptorem noſtrum, CHUNONEM de S. BLASIO, alia etiam elucubraſſe opuscula, ut adeo, quam difficile eſt ad credendum, eo tempore, quo, & litteræ, & diſciplina, reſtauratore opus habuerunt, Scriptorem

torem quemdam, tamque nobilem vixisse, atque educatum fuisse in monasterio Murenfi: tam facile contra sit ad credendum, immo ad decernendum: opus ab eo fuisse concinatum, qui illi aliunde par fuerat, ac eo in monasterio educatus, ubi tum scientiæ, regulari disciplinæ iunctæ, mirum in modum floruerunt (a). Supereſt enim ex ipsius scriptis adhuc chronicon Bûrglenſe, monasterioli, quondam in ſuperiori Briſgovia, nunc ditionis Badeno-Durlacenſis, ſiti, atque in Præpoſituram commutati. Autographum adhuc ſervamus, quod in calce huius edimus apologiæ. In capite quidem & ante finem mancum eſt, at ſine magno diſpendio, cum & apographum eius pariter habeamus, opera GEORGII Abbatis S. BLASII anno 1494. per manus *Udalrici* Buck, Parochi in Holzheim, Canonici & Scholaſtici Eccleſiæ Tigurinæ, procuratum, qui & de autographo hæc habet: *Collationatum ad originale ſuum valde antiquum, & noſtro tempore ſecundum ſui modum & formam mirabile viſu, vetuſtiſſimorum namque more & litteris exaratum & formatum, latitudine ſua vix unam palmam continens, in longitudine ſex fere cubitorum uſque protenditur, pergameno ligamine folioliſ indique colligatiſ, in ſequē ipſiſ orbiculariter adeo ſtriſte revolutiſ, ut pugno virili� claudi ſane poſſit.* Scriptum eſt autem hoc chronicon non minus luculenter & eleganter, atque ipſa Acta Murenſia, niſi quod illic ſtilo aliquantum vivaciori utatur CONRADUS, quod non

P

mi-

- (a) Monasterium enim S. BLASII in nigra ſilva ſeculo XII. ſanctitatis & doctrinæ laude apprime floruit, ut id luculenter teſtatur BERTHOLDUS Conſtantiienſiſ apud URSIS. Script. Rer. Germ. p. 353. nec non & monumenta noſtra domeſtica, unde inter cetera diſcimus: eo tempore tres monachos San. Blaſianos ad Epiſcopatuſ dignitatem, ac quatuor omnino & viginti ad alienas Abbatiariſ, cum variis monachorum coloniis, poſtulatōſ fuiſſe. Hiſ addi poteſt non ſpernendū� virorum, vitæ innocentia & morum ſanctitate conſpicuorum, numeruſ, in ipſo monaſterio degentium, nec non & Scriptorum aliquor, quorum tamen ſœtuſ maxima ex parte perierunt. Eodem ſeculo præſuiſt in cœnobio S. BLASII WERNERUS de Kûſſenberg, cuiuſ deſolationeſ, ſeu excerptioeſ de meliſſina diverſorum Patrum - - - doctrina extant, Baſileæ anno 1494. typiſ publiciſ in fol. per FROBENIUM, ſi recte memini, exſcriptæ. Videatur de eo, ſi lubet, TRITHEMIUS Chron. Hirſaug. tom. I. p. 502. quanquam in eo lapſuſ, quod WERNERUS ad annuſ 1201. collocaverit, cum anno 1170. poſt diem quintuſ & viceſimuſ Ianuar. quo antecelloſ eiꝰ obijt, Abbas electuſ, elapſiſ annis quatuor, die ſcilicet XXVII. Maii an. 1174. ad pluſeſ abierit.

mirum; cum chronicon Bürglenſe poſt abdicacionem Abbatiæ
 a Murenſis (a) ſcripſerit, adeoque ætate multo provectior:
 b quanquam & hic tam languidus non ſit, ut ne carmina aliquot
 condiderit ipſe (b) aut fortaliſſis ab alio facta, lucubrationi ſuæ inferuerit. Tota hiſtoria haud ſecus, atque Acta
 cœnobii Murenſis, uno continuo filo conſcripta eſt; nam
 capitum diſtinctio, multis reſperſa barbariſmis, ab exſcriptore
 primum, dicto anno 1494. adiecta fuit. Præterea eadem
 fere œconomia operis, eodemque ordine uſus eſt, ut in Actis
 Murenſibus. Primum enim originem monaſterioſi, atque
 fundatores recenſet, enarratis quoque eorundem; quum eximia
 morum honeſtate fulſerint, geſtis. Succedunt res ſpirituales,
 ut dedicatio Eccleſiæ, introductio monachorum & ſimilia.
 Denique prædiorum, ac latifundiorum, quæ, aut donationis,
 aut emptionis titulo, ad cœnobium pervenerunt, numero
 accurate init, ut videre eſt capite ultimo. Quod
 argumentum etiam in Actis Murenſibus extremam conſicit
 partem. Fidei hiſtoricæ robur additurus, vel ad Inſtrumenta
 c provocat (c), vel chartas ipſas, aut eorundem ſaltem
 d fragmenta producit (d), quod & in ſæpe laudatis Actis Murenſibus
 obſervavit, ut alibi vidimus. Plura L. B. colliget ex
 Scriptore ipſo, quem cum in finem, &, ut ne fucum facere
 videamur, edimus. Nullus porro dubito, quin & alia
 plura ingenii ſui monumenta reliquerit CONRADUS noſter, at
 temporum iniquitate ac iterata, heu! fatali cœnobii noſtri
 conflagratione, nobis ſubtracta atque peſſumdata. Talis ergo
 ac tantus cum eſſet CONRADUS, nemo non videt, argumentum
 iſthoc ex congruentia deductum, non parum valere,
 adeo-

(a) Nam WERNHER de Kaltenbach iunioris, monachi S. BLASII, fama ſanc-
 titatis conſpicui, prolixè meminit, eiſque obitum, qui anno 1159.
 evenit, reſert; quare poſt abdicacionem ſcripſiſſe oportet.

(b) Vid. cap. XIV. & XV.

(c) Ut cap. X. in cuius calce hæc legimus: *Si quis autem cauſa huius diſſi-*
nitionem & pacis confirmationem plenius volueris ſcire, privilegium, quod
prædictus Pontifex OYDALRICUS in recordationem & roborationem huius in-
ſtituti inſiſt conſcribi, ſtudeat legere &c. Eodem modo egit CONRADUS
 noſter in Actis Murenſibus pag. 23. ſcribens: *Qua charta, quia ad-*
huc in promptu eſt, non eſt neceſſe, hic eam ſcribere, qui velis, acci-
piat & legat.

(d) Vid. cap. XVI. ibi: *Igitur notum ſit omnibus tam futuris quam præſenti-*
buis &c. & cap. ult. ibi: *Omnibus maniſeſtum & cognitum ſit &c.*

adeoque & ceteris, aliunde convincentibus, adiunctum, plenam facere fidem, adeo, ut pauca forte extent veterum opera, ANONYMEI scripta, quæ tanto rationum pondere, atque robore, auctori suo vero ac genuino asserta fuisse videantur.

XV. Dices tamen: San-Blasianos ab Actuario alicubi reprehendi (a), quasi prædium quoddam, titulo non admodum iusto, tenerent, id quod a monacho, inibi educato & enutrito, haud temere fieri potuisse videatur. Sed facilis est solutio; quod enim ibi obiicit San-Blasianis, eiusdem postulat & Murenfes (b) alio in loco: quemadmodum a contrario San-Blasianos eximie laudat alibi, vituperat Murenfes (c). Nihil ergo ex hoc consequitur, nisi dicere velimus, quod a veritate adhuc magis abhorret: Actuarium nec San-Blasianum, nec Murensem fuisse; quandoquidem utrumque cœnobium eodem habet loco. Quin etiam nova inde exsurgit coniectura: Auctorem fuisse Abbatem; nemo enim privatus talia fave de Murenfibus, sive de San-Blasianis scripsisse censendus est; cum utrinque res sine offensionis periculo fieri nequisset. At Abbas, usus potestate, quod aiunt, auctoritativa, facile scripsit, quod tum, lite forte de utroque prædio pendente, sibi visum fuerat, non quod res ipsa iam liquido constaret: nec animo iniquo, aut nocendi voluntate. Lubentius porro ipsi fatemur, aut propalamus nostra errata, quam cum ab aliis obiecta feramus.

Solvuntur
obiec-
tiones: ac
primo non
obest, Auc-
torem San-
Blasianis
videri in-
ferum.

a

b

c

XVI. Dices præterea: Ex contextu non minus intelligi, Nec dici Auctorem sub RONZELINO Abbate monachi vitam, quam potest, egesta egisse Abbatem; id enim Scriptorem ipsum satis luculenter testari per verba, plus simplici vice excitata: *continentur autem in ipso altari --- sicut ego ipse vidi & audiavi* &c. & alibi de prædio quodam, ab ADELBERTO II. monasterio Murenfi in pignus dato, agens, inter cetera ait: *Nos autem alacres vendidimus alia bona prædia, & ob hanc necessitatem ac-*

Nec dici
potest, e-
undem
sub RON-
ZELINO
Abbate
Muri præ-
sentem
adfuisse.

P 2

ce-

(a) pag. 73.

(b) pag. 78.

(c) pag. 21.

cepimus ad conversionem duas sorores, scilicet Trutilam & Guotam, ut acquireremus argentum anno Dominicæ Incarnationis MCXXVIII. sub Abbate Roetzolino. Ex his quippe duobus locis Adversarius cum PEIRESKIO cap. VIII. contendit, Auctorem sub eodem RONZELINO Abbate in *Muris* presentem fuisse, atque iam tum monachum induisse. Verum ibidem iam ostendimus, qua ratione priora illa verba capienda sint. Si enim tum temporis in *Muris* iam vixisset, atque solemnitati, eodem loco a se relatæ, adfuisset, superfluum sane fuerat dicere: ET AUDIVI. Actiones enim solennes, ubi tuismet videris oculis, easdem transcripturus posteris, supervacaneum est, quoad fidem facias, adicere, *te audivisse* a narrantibus, rem istam peractam fuisse, aut partem illius sic aut sic se habere. Quare tenendum est, quod ad citatum caput demonstravimus, Auctorem reliquias, in eo altari compositas *vidisse* postmodum, atque *audivisse* etiam, qua occasione & sub quo Abbate isthuc comparatæ fuerint. Eodem loco ex ipso Auctore nostro ostendimus, similes loquendi modos plurium numero, ipsi admodum familiarem esse; nec tamen confectarium inde fieri, ut ipse rebus a se narratis interfuerit; quippe cum plura eiusmodi loca extent alia, facta quædam referentia, quibus Auctorem haudquaquam interfuisse, in comperto habemus. Videatur omnino caput nostrum nonum.

Quo licet
etiam ad-
misso, no-
bis nihil
derogatur.

XVII. Verum ponamus, Auctorem nostrum, & dictam solemnitatem oculis usurpasse, & cum prædium ADELBERTI in pignus acceptum fuit, interfuisse etiam: hoc utique fieri potuit, quin tum monachum Murensem egerit. Ut enim magnum olim ac frequens commercium erat inter San-Blasianos, ut Acta testantur, & Murense: necesse erat, ut & frequenter ultro citroque commearent. Cumque illi plures his dederint Abbates, haud dubie & monachi subinde privati postulati fuerint, qui in monasterio hoc vel illud muneris, ut Prioris, Præpositi, Oeconomi &c. gererent. Certe cum anno MLXXXII. monasterio Murenfi constitutiones Fructuarienses inferrent San-Blasiani, eidemque Priorem RUPERTUM, monachum S. BLASII, iussu & consensu WERNHARI Comitibus præponerent, solus ille haud advenit, sed cum eo OPRECHT, HEIN.

HEINRAD & RIFRID, ut CONRADUS noster expresse memorat (a); quin immo & fratres Conversos, quos vocamus, de monasterio S. BLASII illuc vocatos fuisse, hisce verbis innuere videtur (b): *Quod autem hic sunt fratres, qui vocantur exteriores, de cella S. BLASII huc venit, ubi primum talis vita laicorum oriri cœpit.* Nullum ergo subest inconveniens, si CONRADUM nostrum nonnunquam ad *Muros* venisse, antequam ibidem Abbas crearetur, aut etiam subinde longiori tempore ibidem commoratum, aut denique muneri cuidam deputatum fuisse dicamus, cum & aliunde vix contingat, ut ignotus aut incognitus quispiam ab integra communitate ad Abbatiam vocetur, aut taliter postulatus, munus facile suscipiat. Hinc & multa ibi videre, & forte ipse gerere facile potuit.

a

b

XVIII. Dices adhuc: CHUNONIS Abbatis mentionem fieri primum in appendice, unde consequens fiat, Acta præcedentia ante ipsius tempora conscripta fuisse. At ego ex hisce multo magis contrarium infero. Cum enim CHUNO noster clavum Murensem uño & viginti annis tenuerit, credibile vix est, ut duo tantum, aut ad summum tria negotia, memoratu digna, exequutus fuerit; maxime quia tum temporis cum donationes, tum emptiones penes monasteria multo frequentiores essent. Augmentum quoque census Ecclesiastici Abbatibus tum cordi fuisse, patet ex ipso Actuario, ubi p. 44. ait: *Quia anteriores nostri* (id est antecessores Abbates, cum privati monachi id, ad quod hic illos animat, facere haud queant) *semper studuerunt potius augmentare ecclesiasticum censum, quam minuire, ita & nos, & qui post nos venerunt* (venerint) *oportet augere.* Atqui tria duntaxat, aut, si mavis, unicum de eo notatur negotium: conventio quædam cum Episcopo Constantiensi HERMANNO, cuius rei Instrumentum ibidem affertur, & ideo eiusdem nomen ibi legitur, sicut & HERMANNI. Reliquas duas sectiones, ab eodem pariter adscriptas fuisse, inde coniicio, quod in fine successores suos adhortetur, ut exemplo sui, quæcunque Eccle-

Novum
argumen-
tum ex a-
lia obiectione.

P 3

lix

(a) pag. 22.

(b) pag. 54.

fiæ illi novæ augmentationes accedant, diligenter adnotare pergant. *Nunc ergo sicut nos, inquit, substantiam istius sanctæ ecclesiæ, quæ vel ante nos, vel nostris temporibus hac collata est, descripsimus, sic faciant & illi, qui post nos veniant.* Quod hic rogat noster fieri a successoribus, id sane nonnulli diligenter præstitērunt; ut ex loco superius adducto (a), planum fit, ex quo iam & P. HERRGOTTUS, Auctorem Abbatem fuisse arguerat. Codicem porro iugiter in Abbatum manibus versatum fuisse, colligimus etiam exinde, quod confirmante Adversario refert P. HERRGOTTUS Proleg. III. §. III. *codicem nimirum hunc, de quo nobis sermo est, diu latuisse, ipsis quoque monachis ignotum, tandem vero in cubili Reverendissimi D. Abbatis, dum ædes monasterii restaurabant, inter parietem & coassationem fortuito casu codicem, qui ibidem absconditus erat, in terram prolapsum.* Qui ergo alios ad supplementa facienda multoties (nam id in unaquaque fere clausula agit) commonefacit, is haud dubie primus fuerit, qui pro re nata observaverit idem, sicut & eum observasse ex prima statim supplementi sectione conspiciamus, cumque ut postulatus Abbas prodesse cupiens, proventuum rationes, ac multo magis monasterii origines ac emolumenta spiritualia conscribere haud distulisse videatur (utpote cum initia fervere soleant) mirum non est, pauca aliqua ipsi postea enata fuisse supplementa. Dixi tres priores ad summum sectiones ad ipsum pertinere; quæ enim sequuntur de CHUONRADO Cellerario, multo inferiora sunt, ut alibi vidimus.

Atque hæc quidem de vero & sincero Actorum Murensium Auctore, quem nobis dudum ignotum, & iamiam vindicatum atque restitutum esse, in sinum gaudemus: Adversario præterea gratias habentes non modicas, quod sua aggreffione id effecerit, ut nos pro re nata Auctoris illius res diligentius enucleantes, dignumque patella operculum invenientes, historiam litterario-San-Blasianam insigni prorsus accessione locupletatam videamus.

CA-

(a) Hoc cap. pag. 104. num. V.

CAPUT XIII.

Ventilatur paragraphus P. HERRGOTTI undecimus, quo schema Genealogiæ, Actis Murenſibus præfixæ, examinare parat.

I. **H**Actenus ea fere tractavimus, quæ Auctorem cum Ac- Dicenda.
torum Murenſium, tum Genealogiæ, iisdem præfixæ, nec non & codicem propius attingunt: nunc deducente nos Adverſario, ac P. HERRGOTTO præeunte, ad ipſum ſchema, quo de præcipue agi, alias innuimus, examinandum accedimus. Quanquam autem nihil minus in hoc paragrapho egerit P. HERRGOTTUS, quam ut Genealogum Murenſem notaret, aut eundem nova quadam obiectione impeteret, nihilo tamen ſecius cenſuram Adverſarii neque etiam hic evaſit; tantum nihil ut ſanum, nihil ut verum in toto Prolegomeno eius III. videretur.

II. En amice Lector P. HERRGOTTI verba, quæ hic præter morem integra adducam, ut ea de re iudicium facilius ferri queat: „Sed age ipſum ſchema genealogicum, tam operoſe ab antiquitate ſibi commendationem expetens, diligentiſſime nonnihil inſpiciamus, videamusque, an tantæ ſidei, integritatiſque illud ſit, ut ei res tanti, quanti eſt Genealogiam Auguſtæ gentis Habsburgicæ condere, tuto inniti & acquieſcere poſſit? Incipit illud propaginem Habsburgicam ab ITA Comitiffa DE HABSURG, & per octo generationes continuas producit ſilum, ac deſinit in ALBERTO V. & HARTMANNO, natis ALBERTI IV. & in GOTTFRIDO & WERNHERO, filiis RUDOLFI, ſatoris lineæ Laufſenburgicæ. Mortua vero eſt ITA, filia FRIDERICI Ducis Lotharingici & Barrenſis, quæ RADEBOTONI Comiti nupta erat, GUILLIMANNO & ECCARDO teſtibus, anno MXXVI. Itaque ſchematis huius Auctor origines Habsburgenſes orditur circa initium ſæculi XI. In octava vero atque ultima generatione collocat ALBERTUM V. & HARTMANNUM, fratres.

De methodo Genealogiſententia P. H. generatiim. Proleg. III. §. XI.

res .

tres RUDOLPHI I. Rom. Regis, ex patre ALBERTO IV. progenitos, de quibus chartæ nostræ ab anno MCCXLII. usque ad annum MCCLX. mentionem ingerunt. In altera linea Lauffenburgo-Habsburgica pervenit ad filios RUDOLPHI, GOTTFRIDUM & WERNHERUM: quorum prius e vivis excessit VI. Id. Iulii MCCLXXV. Continuat igitur seriem genealogicam ab exordio seculi XI. ad medium circiter seculum XIII. Ex quo ipsius quoque Scriptoris ætas amplius constat, & ea, quæ hac in parte a nobis superius asseruntur, magis, magisque confirmantur.

Immerito
culpata ab
Adversario;

pag. 74.

III. Hucusque sectio P. HERRGOTTI undecima, quæ etsi nihilo plus agat, quam ut methodum, abs Genealogo observatam, indicet & exponat, non tamen effugit acriorem Adversarii censuram, idque ideo tantum, quod, de ætate Genealogi obiter ac revera iam aliud agens, in fine paragraphi denuo aliquid addiderit. Hoc enim non ferens Adversarius, *Commendationem Anonymi Murensis*, inquit, *ab antiquitate P. HERRGOTTUS adeo sustinere non potest, ut banc ipsi operosius conetur adimere, quam ille expetere debeat. Ferendum id equidem, instaque defensionis titulo excusandum esset, si Clar. P. Genealogiam suam ab antiquitate Scriptoris nostri forte sentiret impugnari, ab ætate autem recentiori præsidium expectaret. Illud timere non potest, hoc recusat.*

Cum præter illius errores nihil reprehensum,

IV. Duo ergo hic regerit Adversarius, primum: antiquitatem Genealogi Murensis P. HERRGOTTO velut invisam esse; alterum: id ipsum fieri immerito. Pallitur utrinque; nam eo ipso, quod argumentum tractet Genealogus, P. HERRGOTTO alias valde opportunum, conicere debuerat Adversarius, Genealogi ætatem ab ipso non ideo deprimi, quod illam ferre nequeat, sed quod revera recentior sit, quam cum nonnulli falso sunt arbitrati, ut nos quidem capite undecimo contra inanem rationem, ex prætensa stili diversitate deductam, ostendimus. Quis enim Genealogiam tantorum Principum contexturus, iis non utatur, quæ e re sua esse conspexerit? Verum enimvero num errores, ab eo commissos, dissimularet, ut alii, post ipsum venturi Scriptores, eosdem

dem primum detegerent, atque ædificium ipsius, infirmo consistere talo, dicerent? adeoque elevarent auctoritatem tanti operis? Revera petit hic a P. HERRGOTTO Adversarius, quod ipse se facturum, negaret. Tanti pœnitere non erit P. HERRGOTTUS.

V. Non minus autem iniuste exigit ab illo Adversarius, Quin ei-
dem labo-
ranti sub-
ventum
fuerit.
ut, talis cum sit Genealogus, tamque mendosus, eundem *ad rem tanti, quanta est, genealogiam Augusta Gentis Habsburgica condere, ex se solo idoneum atque aptum declaret, id quod Adversarius hilce verbis magis innuit, dicens: Prodit nempe hoc loco haud obscure, omnia, quæ hætenus contra atatem dicti Scriptoris adduxerat, eo iam collimasse, ut hunc veluti minorem, atque adeo testimonio, tanta genealogia dicendo, impari declaret.* Impar utique est tanto dicendo testimonio, qui falsitatis ac negligentiae, oscitantiaeque, non semel convictus, fidem suam prostituit. At exinde non consequitur, ut homo omnino contemnendus, penitusque abiiciendus videatur; quippe qui illud haud dubie ex ignorantia potius, quam data opera, atque mala fide, animoque malo, fecit; id tantum iure meritoque nobis dari poscimus, illum *ex se solo* non sufficere, sed tum duntaxat vim aliquam, atque probandi virtutem habere, dum quis sit, qui eidem laboranti, ope diplomatum atque monumentorum cœvorum, authenticorumque, subvenerit; id quod cum P. HERRGOTTUS, conquisitis undique Instrumentis authenticis, egregie præstiterit, gratiam potius initurum sperassemus, quam publicam reprehensionem; nam *refert* certe, *quo fonte bibatur*, & cordati Scriptoris est, edicere, quos & quales testes afferat. Verum hoc ipsum responsionis argumentum erit libri nostri II. quo Adversarium unacum Lectore remittere liceat.

VI. Adducit deinde Adversarius ipsum schema genealogicum, quod etsi ad caput sequens potius pertineat, nos tamen & ipsi hic loci, quod maius nobis suppetat spatium, adscribemus, idque maioris claritatis gratia; cum per sequentia capita identidem recurat: tum vero maiori etiam titulo: cum illud in calce, ut fecit Adversarius, edituri haud sumus.

Q

Da-

Adscribi-
tur schema
Genealogi-
Mur. inter-
gram,

Damus autem illud secundum editionem Adversarii, exceptis duntaxat erroribus, ope supra laudati speciminis, cura P. HERRGOTTI ære incisi, expungendis. Sic vero habet:

„ Ita est genealogia nostrorum principum. Theodricus Dux
 „ Lotharingorum & Chouno Comes de Rinselden fratres fuerunt;
 „ horum soror fuit Ita Comitissa de Habsburg reperiatrix hu-
 „ ius Murenfis cenobii. Genuit autem Theodricus Gerhar-
 „ dum Ducem. Ille vero genuit Gerhardum de Egisheim
 „ patrem Uodelrici & Stephani. Chouno Comes de Rinsel-
 „ den genuit Ruodolfum Regem. Et ille genuit Agnetem
 „ matrem Cuonradi Ducis. Ita de Habsburg genuit Wern-
 „ herum Comitem & Richenzam sororem eius de Lentzburg.
 „ Wernherus genuit Ottonem & Itam de Tierstein. Otto
 „ genuit Wernherum & Adelheidem de Huneburg. Richen-
 „ za de Lentzburg genuit Arnoldum, Chouno Comitem,
 „ Wernherum de Baden. Rudolfus genuit Hunbertum, Uo-
 „ dalricum, Arnoldum, Ruodolfum & sorores eorum. Ar-
 „ noldus etiam de Baden filius Richenze de Lentzburg ge-
 „ nuit Richenzam de Chiburg. Ita de Tierstein sive Hom-
 „ berg genuit Wernherum & Ruodolfum de Habsburg. Idem
 „ Wernherus genuit Adelbertum, Gerdrudem de Mumpel-
 „ gard, Richenzam de Fierrito. Alberctus per Itam Comitissam
 „ de Pfullendorf filiam sororis Ducis Welph genuit Ruodolfum
 „ & Comitissam de Liningen. Ruodolfus per Agnes-
 „ sam filiam Goetfridi de Stauffen, quod est inter Worma-
 „ ciam & Spiream, genuit Alberctum, Ruodolfum, Wern-
 „ herum, Helwigam, Gerdrudem, uxores Hermanni & Lu-
 „ dovici fratrum Comitum de Froburg. Alberctus per Heil-
 „ wigam filiam Uolrici Comitis de Chiburg genuit Alberctum
 „ Hartmannum. Sed Ruodolfus frater dicti Albercti per fi-
 „ liam Luitoldi de Regensperg genuit Goetfridum, Wernhe-
 „ rum, & alios quamplures.

Quod, ip- VII. Hæc integra est Genealogia, Actis Murenfis, a
 so farente CONRADO de S. BLASIO conscriptis, præfixa: in autographo
 Adversa- sex & viginti admodum lineis absoluta, quæ tantos hactenus
 rio, omni- excitavit clamores. Hac autem repetita, subiungit aliquid
 bus nume- Adversarius, quod sibi haud dubie excidisse nollet, quum sic
 ris absolu- pro-

proloquitur: *Antequam singulas huius genealogiæ progenies percurramus, iuvat hic monere, SCRIPTOREM NOSTRUM non voluisse arborem genealogicam erigere, OMNIBUS NUMERIS ABSOLUTAM, seu in singulos prorsus ramos extensam.* Hoc ut confirmaret Adversarius, testimonium quoque D. Abbatis *Dominici Tschudi* attulit, perinde ac si sibi suffragaretur; sed a quo tantum abest, ut eidem prorsus contravenire videatur. En eius verba: *Sciendum, in genealogia hac ex professo quidem Comitum de Habsburg originem & successionem deduci, una tamen etiam aliorum quorundam (quos nempe, ut hic recte advertit Adversarius, contracta per fæminas cognatio commendabat) lineam Gentilitiam insinuari.* Non hæc, inquam, pro Adversario faciunt, sed revera obsunt. Abbas enim affirmat: *genealogia hac successionem Comitum de Habsburg ex professo, seu data opera, tradi, Adversarius contra, Auctorem id facere noluisse, seu non voluisse arborem genealogicam erigere, omnibus numeris absolutam.* Hæc e diametro sibi opposita. Cui nunc magis fidendum?

VIII. Sed acceptamus verba Adversarii, quicum nobis præcipue res est, atque una observamus, quod capite præcedenti advertimus, eundem hic P. HERRGOTTO egregie, ut ut haud consulto, velificare; maxime cum verba sequentia adiicit: *quin sufficiebat, in ipsius etiam Habsburgicæ Genealogiæ serie unum, solumque rectæ lineæ propagatorem adnotasse.* Quid enim? si absolutam genealogiam dare noluit, qui dici potest, illum rei tantæ, *quanta est Genealogiam Habsburgicam condere* EX SE SOLO sufficere, nullis ut indigeat adiumentis? Sed dicit Adversarius, se utique interponere copulam disiunctivam *seu*; verum illa tum tantum potestatem disiunctivam, ut cum *Basilio FABRO* docet *GESNERUS*, habet, *cum bis aut sæpius repetitur.* Deinde ponamus, disiunctionem habere locum, parum conducit, & adhuc verum manet, genealogiam hanc omnibus numeris absolutam haud esse; quia & ramos adnotasse oportuerat; si quidem per ramos hic Adversarius, ut ut valde improprie, filios quoque ceteros, non solos propagatores intelligit; nam si stirpes intelligeret, non video, ut res procederet; cum Genealogo Murenli nunquam obiectum fue-

tum haud
est;
pag. 77.

Atque adeo ad texendam Genealogiam Habsburgicam ex se solo insufficientem.

rit, immo nec obici potuerit, illum stirpes omisisse; quandoquidem eius ætate Domus Habsburgica in ramos seu stirpes divisa haud fuerit, nisi in Lauffenburgicam, cuius fatorem æque ac progeniem satis accurate recenset. At *sufficiebat ei, unum, solumque rectæ lineæ propagatorem, adnotasse*. Sed neque hoc ex amissi ac fideliter exsequutus est; omisit enim GUNTRAMNUM, KANCELINUM & RADEBOTONEM, a CONRADO de S. BLASIO in limine sui operis memoratos, quos adeo nedum legere, sed & olfacere potuerat Genealogus iste, si nasum habuisset. Et si porro Adversario etiam concedimus, omitti potuisse priores duos, tertius certe omitti nec potuit, nec debuit; utpote cum genealogiam ab eius uxore, ITA, exorsus sit. Hos quippe coniungi oportere, agnovit etiam ipse Adversarius, dum magnificam illam inscriptionem, Vindiciis suis præmissam, & a nobis cap. III. laudatam, sic inchoavit: DIIS MANIBUS RADEBOTONIS HABSBURGICI ET ITÆ LOTHARINGÆ FELICISSIMORUM PROTO-PARENTUM AUGUSTÆ DOMUS HABSBURGO-AUSTRIACÆ. Cum ergo Adversarius RADEBOTONEM Proto-parentem ipse agnoscat, insimul confitetur, male egisse Genealogum, qui omnium primum *rectæ lineæ propagatorem*, immo ipsum apicem, aut per ignorantiam, aut per oscitantiam prætermisit. Quam confessionem, etsi non sponte factam, eo tamen lubentius suscipimus, quod Adversarium a veritatis tramite propius abesse doceat. Habet enim hoc veritas, ut, pressa licet omni studio, opprimi tamen haud queat: & si aliquando prorsus denudata apparere nequit, partem tamen sui, eamque pulcherrimam, honestissimamque, conspiciendam præbet. Quod ut porro fiat, in sequentibus magis, magisque nobis adnitendum erit.

CAPUT XIV.

Exquiritur prima Genealogi Murenensis progenies.

Triplex P. I.
H. ad I.
Geneal.
Murenensis

TRia sunt, quæ circa primam statim generationem animadversione digna censuit P. HERRGOTTUS: primum, quod genealogiam suam *more alias Genealogis*

in-

insueto ac vere exotico ab ITA incipiat. Deinde, quod eam non a sanguine Lotharingico, ex quo descendit (loquitur ex mente Genealogi) appellet, sed Comitissam de Habsburg; cum tamen constet, RADEBOTONEM Comitem fuisse in pago Clegowe, non Comitem de Habsburg, ac præterea ex chartis & Diplomatis, quæ magno numero producit, colligere sit: Gentem Habsburgicam nomen suum non statim a noviter constructo castro Habsburg usurpare cœpisse. Quin a morte RADEBOTONIS Comitis usque ad ADALBERTUM filium OTTONIS I. (lege WERNHARII II.) Comitis, id est ab anno MXXVII. ad an. MCXIV. nullum, quantum quidem ex Instrumentis, ab illo adductis, colligere licuerit, familiae huius nomen Habsburgense sibi adscripsisse. Tertio monet: ITAM Genealogo huic REPARATRICEM huius Murensis cænobii dici, quum adiutrix potius foundationis ac vere auctrix dicti monasterii vocanda fuisset.

progeniem
animad-
versio.
Proleg. III.
§. XII.

II. Omnia hæc in transversum agunt Adversarium; Frustra ex-
ideoque reponit ad primum: „Præterquam quod antiquitas
„legibus nostris non teneatur, genealogiam illam scriptam
„esse a monacho Murensi pro monachis Murensibus, qui
„ex ipsa Actorum serie, immediate subnexa, ITÆ Lotharin-
„gica maritum RADEBOTONEM, Gentis Habsburgica pro-
„to-parentem, sicut & huius patrem & avum, ignorare
„haud poterant. Perinde ergo fuisse, Genealogiam Habs-
„burgicam ab ITA, an RADEBOTONE auspicari, idque con-
„gruentius adhuc factum, quod ITA primaria foundationis
„Auctrix fuisset.

Frustra ex-
cusatur ab
Adversa-
rio.
pag. 8r.

Mira admodum responso; nam utcunque res se habeat, sive antiquitas nostris legibus teneatur, sive iisdem soluta sit, semper tamen verum manet, exoticum quid, atque apud ceteros Genealogos, etiam veteres, insuetum esse, ut quis genealogiam Principum ab uxoribus eorundem auspicetur, maritorum nominibus silentio preflis. Certe Scriptor iste, quicunque is fuerit, Genealogiam se Principum scribere professus est, scriptiunculam suam ita incipiendo: *Ista est Genealogia nostrorum Principum*, quis ergo eum non ineptire dicat, cum, loco maritorum, foeminas recenseret viderit? Perperam etiam dicitur, congruentius id factum ideo fuisse, quod

Q 3

ITA

ITA *primaria fundationis autrix* fuerit, cum Genealogus eandem *reparatricem* duntaxat, non *autricem* agnoscat (a). Deinde minori adhuc cum verisimilitudine, & nescio, qua fiducia, adstruitur, Genealogiam hanc pro monachis duntaxat scriptam fuisse. Quid enim monachi, ut monachi, ex illa addiscere vel proficere potuissent? Ego certe, & ni fallor. quisque mecum, id omne in posterorum gratiam factum fuisse dixerim, non monachorum. Notum quippe est, quantum antiquis monachis, præsertim Ordinis nostri, debeat posteritas, quod tanto studio, atque diligentia, libros vel elucubrando, vel transcribendo, eidem cum in rebus historicis, tum reliquis omnis generis scientiis, consuluerint (b). Eorum igitur vestigia terere cupiebat Genealogus Murenſis, sed uti-

(a) Vid. dicta cap. XI.

(b) Ex innumeris testimoniis apud MARILLONTUM, aliosque rerum nostrarum Scriptores, adducere iuvat, quæ Illustr. D. de WESTPHALEN præstat. ad tom. II. *Monument. inedit. rerum Germaniæ*. perite iuxta ac erudite admodum in laudem monachorum disputat; quippe quod eius testimonium eo sincerius sit, quo is a partium studio remotior est. „ Qui monachis & cœnobitis, inquit, male precari solent, eosque nunc delectabilis desidii, nunc ignorantie, multiplicis aberrationis vel vitii inculant; ii vel ingrati in merita, invidique in fortunam cœnobitarum existunt, vel re nondum ex utroque latere perspecta, iudicis partes sibi considerate sumunt. Præstat, æqua lance causam ponderare, suumque plane cuique distribuere, nec reticere virtutes & promeritas viro-um, in ecclesiis & monasteriis Pontificiis olim agentium, laudes & operas, quarum fructus hodieque percipiuntur, & perennabunt. Digna omnino elogio est factorum collegiorum, antistitum & monachorum auspiciatissima cura, quam in describendis vetustis codicibus, in consignandis & custodiendis rerum gestarum Germaniæ annalibus pertinaciter adeo defixerunt, ut, quicquid fere eod. cum anecdotorum, tabularum, bul- larum, privilegiorum, epistolarum, donationum, annaliumque ex ævo medio ad nostram ætatem, memoriamque, derivatum fuerit, id tantum non omne acceptum referamus beneficio sacrorum collegiorum, assiduisque curis cœnobitarum. Notissima sunt nomina Abbatum, Episcoporum & monachorum, a quibus, haud flocci pendenda hereditate, accepimus rerum gestarum præsidia, i. que rebus turbatis Ariadnes auxilia, in obscuris perspicuissimis, verique in dissenſu ordinem & rationes. Laudabimus saltem in præſenti cœnobitarum adhibitam in servandis omnis ævi diplomatibus indust- riam immortalē, ita, ut monasteria merito dixeris numina omnis rei literariæ & historiciæ tutelaria, monumentorumque rerum, cum sacrarum tum civilium, cum privatarum tum publicarum,

utinam tam feliciter, quam laudabiliter; quippe, qui per officiantiam prætermisit, quod maxime dicendum fuerat, nomen videlicet RADEBOTONIS, quod ex ipso Actuario addiscere poterat, si eundem legisset. Neque enim audiendus est Adversarius, cum tam RADEBOTONEM, quam eius patrem & avum, sine culpa præteriri potuisse contendit ex eo, quod monachi Murenenses, pro quibus id scriptum fuerit, eosdem ex subsequenti Actorum serie rescire potuerint; hoc enim vero gratis asseritur. Si enim illos impune negligere potuit, cur non etiam ceteros, de quibus in iisdem Actis similiter atque uberius etiam mentio fit, puta WERNHARIOS, ADELBERTOS, reliquos? Valeat igitur hæc Adversarii hariolatio.

III. Maioris momenti est, quod is contra alterum huius sectionis membrum assert, ubi scilicet RADEBOTONEM titulo *Comitis de Habsburg* nunquam usum fuisse, atque etiam constare asserit P. HERRGOTTUS, ante annum MCXIV. nullum, quantum quidem (quod bene notandum) ex *Instrumentis colligere licuerit*, nomen Habsburgicum sibi adscivisse. Siquidem OTTO I. (filius RADEBOTONIS) in *charta anni MXXXV. 15. Julii non Comes Habsburgi, sed Comes in pago Suntgowe, scribatur*, quemadmodum & RADEBOTONEM ipsum *Connitem in pago Cleggowe* audiisse, ante observaverat. Etenim tam multa hic, tamque varia carpenda invenit Adversarius, ut rerum exitum invenire difficile sit. Ante omnia autem prævie animadverto, me comprehendere haudquaquam posse, cur Adversarius hæc impugnanda sibi putaverit; quandoquidem nec clientem suum, Genealogum Murensem, nec Actuarium, CONRADUM iam nostrum de S. BLASIO, ullo modo impetunt. Quod enim a Genealogo Murenensi hic fieri dixit, quod nomen Habsburgicum coniugi RADEBOTONIS inderet, id tantum non iisdem verbis, etiam in diplomatibus posterioris ævi fieri, asseverat. Ceterum & ipse WERN- loc. cit.

HA-

„ viva conditoria. Quæso quis est, quem fugiant quantivis pretii
 „ cimelia diplomatica, e scriniis & penetralibus factorum collegio-
 „ rum ab AUBERTO MIRAO, CHRISTOPH. BESOLDO, MEICHELBECKIO,
 „ d'ACHERT, MABILLONIO, MARTENE, DURANDO, PEZIO, & NOVO
 „ primæ magnitudinis fidere Ordinis Benedictini MARQUARDO HERR-
 „ GOTTO feliciter producta? &c.

HARIUS, inquit, *Strasburgensis Episcopus, supra nominatus, Comes de Habsburg dicitur, in chartis posterioris ævi.* Quemadmodum ergo nemo dicet, P. HERRGOTTUM per id chartas & instrumenta culpæ, aut erroris insinulare voluisse: ita & id ipsum de monito, ad Genealogum nostrum dato, tenendum est. Scilicet occupare hic Lectorem, atque Scriptorem Murensensem explicare voluit, ne quis putaret, nomen *Habsburgicum* tempore RADEBOTONIS iam invaluisse, atque a familia usurpatum fuisse; contra quod sequenti libro primo docere instituebat.

Accedit his omnibus, quod P. HERRGOTTUS non plus hic statuerit, quam quod subministrarunt instrumenta, a se collecta. *Quin immo a morte RADEBOTONIS, inquit, Comitibus, usque ad --- annum MCXIV. nullus, quantum ex INSTRUMENTIS NOSTRIS COLLIGERE LICUIT, familia huius nomen Habsburgense sibi adsciverat.* Provocavit igitur ad contenta instrumentorum, a se collectorum, quæ cum nullum hoc nomine ante dictum annum MCXIV. ut Genealogiam Diplomaticam ipsam inspicienti manifestum fiet, prodant: rectissime illatum fuisse id, quod illatum fuit, nemo negabit, nisi forte, qui vitilitigare, quam verum sectari, potius habuerit. Hæc Adversario prævie.

De origi-
ne nomi-
nis Habs-
burgici,
quæ sit P.
HERRGOT-
TUS mens.

pag. 82.

pag. 83.

IV. Iam tempus est, ut eidem quoque directe obviamus, videamusque, quæ vis, quæ virtus ipsius argumentis inesse deprehendatur. Hæc eo redeunt: quod etiamsi OTTO ille, de quo diximus, nomine *Habsburgico* usus haud fuerit, potuisse tamen spatium illo, quod inter annum MXXVII. & MCXIV. intercessit, alium ex eadem gente vixisse, qui a nomine Habsburgico haud abstinerit. *An vero hic OTTO solus, ait, nec alius tempore illo intermedio, ab anno nimirum MXXVII. usque ad an. MCXIV. vixerat? At nullum P. Herrgotto sua Instrumenta sistunt, nomine Habsburgico insignem? Hinc more suo concludit, nomen illud ante dictum annum MCXIV. a nullo huius familiae fuisse usurpatum.* Pergit deinde ulterius, cumque P. HERRGOTTO concedi adhuc posse, nec ADELBERTUM illum, WERNHARTII II. filium, nec RADEBOTONEM in chartis eiusdem hoc nomine Habsburgico venire, inde tam-

men minime confici, nullum ex eorum descenditibus usque ad prædictum annum tali nomine fuisse insignitum. Probare rem nititur ex verbis ipsius P. HERRGOTTI, qui loco, mox citato, ait: *ex eo vero Comites ac Proceres a provinciis ac possessionibus, quas a proavis habebant, nomina sua mutuarunt, ad exemplum aliorum Principum, qui aucta domi potentia munimenta & arces extruere cœperunt, ope WERNHARII Episcopi, Germani sui, RADEBOTO Comes in pago Clegowe, castrum quoque in terra sua ALLODIALI, id est, IN DEM EIGEN in Argovia exadificavit, cui nomen Habsburg indere placuit.* Doceri hinc non obscure contendit Adversarius: Proceres a propriis possessionibus nomina sua mutuasce iam ante conatitum Habsburgi castrum, nec obstare, ait, quod idem P. HERRGOTTUS *inmediate post prædicta verba subiungat: verum qui huic castrò primi dominabantur, RADEBOTO & huius filius--- titulum Comitit de Habsburg necdum assumpserant.* At hæc cur non obitent; quandoquidem, quæ P. HERRGOTTO hæc de re animo fideat sententia, clare explicant? mirari certe denuo subit, cur Adversarius, qui P. HERRGOTTI tantum non omnia execratur, eiusdem tamen verba hic in plenam probationem, quasi omni exceptione maiorem, assumat? Meminerit, quælo, res genealogicas non paralogramis, aliisque orationum meteoris, qualia fere in pulpitis nonnullorum scholasticorum sonant, agi, sed probationibus inconcussis, firmis, pragmaticis. Nonne vero ex verbis illis subiunctis satis superque intelligere poterat, quæ sit HERRGOTTI de nomine *Habsburgico* mens? ad quid igitur eiusmodi ambagibus ac circumlocutionibus in re seria, summosque orbis Principes attingente, opus erat? Ad hæc, etiam si seculo XI. cognomina eiusmodi (quod tamen P. HERRGOTTUS nec dixit, nec Adversarius demonstrabit unquam) apud nonnullos Principes invaluisse, num ideo consequens est, RADEBOTONEM, eiusque descendentes, idem fecisse? Denique, quando dixit P. HERRGOTTUS, *Comites ac Proceres a provinciis ac possessionibus, quas a proavis habebant, nomina sua RADEBOTONIS ævo mutuasce cœpisse, num Comites, in provincia Burgundiæ degentes, intellexisse dicendus est? an non tum temporis Imperium in plures provincias distributum fuit?* Certe res hæc

R

in

in Italia, ut videtur, & ut deinceps dicam, primum exorta, pededentim etiam in Germania obtinuit, non uno ictu, seu tentamine, uti certe res novæ velut serpere, ac mores gentium lento admodum gradu introduci solent.

Illud ante
initia se-
culi XII.
exortum
haud fuisse
demon-
stratur.

V. Iam vero nomen Habsburgicum ante initia seculi XII., quod quidem docuit P. HERRGOTTUS, non invaluisse, tam certum est, quam quod certissimum. Hoc ut mecum sentire cogatur Adversarius, reducam illum per eandem viam, per quam advenit, diplomata, inquam, & chartas, ex quibus sententiam suam colligere se dixit P. HERRGOTTUS. Evolvi studio omnia, prout in tomo Genealogiæ Diplomaticæ II. a pag. 107. ad 131. habentur. Sunt unum & viginti numero Instrumenta, occurruntque in iis Comitum nomina præter propter sex & triginta, quorum unicus a bonis aviaticis, ceteri omnes ab officio, seu Comitatu, cui præerant, nomen gerunt. Nam legitimis inibi *vg. sitas videlicet in Alsatia & in Comitatus GISELBERTI & WEZILONIS Comitum: in Comitatu BERTHOLDI, & in pago Brisichgowe: in pago Retia Curienti in Comitatu MARQUARDI, & sic de ceteris, ubi ad annum usque 1114. idem stilus Curiae, ut sic dicam, observatur, qui ante centum & amplius annos observatus fuit. Nisi quod unicus ODALRICUS Comes de Braganica num. cxc. anno primum 1095. occurrat: nec tamen ullus sese prodit, qui nomen Comititis de Habsburg gerat. Quis ergo, qui artem Diplomaticam vel extremis duntaxat labris degustavit, non continuo cum P. HERRGOTTO concludat, cognomina Procerum a possessionibus aviaticis orta, ante initia seculi XII. iis in regionibus, atque præsertim apud Habsburgenfes Comites, quantum quidem Instrumenta a se collecta, produunt, non obtinuisse; quippe quod Instrumenta, ibidem adducta, contrarium potius evincant. Quare recte ait Adversarius, P. HERRGOTTUM hic *more suo concludere*, id est, si quid iudico, ex principiis veris, genuinis & indubitatis.*

Adversarii
de eodem
argumen-
to hario-

VI. Quod hic porro subiungit Adversarius, tam nullo nititur fundamento, ut minime verear, quod alicui fidem aut fecerit, aut facturus sit. Asseverat enim, quod nunquam
pro-

probaturus est, concedere se, *Comites illius ævi ab aviaticis bonis sese denominasse, in negotiis, officium illud concernentibus, chartisque desuper expeditis, non item in aliis, quæ familiam, propriumque dominium spectabant*: deinde, videri, ipsum WERNHARIUM, Argentinensem Episcopum, dictasse Anonymo Murensi cognomen, quo gentem suam distinguere oporteret, idque his verbis, ex Episcopi testamento eductis, evincere nititur, quas in hunc finem litteris pronis, seu Italicis distinguit: *posteritate, quæ præfato castro Habesburch dominetur --- progenie, qui in eodem sit castro Habesburch --- castro Habesburch hereditario iure præsideat --- Dominorum, qui castro Habesburch præsident*. Ego vero ex hisce verbis vel ipsum Apollinem excindere non posse crediderim: Habsburgensibus iam WERNHARII ævo cognomen a castro eiusdem nominis adhæsisse; tantum abest, ut aliquid respondendum ducam. Quod vero distinctionem illam inter *negotia*, & *res familiæ* attinet, Adversarium itidem ad prælaudata diplomata & chartas remitto; ex quibus utique satis superque patet, prædictos Comites (uno solum, qui tamen, ut vidimus, nihil obstat, excepto) nullo cognomine appellari, cum contra post dictum annum 1114. in omni prorsus commercio, sive illud *negotia*, sive *res familiares* concernat, cognominibus usi fuerint. Antiquos mores & consuetudines sine ullo veterum monumentorum fulcimento aut eruere, aut exponere, mihi quidem idem videtur, ac cribro haurire velle aquam. Documenta postulamus. Qualia equidem non parca manu suppeditavit P. HERRGOTTUS, nulla contra Adversarium.

lationes
breviter
explosæ.
pag. 84.

VII. Verum nondum satisfit Adversario, nondum omnia, quæ nobis obstare possint, in medium adduxit. Negat enim adhuc, RADEBOTONEM nunquam alio nomine venisse, quam *Comitis Cleggovia*, nec OTTONEM alio, quam *Comitis in pago Suntgowe*. Nam etsi duo genuina, & indubitata diplomata eosdem sic appellitent, puta: *in pago Cleggeuve, in Comitatu vero RADEBOTONIS Comitis*, item: *in pago Suntgowe in Comitatu OTTONIS*, hæc tamen illi haudquaquam sufficiunt. Utroque allegato *Diplomate*, inquit, aliud non signi-

Eiusdem
de usu sub-
scriptio-
num para-
doxum,
tam argu-
mento ne-
gativo,

pag. 86.

Ibid.

ficatur, quam bona prædictis monasteriis (Rhenoviensi puta atque Einsidlenli) donata, in Comitatus, quos uterque ille Comes administraverat, sita fuisse. Ego vero hanc responsionem haud expectassem; si enim ex his duobus nihilo plus sequitur, quam ut bona, prædictis monasteriis donata, in Comitatus, quos uterque ille Comes rexerant, sita fuisse discamus, consequens sane est, ut ex aliis quoque similibus subscriptionibus parum addiscamus; hincque magnam sane partem actum est de re Diplomatica antiquiori, ac prope abest, ut GERMONII, aliorumque rei Diplomaticæ hostium, subscribamus placitis. Aliter iudicant, qui, quantam vel una subscriptio hitorix lucem affundere queat, norunt. Optassem igitur, ut quod hic, licet contra duo duntaxat Instrumenta, pronuntiavit Adversarius, idoneo quodam solidasset argumento. Sed nihil horum fit, quin potius hunc in modum pergit: *Verum dato etiam, illos non nisi a dictis Comitatus sese scripsisse, atque denominasse; an inde sequatur, neque ab aliis tales iam tum fuisse scriptos atque denominatos, quales ex se ipsis fuere? Modo audivimus, titulum DE HABSBURG eos propterea non assumpsisse, quod alibi Comitatus Pagenses regendos suscepissent. Semoto igitur huiusmodi officio, præfatum titulum assumpsissent, imo etiam, stante tali officio, assumere potuissent. Potuisset eodem tempore cælum hircere, atque castrum Habsburg, terræ motu concussum, ruere; potuisset in RADEBOTO-NE stemma (Supremo Numini laudes eximie sint, quod factum non sit) nostrorum Principum extinguere, & tunc omnis nostra cessaret disputatio: nunc vero cum diplomata hunc titulum Comitibus nostris haudquaquam attribuant, sed potius more, inde a CAROLI Magni temporibus, & ultra, recepto, Comites a munere, quod gerebant, atque a pago, cui imperitabant, denominent; cum præterea ex viginti & amplius chartis & diplomatibus, de quibus paullo ante diximus, aperte constet, cognomina a bonis aviaticis tum nondum deduci consuevisse: quis amabo! dubitare queat, aliud obtinuisse apud nostros Principes? aut qua confidentia dici potest, utroque diplomate non plus significari, quam quod ea latifundia in Comitatus illis sita fuerint, in quibus illi ius dicebant? nonne enim præterea intelligimus, eosdem titulo*
Habs-

Habsburgico abstinuisse; quandoquidem illo non solum non machantur, sed & alio, more, ut iam inculcavi, inde a CAROLI Magni temporibus deducto, & neque tunc adhuc immutato, afficiuntur, nempe Comitum in pago *Cleggeuwe*, & in pago *Sintgoiwe*. Cum contra si nomen *Habsburgense* iam iam assumpsissent, haud dubie & illud additum fuisset, quemadmodum & Comiti de Braganica adiectum fuit in diplomate HENRICI IV. anno 1095. per hæc verba: *Fabariensem Abbatiam quæ sita est in CURVALIA in Comitatu ODALRICI COMITIS DE BRAGANICA* (a). Haud dubie, inquam; quis enim nescit, quanta diligentia, atque accuracione, tituli honorum descripti sint ab antiquis? Aliud fit in Diplomate cit. loc. mox sequenti, ubi nomen gentilitium adhuc nullum legimus; non alia certe ex causa, quam quod nullum adhuc assumpserit, aut assumere ausus sit RODULFUS, quo de simpliciter mentio fit: *in pago Retia in Comitatu Rodulfi*.

a

VIII. Hæc Adversario sufficere possent (& cui demum chartæ & diplomata fidem non faciant?) ut vero eidem discrimen, quod inter titulos honoris, qui seculo XI. & præcedentibus in usu fuerunt, ac eos, qui seculo sequenti usui esse coeperant, luculentius exponam, & veluti ante oculos reducam, iuvat nonnullos eiusmodi titulos excerpere, hincque in medium asserre. Atque prioris generis quosdam passim hic adduximus, quibus simillimi sunt, remotiori adhuc ævo occurrentes, ut vg. in charta anni 744. anno III. CAROLOMANNO *Maiorem Domo sub CHANCHURONE Comite* (b) *regnante HILDRIHHO Rege* - - - *Et BABONE Comite* (c). *Sub WARINO Comite &c.* aut anno 889. *in pago Turgowe, in Comitatu ADELBERTI* (d). anno 891. *in pago Argowe, in Comitatu CHADALOHII* (e), & sic de reliquis usque ad initia seculi XII. tum enim stilus cum titulis immutatus est, Comitesque cognomina sibi ab arcibus & castellis indentes, alio modo

Quam po-
sitivo, e-
versum.

b

c

d

e

R 3

com-

- (a) Geneal. Dipl. tom. II. num. CXCI. pag. 130.
- (b) Ibid. num. I. pag. 2.
- (c) Ibid. num. II.
- (d) Ibid. num. XC. pag. 54.
- (e) Ibid. num. XCIV. pag. 56.

a compellati sunt, seseque compellarunt, ut vg. anno 1114. (a) *Dicatum est a WERNHARIO Strasburgensi Episcopo, parente scilicet WERNHARII COMITIS DE HABSBURG. Comes ARNOLFUS de Lenzburg, ADALBERO Comes de Froburg, ADALBERTUS Comes de Habsburg, & sic de ceteris. Iam quid apertius, quid luculentius hisce chartis & diplomatibus? ubi siquidem dictum seculum in hisce provinciis omnes a Comitibus, quibus ex officio præerant, sub initium vero seculi XII. plerique (nam aliquos adhuc sine eiusmodi cognominibus comparare, planum fiet, laudata diplomata inspicienti) a bonis aviticis sese nominarunt, & nomen adhuc dubitat, ac de re tam clara disputat Adversarius. Nihil ergo eundem iuvat, cum de P. HERRGOTTO dicit: *Acceptare possemus hanc argumentandi rationem ab eo, qui omnia in chartas publicas relata, hasque omnes ad se pervenisse incolumes nos certos redderet.* Neque enim omnibus chartis opus est, cum plures, idem testantes, adsunt, nec omnia in chartas publicas relata fuisse existimat, cui de titulis Principum, qui in iisdem chartis deesse nunquam possunt, sermo est. Quod si Adversarius hisce omnibus solide contraire aut voluisset, aut potuisset, res non tam verbis quam fundamentis, id est chartis & diplomatibus, in quibus Comitis cuiusdam nomen, adiecto titulo DE HABSBURG, legeretur, exsequenda fuisset.*

pag. 82.

Cui rei nihil obstat incertæ rationis litteræ.

IX. At ego quid dico? Adducit utique Instrumentum prorsus insigne, atque Romæ ab Eminentissimis Cardinalibus sub finem seculi XI. confectum, ubi WERNHARIUS *Egregius Comes DE HABSBURG* appellatur. Restat igitur Adversarii Achilles, quem nobis armatum sistit. Imprimis Diploma, quod aliunde nota Chronologica destitutum est, quodque STUMPFIIUS ad annum 1089., GUILLIMANNUS & TSCHUDIUS ad annum 1091. reposuerunt, ante mortem WERNHARII an. 1096. defuncti, datum esse fuse, & operose contendit Adversarius; contra ac P. HERRGOTTUS sensit, illud ad annum 1099. consignans. Secundo ex eodem Diplomate confectarium vult, titulum *Comitis de Habsburg* iam ante tempus, a P. HERRGOTTO definitum, in usu fuisse; quippe quod illud iam an. 1096. datum fuerit.

pag. 88. seqq.

An

(a) Ibid. num. CXCLIII. pag. 131.

An citatæ litteræ, Actis Murenſibus inſertæ, anno 1096. an vero an. 1099. exarata ſint, nolim contendere; quippe cuius rei tam parum intereſt, ut nos verborum poeniteat. Sic ubi enim cetera paria ſunt, tantillum temporis proſuſ nihili faciendum eſt. Et quo tandem devenirent rei Diplomaticæ periti, ſi ob unam epocham reſtituendam, integra tria folia, quod quidem Adverſarius facit, implenda forent? Ubi tamen dolendum quam maxime eſt, tanto labore nihilo plus effectum, quam quod forte credibilis nunc ſit, dictum diploma ante obitum WERNHARII emanaffe; ceterum, quo anno, incertum adhuc maneat.

X. Quare rem omnem, ut quæ aliunde nullum trahit momentum, in medio relinquo, atque Adverſarium id unum adhuc volo, quo ſine P. HERRGOTTO tertium obiciat, quaſi circa dictum instrumentum calculum male duxiſſet? exiſtimans, quod quia in eo legitur: *absente Pontifice*, id eo deſuncto, anno ſcilicet 1099. inter 29. Iulii & 14. Auguſti eſſe datum? Nam haud ſecus, ac ſi ſol ideo deſeciſſet, reponit Adverſarius: *Attente itaque facti huius specie, quis dubitet, EG-* Fruſtranea in P. H. obiectatio.
HARDUM a WERNHARIO Comite, adhuc inter vivos agente, Romanum ablegatum eſſe? quem etiam ipſæ Cardinalium litteræ illuc appuliſſe referunt, ABSENTE non DEFUNCTO Pontifice. An vero hic Roma nunquam ABSENS niſi DEFUNCTUS? - - - Nemum Cardinales omnibus huic rei faventibus beati Petri & Papæ (utique VIVENTIS non MORTUI) Apoſtolicam benediſtionem mandant. Fateor, deſuncto Pontifice diploma datum coniecerat P. HERRGOTTUS, nec tamen cauſſam addidit; ſe illud ideo facere, quod ibi absente Pontifice legat: In litteris Cardinalium S. R. E. inquit, pro immunitate Murenſis cænobii tempore ſedis Romæ vacantis hoc eſt inter 29. Iulii & 14. Auguſti 1099. Sumitur ergo ab Adverſario incertum pro certo. Sed quid, ſi ideo etiam factum eſſet? vocabulum certe absens pro mortuus tralatitie uſurpavit VIRGILIUS teſte CALEPINO (a): Sequar atris ignibus absens. pag. 90.

XI. Mittamus ergo hæc, & modo, qualem vim probandi litteræ illæ habeant, inſpiciamus. Data ſunt Romæ, quo

(a) Æneid. lib. IV. v. 389.

Litteræ illæ, cur vim probandi non habeant?

quo die & anno, ignoratur. Certum est tamen, nec ipse Adversarius diffidetur, seculo undecimo labente primum datas: quo posito, facile videmus, quam nulla eisdem virtus in sit probationis. Quæritur enim de ITA & RADEBOTONE, utrum videlicet nomen Habsburgicum unquam gesserint, nec ne? Illa anno 1026. hic an. 1027. e vivis excefferunt; nec non de OTTONE, eorum filio, in flore iuventutis extincto; & Adversarius tamen chartam adducit, anno primum 1096. vel 99. concinnatam, quæ WERNHARIUM, illius fratrem, nomine Habsburgico mactatum fuisse doceat. Quæ convenientia? Advertere debuerat præterea Adversarius, litteras illas in Italia, ut diximus, fuisse exaratas, in Italia inquam, ubi tum temporis moribus propriis inhærere magis, quam suos ad Germanorum mores componere usu veniebat. Et recte quidem, cum id Romæ, mundi capiti, ut eam CONRADUS noster recte appellat, non minus, quam hodie congrueret; tum vero, quod ea tempestate Italia Germaniani tam quoad artes & scientias, quam quoad civilitatem morum longis post se relinqueret intervallis. Facile itaque contigit, ut quemadmodum in Italia cognomina Principum a bonis & possessionibus avaticis assumpta, pridem invaluerant (a), ita & in Germania, quum petitionem suam in castro Habsburg datam viderent, rem aliter iam se habere non posse, vel persuasi fuerint Cardinales, vel WERNHARIUM humanitatis ac benevolentiae causâ sic appellaverint, vel certe WERNHARIUS ipse erga Cardinales maioris tum auctoritatis conciliandæ gratia, ita sese subscripserit. Quidquid sit, chartas, ab Italis in Italia confectas, tot tantisque Germanicis, ad quas solum provocandum putavit P. HERRGOTTUS, derogare haud debere existimaverim, & si derogarent etiam, quindecim aut duodeviginti anni tanti non sunt, ut asserto P. HERRGOTTI, qui aliunde, ut diximus, ad Instrumenta, a se adducta, duntaxat provocavit, quicquam obesse queant.

XII.

(a) Docet id singulari dissertatione Celeb. MURATORIUS tom. III. antiq. med. xvi. col. 771. ita pronuntians: *Hoc ergo statuo, seculo Christi X. & latius XI. latissime tandem XII. cognomina ab Italis usurpari coepisse.*

XII. Idem porro mentem suam hisce verbis clarius ad-
huc expressit (a): *Ex quibus infertur; circa initium seculi XII.*
destructa sede RORE, atque in eius locum propugnaculo LENZ-
BURG, vel (ut GUILLIMANNO placet) mutato nomine RORE in
vocabulum ARAU (siquidem eodem teste ARGOVIE NOMEN RE-
CENS, ANTIQUI RORE DIXERUNT) titulum quoque Comitatus
RORE seu RORENSIS interiisse, atque eius vicem tres BURGUN-
DIÆ Proceres, qui prius in dicto Comitatu bona aviatica possi-
debant, in totidem distinctos Comitatus divisisse, HABSBURGEN-
SEM, LENZBURGENSEM & BADENSEM, qui Comitatus, ut mo-
do audivimus, per ipsa Regum Romanorum diplomata pro ta-
libus agnoscebantur. Habes hic veram & genuinam P. HERR-
GOTTI mentem. Circa initium seculi XII. ait, cui proinde
tres aut quatuor anni nihil obsunt, quin potius hisce verbis
una concluduntur; circiter enim dixit, & adhuc dicit; tan-
tum adest, ut certum definiverit annum.

Quæ & ex
alio titulo
haud ob-
sunt.

a

XIII. Ceterum ex iisdem verbis Adversario scrupulum
eximi posse confido, quoad titulum WERNHARII, tertii RA-
DEBOTONIS filii, motum. *Vel quaeso, quonam titulo WERN-*
HARIUM, ait, dum viveret, usum existimemus? an nullo? Sed
fatetur ipse P. HERRGOTTUS, Comites ac Proceres a provinciis
& possessionibus, quas a Proavis habebant, nomina sua mu-
tuisse. --- Hunc ergo titulum filio RADEBOTONIS, saltem na-
tu maiori, sed patri & fratribus diutissime supersiti, atque
unico Habsburgi heredi, WERNHARIO nostro concedat. Viguit
enim adhucdum nomen Rore, Habsburgo vicinius, ut tam
ex mox allatis HERRGOTTI verbis, quam & ex diplomatibus
patet; legimus enim in diplomate HENRICI V. an. 1114. loc.
cit. quod in regno nostro monasterium quoddam situm est, in
provincia scilicet Burgundia, in Episcopatu Constantiensi, in
pago Argowe dicto, in Comitatu RORE, quod Mure nuncupa-
tum est. Eundem ergo rexisse potuit WERNHARIUS, si a po-
tentia ad actum bona est argumentatio, ut nonnemo visus est
philosophari: at non ita disputamus. Querimus tantum,
num necesse fuerit, ut munus Imperii quoddam publicum,
ac præcipue quidem prima ætate, gesserit WERNHARIUS?

WERNHAR-
RIUS, quo
cognomine
venerit?
pag. 91.

S

quot

(a) Cit. lib. I. cap. IV. §. II. pag. 27.

quot olim, quot hodie sunt Principum, Comitumque filii, qui ad regimen nunquam pervenerunt? Ecquis enim omnibus & singulis de Comitibus prospicere potuisset? Sufficit ergo diplomata & chartas nihil de eiusmodi cognominibus memorare, immo ex iisdem usum contrarium evinci, & res in tuto consistet. Nam & GUNTRAMNUS, RADEBOTONIS avus, & LANCELINUS eius pater, & ipse RADEBOTO Comites fuerunt, ac Gentis Habsburgicæ fatores, nec tamen inde confectarium est, nec auditum, quod nomen *Habsburgicum* unquam gesserint.

Errat porro Genealogus, I-TAM reparatricem vocitando. pag. 92.

XIV. Extrema huius capitis Genealogum Murensem, quod ITAM Habsburgicam *Reparatricem* Murenfis cœnobii, contra subsequentium *Actorum* fidem, appellaverit, concernunt; qua in re apprime falsus est. Neque enim Adversarii excusatio, qua vocabulum isthoc, *sensu non tam stricte Grammaticali*, accipiendum opinatur, locum habet. Quippe cum *reparatrix*, qualis, ipso fatente Adversario, ITA non fuit, & *Autrix*, qualis, eodem suffragante, fuit, tantum inter se dissent, quantum *ens* a *non ente*. Qui enim reparari dici possit, quod primum extruitur? & quis Grammaticorum reparare dixit pro construere? Verum hac omni de re iam alibi fatis superque (a).

a

ULRICUS Lenzburgicus num Beronis mon. fundator recte appellatus a P. H.

Ibid.

b

c

XV. Ceterum, quam parum benigne etiam hic cum P. HERRGOTTO agat Adversarius, cum ex multis huius capitis locis, tum vero vel maxime & ex hisce etiam verbis, amicus Lector intelliget. Si pacisci liceret, inquit, *mutuare equidem hinc posset vocabulum reparatricis*, idque, *sexui accommodatum*, ULRICO Comiti Lenzburgensi tribuere (b), quem *fundatorem monasterii Beronensis nominat*, cum huius *restaurator tantum*, seu *reparator agnoscatur*; recipiet ab eo nomen *fundatoris Scriptor Murenfis*, ITÆ suæ applicandum: quam quidem *commutationem* eo minus recusabit, ac nomen *fundatoris restauratori* attribuendo, contra se ipsum in *sententia confirmet*, *Pesium*, quem *redarguit* (c), quod WERNHERUM Episcopum *Argentinensem pari sensu castri Habsburg fundatorem intellexit*.

XIV.

(a) Cap. XI. §. XII. pag. 97. seqq.

(b) Tom. I. lib. I. c. VIII. §. VI.

(c) Ibid. cap. VI. §. IV.

XVI. Quis, hæc legens, non continuo dicat, grande peccatum a P. HERRGOTTO commissum fuisse, monasterii fundatorem constituendo illum, qui *restaurator* duntaxat fuerit? & tamen totum, si quid erratum fuisse dici posset (nam, recte locutum fuisse P. HERRGOTTUM, statim apparebit) in transpositione duorum verborum, non tam incuria P. HERRGOTTI, quam vel amanuensis vel typographi facta, consistit. Ea enim, loco ab Adversario citato, sic habent: *In monumentis autem nostris primus se offert ODALRICUS Comes, pater ARNOLDI an. 972. num. CXLI. huiusce ARNOLDI iam supra meminimus. Huic filium ARNOLDUM idem instrumentum vindicat patronum Ecclesie Skenninges: quem excipit UDALRICUS, fundator monasterii BERONIS 1045. Tom. II. num. CLXXVII. qui pater HENRICI, avus dicitur ARNOLFI, quem etiam ipsum prefato monasterio BERONIS advocatum dedit an. 1036. num. CLXXIII.* In his, inquam, verbis mendum esse videtur, non a P. HERRGOTTO, sed vel errore typographiæ, vel amanuensis profectum, atque a quovis æquo ac cordato Lectore facile vel animadvertendum, vel emendandum. Substitue namque in locum *Beronis, Skenninges*, & omnia pronò fluent alveo. At enim id quidem factum facillimum esse diceres, sed num sufficienti ratione nitatur, id esse, quo de queri possit? sed ratio ex ipso contextu elucet; provocatur enim ad diploma tom. II. num. CLXXVII. productum, *quem excipit*, inquit, UDALRICUS fundator monasterii BERONIS tom. II. num. CLXXVII. ubi cum de monasterio *Beronensi* mentio nulla, larga vero de fundatore monasterii *Skenninges* ingeratur, signum evidentissimum est, P. HERRGOTTUM, dum hæc scribebat, dictum monasterium *Skenninges* in mente & calamo habuisse, non monasterium *Beronis*. Legimus enim eo in loco verbis expressissimis: *Quapropter omnium --- noverit industria, qualiter fidelis noster UDALRICUS Comes, pietatis nostræ clementiam adiens, humiliter rogavit, ut monasterium, quod SKENNINES dicitur, a parentibus suis & ASE FUNDETENUS CONSTRUCTUM, --- in nostrum mundiburdium, tuitionem, defensionemque susciperemus.* Ecce locum, ad quem provocavit P. HERRGOTTUS, ecce fundatorem! Facile fuisset, æquo rerum arbitro, & vel rigidissimo cenfori, advertere,

An vero id
verbis quibusdam
lucis ad-
scriben-
dum?

memum non ab Auctore, sed ab oscitante amanuensi profectum fuisse: & quemadmodum Iuris Canonici Consulti rubro non fidunt, nisi in quantum respondet *nigro*, ita & hoc loco circumspectius agendum fuisse, nemo non videt; cum nulla propemodum opera omne id, quod laudato in loco luxatum est, ope diplomatis, ab ipsomet P. HERRGOTTO adducti, nullo novo addito, vel aliunde mutuato verbo, hunc in modum restitui potuisset: *quem excipit UDALRICUS FUNDATOR PRÆFATI MONASTERII SKENNINGES 1045. tom. II. num. CLXXVII. qui pater HENRICI, avus dicitur ARNOLFI, quem etiam ipsum MONASTERIO BERONIS advocatum dedit an. 1036. num. CLXXIII.* Hanc porro emendationem res ipsa exigit. Nam nisi monasterium *Skenninges* indigitare voluisset, ad dictum Instrumentum neutiquam appellare potuisset P. HERRGOTTUS, & tum citationem ipsam in mendo cubare, dicendum fuisset, quod tamen suspicari ideo nequimus; quia Instrumentum, in quo idem UDALRICUS monasterium, a suis parentibus fundatum, dotasse legitur, mox etiam excitatur per ultima recitatorum versuum verba. Adde, quod quali prædicato tam respectu monasterii BERONIS, quam SKENNINGES dignus fuerit UDALRICUS, haudquaquam ignorare potuerit P. HERRGOTTUS, ut qui utriusque chartas, cum dotationis tum foundationis, produxit, alterique hunc titulum: *ULRICUS, Comes de LENZBURG BERONIS monasterium largiter dotat (a), præfixit.* Dotatorem igitur expresse vocat, non fundatorem, qui id insuper ex contextu eiusdem chartæ didicit, ubi habetur: *canonica mea, quæ est in loco, quæ dicitur BERONIS monasterium, a parentibus meis primum, postmodum a me Sancti MICHAELIS bonori attributum.*

Adversariū
eadem de
re insignis
hallucina-
tio.

XVII. Atque his quidem aquiescere posset Adversarius, posset & æquus rerum arbiter, Lector; sed videamus tamen adhuc, quam ille feliciter in omni hac disputatione versatus fuerit. Mutuare potuisse P. HERRGOTTUM vocabulum *reparatricis*, at *sexui accomodatum*, a Genealogo Murenfi, illudque ULRICO Comiti Lenzburgenfi tribuere, recepturumque pro eo eundem Murensem Scriptorem nomen *fundatoris*,

(a) loc. cit. pag. 112.

ris, ITÆ suæ applicandum. Acute profecto, nisi aculeate. Sit venia verbo. Ego certe id tam parum fieri posse existimo, quam falso laudata ITA ab oscitante Murensi Genealogo *reparatrix* Murensis Monasterii appellata fuit; nisi forte in CALEPINO partis adversæ *dotare* idem prorsus sit, ac *reparare*: quod non puto. Atqui ex verbis chartæ, mox adductæ, seu testamenti ULRICI, monasterium illud ab eo *dotatum* non *reparatum* fuisse, legimus; quo igitur fundamento dici potuit ab Adversario, titulum *reparatoris* eidem convenire?

XVIII. Quid multa? ULRICUM hunc, quod amplius est, UDALRICUM fundatorem dici posse, tam mihi quidem indubium est, quam quod neminem deinceps dubitaturum confido, qui chartam illam, unacum diplomate HENRICI Rom. Regis, quod monasterio *Skenninges* amplissima privilegia largitur, a P. HERRGOTTO p. 117. adductum, contendere voluerit. Etsi enim posterioris huiusce, non minus, quam prioris illius, parentes ULRICI Auditores in utroque Testamento dicuntur, id tamen non obstat, quin se idem ULRICUS filius, monasterii *Skenningensis* una fundatorem non obscure appellitet per verba: UDALRICUS Comes --- rogavit, ut monasterium, quod *Skenninges* dicitur, a PARENTIBUS suis ET A SE fundaretur constructum --- suscipereamus. Si parentes eius fundatores dici possunt, quod monasterium illud construxerint, UDALRICUS certe non minus sibi attribuit, qui idem ET A SE factum fuisse Imperatori significavit. Eodem modo loquitur in charta præcedenti: a parentibus, inquit, meis, primitus, postmodum a ME Sancti Michaelis honori attributum. Ecce fundatores monasterium *Beronense* S. MICHAELI Archangelo dedicarunt: idem fecit & filius eorum. Et sane integrum adhuc monasterium in sua potestate habuisse, contextus Instrumenti docet, unde non nulla excerpere iuvat: Tradidi enim, ait, supradictum locum, id est Beronis monasterium, cum omnibus ad illud pertinentibus prædiis & mancipiis nepoti meo Arnolfo. Tum, assignatis eidem ARNOLFO, seu Advocato, bonis & prædiis, quibus ipse frueretur: cetera, pergit, omnia, id est, possessio fratrum in ipso loco, circa canonicam --- sint canonicorum &c. Quod igitur parentes UL-

UDALRICUM fundatorem recte potuisse vocari, cum ex diplomatibus,

RICI incepterunt *primitus*, absolvit ipse postmodum, utrumque monasterium deducens ad perfectionem.

Tum ex
vera & ge-
nuina eius
vocabuli
notione
monstra-
tur.

XIX. His omnibus accedit vera & genuina notio vocabuli *fundator*, quam nos pererudite docent Benedictini e Congregatione S. MAURI in nova editione Glossarii mediæ & infimæ Latinitatis *Cangiani*, ubi ad verbum *fundare* hæc addiderunt: *haud abs re fuerit hic observare, non eos solum Ecclesiæ vel monasterii dici fundatores, qui primum Ecclesiam aut monasterium exstruunt, dotantve ex proprio fundo (quanto ergo rectius ULRICUS iste fundator audit, qui dotavit etiam) sed etiam illos, qui instaurant vel augment maxime. Huius rei plura suppetunt in veteribus tabulis argumenta. Vide Mabillonium in Actis SS. Ord. S. Benedicti sec. 3. part. I. pag. 404. & sec. 4. part. I. pag. 209. Eodem præterea donati titulo monasteriorum Advocati. Atqui ULRICUM & Advocatum fuisse, & ARNOLFUM nepotem suum eodem munere decorasse, nec non & monasterium Beronis dotasse, in confesso est (a). Sed eligat Adversarius quod voluerit, nobis haud licet esse longioribus.*

Differunt
cetera

XX. Reliquum nunc esset, ut & aliud Adversarii dubium, quod hic pag. 87. movet, num scilicet RADEBOTO Comes in pago *Cleggoviæ* idem fuerit cum ITÆ marito, de quo CONRADUS de S. BLASIO pluribus memorat? sed cum ipse Adversarius rem hanc alium in locum differat, lubenter eundem præstolabimur, dum venerit. Hic etenim sat prata biberunt.

CAPUT XV.

Demonstrantur sphalmata, a Genealogo Murenfi in II. progenie commissa.

Peccata
Genealogi
Mur. circa
II. progeni-
em.

I. Circa secundam Genealogi Murenfi progeniem duo pariter animadvertenda habuit P. HERRGOTTUS, cuius verba, utpote non admodum diffusa, exscribere iuvat: „ In secunda progenie præter WERNHARIUM Comitem,

„ &

(a) Vid. charta citata, seu eiusdem Testamenti.

» & RICHENZAM neminem adponit genealogiæ scriptor Mu-
 » rensis; cum tamen OTTO I. & ADELBERTUS I. a RADEBO-
 » TONE ex ITA pariter descenderint, prout docebimus lib. II.
 » cap. II. §. III. item cap. VII. §. V. Quod vero de filiis
 » RICHENZÆ Lenzburgensis, filiæ scilicet RADEBOTONIS Co-
 » mitis, adnotavit, utcunque illud chartis nostris respondeat,
 » si CHUNONEM & WERNERUM ex Comite Badensi, forte
 » OLDARICO, RUDOLFUM vero & ARNOLDUM ex Comite
 » UDALRICO de Lenzburg progenitos dicamus; genealogia
 » tamen ista incompleta manet; chronologia item male se ha-
 » bet; ut ex tabulis nostris de Badensi & Lenzburgensi fami-
 » liis ad oculum patet. Quin & falsum est, ARNOLDUM pat-
 » rem RICHENZÆ de Chiburg, Comitem de Baden fuisse.
 » RICHENZA enim illa ULRICI Comitis de Kiburg, qui in
 » chartis nostris annorum MCCXVIII., MCCXXIII. 25. Maii,
 » MCCXXVII. num. CCXXIII. & an. MCCXXIX. num. CCLXXXIX.
 » occurrit, uxor erat, atque adeo hac ipsa ætate vivebat:
 » testante vero charta an. MCCVII. die 4. Sept. familia Comi-
 » tum Badensium iam iam extincta excessit.

II. Arripit hic Adversarius solitum suum effugium, di-
 cens: Suffecisse intentioni Genealogi --- per singulas progenies
 solum propagatorem lineæ rectæ adnotasse, cum alicuius præfa-
 tos Ottonem & Adelbertum non omisisset, in Actis nominatissi-
 mos. Sed iterum, iterumque reponimus, gratis id, ac præter
 omnem veri speciem, adstrui. Si enim hæc Genealogus mens fue-
 rat, cur id non ubique observavit? Annon in generatione septi-
 ma, præter duas filias, tres filios enumerat, ALBERTUM, RU-
 DOLFUM, WERNERUM? num hi omnes lineæ rectæ propa-
 gates sunt? aut num in hac, quam agimus, progenie,
 RICHENZA genus masculinum propagavit? Denique, si ubi-
 que, seu per singulas generationes rectæ lineæ propagatorem
 indicare voluit Genealogus, cur, quæso, in prima statim omi-
 sit præcipuum, videlicet RADEBOTONEM? Toto ergo coelo ab-
 errat Adversarius, cum iam denuo hac nulla subnixus ratione,
 componit excusationem, cum potius dicendum sit, quod iam
 semel inculcavimus, mancas eiusmodi progenies, Genealogi
 incuriæ, imperitiæque, adscribendas esse, non consilio, aut,
 ut Adversarius loquitur, intentioni. Hic primus missus. III.

Proleg. III.
S. XIII.

Quæ eius
imperitiæ,
non consi-
lio adscri-
benda.
pag. 95.

Cum re-
vera ob o-
missum
OTTONEM
mancus sit
pag. 96.

III. Negat deinde Adversarius, fatis demonstratum fuisse a P. HERRGOTTO, OTTONEM illum, qui in charta anni 1025. Comes in pago *Suntgowe* scribitur, eundem esse cum filio RADEBOTONIS, sanguine Habsburgico cretum, sed tres illos filios, OTTONEM nempe, ALBERTUM & WERNHARIUM, RADEBOTONIS filios fuisse, *non ex illa charta CONRADI, sed ex Actis duntaxat Murenfis doceri.* Sed nullum datur effugium; siue enim RADEBOTONIS & ITÆ sobolem ex Actis Murenfis, siue aliunde discamus, semper tamen cum liquida veritate obiici potest Genealogo Murenti, OTTONEM hunc fuisse omissum, adeoque in hac parte mancum esse; nihilque amplius ex his omnibus consequitur, quam ut sententia nostra, quam de hoc Genealogo superius tulimus, magis magisque confirmetur; quippe qui iam iterum adeo oscitanter scripsisse deprehenditur, ut plurimos in Actis subsequenter nominatissimos, atque inter eos ipsum Genealogiæ suæ, prout a se contexta est, apicem omiserit, neglexeritque. Ceterum quid de OTTONIS Comitis *Suntgoviæ* progenie sentiendum, alibi dicemus; cum id proprie huc non pertineat, videaturque ab Adversario dicis duntaxat causa motum.

Verbump.
H. male
expositum
obiter re-
sticuitur.

a
loc. cit.
b

IV. Hic tamen obiter adhuc advertimus, P. HERRGOTTUM ab Adversario vel male intellectum fuisse, vel secus interpretatum. Dixerat ille (a), OTTONEM hunc Habsburgi Comitem RADEBOTONIS filium esse, ECCARDO stipulante tenemus. Adducens hunc versum Adversarius, continuo subiungit: ECCARDO SUSPICANTE oportuisset dicere. Quare? quia de hoc eodem OTTONE (b) solummodo dicit ECCARDUS: *quem ego unum eundemque cum nostro Comite Habsburgensi fuisse suspicor.* Suspiciatur ECCARDUS, quod tenet, & NB. etiam ex chartis ibidem probat P. HERRGOTTUS, ergo & adstipulatur. Suspiciari enim apud Grammaticos non modo suspicionem habere significat, sed etiam pro verbis cogito & reputo, adfiscitur.

Lenzburgi-
cam fami-
liam qua
ratione

V. Invitat me nunc Adversarius ad stirpem *Lenzburgicam*, quam & mancam, seu incompletam esse, ac male cum tem-

(a) Lib. II. cap. II. §. III.

(b) Orig. Habsb. lib. II. cap. III.

temporis ratione coherere, contendit P. HERRGOTTUS ver-
bis, paullo superius adductis. Prius illud parum referre ob-
tendit Adversarius; quod cliens suus *secundaria* tantum *inten-*
tionem eiusdem meminerit; cui quidem gratuita responsioni
iam plus simplici vice obviavimus. Incompletam autem cen-
seri a P. HERRGOTTO, ait, *ex vana hypothesi*, quod scilicet
RICHENZAM, uxorem ULRICI *Prædixit*, atque adeo matrem
CONRADI Episcopi & HENRICI constituat, quod tamen nulla
queat ratione admitti. Quare de eo nunc videndum est, at-
que ante omnia notandum: nihil eorum, quæ hoc loco attu-
lit P. HERRGOTTUS, quasi pro re nota, ac indubitata, quam-
que ipse ex suis, aut monumentis, aut principiis, deducere ac
probare nitatur, afferri; sed ex hypothesi duntaxat: si RI-
CHENZA, RADEBOTONIS filia, primo connubio WERNHARIO
Comiti Badensi (& quidem *ex unanimi STUMPFII, Gerardi*
de RHOO, nec non FUGGERI sententia) elocata fuerit, at-
que tum etiam hæc non animo quidquam probandi, aut de-
monstrandi, quod e re sua esset, protulit; sed in gratiam
Genealogi Murenfis, cuius doctrinam chartis suis *utcuque re-*
spondere animadvertit, si nempe Chouonem & Wernberum
ex Comite Badensi forte Oldarico, Rudolfum vero & Arnoldum
ex Comite Udalrico (sic) *de Lenzburg* progenitos dicamus; quip-
pe quod de hisce chartæ & diplomata mentionem quidem fa-
ciant; sed, ut mox addidit, non congruente temporis ratio-
ne. Ut enim tabulæ P. HERRGOTTI ostendunt, priores duo
Lenzburgenses Comites anno 1140. & 1155. occurrunt, po-
steriores an. 1114-1144. & 1125-1158. (a). Quis autem
in animum inducere possit, ut credat, filiam RADEBOTONIS,
hominis sub initia seculi XI. defuncti, matrem esse filiorum,
medio seculo XII. adhuc superstitum? Manca etiam esset Ge-
nealogia; eo quod chartæ & diplomata RUDOLFUM quoque ad-
dant, quem Genealogus Murenfis alto premit silentio. At-
que hæc est P. HERRGOTTI de progenie Genealogi istius se-
cunda animadversio, quæ tanto melius procedit, quod ad
eundem excusandum, si fieri potuisset, etiam chronologia repug-
nante, tendebat; quod cum fieri nequirit, omnis culpa in
Genealogum, non P. HERRGOTTUM, reiicienda est.

maneam
esse dixe-
rit P. H.
pag. 97.

T

VI.

(a) Genæl. Dipl. T. I. lib. VI. cap. III. p. 274. num. II. & III.

RICHEN-
ZAN, ITÆ
Habsbur-
gicæ filiam
an. 1036.
aviam esse
potuisse
monstra-
tur.
pag. 99.

VI. Verum inspiciamus iam, quibus artibus, quo consilio, quibusque armis clientem suum contra tam horribilem, quo de postea dicemus, anachronismum defendere conetur Adversarius. Negat ante omnia, ut vidimus, RICHENZAM ULRICO *Prædixiti*, Comiti de Lenzburg, nuptam, matrem fuisse CONRADI Episcopi & HENRICI. „ Qui autem „ quæso, ait, ULRICUS ille RICHENZÆ nostræ maritus esse poterat, iam anno 1036. avus ARNOLFI, ex HENRICO filio nepotis adulti? ULRICUS, inquam, ille, qui etiam in testamento suo ad dictum annum filius se orbatum ingenuit, „ dicendo : *Cum omne patrimonium meum non in filios, „ quoniam bis orbatus sum, sed in nepotes meos sit transiturum.* „ Econtra testantur Acta Murenſia pag. IX. filios RICHENZÆ, & quidem ex thoro Lenzburgico, diutius adhuc supervixisse, atque WERNHARIUM avunculum inter, & dictos „ eius nepotes de Lenzburg, bellum exaruisse circa annum „ 1085. „ Impossibile ergo putat, ut RICHENZA, RADEBOTONIS ex ITA filia, an. 1036. avia esse potuerit, secundo præfertim matrimonio. At ego, & ni fallor, quisque mecum, nullam hac in re impossibilitatem, quin magnam ubique congruentiam reperio. Obiit RADEBOTO anno 1027. teste Necrologio Murenſi, subscribentibusque (ut ut id Adversarius; quippe quod e re sua haud esse animadvertit, incertum esse dicat) ECCARDO, CALMETO & aliis. Huic si ætatis annos sexaginta ad septuaginta tribuimus, iustas humanæ vitæ metas haud excedimus. Potuit ergo RICHENZA illa nasci anno 977., aut aliquando serius. Quid ergo præter communem hominum sortem adstruitur, si RICHENZA etiam secundo matrimonio, anno ætatis suæ 59. aut citius avia dicatur? Novimus homines, quibus hæc dignatio anno ætatis sexto & tricesimo obtigit, nec impossibile esset, ut contingeret etiam maturius. WERNHARII quoque ætas, anno 1096. ut habent Acta Murenſia, defuncti, huic calculo non obest. Præterquam enim, quod natu minimus fuerit, vitam quoque multo longius producere poterat, quam RICHENZA nostra; hoc enim si non admittatur, in Actuarium Murensem mendum irrepsisse necesse est; cum vix fieri potuerit, nec nisi ut singulare quid considerandum sit, ut extrema RADEBOTONIS at-

atque ITÆ ætate natus fuisse dicatur. ITA enim an. 1026. RADEBOTO anno subsecuto obiit, hinc temporis ratio exigit, ut eundem ad multam usque senectutem pervenisse dicamus.

VII. Patet iam impossibile non esse, ut RICHENZA laudato UDALRICO seu ULRICO nupserit; adeoque hypothesis P. HERRGOTTI plane sibi constet: videamus nunc, quomodo systema Adversarii subsistat. Contendit ille, RICHENZAM, de qua quærimus, non ULRICO *Pradiviti*, sed uni ex nepotibus eiusdem elocatam fuisse, parumque abest, ut opinioni *Ægidii Tschudii* adstipuletur, existimantis, eam anno 1027. quo pater Radeboto obiit, biennem *Ulrico, sepe dicti ULRICI, Comitissæ Lenzburgici*, ex filio ARNOLDO nepoti, demum an. 1051. nupsisse: id vero cum tam facile haud procedere animadverteret, obiectis primum P. HERRGOTTO non nullis erroribus, de quibus postea, mentem demum suam hunc in modum aperit: *Quidquid sit, exigente chronologia nepotum ULRICI, aliquem maritum agnoscamus RICHENZÆ Habsburgicæ, quæ iuxta Genealogum Murensensem genuit ARNOLFUM etiam de BADEN dictum, patrem RICHENZÆ de CHIBURG: adde & CHOUNO Comitem WERNHERUM de Baden.* Qua in re nemo non videt, subesse hic *petitionem*, quam vocant, *principii*; quæritur enim, num locus hic Genealogi sanus sit & integer: at nihilominus integritatem loci ex ipso loco ostendere nititur Adversarius, perinde, ac si impossibile fuisset, ut mendosissimus Genealogus errare in ulla re potuisset? Maritum præterea RICHENZÆ quærit Adversarius, nec invenire potest; cum eundem nec ex auctore etiam pessimæ notæ, multo minus ex documento aliquo, quod ætatem tulerit, ostendere queat.

Cum contra systema Adversarii, id negantis, impossibile sit.

pag. 101.

pag. 103.

VIII. At, *exigente chronologia*, inquit, id ipsum statui oportere. Ego vero ratione temporum vel maxime refragante, ac invita prorsus Minerva, tale quid constitui, non ex vano existimaverim. Posito enim, sepe laudatam RICHENZAM secundum diligentissimi *Ægidii Tschudii* calculum anno primum 1051. nupsisse, sequeretur, filios eius omnes, sive tres, ut Genealogus vult, sive quatuor fuerint, ut membra-

Refragante compri-
mis ratio-
ne tempo-
rum.

a
b

nacea docent lipsana, post centum fere, & forte amplius annos, fuisse superstites, quod quam incredibile sit, nemo non videt. Quod ut planum faciam, multis haud opus est; occurrit enim WERNHERUS Comes de Badin in diplomate CONRADI III. Rom. Regis an. 1140. 15. Nov. (a), itemque in charta anni 1155. 8. Decembris (b), *præsente Comite & Advocato WARNHERO de Baden, & fratre suo CHOUNONE*. Idem constat de ARNOLFO Lenzburgensi, & fratre eius RUDOLPHO, ex quibus ille in chartis an. 1114. num. CXCIII. *Comes ARNOLFUS de Lenzburg, RUDOLFUS frater eius*. an. 1127. 1141. 1144. 8. Julii: hic vero an. 1125. 8. Ian. & 7. Apr. 28. Decembr. 1150. 1127. 11. Aug. 1141. 10. Apr. ac demum 1158. memorantur. Respondebit haud dubie Adversarius, horum ætatem equidem ex adductis chartis certissimam ac penitus indubitam esse, sed negari, hos ipsos RICHENZÆ fuisse filios; monumenta enim, quotquot hactenus producta fuerunt, hac de re altum silere. At multo magis silent de Comitibus synonimis, mox anteriori tempore viventibus, qui tamen secundum Genealogum Murensem mox antea vixissent. Nam et si series Comitum tam Badensium, quam Lenzburgensium, adhuc imperfecta & manca sit, credibile tamen non est, hos tres RICHENZÆ filios tam infelices fuisse, ut, post tam diligentem omnium forulorum, tam in Bibliothecis, quam Archivis, excussionem, nulla amplius eorum memoria supersit. Effet etiam singularissimum quid, si WERNHERUM, CHOUNONEM & ARNOLFUM Comites, tres alii proxime antecessissent, qui non solum ex RICHENZA quadam nati fuissent, sed & tres numero filii haud secus ac posteriores, idem nomen gerentes, similiter ad ætatem adultam, adeoque regendos Comitatus pervenissent. Vidit hæc omnia Adversarius, hincque RICHENZAM multo iuniorem, quam oportuerat, faciens, UDALRICI Lenzburgensis nepoti, quamvis hunc nusquam invenire poterat, quam UDALRICO ipsi, elocare maluit, id quod eodem infelicitate successit.

Nec non
& ipsius
Adversarii
hypothesi.

IX. Confirmantur hæc singula egregie ex ipsa Adversarii hypothesi. Contendit ille, ut cap. III. vidimus & expen-

- (a) Geneal. Dipl. tom. II. num. CCXIX.
(b) Ibid. pag. 178.

pendimus, ITAM, RADEBOTONIS coniugem, filiam fuisse FRIDERICI I. Ducis superioris Lotharingæ, ex BEATRICE, HUGONIS CAPETI sore, prognatam. Hæc hypothesi, etsi eam, excitato loco, satis superque sufflaminaverimus, egregie ostendit, in quantas sese angustias hic loci coniecerit Adversarius, quantumque sibi ipsi non constet. BEATRIX illa, præterea ITÆ mater, Ducissa vocabatur iam tum anno 938. teste charta Archivi Senonensis apud Reverendiss. CALMETUM (a). Ponamus ergo, quod ITAM hanc circa annum 958. effuderit: qua in re equidem satis liberalis sum; nam quæ anno 938. sub *Ducissæ* nomine nota fuit, an. 958. procreandæ soboli non apta solum, sed & ætate iam aliquantulum progressa fuerit, necesse est. Congruit etiam ætas cum mariti, tum fratris. Ille enim castrum Barrense construxit an. 951. Dux Barrensis constitutus est an. 958. & superioris Lotharingæ anno insecuto, obiitque an. 990. vel 984. secundum veriore epocham (b). Hic autem, HUGO videlicet CAPEtus, Francorum Dux creatur an. 959. ungitur in Regem an. 987. ad plures abiit 24. Octobr. an. 996. Ita ergo Lotharingica, præterea, inquam, ITA, an. 958. orta, RICHENZAM suam saltem anno ætatis 40. aut 45. genuerit, adeoque anno 990. aut 995, qua in re iterum plurimum largior. Potuisset enim anno ætatis 15. aut 16. generare, tumque RICHENZA nostra primam lucem anno 974. aspexisse dicenda foret: sed simus tamen liberales, ut qui maxime, dicamusque, filiam hanc RADEBOTONI an. 998., aut, si maioris solemnitatis gratia mavis, anno seculari 1000. fuisse prognatam. His enim omnibus ultro ac largiter prorsus admissis, Adversarii omnia ita corrueant, ac si nihil unquam statuisset. Cui enim, quæso! persuadebit, RICHENZAM, laudatæ ITÆ filiam, nepoti UDALRIGI, nepoti inquam, Comitis de Lenzburg nupsisse, viri, cuius memoria in Instrumento anni 1045. adhuc occurrit (c)? aut quis sibi persuaderi sinat,

T 3

ve-

(a) Loc. cit. col. cclxxxv. edit. II. & cxciii. edit. I.

(b) Ibid. col. cclxxxiv. & cclxxv. edit. II.

(c) Quin exploratum est, eum an. 1077. adhucdum superstitem fuisse. Ut enim BERTHOLDUS *Constantiensis* apud URSTIS, rer. Germ. tom. I. pag. 347. ad dictum annum refert, BERNHARDUS quidam Abbas a Rege Rom. RUDOLPHO Romam directus, ab UDALRIGO, Comite de Lenzburg, HENRIGI (IV. Imp.) complice, capto & prædato fuit.

vetulam illam anno ætatis (secundum superiorem calculum) tertio & quinquagesimo ad minimum nuptam, tres aut quatuor adhuc filios, ac tales quidem filios effudisse, qui omnes post centum & amplius annos vixerint, valuerintque, atque usque adeo valuerint, ut itinerantes, etiam publicis tractationibus præsentem, subscripserint? Videat ergo Lector amicus denuo, ut nulla Genealogo Murenfi conducat medicina: videat & Adversarius, quam sibi, medici in hac parte munus professus, male consuluerit, agnoscatque, licet sero admodum, vel dimittendam suam sibi hypothesein, pro figendo præsensæ ITÆ Lotharingicæ stemmate, atque ætate assumptam; vel concedendum sane P. HERRGOTTO, Genealogum Murensem etiam hoc loco progeniem incompletam, atque rationi temporum summe contrariam, nobis obtrussisse. Verum confido vel maxime, me utraque ab eodem haud difficulter obtenturum. Quemadmodum enim priori loco, id est capite huius descriptionis tertio, perspicue ostendimus, ingentem ab eodem Genealogo, dum laudatam ITAM THEODORICI Ducis Lotharingiæ sororem constituit, anachronismum fuisse commissum, immo insigne, contra omnem fidem historicam, atque genealogicam, peccatum; ita & hic quoque argumentis, ut opinor, non minoribus, ostensum fuit, quam nullam in adstruendis suis commentis temporum rationem habuerit, atque adeo utrobique extra orbitam quam longissime saltaverit. Hinc quoque recte concludimus, stemma RADEBOTONIS, quem nec nominat quidem, nec non & ITÆ, uxoris eius, Genealogo Murenfi prorsus fuisse incognitum; ut qui non minus circa filiam RICHENZAM, quam & eius matrem, egregie omnino fallit & fallitur.

ARNOLDUS
Kiburgius
falso Comes de Baden
appellatus a Geneal. Murenfi,

X. Tertium in hoc capite assultum facit Adversarius cum ARNOLDO, patre RICHENZÆ de Chiburg, cui Genealogus Murenfis titulum *Comitis de Baden* fidenter quidem, sed falso indidit, merito castigatus a P. HERRGOTTO, ut paullo ante audivimus.

Multus hic est Adversarius, atque copiosus, ubi tamen omnia, quæ adversus HERRGOTTUM congestit, vana atque inutilia esse, vel ipse haud ægre fatebitur, si advertere velit, quod, quæcumque hoc loco adversus Genealogum Muren-

ren-

rensem protulit P. HERRGOTTUS, fide Scriptorum rerum Helveticarum inniti, ac velut rem, quam ex se & per se examinare nec voluit, nec debuit, protulisse. *Quin & falsum est, inquit, ARNOLDUM patrem RICHENZÆ de Cbiburg, Comitem de Baden fuisse.* Quare? quia RICHENZA illa, ULRICI Comitis de Kiburg uxor, post medium circiter seculi XIII. vivebat: *testante vero charta anni MCCVII. die 4. Septembris, familia Comitum Badensium circa illud tempus iam iam extincta excessit.* Probandum igitur solummodo erat MARQUARDO, RICHENZAM, ULRICI Comitis de Kiburg uxorem fuisse, & tum tutum se se præstitisse ab Adversarii censura, persuasus esse potuerat; nam ULRICUM de Kiburg post initia seculi XIII. floruisse ex chartis HERRGOTTI annorum MCCVIII. MCCXIII. 25. Maii, & MCCXXVII. fatis superque iam constabat: sed & illud non fide quidem Instrumentorum, sed Scriptorum rerum Helveticarum adstruxit, quorum plerisque, etsi recentioribus, res tamen suas veterum monumentis firmantibus, maiorem fidem, quam mendofo Murenfi Genealogo habendam esse, pauci forte dubitabunt, præsertim in loco obscurissimo, qualis hic est, & cuius magnam partem falsam esse, mox quidem ostendimus. *Non desunt, inquit P. HERRGOTTUS (a), rerum Helveticarum Scriptores, qui tradunt, extincta Badensi familia, Lenzburgica obvenisse hinc Comitatum, cui itidem deficienti Kiburgica successit, iure connubiorum RICHENZÆ, ultimi Comitis Lenzburgensis patruelis, cum Hartmanno Kiburgico anno Domini 1172. seu potius cum ULRICO Kiburgi Comite, ut proxime sequenti §. dicemus.* Sequenti ergo §. sic statuit: *Masculo denum hærede deficiente, sub finem eiusdem seculi XII. idem Comitatus unacum RICHENZA, filia Arnolphi, patrum ultimi Comitis de Lenzburg, & uxore Hartmanni (vel potius Ulrici; tempora enim alias non congruerent) Comitis de Kiburg, a familia Lenzburgensi ad Kiburgicos fuit devolutus.* Hæc MARQUARDUS loco citato, ex quibus plane conficitur, omnem hanc eius disputationem rite procedere; ea namque compendio reddita, hæc redit: RICHENZA, ULRICI Comitis de Kiburg uxor, vixit sub initia seculi tertii decimi: ergo falsum est, ARNOLDUM, patrem eius,

Proleg. III.
§. XIII.
iam cir.

2

Co-

(a) l. b. I. cap. VII. §. III.

Comitem de *Baden* fuisse; utpote, quod ea familia iam anno MCCVII. extincta fuerit. Prius illud partim fide diplomatum nititur, partim fide Scriptorum, ut nihil superfit, quam conclusionem dicere legitimam, donec Adversarius laudatos Scriptores errasse, immo & diplomata in mendo cubare, ostendat, id quod nunquam fiet.

Unde & aliud incon-
veniens e-
natum.
pag. 104

XI. Etsi ergo iam ex hisce plus satis evictum videatur, quam immerito & hæc P. HERRGOTTI propositio impugnata fuerit: operæ tamen pretium erit, argumenta Adversarii etiam singillatim ponderare. Exclamat is igitur ante omnia: *Ergone quod familia Badensis circa, immo multo ante dictum tempus defecerit, Arnoldus, filius Richenza Lenzburgica, nepos Radebotonis annis retro actis Comes de Baden esse nequibat? Si ratio hæc quidquam ponderis haberet, ea Arnoldum nec nomine Lenzburgico donari pateretur, quandoquidem stemma Lenzburgicum iam anno circiter 1172. defecerit. Recte equidem, at hoc ipsum mendis Genealogi Murensis tribuendum est. Paullo enim superius demonstravimus, ARNOLDUM illum, nec filium RICHENZÆ Habsburgicæ, ex prætensa ITA Lotharingicæ natæ, nec adeo nepotem RADEBOTONIS esse potuisse. Mirum ergo non est, si, qui in texenda genealogia ARNOLDI tam aperte, quam turpiter, erravit Genealogus Murensis, etiam in genealogia filiæ deceptus est. Error enim ex errore consequitur, &, ubi a recto tramite semel declinaveris, aut nunquam aut difficulter saltem redibis. Apposite igitur denuo animadvertit Adversarius, quod P. HERRGOTTUS ipsum, de quo hic agimus, Arnoldum filium Richenzæ Lenzburgicæ, patrem Richenzæ Kiburgicæ omnino negare, aliumque pro eo in hoc paternitatis ius sufficere intendat. Cum enim Richenzam Kiburgicam annis prænotatis vixisse teneat, huius patrem haud queat agnoscere Arnoldum nostrum; quippe qui Richenza Lenzburgica progenitus, filiam itique habere non poterat in seculum XIII. superstitem. Ita omnino est; cum enim P. HERRGOTTUS probe animadverteret, non minorem anachronismum a Scriptore Murensi hic, quam in altero præcedenti, a nobis iam exagitato, commate, commissum fuisse, necessarium prorsus erat, RICHENZÆ Kiburgicæ alium om-
nino*

Ibid.

nino quærere patrem, alium maritum, quem quidem suffragantibus Scriptoribus Helveticis invenit, licet patrem nulla adhibita diligentia reperire potuerit: haud secus, ac IRÆ maritus ab omnibus RADEBOTO agnoscitur, licet eius patrem hætenus detegere nemo quiverit, ut nos quidem tam contra Genealogum, quam & contra Adversarium, sæpius laudato capite III. invicte demonstravimus.

XII. Frustra igitur est Adversarius, cum a P. HERRGOTTO ulterius exigit, ut hoc ULRICI Kiburgici cum RICHENZA matrimonium veteri aliqua charta confirmet. Neque enim P. MARQUARDO animus unquam erat, perfectam, suisque firmatam monumentis, genealogiam Kiburgicam dare, cum eiusmodi talia, ut accessoria duntaxat, & quia non nullæ chartæ & diplomata eundem eo deducebant, tractabat (a). Hinc licet *Genealogiam Diplomaticam Augustæ Domus Habsburgica* scripserit, exinde tamen non consequitur, ut etiam in genealogia Kiburgica, accessoria quippe, omnia diplomatibus statumina-ret. Et quid demum prohibeat Scriptoribus Helveticis, atque præcipuis quidem, STUMPFIO, puta GULERO, SIMLERO, MUNSTERO (b), quorum opinionem Clar. quoque ISELIVS adoptavit, quosque in medium adduxit HERRGOTTUS, tantisper, dum certiora eruimus, adhibere fidem? num illi cæci aut lusi fuerunt, solo vidente vel Adversario, vel eius cliente?

XIII. Ego sane Doctissimis hifce atque Celeberrimis quatuorviris fidem habeo, donec asserti fallitas ab Adversario idoneo quodam teste ostendatur, frustra ringente Genealogo suo, cui omnis omnino confusio adscribenda est; unus etiam plus negare potest, quam centum affirmare. Redit præ-

U

terea

- (a) *Quid iuvat*, inquit Geneal. Diplom. lib. I. cap. XVIII. num. XIX. *vetustissimorum istorum Gentis Habsburgica Maiorum familias illas nobilissimas, qua maximis vinculis propinquitatis vel affinitatis iisdem fuere coniuncta, cuiusmodi sunt Lotharingica & Zaringensis (quanto minus Kiburgica & Lenzburgica?) quid, inquam, iuvat, hac stilo præsequi in Genealogia Habsburgica?*
- (b) STUMPF. lib. VI. c. 24. & lib. VIII. c. 37. GULER. Hist. Rhæt. lib. 14. apud SIMLER. noviss. edit. lib. I. p. 333. MUNSTER, lib. III. c. 93. p. 564.

pag. 107.

terea crimen in eundem Genealogum, cum Adversarius inter ætatem RICHENZÆ, atque ULRICI, ultimi Comitis de Kiburg, tantam reperire sibi vilis est disconvenientiam, atque ideo in hæc verba prorupit: *Et hinc, si iuxta dicta P. HERRGOTTI Richenza illa Ulrici Comitis de Kiburg, qui in chartis annorum 1218. 1223. 1227. & 1229. occurrit, uxor erat, atque adeo hac ipsa ætate vivebat, vah! hac ipsa ætate quanta non anus illa? Quare Richenza Kiburgica vel alium parentem, vel maritum alium tribuat necesse est.* Invertamus potius stilum, dicamusque e contrario, si RICHENZA in hypothefi Genealogi decrepitæ atque grandis adeo ætatis mulier foret, quare is, aliunde mendosissimus, non etiam hac in parte deferitur? Quare res, quæ nulla ratione subsistere potest, tanto studio, invita licet Minerva, agitur? Profecto hæc omnia accedunt ad cumulum iis, quæ paullo ante de RICHENZA, RADEBOTO-
NIS, ac prætenfæ IRE Lotharingicæ filia, protulimus, atque Genealogiam Murenssem adeo obscuram, atque ineptam probant, ut si eam hoc in loco sequi vellemus, optimis Principibus non nisi confectas ætate, atque adeo decrepitis annis, in matrimonium collocare deberemus. Quod æque absurdum ac impossibile est.

Badenses
& Lenz-
burgenfes
Comites
haud unius
familiz
fuisse o-
stenditur.
pag. 108.

a

XIV. Quæ Adversarius, ad aliud parandum effugium, de stemmate Comitum Badensium atque Lenzburgensium subiungit, hos Comitatus (contra ac P. HERRGOTTUS alibi statuit) uni familiz paruisse, ficulnea omnino, pace eius dixerim, esse noscuntur. Neque enim coniecturæ inanes documentis indubitatis, qualia affert P. HERRGOTTUS, præstare possunt. Ubi enim nomina gentilitia maxime diversa sunt, ibi & diversas familias constituendas esse, non video, cur quis prudenter dubitet. *Ex monumentis autem, abs P. HERRGOTTO productis (a), præsertim annorum 1130. 1140. & 1155. apparet, plures Comites Badenses, istis annis adhuc dum superstites, Lenzburgicis, cum quibus simul nominantur, fuisse coætaneos.* Iuvat inde unicum adducere de anno 1140. ubi testes scribuntur WERNHARIUS Comes de Badin, atque subsequenti loco UDALRICUS Comes de Lenziburg. Quis vero non

(a) Lib. I. cap. VII. §. IV.

non videat, diverfarum stirpium Comites hicce prodi, in Instrumento nempe, eo tempore conscripto, quo nomina gentilitia pridem invaluerant? Adde præterea, quod insignia utriusque familiæ toto cœlo inter se distincta sint (a), qua ergo ratione dici potest, esse unam eandemque Gentem? Nisi enim per nomina & insignia, non video, quibus adminiculis Nobilium familias inter se discrimines. Secus enim PETRUM dixeris esse PAULUM, BERTAM cum SEMPRONIA iugiter confundes.

a

XV. Sed recurrit tamen Adversarius, more solito, ad suas coniecturas. Atque cumprimis P. HERRGOTTUM sugillat, quasi ille quid scripserit, quod sibi hac in parte plurimum fa-
 veat. *Quo minus enim hinc* (puta quod in Instrumentis P. HERRGOTTI duo diverfi utriusque nominis Comites occurrant) *diversitatem etiam stirpium inferamus, vetat ipsa*, inquit P. HERRGOTTI *observatio*: „ Illustria porro exempla
 „ habemus, in omni fere genealogia, quod sæpe filius natu
 „ maior, facta divisione paternorum bonorum, vel avitum
 „ ac gentilitium nomen conservaverit, vel amiserit, huius
 „ vero fratres a regionibus, terris, castris, quæ eisdem obti-
 „ gerant, nomina assumpserint (b). „ Frustra hæc sane ab
 Adversario in rem suam allumuntur; nam ut quid probarent, necesse esset, ut id ipsum etiam in familia Lenzburgica factum fuisse ostenderetur; nam a singularibus ad generalia malam esse argumentationem docent Logici, adeoque nec argumentum vg: procedit: contigit hoc vel illud in hac vel illa familia: ergo etiam in familia Lenzburgica. Cautius omnino hac in re egit P. HERRGOTTUS, cuius verba eodem loco statim subiecta, si attentius perlegere voluisset Adversarius, atque penitius inspicere, hunc forte paralogsimum, quod equidem in ipsius gratiam optarem, non commisisset. *Quamobrem* (sapientissime monet P. HERRGOTTUS) *in eiusmodi equivocationibus ac ambiguitatibus, in quibus latens veritas vel ex collatione sigillorum, quæ uni genti similia, immo ipsissima esse solent (etsi nomina*

Secus, ac Adversarius ex P. H. verbis contrarium frustra evincere studet.
 pag. 108.

b

U 2

mina

(a) Vid. STUMPF. lib. VII. c. XXXVII. p. m. 244. adversa. Adde & ipsum Adversar. p. 257. ubi Lenzburgensia insignia exhibet, a Badenibus prorsus diversa.

(b) Proleg. I. §. XIII. not. V.

mina ceteroqui ab adibus aut castris deducta, sint diversissima) vel ex chartis aliunde petitis erui tuto non potest, inter dubias familias huiusmodi nomina Comitum, Nobiliumque collocanda erunt; ne novæ Comitum gentes citra veritatem ex re diplomatica fingantur potius, quam probentur. Ecce quem in finem superiora illa dicta fuerint abs HERRGOTTO, quaque sollicitudine Lectorem, in re diplomatica minus, si quis forte futurus erat, versatum, admonet, quibus modis nos ab eiusmodi æquivocationibus extricare possimus; tantum abest, ut cum Adversario ex divisione, uti mox audiemus, bonorum, continuo diversa nomina gentilitia in una eademque familia obtigisse existimaverit; quia sigilla, quæ uni genti similia, immo ipsissima esse solent, præcipuum criterium esse, erudite ponit, unde vel identitatem, vel diversitatem familiarum arguamus, quæ insignia, cum inter Lenzburgenses & Badenses, ut ostendimus, Comites, diversa sint, etiam hic loci, præter agnitionem veritatis, nihil reliqui esse existimaverim.

Cui neque
alterum
argumen-
tum, lon-
gius quæ-
sum, con-
ducit.
pag. 109.

XVII. Ex his porro facilis est responsio ad Adversarii reliqua. Is ex adductis P. HERRGOTTI versibus facta divisione paternorum bonorum &c. simile quid in familia Lenzburgica contigisse, exinde coniicit, quod ex eodem P. HERRGOTTO didicerit, donationem quandam bonorum monasterio Schœnis anno 1036. & 1045. ab ARNOLDO Comite de Baden & UDALRICO Comite Lenzburgico factam fuisse, quæ bona, cum eidem loco contigua & uno veluti septo conclusa sint, non facile credendum putat Adversarius, ad diversas familias, easque tantopere distantes spectare. Sed inprimis falsum est, Comitatum Lenzburgensem & Badensem tanto inter se distare intervallo, ut incredibile sit, aut fieri non potuerit, ut Comites Badenses ulla in eo tractu latifundia possederint. Videatur, obsecro, mappa geographica P. HERRGOTTI, nec non Genealogiæ Diplomaticæ libri I. cap. VII. & VIII. ubi certe utrumque Comitatum sese invicem contingere animadvertimus. Et quid demum prohibeat, ut homo primæ nobilitatis, alterius in ditione prædia quædam ne habuerit? Quæ lex, quæ constitutio aut consuetudo veterum contraria, hac de re exhiberi quiverit? Ad hæc, bona istiusmodi monasterio Schœninges, seu

feu *Schænis* collata ac donata sunt, non occasione familiæ herciscundæ divisa: cui igitur bono P. HERRGOTTI observatio in subsidium vocari poterat; quandoquidem ille non de qualibet tractatione circa bona & latifundia loquitur, sed de *divisione bonorum paternorum*, quam Principes ipsi inter se susceperint, *hincque avitum & gentilitium nomen* filius natu maior *conferaverit vel amiserit*: quis vero ob donationes, monasterio cuidam factas, talia quædam obtigisse existimet, vel inde unitatem familiæ inferre audeat? Conferantur tantum verba P. HERRGOTTI cum verbis Adversarii, & sine ullo negotio utrobique patebit discrimen.

XVIII. Denique dato, non concessio, Comitatus cum *Lenzburgensem*, tum *Badensem* uni familiæ paruisse: nullum tamen exinde commodum Adversario accedere putaverim. Ex ipsius enim mente RICHENZA, filia RADEBOTONIS, nepoti ULRICI Comitis de *Lenzburg* nupsit, qui ULRICUS anno 1077. adhuc, ut diximus, superstes fuit. Si igitur nepoti iuncta: consequens est, ut filius istius nepotis bonam seculi XII. partem attigerit. Quæ igitur convenientia factæ divisionis, si quæ esset, anni 1036. ad seculum duodecimum? Ostendat Adversarius, eiusmodi rem contigisse cum ARNOLDO, & tum deum aliquam, licet exigua, veri species adesset: quam tamen, ut hoc addam, diversitas tesserarum, iterum, iterumque sufflaminaret. Constat enimvero ex dictis, cognomina a bonis aviaticis, castrisque deducta, prædicto primum seculo invaluisse. Præterea ex diplomate (a) anni 1150. abunde docemur, genti *Lenzburgensi* morem haud fuisse, ut Comites alieno Comitatu, ab aviatico distincto, dominantes, nomen sibi aliud quam aviaticum adfiscerent. Legimus enim inibi verbis clarissimis; *qualiter contentio & controversia, quæ fuit inter Ecclesiam S. Blasii, & cænobium Schafhusen de monte quodam, qui Stouphen dicitur, coram nobis sæpius ventilata, tandem in præsentia advocatorum prædictarum Ecclesiarum, videlicet Ducis Cunradi & Euerbardi Comitis de Nellenburch, præsentis quoque Comitis ILLIUS PROVINCIE RUDOLFO de Lenzeburch, iussu nostro terminata est. Mons & villa Stouphen* dis-

Immo extra hypothesin vagari, palam fit.

U 3

(a) Ibid. num. CCXXVII. p. 174.

distant a S. BLASIO præter propter sesqui milliari: provincia, qua de mentio fit, pagus est Alpegowe; planum est ergo, RUDOLFUM nomen suum secundum genium eius seculi, qui & hodieum obtinet, non a Comitatu, quem regebat, sed a bonis aviaticis assumptum gessisse, ac retinuisse, Comitatu videlicet LENZBURGENSI, etsi eidem non ipsemet, sed frater eius ARNOLDUS, ut ex tabulis P. HERRGOTTI constat, præesset. Quod si ergo eo tempore Comes quidam ex familia *Lenzburgensi* Comitatum *Badensem* obtinuisset, nihilo minus Comes de *Lenzburg*, non de *Baden*, salutatus fuisset.

CAPUT XVI.

Paralipomena capitis præcedentis.

Causa huius capitis.

I. **E**TSI in præcedenti capite satis diu hæsitantes, Adversario non unum solverimus dubium; superfluit tamen adhuc non nulla obiecta, quæ nobis inter scribendum vel exciderunt, vel certe hunc in locum commodius reici posse, visa fuerunt. Ut ut sit, prætervehenda haud sunt, ne tacentes consentire videamur, aut Adversario vel latum hic cedere unguem.

Diluitur I. obiectio, ex ætate & Comitatu OTTONIS deducta, pag. 95.

II. Itaque sub initium huius capitis, seu antilegomeni, P. HERRGOTTUM arguit, quod in Instrumento anni MXXXV. OTTONEM *quendam insinuari advertens, hunc illico Comitem Habsburgi, eumque RADEBOTONIS filium creare non dubitet, quamvis de prosapia huius OTTONIS nullam in charta illa mentionem reperisset; & præterea OTTONEM, filium RADEBOTONIS, etsi inter fratres natu maiorem, eo tempore adhuc minorem, tantæque provincia necdum parem credere debuisset, attenta ætate fratris WERNHARII, qui anno 1096. obiit.*

Hæc ibi. Sed præterquam, quod in consequentibus demonstraturi simus, uti quidem iam dedimus fidem, P. HERRGOTTO longe aliam, eamque satis gravem rationem fuisse, id statuendi, quam quæ hic fingitur: ætas sane WERNHARII asserto non obstat. Primo enim certum est, WERNHARIUM fuisse natu-minimum. Secundo RADEBOTO obiit plenus die-
rum

rum anno 1027. Quæ igitur implicantia, ut OTTO post obitum patris quinque & viginti aut triginta annos natus, Comitatum in *Suntgovia* rexit? Deinde, etsi ipse P. HERRGOTTUS alicubi dicat (a), *Comites plerumque ex senioribus Nobilium & Optimatum* electos fuisse, exinde tamen non consequitur, ut id semper (aliud enim tō *plerumque*, aliud tō *semper* innuit) & ubique factum fuerit, maxime ubi parentes eadem dignitate pridem pollebant. Nec etiam dicitur, ex decrepitis electos, sed senioribus, id est, talibus, qui sufficienti iudicio præditi fuerant. Ad quod sufficiunt quinque & viginti, aut triginta anni. Quod si hæc negaveris, vah! quantæ ætatis WERNHARIUS fuerit, qui anno primum (nisi ab amanuensi Murenfi mendum, ut diximus, commissum fuerit) 1096. obiens, post patris saltem mortem, Comitatum, ut Adversarius supra pag. 137. num. XIII. contendit, rexit, iam tum ex senioribus unus. His si addideris, quæ paullo ante pag. 136. secundum Adversarii hypothefin de ITÆ & RAPEBOTONIS ætate diximus, haud gravate intelliges, in quantum Adversarius, hæc adstruendo, inciderit paralogisimum.

III. Alio loco stemma Comitum Lenzburgicorum a P. HERRGOTTO contextum (b), impetit, illudque incompletum asserens, filios RICHENZÆ alibi, quam in hac tabula, aut chartis P. HERRGOTTI quærendos esse pronuntiat, etsi eos vel ipse Adversarius nusquam reperire possit. Fingit ergo alios, quam quos in citata tabula (quæ in una duntaxat generatione imperfecta esse videtur) conspexit, quique haud dubie ipsissimi sunt, quos Genealogus Murenfis indicare voluit, sed temporum rationem habens nullam, alios, quam oportuerat, parentes affinxit. Si hoc licet, nescio, quid non liceat. Videatur, obsecro, stemma Lenzburgense, mox adducendum.

IV. Ulterius pergens Adversarius, *insigniter falli P. Herrgottum*, ait, ULRICO ARNOLPHUM ex HENRICO filio, *tamquam sub hoc tempus iam defuncto, nepotem assignando, cum tamen in Instrumento, eundem in finem laudato, HENRICUS* *di-*

(a) Lib. II. c. IX §. I.

(b) Geneal. Dipl. lib. VI. cap. II. pag. 274. num. III.

PRIMUM ne-
potem ex
HENRICO
filio tri-
buens.
pag. 103.

disertissime adhuc inter vivos adnumeretur. Negat præterea, eundem HENRICUM patrem ARNOLPHI esse potuisse, causam interferens, quod alias ULRICUS de orbitate filiorum nec iure conqueri, nec ex *patrimonii sui in nepotes transitu, multum moveri* potuisset, si HENRICO filii fuissent. Illum ergo improlem fuisse existimat, *Ægidio Tschudio eum Clericum, & ipsius Ecclesiæ Beronensis Præpositum* constituente, quemadmodum & CONRADUM Episcopum fuisse, aliunde exploratum est. Hæc ut remittam, quo pertinent, ante omnia tabulam genealogicam Comitum Lenzburgensium prout abs HERRGOTTO, quoad priores generationes contexta, atque ab Adversario etiam in opus suum transumpta fuit, Lectori ante oculos reducam. Est autem huiusmodi:

ULRICUS, *Udalricus* Comes 1036.

CONRADUS Episcopus 1036.

HEINRICUS 1036.

ARNOLPHUS, *Arnoldus* 1036.

Omnia, ut vides, ad fidem Instrumenti an. 1036., ab ipso UDALRICO conditi, exacta sunt, eaque nituntur. Oporteret ergo ipsum UDALRICI testamentum in medium proferre, sed quia id, ex parte saltem, ab Adversario (a), & ante ipsum a P. HERRGOTTO (b) factum iam est, excerpta duntaxat dabimus.

Quod ex
Instrumento
ipso
monstratur.

V. Verum quidem est, ULRICUS eo in Instrumento de HENRICO, quasi etiamnum vivo, loquitur; quippe qui constituit, ut is monasterium BERONIS habeat, *quamdiu in hoc seculo vivat*: At si tam subsequencia, quam antecedentia una contendamus, rem paullo aliter se habere comperiemus. Nisi enim CONRADUS & HENRICUS ille eo tempore, quo testamentum hoc confectum est, ad plures iam abiissent, quo pacto in antecedentibus dicere poterat: *cum omne patrimonium meum, non in filios* (QUONIAM HIS ORBATUS SUM) *sed in nepotes meos sit transiturum?* Nunquid non sibi ipsi contraxisset?

VI.

(a) Vindic. pag. 107.

(b) Tom. II. num. CXXXIII. ad an. 1036.

VI. Sed putat Adversarius, hoc ideo fieri, quod uterque statui Ecclesiastico addictus fuerit, HENRICUS nempe Præpositus Beronensis, & CONRADUS Episcopus, ubinam? incognitum. Sed num ideo filiis quis orbatus dici possit, quod illi statum amplexum fuerint Ecclesiasticum, aliis diiudicandum defero. Matres saltem ipsæ aliter plerumque sentire videntur. Sed hoc illis relinquamus: ego Adversario alio occurram itinere. Si HENRICUS ille in statu clericali constitutus fuit, quo iure a patre Ecclesiæ *Beronensi* advocatus designari potuit? nam ante advocatum designatum fuisse intelligimus, quod ei locum, seu monasterium eo modo atque iure tradiderit, quo deinceps tradidit nepoti suo ARNOLPHO, cui quidem eundem advocatiæ iure dedit. Quod utrumque ex sequentibus testamenti verbis planum fit: *TRADIDI enim--- BERONIS MONASTERIUM nepoti meo ARNOLPHO ea pactione, ut ego habeam eundem locum ad dies vitæ meæ, & filius meus HENRICUS habeat præfatum locum, quamdiu in hoc seculo vivat.* Et nonnullis interiectis: *Notate tam præsentem quam futuri: unus, non omnes, & unus semper heredum prædicti ARNOLPHI, qui scilicet de stirpe mea generetur, teneat, atque possideat, ut sit iustus & pius ADVOCATUS.* Habuit ergo HENRICUS filius, aut eidem saltem adpromissus fuit locus ut advocato, quod minus cum eo tempore laicis, non autem viris, in dignitate Ecclesiastica constitutis, competeret (a), consequens est, ut HENRICUS statui clericali minime addictus fuerit, atque adeo ante conditum hoc Instrumentum iam iam obierit. At cur ergo de eodem, perinde ac si viveret, mentio fit in testamento? Quæro & ego, si HENRICUS adhucdum superstes fuit, cur pater statim sub initio conqueritur, se filiis *orbatus* esse?

Nec dici
potest,
HENRICUM
statui clericali ad-
dictum fu-
isse.
loc. cit.

VII. Verum enimvero directæ quoque responsio difficilis non erit, si modo tempora rite distinguamus. Concluduntur nimirum laudato testamento duæ constitutiones, vetus & nova: prima est, qua filius HENRICUS, dum viveret, monasterii & Dominus & Advocatus constitutus fuit, secunda, qua, eodem HENRICO defuncto, ARNOLPHUS, eiusdem si-

Hinc ad In-
strumentum recte
intelligen-
dum, tem-
pora sunt
distinguen-
da.

X

lius

(a) Vid. du CANGE in Glossar. voc. *Advocatus*, ubi hanc rem egregie exponit.

lius, & ULRICI nepos, in locum defuncti plenius atque ex testamento fuit subrogatus. Hinc est, quod ULRICUS Testator in antecedentibus tempore præterito utatur, dicens: *TRADIDI enim supra dictum locum, id est Beronis monasterium* &c. at ubi eandem constitutionem renovat, præfenti sane utitur tempore, præmissa simul formula, quam novæ constitutionis initium esse facile colligimus. Nec enim frustra incipit: *Notate tam præsentis, quam futuri* &c. Subiungit etiam tum primum enumerationem eorundem locorum, quos aut advocatus, aut Canonici possideant, itemque alia, quæ post mortem suam quoad dictum monasterium, servari cupiebat. Ex quibus patet, priora de advocatia filii &c. historice duntaxat referri, nimirum, quod in antea rem quidem cum filio ac nepote sic & sic constitueret; nunc autem eodem fatis defuncto, novam adesse constitutionem, quæ ARNOLPHUM nepotem solummodo contingat. Certe de filio HENRICO nihil porro memoratur, nisi de die obitus eius, eo modo, quo deinceps dicemus, totumque Instrumentum ad solum ARNOLPHUM dirigitur, ut quando inter cetera ait: *Si autem ipse Arnolphus, vel aliquis heredum eius, quod absit, locum prædictum, in quantum voluerit, non bene defendat.* Solum NB. appellat ARNOLPHUM, cum tamen ea admonitio pro filio, si vixisset, non minus, quam pro nepote quadrasset; quorum quippe alter altero non minus homo erat. Hanc igitur interpretationem, quum ratio æque ac contextus exigat, facile intelliget amicus Lector, quisnam in laudato Instrumento exponendo felicior fuerit, HERRGOTTUS, an Adversarius? Fallitur hic certe, non ille, & quidem dupliciter: primo, quod tempora Instrumenti accuratius non distinxerit, deinde, quod HENRICUM statui clericali adscripserit, cum fuerit secularis.

Nec dici
poteff, U-
DAIRICO
fuisse ter-
tium aut
quartum
filium.
ibid.

VIII. Inaniter præterea obtenditur: ARNOLPHUM ceterosque Ulrici nepotes ex altero quopiam eius filio vel etiam filiis (ut dicto Tjchudio hic placet) prædefunctis, esse procreatos; nam præterea, quod nulla prorsus subfit necessitas, illud adstruendi, etiam nullum prorsus adest aut Instrumentum, aut Auctoris cuiuspiam testimonium, quod commento huic vel mi-

minimum suffragetur, quin ipsum etiam ULRICI testamentum eidem plane obest. Petit enim ibidem ab advocato, *ut in anniversariis quibusdam, id est in die obitus sui, & filii sui CONRADI Episcopi, & filii sui HENRICI, pauperes & Canonicos eiusdem loci charitative reficiat.* Quod si ergo & alios filios, & quidem defunctos, habuisset, an illos hoc in præcepto, pro animarum salute dato, præteriiisset? Si ex hypothesi Adversarii, reliqui filii iam defuncti erant, cur non eorum potius, quam vivorum meminisset? quandoquidem mortui suffragiis Ecclesiæ multo magis indigent, quam vivi. Denique admitte semel eiusmodi hariolationes, & antiquus orbis inenarrabili Principum caterva ditabitur.

IX. Eadem pagina, & quidem statim a principio hæc verba profert Adversarius: *Præter ea, quæ in fidem huius Instrumenti* (illius puta, quod mox disceptavimus) *iam iam præmissimus*: quæ quidem omitti poterant; legi enim priora non supervacaneæ, at nec iotam, nec apicem inveni, quæ in huius instrumenti fidem attulerit Adversarius: nec etiam eius editorem P. HERRGOTTUM, nec alium quempiam de fide eius unquam dubitasse memini. Sed abundet suo sensu.

Brevis alia
emendatio.

CAPUT XVII.

Manca & incompleta probatur tertia Genealogi Murenfis progenies.

I. IN tertia progenie duo advertit P. HERRGOTTUS: primum, quod Genealogus Murenfis ex Habsburgicis unicum OTTONEM & ITAM, RUDOLPHO de Tierstein nuptam, prodat, prætermissio ALBERTO II. filio OTTONIS I. Secundo, quod confundat familias de Tierstein & Homberg, dicens: ITA de Tierstein, sive Homberg, genuit WERNHERUM & RUDOLPHUM, constat autem ex chartis ipsius luce meridiana clarius, Hombergensem familiam a Tiersteiniana longe diversum. Hæc MARQUARDUS.

Mancam
etiam esse
tertiam
progeniem,
ostendit
P. H.
Proleg. III.
§. XIV.

Cuius me-
morix lap-
sus facile
remove-
tur.
pag. 112.

II. Notat hic Adversarius lapsum memoriæ, in quem hic noster inciderit, OTTONEM I. pro ADELBERTO, WERNHARI II. filio, adscribens: quemadmodum eidem simile quid §. XII. præcedenti, itemque lib. I. cap. IV. §. V. feliciter evenisse ait. Hæc emendatio gratiam meretur non modicam, arguitque inter cetera, Adversarium lectioni Genealogiæ Diplomaticæ incredibili cum industria incubuisse, id quod non solum ex hoc coniiicimus loco, sed & ex pluribus aliis, per integra tria volumina sparlis, atque in Vindiciarum opus congestis. Dolendum duntaxat, quod ut plurimum operam dederit, colligendi ea, quæ vel speciem, si quæ sunt, vel umbram saltem erroris præferunt. Facilis autem est in opere longissimo lapsus, nec ignotum litteratorum axioma: *magnus liber, magni errores*. Sed inde laudi Auctorum nihil decedit, præsertim vero & hic P. MARQUARDO; cum quod de ADELBERTO hoc tenet, suo loco, id est ibi prodiderit, ubi de progenie illius data opera, non ut hic loci velut aliud agens, tractavit (a), ibidemque sphalma nullum commisit. Tantundem dicendum de errore §. XII. commisso, ut adeo utrinque lapsum memoriæ esse per se pateat.

Cum con-
tra Genea-
logus Mur.
purgari
haud que-
at.

pag. 113.

III. Iam ut ad rem ipsam veniamus: Adversarius quoad primum membrum brevibus sese expedit, obtendens, causssam, cur Genealogus Murensis ALBERTUM hunc tam sicco vestigio præterierit, dictam iam esse. Cum ergo & nos eandem causssam nullam esse cap. XV. pag. 143. iam iam ostenderimus, nihil fere superesse credimus, quam ut amicum Lectorem illuc, siquidem rem tanti esse existimat, remittamus. Quod vero ulterius hic dicit Adversarius: *culpari nemo potest ex arbitria omissione, stat sæpe scriptoribus pro ratione voluntas; feruntque ipsi sibi legem, ultra quam non obligantur; ut adeo ab iis exigere nequeas, quod velis, sed quod ipsi debeant*, eiusmodi est, ut illud nullo cum eiusdem Genealogi commodo dici potuisse existimem. Legem utique is ipse statuit, dandi genealogiam Principum Habsburgicorum; *Ista est*, inquit, *Genealogia nostrorum Principum*, sed fidem datam ita negligenter absolvit, ut, pluribus omissis, plures etiam immiscue-
rit,

(a) Lib. II. cap. V. & VI. Vid. etiam Indices,

rit, qui ad institutum minus pertinebant, ut vg: filios & nepotes RICHENZÆ de *Lenzburg*, qui utique ex familia aliena propagati, non potuissent modo, sed & debuissent ex toto negligi. Legisset, utinam! accuratius *Actuarium*, CONRADUM (dico) de S. BLASIO, forte utrumque nostrum magno levasset labore. Culpari certe meretur, qui genealogiam tantorum scripturum Principum, huius progeniei recenset omnes, alterius præterit, uti citato loco iam iam monuimus; hinc quævis etiam levis omissio ægre ferri potest, maxime filiorum adutorum. Sed demus Genealogum istum innocentiores esse METELLO, eo ipso tamen, quod nonnullos, quo demum cunq̃ue id titulo factum fuerit, omiserit, non omne tulit punctum, sequiturque, eundem, vel ideo, quod mancus & imperfectus sit, subsidiis, adminiculisque, aliunde petitis, puta Diplomaticis, indigere; partim, ut, quæ vera dixit, elucescant; partim ut fidem & authenticam, propria culpa amissam, recuperet. Hinc semper redit, quod volumus, eum ex se & per se ad rem tanti, *quanti est Genealogiam Habsburgicam condere*, non sufficere.

IV. Alterum huius paragraphi membrum maioris momenti iudicat Adversarius, & est etiam; inde enim exemplum denuo locupletissimum videmus obscuritatis, quam Genealogus iste, fatente GENDERIO (a), licet alioquin eiusdem defensore ardentissimo, fere ubique præfert. Quis enim vg: intelligi cupiens, unquam sic locutus est: *ITA de Tierstein sive Homberg, genuit Wernherum & Rudolphum de Habsburg?* Idem enim est, ac si dicerem: *MARIA THERESIA Habsburgica, sive Lotharingica, genuit LUDOVICUM XIV. Regem Francorum, quanquam id minus adhuc claudicet; quum MARIA THERESIA, PHILIPPI III. Regis Hisp. filia, revera etiam ab ATHLONE, qui utriusque Domus, tam Habsburgicæ, quam Lotharingicæ, apex erat, descendat. Quidquid ergo excuset GUILLIMANNUS (b), qui ob vicinitatem castrorum utriusque nominis denominationem ab utraque familia desumi obtendit: quidquid reclamet Adversarius, æquivocatio nulla ratione tolli potest.*

Qui familiam Hombergensem cum Tiersteina confundens, obscurissimus sit.

a

b

X 3

V.

(a) Apud Adversar. P. I. c. II. p. 14. & apud nos pag. 17. seqq.

(b) In Habsburg. p. 206.

Quæ ob-
scuritas
nulla ratio-
ne tolli
potest.
pag. 113.

pag. 114.

V. Contendit quidem idem Adversarius, ex tabulis genealogicis, ad quas hic provocat P. HERRGOTTUS, haud consequi, quod voluerit, nempe *Hombergensem familiam a Tiersteiniana longe diversam esse*. Adducit hunc in finem genealogicas tabulas, a P. HERRGOTTO confectas, *Hombergensem* scilicet & *Tiersteinianam*, ubi cum observasset, in priori illa primum locum dari WERNHARIO & RUDOLFO, ex chartis annorum 1125. 1141. & 1144., in posteriori vero vetustiorum non occurrere RUDOLFO de *Tierstein* ex charta anni 1212., continuo subinfert, ex iis tabulis non confici, alteram familiam diversam fuisse ab altera eo tempore, quo ITA nostra de *Tierstein* floruit. Nam easdem tabulas non obstat, quin huius ætate una eademque familia modo de *Tierstein*, modo de *Homberg* cognominata fuerit, fierique potuisse, ut *avo demum posteriori* in duas familias abierint, a suo quamque dominio distinctas. Hoc effugium cum non satis patere animadverteret, ad aliud statim recurrit, ac Genealogum suum apte explicari putat: si ITAM primis nuptiis *Thiersteinio*, secundis autem *Hombergensi Comitibus iunctam* dicamus; hac quippe ratione eam sine errore de *Thierstein* sive *Homberg* recte vocatam. Vel dici posse: ITAM hanc, ex stemmate *Thiersteinianam*, ex primis autem nuptiis *Hombergicam* fuisse, aut vice versa. Hæc sunt Adversarii hac de re meditata. Poterat autem & tertium parari effugium, dicendo: ITAM hanc utriusque castri ac dynastiæ Dominam fuisse, atque modo ITAM de *Thierstein*, modo de *Homberg*, appellari se passam. Una enim semel admissa, eodem iure & secundæ & tertiæ, & fortasse pluribus quoque aliis locus dandus est excusationibus. Verum hoc idem etiam signum est infallibile, locum ingenti circumfusus esse obscuritate, ita, ut, quo studiosius eidem lucem affundere conamur, eo maioribus identidem palpitemus in tenebris, adeoque Ariadne filo opus esset, ut evaderemus. At hoc totum id est, quod volumus, Genealogum nempe non posse intelligi.

Cum certum sit, familias esse diversas.

VI. Ut vero Adversario directe respondeam, ex tabulis P. HERRGOTTI Genealogicis omnino confectarium esse contendendo, *Hombergensem* & *Thiersteinianam* familias omnino diver-

verfas esse. Redit autem hoc loco idem argumentum, quod superius ad demonstrandam diversitatem familiarum *Badensis & Lenzburgensis*, non sine felici, ut puto, eventu, impendimus (a). Ubi enim diversa occurrunt familiarum nomina; diversas quoque familias esse tamdiu tenemus, quamdiu non probatur contrarium: ut alia, ibidem adducta, taceam. Porro familiam *de Dierstein* (T. in D. & vice versa sæpius commutatum fuisse ab antiquis, constare puto) seculo iam undecimo, id est circa annum MLXXXII. (& quis scit, an non longe antea?) floruisse, ex Actuario nostro discimus (b). *Venit hic*, ait (WERNHERUS COMES) *in vigilia S. MARTINI unicum GISILBERTO, Abbate de cella Sancti BLASII --- aliis quoque Principibus, id est RUODOLFO DE DIERSTEIN, nec non BURKARDO Comite de Nellenburg &c.* Subiungit autem pluribus interiectis: *Hæc autem omnia facta sunt anno MLXXXII.* Compertum itaque est, familias hæc distinctas fuisse; ut adeo iam nihil egerit Adversarius argumento suo primo.

a

b

VII. Eodem fere modo respondendum ducimus ad secundum: scilicet matrimonia illa probanda primum fuisse, & tum forte excusatio locum invenisset, secus sentiendum, ubi meræ indulgetur hariolationi.

Incertum
contra. in-
tervenisse
matrimo-
nium.

VIII. Quod si porro omnia Adversarii hæc ultro admitteremus, non tamen video, quid Genealogum iuvarent. Damus enim, non duas, sed unam fuisse familiam, aut nuptias dicto modo evenisse; semper tamen verum manebit: Genealogum hoc loco ita obscurum esse, ut a nemine possit intelligi; idque eo ipso, quod eiusmodi coniecturis & hariolationibus opus sit, ad eum interpretandum: cum contra, si Scriptor perspicuus atque luculentus fuisset, additione unius, aut paucarum vocularum, totam hanc disputationem pulcherrime occupare potuisset, dicendo vg: *ITA de Tierstein vidua NN. Comitissæ de Homberg genuit &c.* Sed id cum non fecerit, tenendum omnino, eundem perturbationis esse auctorem.

Infirmas
argumenti
adversarii
aliunde
monstrata;

IX.

(a) Cap. XV. pag. 154. seqq.

(b) Pag. 23. aurogr. p. 8.

Ut adeo
Adversa-
rio lætitiæ
causâ nul-
la supersit.
pag. 115.

IX. Quod superest, non satis percipio, quid sibi ultima huius capitis velint, ubi Adversarius: „ *Ceterum, inquit, gaudemus, P. HERRGOTTO, qui tantum obscuritatis & tenebrarum hic stemmati Habsburgico allatum causatur, hunc luminis defectum suppleri lib. II. cap. IV. §. I. ubi, non obtante prætenfa illa familiarum confusione, fatetur ipse: Si Actorum Murenſium auctoritati fidem hic arbitramur, gradus iste genealogicus maiorem adhuc claritatem adquiret; siquidem tabula genealogiæ, Actis Murenſibus præfixa, adserit: quod ITA de Thierstein sive Homberg genuit ADELBERTUM, GERTRUDEM de Mumpelgard, RICHENZAM de Fierrito.* „ Hæc, inquam, quo tendant, non satis intelligo, nisi forte gaudium isthuc inde enatum sit, quod P. HERRGOTTUS fortassis non satis constanter locutus videatur, hic quasi emendans, quod alibi affirmaverit. Verum enimvero illud nequaquam sufficientem lætitiæ causam existimamus; cum, hisce non obstantibus, Genealogum Murensem neque hic, neque alibi, ab obscuritate atque familiarum confusione absolvat, uti mox videbimus. Alia tripudiandi causâ si subest, eam, ut dixi, nullâ potui assequi diligentia.

Dicta cap.
IX. obiter
confirma-
ta.
pag. 113.

X. Paene exciderat, quod Adversarius non longe post initium huius sui capitis XIV. his verbis prodidit: *Nobis Clar. P. vix persuadeat Genealogum contemporaneum ignorasse, quo cognomine venerit ITA, mater hic dicta WERNHERI & RUDOLFI.* Paene, inquam, hæc exciderant, etsi recte & apposite dicta sint; egregie quippe confirmantia id, quod cap. XI. de ætate Genealogi Murenſis diximus; hoc ipso enim, quod in multis rebus continuo, ut videmus, fallit & fallitur, consequens est, ut personis, quarum genealogiam contexit, longe inferior sit. Cum ergo Adversario, haud fieri posse, persuasum sit, ut Genealogus quispiam contemporaneus, res & stemmata sui temporis ignoret: persuaderi sibi e contrario sinat, necesse est, Genealogum suum Murensem ITÆ de Thierstein sive Homberg non fuisse contemporaneum, sed adeo remotum, ut nec ipse, nec alius sibi coætaneus, amplius rescire potuerit, utrum hæc ITA ex familia de Homberg, vel Thierstein, prognata fuerit.

CA-

CAPUT XVIII.

Quid de quarta Genealogi Murensis progenie
sentiendum, disquiritur.

„ I. **Q**uarta progenies ortum ducit, ait P. HERRGOTTUS, I. error
 „ a WERNHERO, cui iungit ADELHEIDEM uxorem Genealogi
 „ EMICONIS de Hunneburg: aliam porro, illamque Mur. de
 „ lineam constituit. ITA, inquit, de Thierstein, sive Hom- stirpe
 „ berg, genuit WERNHERUM, & RUDOLFUM de Habsburg. WERNHE-
 „ Atenim res hæc in manifesto errore deprehenditur; nam ITA, ai II.
 „ filia Comitis WERNHERI de Habsburg, Thiersteinio nupta, Proleg. III.
 „ seu, ut loquitur Scriptor, Ita de Thierstein, sive Homberg, §. XV.
 „ utique non genuit Weruberum & Rudolfum de Habsburg; in IV. pro-
 „ quandoquidem monumentum nostrum anni MCXLV. num. genic.
 „ CCXXV. solummodo de WERNHERO, filio OTTONIS, lo-
 „ quitur, qui WERNHERUS unicus quoque propagator stir-
 „ pis Habsburgicæ existit; uti rem istam clare ostendam lib.
 „ II. cap. IV. „ Hucusque P. HERRGOTTUS.

II. Quod in hac recensione Adversarium nostrum præ- Quem li-
cipue ac unice offendit, illud est, quod Genealogum Mu- cet Adver-
rensem, WERNHERO II. duos filios assignando, manifeste er- sarius, præ-
rassè dicat: Interpretem, ait, non recusant hæc verba, sed ne- cunte Ec-
que iudicem admittunt præcipitem. Sententiam itaque abs P. cardo, re-
HERRGOTTO præcipitam existimans, ex eodem quærendum ste inter-
monet; „ quænam ipsi ex mente Genealogi Murensis sit ITA pretetur,
 „ de Thierstein, sive Homberg, mater quidem WERNHERI pag. 117.
 „ & RUDOLFI de Habsburg hic dicta? secundo: quemnam pag. 118.
 „ WERNHERUM, itemmatis Habsburgici propagatorem, illud
 „ huius quæstionis pronomen decisivum IDEM appellet? an
 „ WERNHERUM proxime antecedentem, modo dictæ ITÆ fi-
 „ lium? „ Adducit deinde verba ECCARDI, a P. HERRGOT-
 „ TO adoptata, quibus declaratur, Genealogum Murenses
 „ hoc modo interpretandum: ITA de Homberg genuit WERN-
 „ HERUM & RUDOLFUM (scilicet ex WERNHERO) IDEM WERN-

Y

HERUS

a HERUS (ex alia coniuge) genuit ADELBERTUM, GERDRUDEM de Mumpelgard, RICHENZAM de Fierrito (a).

Obscurita-
rem tamen
tollere ne-
quit;

III. Acceptamus hæc: at ex ipsa illa interpretatione clarissime videmus, quam vere paragrapho præcedenti dictum sit a P. HERRGOTTO: *quin ex aliis duobus locis* (hæc ipsa intelligit) *liquido apparet, quantum obscuritatis & tenebrarum is attulerit Habsburgico stemmati, qui merum lumen ei se adhibiturum spononderat.* Huic enim effato, ut assensum præbeat æquus rerum æstimator, nulla alia re opus est, quam mox allegata CL. ECCARDI verba rite perpendere. Neque enim is lucem Genealogo affundere opus habuisset, si ille aliunde intelligi poterat. Et reipsa sic est. Adducamus duntaxat integrum Genealogi systema, prout Actuaria præfigitur, & res, quam dico, manifesta erit: *Ita de Habsburg genuit Wernberum II. Comitem, & Richenzam de Lentzburg. Wernberus II. genuit Ottonem II. & Itam de Tierstein. Otto II. genuit Wernberum III. & Adelheidem de Hunneburg. Richenza de Lentzburg genuit Arnoldum, Couno Comitem, Wernberum de Baden. Rudolfus genuit Hunbertum, Uodalricum, Arnoldum, Ruodolfum & sorores eorum. Arnoldus etiam de Baden filius Richenze de Lentzburg genuit Richenzam de Chiburg. Ita de Tierstein sive Homberg genuit Wernberum IV. & Ruodolfum de Habsburg. IDEM Wernberus III. genuit Adelbertum, Gerdrudem de Mumpelgard, Richenzam de Fierrito.* Hæc Genealogus Murensis; ubi id solum notandum: numeros tribus hisce WERNHERIS, nec non OTTONI II. in Genealogio ipso non reperiundos, a me ipso maioris claritatis ergo, ex mente cum ECCARDI, tum Adversarii, quin & ipsius P. HERRGOTTI, adiectos esse; quos qui legerit, in ultimo plane versu mendum irrepsisse, proque IDEM WERNHERUS III. legendum esse WERNHERUS IV. putabit; quippe quod is proxime præcesserit. Sed erras tota re, quisquis ita iudicas. Hic enim ex mente Adversarii, aliorumque, ad restituendum genealogiæ ordinem, non WERNHERUM proxime antecedentem, hoc nomine quartum, sed illum, qui dudum præcesserat, WERNHERUM tertium, filium OTTONIS II., ac
ITÆ

(a) ECCARD. Orig. Habsb. lib. II, cap. VI.

ITA de Tierstein, fratrem uterinum accipere debes; etsi id contra omnes regulas Grammatices adeo pugnet, ut quod maxime. Præterea per ITAM de Tierstein sive Homberg, quæ in antepenultima strophæ nominatur, cave intelligas ITAM, hoc nomine primam, superiori loco ante OTTONEM II. nominatam; sed aliam omnino, ex sanguine vel Tiersteiniano vel Hombergico cretam. Nam etsi utramque simili ac eodem appellet cognomine de Tierstein, ad hoc tamen, ut Genealogum Murensensem ab errore absolvas, necessarium est, ut statuas, alteram, eamque priorem illam, ex sanguine Habsburgico, alteram ex Hombergico vel Tiersteinensi descendere; quamquam, qua ratione hoc ultimum explicari debeat, nondum, ut paullo ante vidimus, in comperto sit. Illam autem explanationem Genealogi evincit hæc tabula stemmatica, ab ECCARDO concinnata, atque ab Adversario hunc in finem demum producta:

WERNHERUS II.	RICHENZA de Lenzburg.
OTTO II.	ITA de Tierstein.
WERNHERUS III.	ADELHEIDIS de Hunneburg.
Ex ITA de Homberg	Ex GERTRUDE
WERNHERUS IV. RUDOLFUS.	ADELBERTUS III.

IV. Hoc modo Genealogum interpretatur Cl. ECCARDUS. At ego æquos rerum æstimatores obtestor, ut edicant, quid de hac interpretatione sentiant? Quis unquam in Auctore veteri, vel novo, ut ut longe ineptissimo, legit, τὸ IDEM hoc modo adhiberi posse, vel unquam adhibitum fuisse, ut quam longissime ad superiora referatur? ego saltem talem nondum vidi, nec, credo, me visurum, præter hunc unicum Murensensem Genealogum. Idem dicendum est de ITA de Tierstein; si enim clarus & perspicuus esse voluisset vel potuisset, aut superior, Tiersteiniano licet nupta, ITA Habsburgica appellanda fuisset, aut inferior, Habsburgico elocata, Tiersteiniana, vel Homburgica vocari haud poterat. Sane nisi chartæ & diplomata, atque Instrumenta, aliunde accersita, viam ostenderent,

derent, lyncei oculi haudquaquam perviderent: ITAM de *Tierstein* sive *Homburg*, ex WERNERO, qui longe superius memoratus est, WERNERUM itidem & RUDOLFUM genuisse. Animadvertit hæc omnia CL. ECCARDUS, etsi eum Adversarius pro re sua excitare non dubitaverit. *Si notes saltem*, inquit, *Genealogum* CONFUDISSE ITAM de TIERSTEIN, sive RUDOLFO *Thiersteinensi Comiti nuptam*, & WERNERO II. *Habsburgico natam*, cum ITA *Homburgensi*, WERNERO III. WERNERI II. nepoti coniuncta, omnia se bene habent (a). Confudisse, ait, quod error est insignis, atque supremæ obscuritatis signum est. Quare & id dicendum, fatendumque: adhibitam ab ECCARDO fuisse medicinam Genealogo Murenfi ultimam, nec non & ab adoptante eiusdem verba, P. HERRGOTTO, ita quidem, ut PRISCIANI, castæque Latinitatis regulis insuper habitis, ab artis salutaris legibus haud parum abscesserint; quod quidem cum hominibus conclamata valetudinis tentari possit, secus ubi solita via salus parari posse speratur. Neque tamen & id licuisset, nec cordatis viris fidem fecissent, nisi monumenta, aliunde conquisita, monstrassent, ut alibi dicemus, viam; & nisi uterque artis criticæ regulis imbutus, medium invenisset, eidem subveniendi. Frustra ergo gaudet in fine capitis præcedentis Adversarius, cum videt, quod P. HERRGOTTUS alibi, id est in decursu libri secundi, *Genealogum Murensem* benignius habet, quam in prolegomeno III. Hic enim examinandus erat, prout merebatur, interpretandus, prout loquebatur, & id quidem citra dispendium veritatis: alibi vero, ubi locus erat, eundem illustrandi magis, quam sub incudem revocandi: gratia eidem summa facta est, quod, monumentis viam monstrantibus, curatus sit, & quomodo demum benigne interpretari posset, ostensum. Verum hac de re alibi uberius.

Non iuvat
porro particula
disiunctiva
sive.
pag. 121.

V. Eadem via occurrendum ducimus Adversario, cum hic missum, priori capite iam illatum, denuo affert. *Quod si Clariss. viri*, inquit (ECCARDUM atque HERRGOTTUM intelligens) *aque expendissent sensum coniunctionis sive, quæ certa quadam ratione disiunctiva est, haud sane voluissent, a*

Ge-

(a) Loco mox citato.

Genealogo Murensi ITAM *Habsburgicam*, *Thiersteinio* nuptam, cum ITA *Hombergensi* diversa confusam. Enimvero hæc tum demum locum habere viderentur, si de nuptiis huius ITÆ, quam Adversarius, ex familia de *Thierstein* exortam, primum *Hombergico* cuidam Comiti, deinde vero WERNHERO *Habsburgico* iunctam: aut vice versa, ex familia *Habsburgica* natam, primum *Thiersteinio*, dein *Habsburgico* elocatam auguratur, constaret. Secus enim quis particulam hanc pro coniunctiva agnoscat, cui disiunctivæ vim & virtutem ubique inesse tam certum est, quam quod certissimum? (a)

VI. Exemplum, quod hic porro ex P. HERRGOTTO de duplici matrimonio RICHENZÆ *Lenzburgicæ* producit Adversarius, parum ad rem facit; ut enim hoc statueret ille, verba ipsius Genealogi (ut de chartis huic rei si non suffragantibus, non contravenientibus saltem, nihil dicam) exigebant, ita sonantia: *Richenza de Lenzburg genuit Arnoldum, Chouno Comitem, Wernberum de Baden*. Priores duo sine addito Comites dicuntur; sicubi vero tertius Comes de *Baden* vocatur, signum est vix non infallibile, illos ex priori coniugio Comitum, nempe UDALRICI *Lenzburgici*, prognatos, hunc ex Comite quodam de *Baden*; maxime cum *Lenzburgica*, ac *Badensis* diversæ familiæ fuerint, ut alibi ostendimus. Nihil horum in præsentia. Sed de RICHENZA illa satis superque dictum est in præcedentibus. Iudicent nunc, quibus iudicare lubet, an non recte dictum sit a P. HERRGOTTO: *res hæc in manifesto errore deprehenditur*.

Nec exemplum, a P. HERRGOTTO mutuatum.

CAPUT XIX.

Inspicitur V. & VI. Genealogi Murensis progenies.

- I. COniungimus hic duas P. HERRGOTTI sectiones, atque adeo duo Adversarii capita. Cum enim parum contra hæc progenies, prout a Genealogo propositas, excipiat ille: parum etiam opponere placuit huic. Brevibus

De V. progenie censura P. H.

(a) Vid. BOARICH. Vindic. p. 133.

Proleg.
§. XVI.
in V. pro-
genie.

expeditur quinta progenies a P. HERRGOTTO, dicente: *Quinto loco Adelbertus proavus Rudolphi Rom. Regis, item Gertrudis & Richenza collocantur; nostra monumenta solum Adelbertum produnt, ut citato lib. II. cap. III. videbimus. Ut ut hæc, quemadmodum & pleraque alia, recte & sine alicuius præiudicio dicta sunt a P. HERRGOTTO, habere tamen sibi visus est Adversarius, quod vel per coniecturam etiam carperet.*

Itemque
Adversa-
rii,
pag. 124.

II. *Quamvis ergo, quod contra progeniem istam positive opponat, ait, non habeat P. HERRGOTTUS, ægrius tamen in consortium fratris admittere videtur, quas Genealogus Murenfis illi sorores iungit, Gerdrudem & Richenzam. Et, nonnullis interiectis: Nolit utique P. HERRGOTTUS ex defectu suorum diplomatum abundare Genealogiam nostram; cum alioquin scæminas inde excludere oporteret omnes, ad unam & alteram usque, ne ipsa quidem ITA Lotharingica, augusti stemmatis progenitrice, excepta.*

Quomodo
accipien-
da?

III. Sic omnino res se habet: Nec sorores has ADELBERTI, nec alias quoque scæminas, Genealogo vestro memoratas, stemmate Habsburgico exclusas vult P. HERRGOTTUS. Licuerit tamen Lectorem docuisse, quid chartæ prodant, quid Genealogus, cui hanc additionem tantum abest, ut exproberet, ut potius sectione XVIII. eius rei rationem in ipsas chartas reiciat, monendo: *raro enim uxores ac filiae Comitum Habsburgensium in chartis occurrunt, cum econtra fratres ac filios eorundem passim nominatos habeamus. Reliqua huius capitis in refellendo GUILLIMANNO, præeuntibus ECCARDO & HERRGOTTO, immo ex parte etiam Abbate Dominico TSCHUDIO, absolvuntur, quæ cum nihil ad nos, nolumus etiam nostram immittere falcem.*

Septima
progenies
iam expe-
dicta.

IV. Ampliora nonnihil sunt, quæ capite sequenti XVII. afferuntur; nam licet P. HERRGOTTUS contra ipsam progeniem sextam, qua de ibidem agitur, nihil moveat, quin potius eandem *bene se habere* dicat; quia tamen, occasione ita ferente, nonnulla ad PEIRESKII commentarium animadverterat, excitavit in se Adversarii *Vindicias*. Denuo nempe hic

hic redit quæstio illa de diversitate stili, quam laudatus PEIRESKIUS in Genealogia, Actis Murenibus præfixa, deprehendere sibi visus est; quam coniecturam cum ficulneo, immo nullo prorsus fundamento, niti, iam alibi dictum sit (a): tum vero pretium atque robur argumenti, a P. HERRGOTTO hoc loco producti, eadem opera ostenderimus, rem hanc modo intactam relinquimus. Unum tamen adhuc levi brachio attingere liceat.

V. Terminavit P. HERRGOTTUS paragraphum hunc XVII. hisce verbis: *Nobis quoque videtur, opera pretium non esse, hoc PEIRESKII placitum, seu verius COMMENTUM, pluribus refellere.* Offenderunt hæc Adversarium. *Quare attentis, inquit, tam PEIRESKII observationibus, quam notionibus nostris, quas nuper pro eius sententia adduximus, aequiori submittinus iudicio, num hoc PEIRESKII placitum tanquam commentum, vacuæque cerebri partus, iure exhibilari mereatur?* Ego vero non video, quo pacto verba HERRGOTTI Adversarium adeo irritare potuerint. Si enim notionem vocabuli *commentum* recte accipiamus, videbimus, nullo modo tam malum esse, ut tam parum benigna interpretatione exaggerari meruerit. Scimus quidem, *commentum* & *figmentum* sibi ut plurimum affinia esse: at prius illud etiam pro *invento* laudabili recte accipi posse, ac subinde debere, æque notum est; quam in rem inignis locus extat apud FLORUM (b): *Apud REGILLI lacum, inquit, dinicatur, diu Marte vario, donec POSTHUMIUS ipse Dictator signum in hostes iaculatus est (NOVUM ET INSIGNE COMMENTUM) uti peteretur cursu.* Eodem fere modo BACHUM, vini inventorem, *commentorem* appellavit OVIDIUS. *Luce sua ludos uræ commentor habebat* (c). Puto autem ad eiusmodi inventa *vacua cerebra* haudquaquam apta esse, sed quibus maxime pulchra infideat anima, nec crasso sub cælo nata sint. Eo igitur sensu recte dici potuit: hoc esse PEIRESKII *commentum*, cum revera primus fuerit, qui diversitatem stili animadvertisse sibi visus est. Quod si vero etiam

Vocabuli
commen-
tum notio,
pag. 130.

b

c

(a) Hic supra cap. XI. num. VII. pag. 93. seqq.

(b) Lib. I. cap. XI.

(c) Fastror. III. v. 758.

etiam hic pro mero figmento vocabulum illud usurpatum fuisset, graviter ideo peccatum haud fuisse existimaverim; cum id etiam sine culpa fieri potuerit. Nam aliquando etiam bonus dormitat HOMERUS, ac facile fit, ut quis LUNONEM tenere ratus, nubem amplectatur.

Anonymus Mur.
ex solove-
ritatis a-
more exa-
gitatus.
pag. 131.

VI. Ultima huius capituli verba sic habent: *Sed neque primarii nostri Scriptoris lucubrationes ad medium circiter seculum XII. reponendo, praevidere poterat (PEIRESKIUS) fore, quorum tantum interfit, hanc Actorum Murensum aetatem, cum fide & auctoritate eorum diminutum iri.* Cum de fide & authentia Genealogiæ & Actorum Murensum tractatum est, nemini adhuc in mentem venit, eorundem Auctorem ad incitas demittere: id duntaxat dignum & iustum fuit, ut quo loco habendus sit, demonstraretur. Etenim refert, quo fonte bibatur; quare ad gradum & locum suum restituendus erat. Nos certe cum primum has *Vindicias* accepimus, mirari factis non potuimus, unius aut duorum Auctorem tentatam, aut labefactam nonnihil fidem, tantos excitasse clamores: cum nos contra in similem seculi XIII. aut XIV. Scriptorem, *Libri Constructionis*, id est, *Originum San-Blasianarum* auctorem, id iuris exercere nulli ducamus religioni: certatim eius errores, aut umbras etiam errorum insectando; eo duntaxat fine, ut aliquando veram & sinceram monasterii nostri condamus historiam. Quanto ergo magis id agendum est in genealogia summorum in terris Principum? Litandum veritati ubique est, cumque Neoterico illo (a) canendum:

*Te, VERUM, in magnis rebus, pariterque minutis,
Nocte dieque mihi quaerere dulce fuit.*

Et si ergo feliciter detexerim, atque modo persuasissimus sim, Actuarium illum origine, atque solempni votorum nuncupatione, fuisse San-Blasianum; id tamen non efficiet, ut a proposito, atque invento semel veritatis tramite, vel latum unguem discedam: errasse eum in iis, quæ de *Iræ Lotharingica* prosapia memoriæ prodidit, constantissime, dum contrarium non probabitur, tenens. Nostra itaque nunquam interfuit, ut ostenderemus, Scriptorem hunc in multis tam enormiter

(a) Cl. C. A. HEUMANNO Conspect. Reipub. lit. p. m. 32.

miter peccasse; quin potius, ut factum non fuisset, optaremus; ne tanti viri cieremus *Vindicias*. Nec Blasiani, aut Blasianus P. HERRGOTTUS primus fuit, qui id susciperet; prævenerunt quippe ab aliis, ac præsertim Reverendiss. Abbate CALMETO, ut cap. I. & III. vidimus.

CAPUT XX.

In scenam producitur septima & octava
Genealogi Murensis progenies.

„ I. IN progenie VII. hæc expedita sunt, inquit P. HERR-
 „ GOTTUS, & ab Auctore schematis haud male notata:
 „ nempe ALBERTUS IV., RUDOLPHUS iunior, WER-
 „ NERUS, HELWIGA, & GERTRUDIS, a RUDOLFO III. Co-
 „ mite de *Habsburg* ex AGNESA de *Stouffen* descendentes.
 „ Ubi tamen adnotare placet, quæ Auctor huius Genealogiæ,
 „ de prole foeminea, earumque nuptiis cum *Frobergensibus*,
 „ *Lenzburgensibus* & *Liningensibus* Comitibus retulit, ex In-
 „ strumentis nostris non impugnari quidem, at ex iisdem ne-
 „ que confirmari; raro enim uxores ac filiæ Comitum Habs-
 „ burgensium in chartis occurrunt, cum econtra fratres ac
 „ filios eorundem passim nominatos habeamus. Nostra qui-
 „ dem monumentorum collectio duos solum prodit, ADEL-
 „ BERTUM, patrem RUDOLPHI Rom. Regis, & RUDOLPHUM
 „ Taciturnum.

Judicium
P. H. de
septima
Gen. Mur.
progenie
ut ut be-
nignum,
Proleg.
§. XVII.
in VII. pro-
genie.

II. Hæc P. HERRGOTTI verba quis non innocua, ne-
 minique gravia reputaret? sed placuit tamen Adversario varia
 ad ea reponere; ac primo quidem loco, eo ipso, quod hæc
 P. HERRGOTTO expedita videantur, eundem agnoscere iubet,
 inde defectum chartarum suarum suppleri, atque adeo subsistere
 etiam ea, quæ ex suorum collectione monumentorum non con-
 firmantur; utpote in quibus non modo de Helwiga & Gertru-
 de, harumque matre Agnesa, verum etiam de tertio huius Ru-
 dolfi filio Werubero altum habetur silentium. Adducit deinde
 & alium locum, ubi P. HERRGOTTUS lib. IV. de RUDOLPHO

Non ta-
men effi-
git Adver-
sarii cen-
suram.
pag. 132.

Z

feni-

seniore agens, ostensis ope chartarum ADALBERTO, ac alibi RUDOLPHO iuniore, eius filio, nullam pergendi moram retardare asserit, etiamsi dictum WERNHERUM, nec non sorores eius HELWIGAM & GERTRUDEM in monumentis suis ostendere haud queat. His enim auctoribus sententiam suam probandam se relinquere. Reprobat Adversarius & hoc, causam interponens, quod quemadmodum P. HERRGOTTUS dubitet: „prædictam trinam RUDOLPHI senioris prolem stemmati Habsburgico inferere atque calculo resoluta subscribere sententiæ, quam tenent alii, Auctorem quantumvis Actorum Murensem secuti: ita & eodem titulo alibi quoque GUNTRAMNUM, KANZELINUM & RADEBOTONEM omnittendum fuisse, quod de iis non aliunde, quam ex Actis Murenfibus constet. „ Idem dicendum esse de OTTONE I. & ADELBERTO I. quos P. HERRGOTTUS superius §. XIII. a Genealogo Murenfi omisos exprobrat, cum tamen & ipse eorundem Itemma ex Actuario solummodo Murenfi petere lib. II. necesse habuerit: *ut adeo istorum auctoritate maiorem neque ab aliis Scriptoribus requirere debeat, ad probandum, quam illi, Auctorem eorundem Actorum secuti, profitentur sententiam, de numero prolium Rudolphi nostri.*

Defectum
chartarum
nec quicquam
causantis;

III. Duplici, aut, si mavis, triplici huic obiectioni perfacile occurritur; quod antequam faciam, non possum non ingenue prodere, quod admirationi mihi sit, cur Adversarius nec laudem nec vituperium, a P. HERRGOTTO Genealogo Murenfi tributum, ferre queat? *Manicum* & hiulcum esse dicit, indigne fertur: *septimam progeniem* ab eodem haud male notatam asserit, fertur itidem indigne, sicque nec paci nec bello locus est. Iam vero ut recto gradu procedam, quoad primum nego & pernego, ex verbis P. HERRGOTTI confectaneum esse, ac inferri potuisse: defectum chartarum suarum inde, id est, ex Genealogo Murenfi suppleri, atque adeo subsistere etiam ea, quæ ex suorum collectione monumentorum non confirmantur. Certum est namque, & ipsa P. HERRGOTTI verba evincunt, quod cum septimam progeniem expeditam esse dixit, id non nisi de iis personis intelligi voluisse, quam quarum in monumentis eiusdem sit intentio. Nonne enim,

cit. pag.
132.

enim, cum illam a Genealogo bene notatam pronuntiaffet, contra fœminas, eodem verſu memoratas, excipit hiſce verbis: *ubi tamen adnotare placet, quæ Auctor huius genealogiæ de prole fœminea?* &c. & reliqua ut ſupra. Similiter cum in chartis ſuis WERNHERUM haud occurrere animadverteret, expreſſe ſubiunxit, in monumentis ſuis præter ADALBERTUM & RUDOLPHUM *Taciturnum* neminem unum memorari. Quod quid eſt aliud, quam dicere, expeditam quidem eſſe progeniem ſeptimam, ita, ut eidem, quod, exigentibus chartis & diplomatibus, opponat, non habeat quidem; cum iisdem haud impugnentur, at nec confirmentur etiam? Quare recte quoque alibi (a) ex eadem ratione reliquos RUDOLPHI II. liberos in medio relinquens, auctoribus, qui eos, fide & auctoritate Genealogi Murentis ſubnixi, illi adſcribunt, probandam permittit. Quo dicto quid clarius, quid luculentius? Genealogiam *Diplomaticam* ſiſtere in ſe recepit P. HERRGOTTUS, hiſce ergo de una, alterave perſona penitus mutis, quid conſequentiſ, quam ut de iis quicquam nec affirmaret, nec negaret? *Eſt itaque mera genuini ſenſus verborum* P. HERRGOTTI (id quod eidem Adverſarius alibi obiicit (b) *inverſio*, cum hæc aſſeruntur. Tolle luſum verborum, atque argutias, & una omnes circa hæc difficultates ſuſtuleris.

IV. At enim, hocce ſubſiſtente principio, de Comitibus GUNTRAMNO, LANZELINO, RADEBOTONE, immo OTTONE & ADELBERTO, æque nihil dici poterat. Quare? quia neque de iis aliunde conſtat, quam ex eodem Scriptore Murenſi. Crediderit hoc, qui Genealogiam Diplomaticam P. HERRGOTTI nunquam aut vidit, aut legit, ſecus ubi videris, eiſdem diplomata Actuarius noſtro teſtimonium dicere graviſſimum, uti vg: de GUNTRAMNO monumenta annorum 952. Geneal. Dipl. tom. II. num. cxxxv. 959. num. cxxxiv. 973. num. cxlii. ac de eodem iam defuncto, an. 997. num. cli. an. 1003. num. clvi. an. 1004. num. clvii. LANTHOLDUM ſeu LANZELINUM confirmant Inſtrumenta, ex Archivo San-Gallenſi educta, annorum 976. tom. II. num. cxliv. & 981.

Z 2

num.

(a) Lib. II. cap. II. §. V. p. 134.

(b) Cap. VIII. p. 52.

- num. cxlv. Similem confirmationem accipit RADEBOTO ex præcepto HENRICI II. Imp. anni 1023. num. clxvi. ut de aliis argumentis a P. HERRGOTTO lib. II. cap. VII. VIII. & IX. productis, interim nihil dicam. De ADELBERTO I. & OTTONE I. chartæ quidem nihil, at de iisdem pariter nihil,
- a excepto OTTONE (a), statuit P. HERRGOTTUS. Simpliciter enim *prolem Radebotonis si quæris*, ait, *in Actis Murenfisbus*
- b *integra serie recensitam habes* (b). Quod autem Genealogum Murensem nihilo minus propter omisos hos Principes carp-
- c ferit, rationem alibi reddidimus (c). Atque, his ita se habentibus, nemo non videt, præter veritatem assertum fuisse, laudatos triumphos aliunde non innotescere, quam ex Scriptore Murenfi. Magnum denique discrimen obverfari puto inter nullam de iis notitiam, ac tot inter chartas, quas modo, data opera, allegavimus. Scio equidem, quid hoc loco oblii possit: sed cum Adversario ipsi rem hanc ad partem secundam differre placuerit, eidem merito lubentes obsecundabimus, loco visuri suo, quid opponat.

Hinc Genealogus deficit, non P. H. pag. 134.

V. Hic vero non possumus non advertere, immerito carpi P. HERRGOTTUM ab Adversario, hunc in modum fante: „ Revolvamus, quæ P. HERRGOTTUS superiori §. XIII. „ Scriptori Murenfi obiecerat: *in secunda progenie*, inquit, „ bat, præter WERNHERUM Comitem, & RICHENZAM neminem adponit genealogiæ Scriptor Murenfis; quum tamen „ OTTO I. & ADELBERTUS I. a RADEBOTONE ex ITA pariter „ descenderint, ut docebimus lib. II. &c. Qua porro auctoritate suffultus, Genealogum Murensem imputat omiffionis hic convicerit, atque docuerit illam OTTONIS I. & „ ADELBERTI I. a RADEBOTONE & ITA descendentiam, ibidem ex ipfomet didicimus, candide demum affirmante, „ illam non aliunde a se hautam, quam ex Actis Murenfisbus. Culpavit P. HERRGOTTUS Genealogum Murensem, verum est, aut potius monuit Lectorem, ab eodem ADELBERTUM & OTTONEM omiffos esse; illosque deinde, ut supra vidimus,

(a) Vid. lib. II. cap. II. §. III. ubi tamen & aliam eius rei causam allegar.

(b) Ibid. cap. VII. §. V.

(c) Hic supra cap. XIV. num. II. pag. 125, & cap. XV. num. II. pag. 143.

mus, restituit; non, quod bene notandum, ex Genealogo, sed ex Actuário ipso, quos Auctores toto cœlo diversos esse, in præcedentibus abunde ostendimus. Sive autem duo, sive unus Auctor fuerit (nam isthoc secundum systema tam P. HERRGOTTI, quam Adversarii, largiendum est) ab eo certe non omittendi erant, qui Genealogiam Habsburgicam prævie exponere in se recepit. Quare iure, meritoque auctor ex auctore emendari potuit, haud secus, ac si quis hodie historiam Augustæ Gentis Habsburgicæ, aut aliud quid, ubi frequens de iisdem Principibus mentio fieret, scripturus, operi suo tabulam genealogicam præfigens, plurimos, non dico filios, filiasque, secundo & tertio, aut remotiori adhuc loco genitos, sed & ipsum quoque apicem (quod quidem Genealogus isti in RADEBOTONE contigit) omitteret, negligeretque, quos tamen in subsequenti opere data occasione, atque exigente ipsa serie genealogica, larga manu proderet. Recte enim de tali diceretur: aut eum tabulæ præfixæ non esse Auctorem (id quod nos alibi ostendimus, quodque a veritate proxime abest) aut eam oscitanter, negligeretque, nullaque cum cura factam, adeoque nec magni faciendam. Ut igitur Adversarii argumentum procederet, demonstrandum esset, prædictos Comites a Genealogo præternissos, ex ipso Genealogo restitutos fuisse, secus cum id factum sit ex Actuário, seu CONRADO de S. BLASIO.

VI. Ceterum non multum moramur hic Adversarium, dum in calce huius capitis, non sine sibilo, præterire se non posse ait, quod P. HERRGOTTUS de coniuge quoque huius nostri RUDOLFI loquens, atque altum de ea chartas & diplomata filere animadvertens, dicat: *Unicus, quantum scio, Scriptor Actorum Murensium asseverat, eam fuisse Agnesam filiam Gottfridi de Stoufen, quod est inter Wormatiam & Spiream* (a). Hic enim, nescio, quo de iure, vehementissimis, ne quid aliud dicam, verbis subiungit: *Unicus, quem cana fides commendat, sufficiat: sine hoc Unico sæpe nullus Clar. noster Genealogus Diplomaticus; cui tamen neque Unicus semper nullus.* Ergone viri docti, deque Augustissima Gente Habs-

Quem
proinde in
genealo-
gia Habs-
burgica
Unicum,
pag. 134.

a
pag. 135.

Z 3

bur-

(a) Loc. cit. cap. II. §. VI, p. 134.

burgica, ne dicam tota Germania (de quo tamen litteræ virorum eruditorum, quæ in manibus sunt, testantur) bene meriti, adeo indigne habendi, atque fere ludendi sunt? Verum tacere præstat, quam loqui. Iudicent ea de re Senatores Reipubl. litterariæ. Id unum memorare iuvat: Primum & ante omnia probandum fuisse, ubinam & quibus in locis *Genealogus Diplomaticus nullus sit*, & tum dici potuisset: *sine hoc unico* &c. quod cum demonstratum non fuerit, nihil præter inania verba nos audiisse, pace Adversarii dixerim. Denique suis locis ostendimus, quanti pretii sint P. HERRGOTTI diplomata, quantumque iis *unicus* ille, idemque *mendosissimus* Genealogus Murenfis debeat. Grandis fiducia! grandis & gloria! habere Scriptorem, aut si mavis Scriptores (nam duos Genealogiæ præfixæ operas suas accommodasse contenditur ab aliis) sex & viginti linearum, illumque adeo intricatum, mancum & obscurum, ut alibi deferendus sit omnino, supplendus alibi, alibi denique, dum intelligatur, vel ipsis Grammatices legibus (ut hæc singula passim demonstravimus) vis inferenda. Valeat ergo hic UNICUS.

Aut ei sine
chartis fi-
dendum
esse, meri-
to nega-
mus.

VII. Eiusdem commatis est alia Adversarii commentatio, quam in sequentia P. HERRGOTTI verba procudit:

„Quantumvis enim huius Scriptoris fidem & auctoritatem,
„qua antiquiora facta, nec non rationem temporum respicit,
„nonnihil labefactam censuimus, in hisce tamen aliquid va-
„lere non dubitamus; hic quippe res agitur, quæ sub vel
„post initium seculi XIII. contigit, Auctorque memoratus
„adulto eodem seculo floruit, quo pacto pro Scriptore sup-
„pari, aut proxime cœvo haberi poterit. „Brevia quidem
sunt, quæ in hæc commentatur Adversarius, sed illud tamen
UNICUM quartum repetit: *Valet*, inquit, *hic ergo Clar. Patri*
unicus sultem aliquid, mox vero minus, in sequenti nempe
progenie. Vult igitur haud obscure, P. HERRGOTTUM non
satis sibi constare; ut qui in hac progenie, quantum ad AG-
NESAM, filiam GOTTFRIDI de *Stouffen*, aliquid tribuerit,
mox tamen in sequenti progenie eidem tria admodum expro-
rans, nullo fere habeat loco; cum tamen, si prior ratio,
quod nempe suppar, aut fere cœvus fuerit, aliquid valuerit,
mul-

multo magis in posteriori generatione locum habere debeat. Sed ingens obversatur discrimen. In sequentibus enim fidei Scriptoris nihil prorsus detrahatur, culpatur duntaxat, eundem ea in progenie mancum & incompletum esse, quam tamen maxime optimeque scire poterat, uti mox videbimus. Secus se res habet in progenie præsentī, ubi Genealogo ut cœvo aut suppari fides haberi debet: cum contra in sequenti progenie non de fide, sed de eodem ex Instrumentis supplendo agitur.

CAPUT XXI.

Expenditur octava & ultima Genealogi Murensis progenies.

I. **U**ltima Genealogi Murensis progenies sic se habet: *Albertus per Heilwigam, filiam Volrici Comitis de Chiburg, genuit Albertum, Hartmannum. Sed Rudolfus, frater dicti Alberti, per filiam Luitoldi de Regensperg genuit Gotfridum, Wernherum, & alios quamplures.* Genealogi Mur. in ultima progenie defectus haud exigui. Proleg. III. s. XIX. in VIII. progenie. Cl. P. HERRGOTTUS defectus non leves hic detexit. Primo, quod ALBERTO duos tantum filios, ALBERTUM V. & HARTMANNUM assignet; cum tamen ante omnes RUDOLPHUS IV. postea Rom. Rex, nominandus fuisset; qui namque ALBERTI primogenitus erat. Secundo, quod nomina item filiarum ALBERTI, nempe ELISABETHÆ & BERCHTÆ, quæ GUILLIMANUS, alique Genealogi attulerunt, omissa reticentur. Tertio denique *non maiori felicitate prosecutus est alterius RUDOLFI, satoris Kiburgicorum posterorum, progeniem; siquidem præter GOTTFRIDUM solum WERNHERUM memorat, ubi RUDOLFUM, EBERHARDUM, OTTONEM, & HARTMANNUM eadem serie addere debuisset.*

II. Videamus, quid ad hæc Adversarius. Totidem is Ad quos palliandos PEIRESKII coniecturas occurrit negationibus, adoptansque denuo vanas PEIRESKII coniecturas, a P. HERRGOTTO hoc loco explosas, iisdem novam lucem addere conatur. Excusare nempe nititur PEIRES-ras adop-

KIUS

- rac Adver-
farius. KIUS hanc Genealogi incuriam per hoc ; quod RUDOLPHUS ille , tertius ALBERTI filius , tum , cum scripsit Anonymus , *vel natus nondum fuerat , vel inter huius (Murenfis) ecclesiæ benefactores nondum referri meruerat ; aut saltem monachis nondum innotuerat* (a). Has PEIRESKII hariolationes cum fufius attuliffet Adversarius , sic demum concludit : *Quamobrem paullo ante annum 1240. (priusquam videlicet RUDOLPHUS passim effet celebratus. NB. quæ uncinis includuntur , addidit Adversarius) adscriptum fuisse huiusmodi stemmatis supplementum , non immerito conicere licebit.* His dictis novam coniecturam addit , quod scilicet Genelogo huic *forasan Rudolphus vel inde etiam minus innotuerit , aut occurrerit memoriæ , quia testante FUGGERO , aliisque , aulam FRIDERICI Imp. a puero secutus fuerit.* Hucusque Adversarius.
- a
pag. 138.
pag. 139.

Quæ,quam
inanes
sint,often-
ditur:

III. Ferenda quidem esset hæc *Peireskiana* apologia , si Adversarius causam , ob quam eiusdem augurationes acceptari non posse dixerat P. HERRGOTTUS , amovere quivisset : iam vero cum id minime factum sit , nescio , quo pacto etiam hic loci se se tueri queat. Ratio autem quam attulit P. HERRGOTTUS , eo redit : quod RUDOLPHUS IV. ALBERTO IV. primo loco genitus sit ; *cum econtra RUDOLFUS ex HEILWIGE inquit , seu HEDWIGE Kiburgensi primogenitus ALBERTI fuerit , ut innumera collectionis nostræ monumenta testantur.* Hinc ergo aperte consequitur , futes omnino esse PEIRESKII divinationes. Neque enim nondum natus esse poterat , cuius fratres post ipsum nati memorantur ! neque etiam ideo prætermisus est , quod inter Ecclesiæ Murenfis benefactores nondum connumerari potuerit ; nam fratres eius natu minores , eo ipso , quod minores fuerint , Ecclesiæ Murenfi multo minus benefacere poterant. Est etiam plane ineptum dicere , aliquem in genealogica integræ Augustæ Gentis ideo omisum fuisse ; quia tum temporis Auctori eiusdem , aut communitati , in qua Auctor ille degebat , nullum adhuc beneficium præstiterit ? Anne ergo omnes Illustres illæ personæ , quæ in sepius dicta schedula , vel tabula genealogica recensentur , monasterium Murense benefacto aliquo affecerunt ? aut num de fratri-

(a) In fine præfat. Actis Murenf. præfixæ.

fratribus minoribus constat, eos in prima sua iuventute, atque ante fratrem RUDOLPHUM, in laudatum monasterium fuisse benignos? Aut num denique Scriptor ille mercenarius fuit, ut eorum solum memoriam conservare vellet, qui sibi, suoque monasterio benefecissent? Sinus, obsecro, in Scriptores antiquos nonnihil æquiores. Neque demum tertio valet coniectura, RUDOLPHUM tum nondum monachis innotuisse; si enim natu minores innotuerunt, cur non & primogenitus?

IV. Eiusdem fere valoris est, quod Adversarius quarto loco addidit: RUDOLPHUM quidem tempore Genealogi finientis natum iam fuisse, sed quod stemma illud porro prosequendum non esset, *non admodum attendisse præsentium surnulorum seriem & numerum.* Sed hoc idem est, quod eidem exprobramus, cum scilicet negligenter, oscitanterque scripserit. Nonne enim, si sapuisset, ante omnia primogenitus recensendus fuisset? Quis enim, genealogiam scribens, aliquos, & tales quidem, iure merito præterire potest? Sed addit ulterius: RUDOLPHUM Genealogo Murenli forte ideo non innotuisse, quia testante FUGGERO, aliisque: *aulam FRIDERICI Imp. a puero secutus fuerit.* Hoc enim sicut & prius effugium, Genealogum tantum abest, ut excuset, ut cum grandis etiam peccati reum agat. Si enim nescivit, quid suo tempore geratur, si Princeps hereditarius eius gentis, cuius genealogiam se daturum sponderat, eidem ignotus erat: quomodo rescire poterat, quæ longissimo ante se tempore gesta sunt? Sane hoc rationem præbet iustissimam, talem Scriptorem, ut testem rei tantæ, quanta est genealogiam Habsburgicam texere, non admittendi, nisi prævio examine, & in quantum antiquis monumentis, chartis puta atque diplomatibus, aut stabiliatur, firmaturque, aut illa saltem non contradicunt, id quod idipsum est, quo de hucusque disputavimus, & in quo omnis rei versatur cardo. Porro hoc vel solum ac unicum argumentum mihi tanti videtur, ut si cetera omnia abessent, si progenies illæ a prima ad ultimam, omnes recte haberent, eo tamen solo titulo; quod in rebus sui temporis accuratus haud sit, adeoque vel oscitanter, vel imperite scripserit, necesse sit cordatis Genealogis, ut eundem sub severius examen

Sicut &
novæ, ab
Adversa-
rio additæ.
pag. 139.

revocent, nec ulla in re temere fidant, nisi ubi prius suffragium monumentorum, Auctorumve idoneorum, aut ceterarum saltem rerum circumstantium viderint. Et talis quidem est Genealogus Murenfis.

Rifus, Ad-
versario
obortus.

ibid.

pag. 140.

Tempera-
tur.

a

V. Iam subridet Adversarius ad alterum P. HERRGOTTI, quod pro eadem re hic immiscuit; quæ res ut ne etiam in cachinnos erumpat, mihi quidem integra referenda est: „Ceterum, ait Adversarius, hunc ipsum RUDOLPHUM inter benefactores ecclesiæ omni iure connumerari meritum, sed post ævum Scriptoris nostri, agnoscimus, SUBRIDERE HIC COACTI ad quæstionem illam admirantis (nempe P. HERRGOTTI, cuius hic verba sequuntur): cum RUDOLPHUS ex HEILWIGA Kiburgensi primogenitus ALBERTI fuerit, huius vero HEDWIGIS filium RUDOLPHUM ignorarint Murenfes monachi? qui istius matris piissimæ corpus in proprio monasterio sepulturæ tradiderunt, eiusque memoriam posteris hac inscriptione commendarunt: HEDWIG COMITISSA DE HABS-BURG NATA DE KYBURG, RUDOLPHI PRIMI REGIS ROM. MATER. Huius porro eiusdemque filii RUDOLPHI obitum in necrologio suo quam diligentissime adnotarunt, ac diem quoque emortualem HEDWIGIS. „ Quorsum ista? subinfert Adversarius. „ An, amabo! anterioribus, dudumque prædefunctis monachis ex subsequa matris sepultura filius innotescere debebat? An etiam ideo illi ignorare poterant nomen RUDOLPHI, quod hoc a posteris in tabulas mortuales relatum sit, ad annum MCCXCI. sub charactere quidem benefactoris nostri? „ & reliqua, ibidem longius diducta.

VI. Nos vero memores S. Script. Eccle. II. 2. his rebus haudquaquam subridere solemus. Quin optaremus potius, eiusmodi verbum Adversario non excidisse, quemadmodum & reliqua, hoc loco proposita. Advertisset utinam! P. HERRGOTTUM convenienter ad suam hypothesin locutum fuisse, qua scilicet statuit, quod nos alibi invicte, ut puto, demonstravimus (a), genealogiam istam vertente seculo XIII. & compositam & descriptam fuisse. Observasset & hoc: usum

(a) Supra cap. XI.

usum papyri primum seculo XIII. aut XIV. invaluisse, scripturamque vel ex ipsius Adversarii confessione eodem seculo non esse superiorem (a). Hoc, inquam, si attendere, vel nisi dissimulare voluisset Adversarius, nihil, credo, simile hic scripsisset. Quid enim in hac P. HERRGOTTI rationatione risu, vel sibilo dignum? Nota erat ætate Auctoris HEDWIGIS, mater RUDOLPHI: ergo & filius eius? Item: HEDWIGIS anno MCCLX. apud Murense sepulta fuit: ergo iis non potuit non esse notissima? Quandoquidem codex, adeoque & genealogia, primum post eam ætatem condita fuit; cum scriptus sit in papyro usuali, qualis ante eandem ætatem, immo multo post, non habebatur. Quæ res cum ita sit, non possum non omnes illos, quibus forte prædictum P. HERRGOTTI argumentum hactenus cum Adversario ridiculum videbatur, illo Horatiano compellare, atque dehortari:

Speculatam admitti, risum teneatis amici.

VII. Alterum Genealogi Murense defectum ex mente P. HERRGOTTI diximus, quod nomina ELISABETHÆ & BERCHTÆ, filiarum ALBERTI, omiserit; quas tamen GUILLIMANNUS, alique recensent. Mirum hoc Adversario videtur, quod nunc ex fide Scriptorum has filias Genealogomemoras vellet; cum tamen §. proxime antecedenti eidem Genealogo, quæ de filiabus RUDOLPHI senioris refert, modicam, aut nullam prope fidem adhibeat; eam sufficiente auctoritate destitutam existimans, atque adeo Auctoribus, qui de filiabus RUDOLPHI egerunt, quos inter & ipse GUILLIMANNUS est, sententiam suam probandam relinquat. Quare concludit: *Tantum defertur recentioribus, ubi de labefactanda integritate Auctoris antiquissimi agitur.* Verum mirari desinet, si mentem P. HERRGOTTI penitus inspexerit, nec non & vim atque virtutem argumentorum eius. Notum est, prolegomeno huic tertio etiam occasionem dedisse GUILLIMANNUM; quod hunc Genealogum ab omni errore immunem esse, aliquando crediderit (b). Idem dicendum de aliis Auctoribus, Genealogi huius patronis. Ostendendum itaque illis erat,

Alter Ge-
nealogi
defectus
confirma-
tur.
pag. 140.

pag. 141.

b

A a 2

cum

(a) Repet. dicta cap. V. & VI.

(b) Vid. cap. notitium II. p. 1. seqq.

eum nec accurate scripsisse, nec emendate. Omiserit ergo quosdam, præfatis Auctoribus, qui omissos amplectuntur, ante oculos ponitur, eundem in hac parte esse mancum, & incompletum; adiecerit quosdam, aliunde non cognitos, iisdem probandum relinquitur: eos a Scriptore mendoso, immo, ut eundem Rev. CALMETUS appellat, *mendosissimo*, iure meritoque inter Principes Habsburgicos esse connumeratos. Hinc quidquid agant, in eadem semper cum Genealogo Murenfi damnatione sint, necesse est. Hanc porro sinceram atque genuinam P. HERRGOTTI sententiam fuisse, nec ei unquam in mentem venisse, ut secundum GUILLIMANNI placitum ELISABETHAM & BERCHTAM Principum Habsburgicorum albo necessario adscribendas putaret, patet ex ipsius verbis, alio loco prolatis (a): *De filiabus ALBERTI (inquit) cum in Genealogia Murenfi, tum in nostris monumentis altum servatur silentium.*

b GUILLIMANNUS (b) tamen eidem duas assignat filias, ELISABETHAM & BERCHTAM, quarum altera iuncta fuerit matrimonio FRIDERICO Comiti Zollerano, altera primis nuptiis tradita EMERICO Comiti Strasbergenfi, secundis vero OTHONI Ochsensteinio, ut supra ex VIGNERIO audivimus. Sed hæc ut ut sint, cum argumentis solidis non probaverint laudati Scriptores, nos aliorum iudicio dispicienda in medio relinquimus. Hæc P. HERRGOTTUS satis perspicue, quæ ab Adversario, utpote Genealogiam Diplomaticam, ut alibi monuimus, tam diligenter evolventi, versantique, apprimè cognita, nec dissimulanda, nec prætereunda fuerant.

Tertius
quoque
brevis
expeditus.

VIII. Tertium defectum, a primo haud abludentem, ex responsione ad primum diluendum esse reponit Adversarius; quia ergo eidem responsioni nihil firmamenti inesse vidimus, satis liquet, quid de eo censendum.

Alia Genealogi omissio.

IX. Denique P. HERRGOTTUS segmentum isthoc ita concludit: *Sed valeat hic stilus Auctoris laconicus, quo, forte ob chartæ angustiam, per subiectam hanc formulam: ET ALIOS QUAM PLURES (sic enim Genealogus Murenfis tabulam suam finit)*

(a) Lib. II. cap. I. §. XI. p. 129.

(b) Habsb. VI. m. p. 272.

finit) omnium optime & brevissime sese in rebus genealogicis expedit, & stemmati suo finem imponit. Assumit Adversarius hanc clausiunculam, eandem, nescio num recte, epiphonema vocans, pro se, remque acu tactam fuisse ideo existimat; quod Scriptor *RUDOLPHUM Habsburgo-Lauffenburgicum* numerosa quidem fobole auctum non nescierit: eam tamen, quod ætate adhuc minor fuerit, integram exhibere nec voluerit, nec debuerit, causam interferens; quod deficiente etiam hic ulteriori propagine, schema genealogicum non liceret provehere. Verum nobis eadem semper redit responsio. Qui tantorum Principum genealogias texere promisit, lectorique verbis adeo patheticis: *Ista est genealogia nostrorum Principum*, salivam movit, ab hoc, quæso, quid expectes, nisi stemma integrum atque perfectum, maxime sui temporis? Quævis enim hic omisio, quævis negligentia culpanda est. Fidem porro qui dedit, fidem exsolvat, oportet. Et quid demum causæ est, ut nominentur illi, illi reticeantur? quod ulterior propago defecerit, inquis? at id etiam de GOTTFRIDO & WERNHERO dicendum foret. Id porro extra dubium manet, fratres eorum, *RUDOLPHUM, OTTONEM, & EBERHARDUM* tum iam iam vixisse, quorum namque pater *RUDOLPHUS Taciturnus* iam tum anno 1249. e vivis excefferat. Non ergo video, quo pacto omitti potuerint.

X. Quod hic Adversarius de digniori mendoso Genealogo valedictione facienda, coronandoque puteo subiungit, dicens: *Quare dignius hic Anonymo VALE dicere, aliaque ratione puteum coronare oportebat eum, qui aquas hinc copiosas; qui tot, inquam, notitias genealogicas, fonte diplomatico sæpius obstruendo, ex charta Murensi, ut ut ANGUSTA, hauserat.* Hæc, inquam, nos quidem haud moramur, id duntaxat nobiscum reputantes, fontem non coronandum nisi purum, atque limpidum, qualem cum nequaquam exhibuerit Genealogus iste, quin potius turbidum, eundem cum P. HERRGOTTO denuo valere iubemus; nam REFERT, QUO FONTE BIBATUR.

Puteum
num coro-
nandus?
Ibid.

CAPUT XXII.

De ratione scribendi, tam ab Actuario Murenfi, seu CONRADO de S. BLASIO, quam ab Abbate Tschudio observata.

Institutum. I. **U**Na fidelia duos hic iterum dealbare parietes, in animo est, duobus nempe capitibus Adversarii unum opponendo, quorum alterum id est XX., sic inscribitur: *Explanatur scribendi ratio in Actis Murensibus observata*, alterum, seu sequens: *De genealogia Habsburgica, a Dominico Tschudio Abbate Murenfi concinnata*. Ubi enim materia, id est copiosa, atque varia Adversarii censura, non suppetit, uti revera in hisce duobus capitibus moderata est, ibi multis agere nec consultum, nec volupe est; maxime cum nobis haudquaquam constitutum sit, libellum hunc rebus non necessarius infarcire.

Elogium
Actuario
Mur. a P.
H. tribu-
rum.
Proleg. III.
§. XX.

II. Quod igitur ad prius illud caput Adversarii, id est ordine vicefimum, attinet, occupatur illud circa scribendi rationem Actuarii Murenfis, seu CONRADI de S. BLASIO. Recensuit nempe P. HERRGOTTUS, licet strictim duntaxat, hæc Acta, atque tale fere de illis iudicium tulit: „Auctor imprimis laudandus, & vel hinc magni faciendus, quod non solum ad vetera instrumenta provocet, ut patet sub finem pag. V. per illa verba: *Quod autem alia scriptura narrat* &c. Item pag. LI. *Quantam substantiam in illo vico possideamus, breviculus pandit*. Loquitur nonnunquam, quasi ex visu, vel auditu rem, quam narrat, percepisset; sic paullo post initium: *Sicut Eppe de Stegen, pater Franco- nis, qui interfuit nuntiavit*. De REGINBOLDO monacho loquens, inquit: *Qui nuper antea illuc a Solodoro castro ad conversionem venerat*. De WERNHARIO: *Qui autem affirmant, quod Episcopus Wernbarius construxerit Ecclesiam, penitus falluntur; quia nullus inventus est, qui dixerit, se illum in hoc loco unquam vidisse*. Paullo post: *Quorum pra-*

„ *prædiorum summam hic describimus, quantum adhuc posterorum solertia meminit, vel quantum in scripturis habetur, aut quæ Ebbo eius Comitis clericus manifestavit. Item: similiter & Anselmus Naucerus de Pirolophon dixit, quod ipse censum iam per multos annos huc de sua præstatione tradiderit. Denique sub finem scriptionis suæ: Nunc ergo si- cut nos substantiam istius sanctæ ecclesiæ &c. ut sæpe audivimus.* „ Hæc P. HERRGOTTUS loco citato: breviter autem subiungit; ea, quæ Auctor de EBBONE refert, non ita capienda esse, ac si eidem synchronus fuisset, *cum ipse fortassis Ebbo, vel alius aliqua litteris mandaverit, ad quæ Auctor Actorum provocat.*

III. Duo hic in P. HERRGOTTI de Actuaria iudicium animadvertenda sibi sumit Adversarius. Primum, quod illum imprimis laudandum, magnique faciendum dixerit, eo quod ad vetera documenta provocare soleat. Deinde, quod nonnunquam ita loquatur, quasi rem visu & auditu percepisset. At de efficacia laudis huius merito dubitandum putat idem Adversarius; quippe cui vituperium præponderet. Verum Actuarium Murensem a P. HERRGOTTO vere & ex animo hic laudatum fuisse, facile concedet, qui illum auctoritate eiusdem toto fere libro II. plurimum tribuisse, attendere velit; quod nos quidem aperte videbimus, cum ad partem Adversarii secundam ventum fuerit. Potest & nunc de sincera eiusmodi laude adhuc minus ambigi, non quod San-Blasianum fuisse modo liqueat (veritas enim gloriæ ubique præferenda est) sed cum primis, quod, ostenso, Genealogum ab Actuaria diversum esse, huic iam pauci (cum fere omnes in solo Genealogico reperiantur) adscribendi veniant errores. Est etiam ideo magni faciendus, quod centum & amplius annis præ illo anterior sit. Hoc etli nondum observasset P. HERRGOTTUS, sicut & nemo alius, atque unacum Adversario tam genealogiam præfixam (saltem ex magna parte) quam subsequenter Acta, ab uno eodemque profluxisse auctore existimarit: videmus tamen eidem scite admodum suboluisse, quantum alter ab altero distet; ut qui uni, quavis data occasione, derogans, alteri non potest non ubique fere consentire; tantum abest, ut

Quod sincerum esse ostenditur.

pag. 146.

cun-

eundem, nisi ibi tantum, ubi manifesto contra fidem historicam cespitavit, multis lacescere, aut reliqua etiam, quæ ad res Habsburgicas non pertinent, labefactare in animo habuerit. Hinc etiam probe animadvertendum est, totum, quod hic paullo superius Anonymo texuit elogium, ad Genealogum Murensem minime attinere, bene vero ad Actuarium; quippe unde solum exempla, ibidem producta, petiit.

Nec dici potest: ipsas origines Murenenses in dubium vocatas. pag. 147.

IV. Talis ergo cum sit Actuarium, id est, CONRADUS noster, P. HERRGOTTO vix non aliqua sit iniuria, cum eidem fidem ita denegatam esse, contendit Adversarius, ut quæ de Murenensis monasterii originibus memoriæ prodidit, pariter labefactata fuisse dicantur per hæc verba: „ Verum his omnibus non attentis P. HERRGOTTUS primo iam Prolegomeni huius *paragrapho* in dubium vocavit, quæ Anonymus noster non tantum de *Genealogia Habsburgica*, verum etiam de *Murenfis monasterii originibus memoriæ prodidit*. Quin superiori capite XVIII. ex propria eius confessione audivimus, *labefactatam a se esse huius Scriptoris fidem & auctoritatem, qua antiquiora facta respicit.* „ Non hæc, inquam, iure dici potuisse videntur. Tam parum enim verum est, ut, quæ de Murenensis monasterii originibus, aut etiam de genealogia Habsburgica ipsa scripsit CHUNO, seu CONRADUS noster, a P. HERRGOTTO in dubium vocata fuerint, ut eius retulisse verba, Adversarium confutasse sit. Is, inquit citato §., *quum primum publicam lucem aspexit, tantam sibi ubique auctoritatem conciliaverat, ut illa omnia, quæ de genealogia Habsburgica, deque Murenensis monasterii originibus memoriæ prodidit, fide propemodum divina a viris etiam cordatioribus crederentur.* Num hoc de fide eius dubitare est, cum, quanti apud ceteros valeat, historice refertur? Sed demus, credulitatem quorundam hic obiurgari; id certe omni inre fieri credimus; nullam libris quibuscunque *fidem divinam* tribuentes, nisi quos perpetua traditione ecclesiæ ab Auctoribus *Theopneustis* conscriptos fuisse tenemus. Num illi fides omnis subtrahitur, cui negatur duntaxat *Divina*? Præter veritatem quoque adstruitur, ipsum P. HERRGOTTUM fateri, *labefactatam a se esse huius Scriptoris fidem & auctoritatem, qua anti-*

antiquiora facta respicit, cum hæc Genealogum duntaxat attingant; subiungit enim P. HERRGOTTUS: *Hic quippe res agitur, quæ sub vel post initium seculi XIII. contigit, auctorque memoratus adulto eodem seculo floruit*: hunc autem alium esse ab Actuário, ipse Adversarius non fatetur solum, sed & omni nisu contendit. Quod si urgeat: P. HERRGOTTUM ea fuisse in persuasione, ut totum codicem ab uno eodemque profluxisse auctore, existimaret, responsio in promptu est: id minime persuasum esse Adversario, hincque nihil horum ab eo obiici potuisse. Denique fidem tam Genealogi Murenensis, quam & Actuarii in aliquibus vacillare, post tot testimonia, testesque, quis negabit? Genealogi quidem sphalmata satis superque ex dictis nota esse existimo, Actuarii vero, seu CONRADI de S. BLASIO, pauciora quidem, at æque suspicienda, partim iam prodidimus, partim paullo inferius expendimus: non ergo video, cur hæc, a P. HERRGOTTO prolata, indigne adeo ferantur; cum, quod pronuntiavit, reipsa veritati congruat: at vero origines Murenenses in dubium trahere, hoc quidem est, quod eidem nunquam venit in mentem; utpote qui eam hac super re clare aperuit, quando prolegomenon suum tertium, ubi, quæ ex dictis rite deduci queant, velut sub unum aspectum reducit, ita concludit: *Dicamus igitur: Scriptorem Actorum Murensum gravem esse, quin & gravissimum IN REBUS DOMESTICIS ET SUI TEMPORIS*. Reliquo hoc capite illustrandis nonnullis Actuarii locis operam dat Adversarius, quod cum recte fiat, nihilque, quod controversum sit, contineat, nihil etiam ad nos.

V. Alterum, seu primum & vicesimum caput circa genealogiam Habsburgicam, a Reverendissimo olim *Dominico Tschudio*, Abbate Murenfi, concinnatam, occupatur. Quam in re Adversarius hæc solummodo P. HERRGOTTI verba impugnat, dicentis: *Primam progeniem (Abbas Tschudius) non quidem ex schemate genealogico, Aëtis Murenfis præfixo, quod hac in parte mancum est, sed ex contextu Actorum desumpsit*. Ad hoc enim, ac si res momentum traheret, exclamatione utens, hunc in modum reponit Adversarius: „ Quæ, amabo! tabula genealogica, nisi ab ipso protoparen-

Exquiri-
tur, quo
pacto Ge-
nealogo,

pag. 152.

B b

„ te

„ te retro deducta, non manca? Certum stemmatis apicem,
 „ a quo ordiretur, sibi Genealogus Murensis præfixerat: al-
 „ tius equidem si poterat ascendere, sed nolebat, satius ra-
 „ tus, *genealogiam nostrorum Principum, Fundatorum, Ad-*
 „ *vocatorum* ab ITA, auctrice foundationis primaria, auspiciari.
 Scivit sine dubio P. MARQUARDUS omnem genealogiam ho-
 minum iam ab origine adeo esse secundam, ut omnis ab A-
 DAMO usque (siquidem humana memoria eo pertingeret) de-
 duci posset: sed æque scivit, non ita esse cum genealogia Prin-
 cipum, qua Principum. S. MATHÆUS (liceat mihi rem exem-
 plo, pluribus cognito, ut ut ex S. Scriptura desumpto, uti)
 probe noverat, CHRISTUM Dominum sibi eandem humanam
 naturam circumdedisse, quam ADAMO dederat, nec tamen stem-
 ma ab eo, cum haud dubie posset, deduxit. Quare? quia
 stirpem eius regiam ostensurus erat. Hinc neque stemma eius
 a NOEMO orditur, sed ab ABRAHAMO, primo stirpis regie ap-
 pice, primoque, qui acceptis a Deo promissionibus nobilita-
 tem, ut sic dicam, indeptus est. Cum ergo priores duas,
 aut si mavis, tres generationes præ oculis habuerit Murensis
 Genealogus, æquum fuerat; ut ab iisdem tabulam suam or-
 diretur, ac saltem a KANCELINO, quem primum eas terras
 occupasse ex Actuario discere poterat. Nec valet dicere: Sa-
 tius esse ratum, ut eam ab ITA, auctrice foundationis primaria,
 auspicaretur; nam primo ut talem ipse non agnovit; cum *repa-*
ratricem dicat: deinde non minus monasterio contulit RA-
 DEBOTO; bona quippe & latifundia, uxori, in dotem data, lar-
 giens: & hunc tamen omisit. Postremo miror, quo iure ITA
certus stemmatis, & quidem HABSBURGICI, apex, ab Adver-
 sario dici queat; ut quæ ex ipsius Genealogi mente, Ducis
Lotharingie THEODORICI soror erat. Si Lotharingica, quo-
 modo apex Habsburgicus? Et quis unquam genealogiæ cu-
 iusdam apicem foeminam constituit?

Nec non
 GUILLI-
 MANNO u-
 sus sit Ab-
 bas DOMI-
 NICUS.

VI. Levioris momenti est, quod P. HERRGOTTO ob
 hæc verba obiicitur: *Non possum tamen hic non commoneface-*
re Lectorem, a DOMINICO Abbate GUILLIMANNUM acriter va-
pulare, quod is (etsi originem in Archivo monasterii nostri
Murensis olim deprehenderet; genealogiam tamen tam infelici-
ter

ter contexuit, ut Habsburgenses Comites stirpitus de terra sustulerit, bodieque nihil eorum supersit, nisi nominis memoria &c.) Neque tamen GUILLIMANNUS a DOMINICO adeo suggillatur, quin hic eiusdem auctoritate in rebus, quæ ipsi arridebant, non semel usus sit. Denuo nimirum hic exclamat Adversarius: „Ubinam locorum, quæso, ad texendam genealogiam usus auctoritate GUILLIMANNI? ne semel quidem, nisi quoad accidentarias quasdam circumstantias, aliunde etiam sibi notas. „Hoc equidem mihi tanti non videtur, ut data opera utrumque Scriptorem percurram. Fidem adhibeo plenissimam Adversario, Abbatem TSCHUDIUM GUILLIMANNI laboribus AD TEXENDAM GENEALOGIAM usum haud fuisse, sed neque etiam P. HERRGOTTUS id unquam dixit. Repetatur, obsecro, eiusdem verba, mox recitata, in quibus altissimum de *texenda genealogia* silentium: *in rebus*, inquit, *quæ ipsi arridebant*. Quæso, ne plus inferatur, quam contineatur in præmissis. Quod si vero eadem nonnunquam usus esset, quid tum? Nunquid non sæpe etiam est olitor valde opportuna locutus? Qua tamen similitudine nolim GUILLIMANNUM, Auctorem adeo doctum, adeo gravem, olitori comparare, id est ad ultimum Scriptorum gradum referre, ut qui cum præterea haud indignum censeam, quo & Abbas TSCHUDIUS, alique, usi fuerint. Miror etiam, quod Adversarius dicat, id non nisi quoad ad accidentarias quasdam circumstantias, aliunde NB. sibi notas, contigisse: perinde ac si Abbas TSCHUDIUS (cuius tamen manibus non nisi bene precor) talis fuisset, quem auctores reliqui, & præsertim GUILLIMANNUS iuvare nullibi potuissent, nisi in rebus aliunde etiam sibi notis. Hæc sane felicitas a pluribus aliis, ut nemo cordatus non ingenuè fatebitur, abest. Quis est, qui non & per alios profecerit?

Pag. 153.

VII. „Denique Abbatem DOMINICUM a culpa haud immunem fore, ait, si labefactare voluisset fidem GUILLIMANNI circa idem, ad quod probandum eius auctoritate ipse uti debebat, adeoque nec exemplum præbuisse P. HERRGOTTO, cum alias hic ipse asseverare non posset, quod laudatus modo Abbas DOMINICUS in scriptione sua totus in eo occupetur, ut ex solis monumentis Muren-

Idem Eruditorum desiderio non omnino fatiscit. ibid. seqq.

B b 2

bus

„bus originem & genealogiam Habsburgensium Comitum demonstraret. „ Non obscure hic innuit Adversarius, Genealogum Murensem aut nunquam carpendum fuisse, aut nunquam sequendum. Exotica sane petitio! cui, ut iam dixi, vel ipse Adversarius nihil admodum, si ipse rogaretur, deferret. Ergone ob unum alterumve errorem, feliciter etiam detectum, integer Auctor amandandus, aut VULCANO etiam tradendus est? Nova artis criticæ regula! quam si sequaris, infinitis prope rei litterariæ subsidiis carere debebis. Quid fabulosius libris Talmudicis? & ex iis tamen nonnunquam veritates eruere student Eruditi (a). Sed de hoc iam satis superque cap. nostro I. ubi nova hæc regula, ipsius Adversarii exemplo, sufflaminata fuit. Quod ad Abbatem TSCHUDIUM attinet, verum quidem est, eum ex folis monumentis domesticis (quorum tamen magnam partem San-Blasianis deberi, constat iam ex capite nostro XII.) genealogiam Habsburgicam ostendere conatum, at quo successu, aliis diiudicandum relinquo. Eruditus saltem nondum satisfactus fuisse, probant aliorum post eum, præsertim Clar. ECCARDI & HERRGOTTI labores, ex quibus ultimum præ ceteris, ringentibus licet æmulis, palmam tulisse probat, præter Eruditorum testimonia, effatum omni exceptione maius, oraculum nempe Gloriosissimæ memoriæ CAROLI VI., in fronte operis legendum. Magna etiam fiducia, libellum decem plagularum cum ingentibus ECCARDI & HERRGOTTI voluminibus comparare. Et quid demum? Abbas TSCHUDIUS decem admodum generationes recenset, ex quibus tres priores ex solo CONRADO de S. BLASIO didicit, ultimam, id est, RUDOLPHUM IV. aliunde accersivit. Abbas, inquam, TSCHUDIUS, decem generationes exputavit, HERRGOTTUS ad ETHICONEM usque ascendendo, octo & viginti, nihil ut dicam de lineis collateralibus, Laufenburgica, Kiburgica posteriori &c. Taceo etiam innumeras difficultates genealogicas, historicas, diplomaticas, eadem opera enodatas. Facile igitur crediderim, eum intra muros domesticos constituisse, & consistere potuisse, qui longiorem viam aut detrahebatur, aut certe ingredi haud poterat. Est etiam

(a) Vid. V. Cl. *Julii Caroli SCHLAGERI* commentatio de nummo HADRIANI plumbeo &c.

etiam inter Abbatis TSCHUDII & P. HERRGOTTI labores hoc discriminis, quod ille *mendosissimi* Genealogi Murenfis auctoritate subnixus, veritatem quidem utcumque invenerit, bonam stemmatis Habsburgici partem producendo; sed eam Eruditis, ut postea claruit, non admodum probaverit. Quis enim Scriptori adeo mendoso plenam ubique adhibeat fidem? Contra vero P. HERRGOTTUS eidem Genealogo chartis & diplomatibus subveniens, atque adeo secus dicta emendans, depravata restituens, componens luxata, & Viris Eruditis fidem fecerit, & nobilitatem Domus, ob ultimam sui antiquitatem, nulli in tota Europa secundam esse, immo vix non omnibus excellere, demonstraverit.

CAPUT XXIII.

De documentis, a DOMINICO Abbate productis, quidque de iis sentiendum?

I. **C**Oniungimus iterum duo Adversarii capita, XXII. & XXIII. In priori illo agitur de documentis, a Reverendissimo DOMINICO Abbate prolatis, quorum cum numerum init P. HERRGOTTUS, editorem debita laude haudquaquam defraudat dicens: *Sane nonnulla bona nota monumenta Habsburgensia reip. litteraria suppeditavit Abbas DOMINICUS, quorum tamen aliqua iam ab Auctore Actorum relata fuerant* &c. Recenset deinde P. HERRGOTTUS documenta TSCHUDII singillatim, eaque ad sex numero cogit.

Documentorum Abbatis TSCHUDII recensent. Proleg. III. §. XXII.

II. Non equidem improbat hunc recensum Adversarius, sed supplet tantum, tria adhuc addens documenta, a sepe laudato TSCHUDIO cum ceteris exhibita, ut in generatione nona chartam RUDOLPHI, Comitis de Habsburg Senioris. Deinde & cornu venatorium ADELBERTI III. annum MXCXC. præferens, quod dentem elephantinum fuisse, affirmant, qui viderunt, quodque hanc inscriptionem litteris Latinis, non Gothicis, ut Adversarius hic prorsus erronee animadvertit, præfert:

Suppletur ab Adversario. pag. 157.

NOTUM. SIT. OMNIBUS. CORNU. ISTUD. ASPICIENTIBUS. QUOD. COMES. ALBERTUS. ALSATIENSIS. LANTGRAVIUS. DE. HABISBURG. NATUS. SACRIS. RELIQUIIS. CORNU. ISTUD. DITAVIT. HEC. ACTA. SUNT. ANNO. M. C. XC. VIIII. Tandem miratur Adversarius, quo pacto evenerit, ut P. HERRGOTTUS instrumentum aliquod de OTTONE, patre WERNHERI III. agens, omissum dicat a Reverendissimo TSCHUDIO; cum tamen illud in utraque editione, in prima nempe pag. 84. in altera pag. 93. producatur.

Ut ut non
ita neces-
sario.

III. Non male hæc pleraque monet Adversarius: sed neque tamen necessarium erat, integrum propterea procudere caput; cum res duobus, ut aiunt, verbis indicari potuisset: nimirum P. HERRGOTTUM, memoria lapsum aut delitutum, recensum duorum aliorum documentorum, ab Abbate TSCHUDIO productorum, prætermisisse. Poterat enim integrum hunc paragraphum sine ullo dispendio, aut genealogiæ, aut prolegomeni sui tertii, omittere; tantum abest, ut tam accurate omnia & singula libelli, alias iam secunda vice editi, adeoque in omnium, quorum interest (ut ut inventu rarus iam sit) oculis versantis, confectaretur. Spero ergo, P. MARQUARDUM de levissimis his omissionibus facile veniam impetraturum. Nam

a Scimus, & hanc veniam, petimusque, damusque vicissim (a).

Quod ad cornu illud attinet, eiusdem P. HERRGOTTUS alibi mentionem facit, in hæc verba: *Neque probationibus, extrinsecus petitis, opus hic nobis est, qualem præbet inscriptio, cornu isti insculpta, quod Abbas Murensis Gazophylacio Casareo obtulit, aliaque eiusdem momenti.* Citat etiam eodem loco Abbatis TSCHUDII libellum de orig. Habsb. pag. 106. ut adeo aperte pateat, eiusdem recensum in Proleg. III. non alia ex causa, quam ex mera oblivione, prætermisum fuisse. Deinde P. HERRGOTTO chartas duntaxat & diplomata recensere in animo erat: chartas utique & diplomata tum temporis tractanti; hinc facile contigit, ut reliqua monumenta scribentem aut fugerint, aut non ita clare ante oculos obversata fuerint. Ceterum quo iure *Notitia* cuidam, Actis Murenfibus suffi-

xx,

xæ, titulum Instrumenti hic abiudicet Adversarius, alibi a dispiciemus (a).

IV. Alterum caput, ordine scilicet XXIII. circa iudicium occupatur, quod P. HERRGOTTUS de memoratis documentis Murensibus tulit, ingenue professus: „ Magni quidem iure merito habenda esse diplomata, atque instrumenta Murenſia, quorum editione DOMINICUS Abbas de rebus Habsburgicis bene profecto meritus fuerit. At neminem non videre, sex illa duntaxat instrumenta nequaquam sufficere, ut iis continuata series genealogiæ Habsburgensis saltem per aliquot secula firmari ac stabiliri possit; cum ab anno MXXVI. incipientia, ac desinentia in anno MCCXLIX. necessario multos defectus atque lacunas tempore intermedio relinquant. Quare Archivum Murenſe (quod & erga Murenſes prolixè laudat) nec non & plura alia diligentius excussa fuisse, nec non & ectypa scripturarum data. DOMINICUM denique Abbatem, ut genealogiam suam, qua parte ex memoratis VI. chartis stabilire non poterat, quasi postliminio compleret, recurrisse ad domesticum Scriptorem Actorum Murenſium, eique plus fidei & auctoritatis, quam par erat, detulisse.

Documenta Murenſia etſi magni facienda, Proleg. III. §. XXIII.

V. Accipit hæc utcunque Adversarius, sententiam P. HERRGOTTI haud reiiciendam fallus, atque ultro admittens: „ Sex duntaxat illis monumentis, etiam duplo auctorioribus, authenticis licet, ac fidelissime exscriptis, continuatam seriem genealogiæ Habsburgicæ *independentè a documento principali*, Actis videlicet *Murenſibus*, firmari ac stabiliri haud posse. Atque in ea demum sententia Reverendiss. TSCHUPPIUM fuisse obtendit; ut qui nomine & numero authenticorum *Instrumentorum*, aliorumque *veneranda antiquitatis documentorum* Murenſium complecti volebat laudata Acta. Ingenue præterea confitetur: *genealogiam nostram Habsburgicam a P. HERRGOTTO per superadditas, quas aliunde congeſſit, chartas, aliquoties confirmari*. Verum quis unquam somniavit, genealogiam (nam de hoc mendoso foetu cumprimis quæ-

Genealogiæ tamen Habsburgicæ haud sufficiens, pag. 161.

(a) Lib. scilicet II. cum ad P. II. respondebimus.

quæstio est) Murensem in definiendo stemmate Habsburgico ex toto omitti posse? aut *independentem ab ea*, ut Adversarius loquitur, integram suoque ordine dispositam genealogiam Principum Habsburgicorum sisti posse? Nonne enim ipse fatetur Adversarius, P. HERRGOTTUM id duntaxat sibi dari velle, Anonymum Murensem EX SE SOLO non sufficere? Quare? quia mendosus, obscurus, nec sibi constans, non solum a P. HERRGOTTO, sed & ab aliis Eruditis Viris deprehensus est, ut in decursu huius opellæ vidimus. Atqui ubi quis PETRUM solum haud sufficere contendens, PAULUM adiungendum censet, is certe nec PETRUM nec PAULUM excludit, sed iunctis viribus opus perfici posse indicat; id quod P. HERRGOTTUS, nec certe plura, nec alia, voluit, ut lib. huius scriptiōnis II. hicque c. ult. amplius demonstrabimus. Gratulamur interim Adversario, veritatem iterum non obscure agnoscanti, consentientique, P. HERRGOTTI chartis *genealogiam suam Habsburgicam aliquoties confirmari*, id est, si rectius loqui velimus, fidem Genealogi vacillantem restitui; quo subsidio Genealogum nimium quantum indigere, partim ex dictis claret, partim amplius monstrabitur in sequentibus. Gratulamur, inquam, hanc veritatis agnitionem, sperantes futurum fore, ut qui partem tenet, pededentim etiam totum consecuturum.

Breviter
expen-
duntur re-
liqua.
pag. 162.

cit. §.

VI. Quæ porro subiungit Adversarius, documenta cernunt, ex Archivo Murenſi petita, quæ a P. MARQUARDO interpolata fuisse obtendit, sed quo iure? immo quam nullo cum iure, & quam immerito, dictum est cap. VII. pag. §1. num. X. Cetera, quæ sequuntur, eiusdem fere sunt commata cum præcedentibus. *Sed quid porro egit DOMINICUS Abbas*, quærit P. HERRGOTTUS, *ut genealogiam suam, qua parte ex memoratis VI. chartis stabilire non poterat, quasi postliminio compleret?* „Id agit omnino, respondet Adversarius, quod Cl. Genealogus Diplomaticus: recurrit & iste ad Scriptorem Actorum Murenſium, ubi alia documenta (& quoties non?) deficiunt, dispari licet affectu; qui enim ad Anonymum nostrum recurrit, Abbas DOMINICUS, illum antiquissimum fidelissimumque proficitur, qui ad eundem recurrit, P. HERRGOTTUS, dictas prærogativas illi denegat,

ver-

„ verberatque indigne, nescias DOMINICUM magis, an ipsum
 „ Anonymum, iis verbis: *Recurrit nempe ad domesticum*
 „ *Scriptorem Actorum Murensum, quem antiquissimum, fide-*
 „ *lissimumque, deprædicat, atque ex eo omnia illa, quæ ad res*
 „ *Habsburgicas quidquam facere videbantur, excerpfit: verum*
 „ *ille plus fidei, auctoritatisque, quam par erat, Scriptori suo*
 „ *tribuit.*

Dispari prorsus ratione egit cum DOMINICUS, tum P. HERRGOTTUS, non diffiteor. Ille Scriptori suo plenam tribuens fidem, non, opinor, advertit, omnia ruitura, quæcunque illi supertruxit, si quis venturus sit, qui Scriptoris huiusmodi errores detegens, fidem hanc omnino nutare, atque sublestem esse ostendat; veluti revera contigit, opera præcipue Clar. Duumvirum, CALMETI & HERRGOTTI, ut cap. I. & III. ac passim alias evicimus. Contra vero P. HERRGOTTUS ingenue confessus, quod res est, conquistis undique monumentis idoneis, Auctorem adeo laborantem, adiuvit, nec adiuvit solum, sed & integre, quoad eius fieri potuit, sanavit; ostendendo, non ex SOLO ANONYMO, nec ex SOLIS DIPLOMATIBUS, sed utrisque simul iunctis, rem confici. Quæro iam, quis prudentius, quis solidius egerit, TSCHUDIVS an HERRGOTTUS? Sed inde tamen haud sequitur; ut is alterum ex iis, seu TSCHUDIUM, seu GUILLIMANNUM *verberaverit*, ut vult Adversarius. Cuique suum: & ubi de veritate, aut soliditate doctrinæ agitur, neminem quidem lædendum, & nemini quoque, dummodo singula cum moderamine fiant (ut de hoc certe nemo iure queri potest) parcendum esse teneo. Advertisset beatæ memoriæ Abbas Genealogi sui nævos, forte eandem, quam trivit P. HERRGOTTUS, viam, quoad hoc, incedere non recusasset. Id ergo cum non adverterit, res eo devenit, ut ei exigua postmodum a plerisque tribueretur fides, genealogiam Habsburgicam nondum sat solidis firmatam esse fundamentis reputantibus: nihil ut dicam de antiquitate gentis, quam DOMINICUS non ultra seculum X. iam affectum, perducit, cum contra P. HERRGOTTUS ad ETHICONEM usque ascendendo, atque adeo gentem vetustissimam esse ostendendo, eandem consecraverit ad immortalitatem.

CAPUT XXIV.

De erroribus, cum Genealogi, tum Actuarii Murenfis.

Alii duo,
cum Genealogi,
tum Actuarii,
errores.

Proleg. III.
§. XXIV.

I. **R**ecenfitis Genealogi Murenfis erroribus, quos ille circa genealogiam Principum Habsburgicorum, partim eandem mancā & incompletam exhibendo, partim se ipsum obfcurum reddendo, evagando, contra chronologiam peccando, commisit, ad reliquos eius errores evolvendos descendit P. HERRGOTTUS, maxime vero ipsius Actuarii, seu CONRADI DE S. BLASIO, quos ad duos admodum cogit. Primum, quod WERNHERUM, Episcopum Argentinenfem, ITÆ, RADEBOTONIS Comititis coniugis, fratrem constituat. Alterum, quod in vicem huius WERNHARII Ep., ipsi ITÆ & RADEBOTONI, marito eius, fundationem monasterii Murenfis attribuat. Hoc probat ex charta anni MXXVII. in qua *Wernerus Strasburgenfis Ep. se ipsum fundatorem Murenfis cænobii nominat, eique natu maiorem DE FAMILIA SUA, qui castro HABESBURG præest, advocatum constituit, quod ipsum ex chartis annorum MCXXXIX. & MCLXXXIX. 13. Martii confirmatur.* Alteri relationi chartam opponit anni MCXIV. in qua *Wernerus noster parens Wernbarii Comititis de Habsburg vocatur, & in charta anni MCCCCVI. ad tollendam omnem dubitationem, COMES DE HABSBURG scribitur.*

Quorum
priorem
benigne
interpreta-
ri posse pu-
tat Adver-
farius.
pag. 165.
loc. cit.

II. Male hæc censura habet Adversarium, præsertim prima illa, de fraternitate WERNHARII Ep. cum ITÆ, cuius erroris ut tam Genealogum, quam Actuarium (nam ambo in hoc errant) absolvat, in omnem se contorquet partem. In primis vero rem omnem attenuare nititur, P. HERRGOTTO obiiendo: quod etsi longum esse, dixerit, *Auctoris Murensum Actorum singula errata, quæ commisit hic sigillatim recensere, revera tamen pauca, quia duo tantum, errata adnotare potuerit.* Iam ut primam obiectionem elevaret, HERRGOTTUM ex ipso HERRGOTTO iam iterum refutare instituit dicens: „Ad I. quod respondeamus, ipse P. HERRGOTTUS fug-

„ suggerit, dum ait (a), *Mainus negotium Genealogis facessit* a
 „ *diplomatis contextus, qui obuius, clarus, & planus videtur,*
 „ *re ipsa autem decipulam habet, quæ cautissimos etiam haud*
 „ *raro seducit. Si enim vulgus in chartis genuinis legerit, Rudol-*
 „ *phum v. g. appellare Hartmannum suum parentem, mox credet,*
 „ *hunc eius patrem esse, si fratrem, hunc eius germanum eius-*
 „ *dem nominis (non stemmatis, ut hic supervacaneæ interpo-*
 „ *lat Adversarius) si consanguineum aut affinem, hunc cum il-*
 „ *lo consanguinitatis vel affinitatis vinculo nexum.* „ Audivi-
 mus singula; at quid ex iis in rem præsentem extundi queat,
 nondum satis pervidere potuimus. Scimus equidem, quid
 ex iis inferre velit Adversarius, scilicet: etiam in ipsis diplo-
 matibus, aliisque Auctoribus, occurrere eiusmodi vocabula,
 consanguinitatis aut affinitatis gradus indicantia, sed quæ ta-
 men nonnunquam improprie accipi possunt, hincque non se-
 qui, scriptorem errasse; quare statim subiungit: „ At vulgus pag. 166,
 „ incautum hoc credet, non P. HERRGOTTUS, non alii viri
 „ eruditi, qui amphibolias huiusmodi, si in ipsis etiam di-
 „ *plomatibus & chartis genuinis*, certe in privato scriptore
 „ occurrentes, minus curabunt, æquius intelligent, neutru-
 „ bi autem erratum credent. „ Recte equidem; vere enim
 errorem non credidit in iis diplomatum locis P. HERRGOT-
 TUS, in quibus ipse *decipulam* tantum esse, quibus *vulgus*
 duntaxat *incautum*, non viri eruditi, ac harum rerum intel-
 ligentes, decipi posse dixit; sed aliud est decipulam habere,
 atque errandi occasionem præbere *incautis*, aliud vero errare
 re ipsa. Quod si ergo ostendero, in Actuário Murenti verum
 deprehendi errorem, qui nulla ratione benigne interpreta-
 ri queat, res, opinor, confecta erit, clarissimeque patefcet,
 adducta verba P. HERRGOTTI Adversario minime suffragari.
 Hoc vero antequam exequar, examinandum est exemplum,
 quod Adversario, ad rem suam magis illustrandam, asserre
 placuit.

III. Consistit illud in binis locis, quæ is ex historia Qui rem'
 MEDIANI monasterii, (b) anno 1326. (circa annum 1220. exemplis
b
 C c 2 scri-

(a) Proleg. I. §. XVI.

(b) Cap. LVI. & XLIV.

illustrare
aitur.

scribere voluerat) a *Ioanne BAYONO conscripta*, assert. Ibi EVA, Ducis GERARDI uxor, soror HENRICI Imp. vocatur, nec non GISELÆ, uxoris alterius GERARDI mater, soror CONRADI *Salici*; cum tamen dictorum Cæsarum *fororgia* tantummodo, id est, uxorum sorores fuerint. Ex his igitur Adversarius inferre satagit, non errasse BAYONUM; cum vocabula illa, explicante eruditissimo CALMETO, dicto modo interpretari queant. Consului CALMETUM, verumque esse vidi, nullius erroris ob id argui Auctorem, sed & nec ab eo absolvi; quandoquidem eum simpliciter interpretatur, nihil de errore memorando; quid quid autem de hoc sit, fuerintque, qui uxorum sorores, semel, iterumque *sororum* nomine compellaverint, exinde tamen minime consequitur; ut simile vocabulum etiam alibi, nisi cetera paria sint, notione eiusmodi aliena sine gravi errore adhiberi potuerit; secus enim, qui non perpetua in rebus genealogicis nasceretur confusio? cui luberet, *avunculos* diceret esse *patruales*, *amitus* cum *consobrinis* confunderent, & sic de ceteris. Superfluum etiam oppido fuit, id genus exemplum, aliunde conquisitum, P. HERRGOTTO ante oculos ponere; quando non pauca, ex diplomatibus & chartis educta, orbi litterato ipse communicavit, quæ sane si huc facerent, multo maius robur haberent, quam exemplum, ab Adversario allatum. Quod ne studio partium asseruisse videar, iuvat non nulla hic adponere. In diplomate, a *RUDOLPHO Habsburgico*, Rom. Rege, Steinheimensis cœnobii gratia an. 1284. Kal. Sept. promulgato, legimus: *Nobilis vir EBERHARDUS Comes de Wirtemberg*, *AVUNCULUS noster dilectus* (a) cum tamen certo certius constet, EBERHARDUM hunc non fuisse fratrem matris *RUDOLPHI Regis*. Idem *RUDOLPHUS HENRICUM* Comitem de *Furstenberg* CONSANGUINEUM, nec non *carnem de carne sua & os de ossibus* suis appellat. Eadem dignatio fit *LADISLAO Regi Hungariae*, & *ANDREÆ Duci Slavoniae*, etsi nullus inter eos consanguinitatis aut affinitatis nexus intercesserit. Quin & vocabulum *frater* æquivocum esse, eoque nonnunquam patruales venire, eodem loco observat P. HERRGOTTUS. Nihil ergo novi, nihilque nobis incognitum hic attulit Adversarius; multo

(a) Genealog. Dipl. Lib. vi. cap. i. num. iv. pag. 265, seq.

multo minus exinde consequitur, ut talis vocabulorum istorum benigna interpretatio continuo etiam alibi locum habeat.

IV. Quod ut luculenter evincam, pluribus opus haud est, quam ut ipsa Actuarii verba nonnihil attentius, atque secundum regulas Grammaticales expendamus. RADEBOTO cum sibi congruum (inquit p. 8.) visum est, ut uxorem duceret, accepit de partibus Lotharingorum uxorem, nomine ITAM, sororem THEODRICI Ducis, ac WERNHARII, Argentinae civitatis episcopi. Optaremus equidem in gratiam CONRADI nostri, ut locus isthic reciperet medicinam, aut excusationi saltem pateret aditus; sed id cum fieri nequeat, cedendum plane est veritati. Enimvero eodem hic modo, eademque positione, atque habitu velut eodem, quo ITAM sororem THEODRICI Ducis vocat Actuarius, etiam sororem vocat WERNHARII. Ponamus igitur, exempla mox adducta, vim suam habere (uti revera illa haud destituuntur) adeoque vocabulum *foror* duplici gaudere significatione, una, qua sororem germanam, altera, qua fratricem denotat, in praesenti tamen non plures una locum habere possunt significationes. Vel enim laudatum vocabulum *foror* hic veram & germanam sororem indicat, an fratricem, an utrumque simul? si primum dicatur, error haud difficulter pervidetur; cum ITA WERNHARII *foror*, ut omnes fatentur, haud sit. Si secundum, eadem continuo redit difficultas; quando laudata ITA THEODRICI fratria haud agnoscitur, sed *foror* germana. Tertium perhorrescit vis atque ordo constructionis, ac cum primis copula ac, quae vocabulum *foror* vi connexionis ita restringit, ut qualem potestatem habet respectu THEODRICI, eandem, nec ampliorem, nec strictiorem, habeat respectu WERNHARII. Cum ergo ex omni parte manifestus involvatur error, res paradoxo similis est, viris litteratis persuadere velle: aliter se habere id, quod vident oculis, manibus palpant, percipiunt mente. Si error abesset, ut hoc obiter addam, haudquaquam exinde deceptus fuisset STUMPFIIUS, falso scribens: ITAM RADEBOTONIS sororem Germanam fuisse (a); nec aliter exponi posse locum, existimant quoque,

Quæ ratio
men apud
Actuarium
locum
haud inve-
niunt.

Cc 3

præ-

(a) Lib. vii. Cap. ix. p. m. 202. averſa.

præter alios, Doctissimi Galliæ Christianæ auctores, ITAM in libro *fundationis* monasterii Murenlis *perperam* WERNERI *episcopi sororem dici*, iudicantes (a).

a

Nec non
& Genea-
logus.

V. In eadem prorsus, & maiori etiam, damnatione est Genealogus præfixus, quando de stemmate præfatæ ITÆ hunc in modum eloquitur: THEODRICUS *Dux Lotharingia*, & CHOUNO *Comes de Rinsfelden fratres fuerunt*; *horum soror fuit ITA Comitissa de Hapsburg*. Etenim, admissa licet priori propositione, qua *Duces Lotharingia*, *Comitesque de Rinsfelden*, eodem sanguine, immo eodem parente natos existimat, reliqua tamen subsequencia tantum non cohærent, ut nulla componi possint ratione: id quod fusius alibi (b) evicimus.

b

Quare
conclu-
dendum,
utrumque
errasse.
pag. 167.
seqq.

VI. His ita se habentibus statuendum est: cum CONRADUM nostrum, tum Anonymum, Genealogiæ præfixæ Auctorem, benignius interpretari haud posse, fatendumque ingenue, utrumque hic humani quid passum, errasse utrumque. Quare temporis omnino prodigus essem, si, quæ in defensionis suæ fulcimentum ulterius affert Adversarius, enucleatus expendere vellem. Satis sit, eius inde deductam hic adscribere conclusionem, cuius falsitate ostensa, facile colligitur, quales sint fontes, unde ea deducta fuit. *Ex hac itaque, ut præfertur, sententia*, inquit, *consequitur*, ITAM FRIDERICI I. *Mosellana Ducis ex BEATRICE*, HUGONIS CAPETI *SORE*, FILIAM ET SOROREM *fuisse* THEODERICI *germanam*, WERNHARII *autem Episcopi Argentinenfis sororem*, *quia fratrem*, *ipsumque fratrem eius, quia levirum*, *ad exempla supra relata*. Gratis, inquam, hæc dicuntur, quando Auctor ipse aliter pronuntiat, idem vocabulum, eodem modo, THEODORICO atque WERNHARIO attribuens, uti iam diximus. (c)

pag. 170.

c

VII.

(a) Gall. Christ. rom. V. col. 1036.

(b) Cap. III. num. XIII. pag. 26.

(c) Quod si tamen coniecturis & hæsiolationibus locus esset, in gratiam Actuarii dicere possemus, illum tempore infecuto male descriptum, adeoque locum corruptum, additione unius verbuli *fratris*, hunc in modum restituendum: RADEROTO *accepit de partibus Lotharingorum*

VII. Eodem modo agit, id est nihil agit Adversarius, Exploditur cum aliunde nulla veteris scriptoris, aut chartæ nixus auctoritate, hanc excogitat hypothesin : KANZELINUM Comitum duarum uxorum maritum, ex altera RADEROTONEM & RUDOLFUM, altera vero, sorore quidem vel FRIDERICI vel BEATRICIS, ITÆ parentum, WERNHARIUM & LANCELINUM suscepisse. En hic, pergit, verum sanguinis nexum WERNHARIUM inter & ITAM, eumque huius cum RADEBGTONE matrimonium sine impedimento antecedentem, novumque adeo fraternitatis titulum ! Enimvero largiter etiam dato, matrimonium tale, de quo tamen nullum in antiquitate vestigium, evenisse ; semper tamen idem redit : Actuarium non potuisse utrosque æquali, atque eodem afficere vocabulo. Quare P. HERRGOTTI verba, cum Abbate DOMINICO scribentis (a) : *Non enim eos tantummodo fratres appellamus, qui eodem patre, vel eadem matre, vel denique, qui utroque parente progeniti, sed etiam fratrum filios, qui proprie patruales sunt, perperam plane allegat. Et si enim nonnunquam fieri consueverit, ut personæ singulares, se se mutui amoris, atque humanitatis gratia, ut vel hodie solet, ita appellaverint ; nemo tamen unus exemplum producat, quo patruales, ac frater & soror germana simul sub uno fratris nomine eoque semel duntaxat posito, veniant. Sed hæc gratuito & ex abundanti. Quidquid enim dicat Adversarius, ubi confictum hoc duplex matrimonium confidero, video omnino quadrare, quod P. HERRGOTTUS GUILLIMANNO obiicit : Ex eo, quod res ita se habere potuerit, in omni Logica, cum primis vero in genealogicis, damnatur conclusio, quæ, ut aiunt, a potentia ad actum progreditur* (b). Sic enim nihil tam obscurum, tam-

que
ringorum uxorem nomine ITAM, sororem THEODRICI Ducis, ac WERNHARII Argentine civitatis episcopi FRATRIAM. Non opinor, hanc coniecturam omni destitui fundamento, aut exscriptori, quisquis fuerit, fieri iniuriam; quandoquidem is aliunde sæpe numero hallucinatus est: alia scribendo perperam, alia omitiendo; ut quando pag. 11. *innoverunt* pro *invenierunt*, pag. 20. *petei* pro *pene*, pag. 22. *Willeberd* pro *Wilhelmus* &c. scripsit, ac eadem pagina, itemque 26. *propositionem de*, ac pag. 32. *reciprocum se &c.* omisit, ut hæc & plura alia in margine suæ editionis Adversarius cum scite, tum diligenter adnotavit.

(a) Geneal. Dipl. tom. I. Lib. VI. cap. I. §. IV.

(b) Ibid. Proleg. IV. §. IV.

que salebrosum erit in antiquis Auctoribus, immo erratum in iis deprehendes nullum, quod non ex possibilitatis principio aut enodare, aut pulcherrime contegere queas.

Diploma-
tibus cri-
am in sub-
fidium
productis.
Ibid.

VIII. At enim neque ipse Adversarius in hisce omne momentum reponit; hinc infirmitatem argumenti advertens, ingenue subiungit: *ut ut sit, ITAM agnoscimus THEODORICI Ducis Lotharingorum sororem, nec erratum credimus* Quisquis ergo contendat, WERNHARIUM Episcopum nulla prorsus ratione fuisse, aut nominari citra errorem potuisse fratrem ITRÆ Lotharingicæ, id probet ex diplomate, vel scriptore coævo; secus Anonymum nostrum e possessione fidei suæ nunquam deiiciet. Iam ergo Adversarius diplomata petit, aut ad minimum scriptorem coævum, qui tamen, ut mox lib. II. audiemus; Genealogo suo, ut ut mendoso, fidem adhiberi postulat, etiamsi diplomata nulla adessent; qui insuper Actuarius, quoad GUNTRAMNUM, KANCELINUM & RADEBOTONEM idem præstari petit, etli & ille, respectu saltem GUNTRAMNI, minime synchronus sit, sed centum quinquaginta & amplius annis inferior. Sed habeat tamen Adversarius, quod postulavit. In charta anni MCXIV. (a) expressissimis verbis legitur: *a Wernbario Straßburgensi Episcopo, parente scilicet (patrum hic denotari ex citata Genealogia notum est (b) WERNHARII Comitis de Habsburg. In bulla INNOCENTII Papæ (c) idib. april. anni 1139. hæc habentur: Confirmamus etiam vobis, quæcunque eidem loco a fratre nostro (fratrem vocat, quia episcopus erat) WERNHARIO Comite de HABEKESPURG, eorumque consanguineis collata sunt. Omitto denique chartam anni MCCCXVI. a P. HERRGOTTO, ut & priorem illam, iam excitatam. Cum ergo WERNHARIUS in hisce chartis & diplomatibus Comes Habsburgi vocetur, THEODORICUS contra Dux Lotharingie fuisse obtendatur; ac præterea aliunde etiam, atque ipso etiam ex Actuaria constat, WERNHARIUM RADEBOTONIS fuisse fratrem germanum; manifestum sit, THEODORICUM non potuisse WERNHARII esse fratrem, hocque,*

(a) Ibid. tom. II. num. CXIII.

(b) Ibid. tom. I. Lib. II. cap. VI. pag. 142. num. II.

(c) Ibid. tom. II. num. CCXVI.

si vel solum RADEBOTONIS cum ITA matrimonium in censum veniat. Unde & diplomatice certum est, CONRADUM nostrum hoc in loco egregie fuisse deceptum, qui ambos eodem modo *fratres* appellat, uti iam audivimus. Scio equidem, Adversario nihil minus venisse in mentem, quam ut WERNHARIUM ex sanguine Lotharingico cretum putaret: aut negaret, eum fuisse RADEBOTONIS fratrem germanum; sed eo ipso, quod talis, quomodo uxoris eius frater esse poterat?

IX. Alterum Actuarii nostri erratum P. HERRGOTTUS in eo posuit, quod in vicem WERNHARII ipsi ITÆ & RADEBOTONI *fundationem monasterii Murensis attribuat*, contradicente nempe ipsius WERNHARII testamento, ut vidimus. In eadem sententia fuerunt Doctissimi Benedictini Congreg. S. MAURI, Galliæ Christianæ Auctores (a), qui, cum ex laudato testamento WERNHERUM Ep. fundatorem fuisse docuissent, sic porro pergunt: WERNERO adiungitur ITA Comitissa, RADEBOTONIS coniux, *quæ monasterii itidem primaria conditrix dicitur in necrologio ad diem XXIII. Iulii: quæ in libro foundationis perperam WERNERI episcopi soror dicitur. Benefactricem dicere præstat, quam conditricem; cum WERNERUS ipse testetur, se monasterium condidisse in suo PATRIMONIO, quod HEREDITARIO IURE sibi provenerat. Verum & multo minus RADEBOTO censendus est fundator, quem ipsomet foundationis anno legimus defunctum.* Idem docuit quoque P. LAGUILLE S. I. plus fidei laudato testamentotribuendum asserens (b), quam Actuario Murensi, quiddid dicat vel ipse DOMINICUS Abbas Murensis. Causam affert eandem: quod nimirum ipse in testamento suo posteris expresse annuntiet: quod monasterium illud in suo fundo, seu *patrimonio* condiderit. Queis ita constitutis, standum videtur fide testam-

ITA & RADEBOTO
num monasterii
Murensis
fundatores?

a

b

D d

menti;

(a) Tom. V. col. 1036.

(b) Verba eius dans l'histoire d'Alsace P.I. L. XIV. p. 162 hæc sunt: Les Actes de l' Abbaye de Muri donnent à ITA belle Sœur de WERNER le titre de fondatrice; mais le témoignage de ce Chroniqueur au gré même de Dominicus Abbé de Muri, ne doit pas prévaloir au Testament de WERNER, où il est expressément marqué, que cet Evêque a bâti ce Monastere sur un fond, qui faisoit partie de son propre bien.

menti; maxime cum & Adversariûs regulam illam diplomaticam a P. HERRGOTTO (a) hisce verbis conceptam: *In Genealogicis diplomata ac chartas maiorem nobis fidem facere, quam scriptores ut ut coevi, & ab omni sint mendacio alienissimi, non omnino respuat, immo modica cum exceptione amplecti videatur.*

Responde-
tur affir-
mative;

X. Verum, ut ut hi auctores rem suam optime, atque ex veris principiis desumpserint, dandum tamen aliquid tam Adversario, quam Actuário, existimaverim. Ratio brevis, at ut puto, convincens est; quod CONRADUS noster hoc ipsum testamentum, in celeberr. Abbacia Murenfi in hunc usque diem asservatum, non ignorans, quo pacto intelligi & interpretari debeat luculenter hisce verbis, a nobis alibi etiam productis, exposuerit: *quod autem alia, inquit, scriptura narrat, illum (WERNHARIUM Ep.) solum esse fundatorem huius loci, hoc propterea sapientibus viris visum est melius; quia ipse in hiis tribus personis potior inventus est; ut eo firmior ac validior sententia sit, quam si a femina constructum esse diceretur (b).* Adducit hæc eadem verba pro responsione Adversarius, & revera dubium vix est, quin sub alia scriptura hoc idem testamentum intelligat Actuarius. *Patrimonium autem suum dicit; cum, ut idem Adversarius recte advertit, eiusdem non minus, quam RADEBOTO, pro rata sua, heres fuerit.*

Hinc tales
non immerito ha-
bentur a
Muren-
sibus.

XI. Non igitur immerito dictas has illustres personas, ut fundatores suos agnoscunt Ven. Patres Murenfes; cui illustrandæ rei Adversarius hæc CONRADI nostri verba ulterius excitat, dicentis: *Tunc fecerunt scribi chartam firmitatis, in qua composuerunt, quot & quanta prædia, & quod ministros, vel familiam, vel aliam substantiam buc delegassent. Confirmatis autem hijs pactis, Wernharius Episcopus iussione CONRADI Imperatoris ad Constantinopolitana urbem abiit, ibidemque defunctus & sepultus est (c).* Ob hanc legationem, testamen-

(a) Proleg. I. §. V. Vide & caput nostrum II.

(b) CONRADUS de S. BLASIO pag. 10.

(c) Idem pag. 9.

stamentum condidisse WERNHARIUM, existimat Adversarius, pag. 175. ut qui *de re ditu provide dubitaverit*. Addit cum TSCHUDIO & GUILLIMANNO, eundem de bonis, monasterio traditis, tanquam de propriis ideo disposuisse, quod ITA & RADEBOTO non vane, ut postea eventus docuit, metuerent; ne post obitum suum fundatio, ceu minus firma rescinderetur, filii-que eorum, tanquam iure retractionis, bona legata repeterent. Quæ singula magnam sane veri speciem habent, probantque, WERNHARIUM præcipuum habendum esse monasterii fundatorem, nec tamen ideo excludendos ITAM & RADEBOTONEM. Sed malim de hoc consuli Adversarium, rem diffusius exponentem.

CAPUT XXV.

De Comitatu *Vindonissa* & *Altenburgi*.

I. **E**TSI Adversarius præfens argumentum eodem capite XXIV. tractet, singulare tamen caput hic nobis concinnandum fuit; partim ob gravitatem materiæ, partim ob eius amplitudinem. Aggredimur namque ingentem rerum farraginem, ex Comitatibus fictitiis *Vindonissa* & *Altenburgi*, quos P. HERRGOTTUS ex antiquo orbe eliminavit, enatam. Occasionem, hanc rem in scenam producendi, arripuit Adversarius ex verbis P. HERRGOTTI, dicti prolegomeni §. XXIV. ita sonantibus: *longum esset, auctoris Murensium Actorum singula errata, quæ in rebus Habsburgicis commisit, hic sigillatim recensere; siquidem illa alibi referenda & corrigenda obvenient*. In hæc enim verba Adversarius post plurima alia sic commentatur: „Reliqua innumera errata A- pag. 175.
„ nonymi Murensis, quæ P. HERRGOTTUS alibi referenda &
„ corrigenda reservavit, etsi per totum Genealogiæ Diplo-
„ maticæ volumen investigata, nos fugerunt hæcenus, nisi
„ quod Proleg. V. titulum COMITIS DE ALTENBURG Kan-
„ zelino, filio Guntramni Divitis, attributum, acrius ab eo
„ impugnari videremus.„ Sed inprimis inaniter asseritur,
P. HERRGOTTUM de innumeris erratis quicquam dicere; cum

Reliqua in
codice
Murensi
errata num
Genealogi-
go, an Ac-
tuariorum, ad-
scribenda?

solummodo *longum* esse scribat, recensere *singula* errata: puto autem ingens esse discrimen inter *errata singula*, & *errata innumera*. Et licet dixerit: *longum* esse ea recensere, per id tamen non sequitur, ut *innumera* esse dixerit; cum etiam paucorum errorum recensio niultum nonnunquam temporis infummi debeat. Novimus præterea vim & potestatem modorum loquendi: *Longum esset: nolo esse longior: sed ego longior forem* & similium, quæ non statim ad multitudinem *innumera* extendenda sunt. Notandum præterea: per Auctorem Actorum Murensum tam hic, quam sæpius alibi, non tam Actuarium, quam Genealogum, Actis præfixum, intelligi; quandoquidem hic a plerisque nostri & proximè elapsi temporis scriptoribus, saltem quoad priorem tabulæ partem, idem habebatur cum Actuario. Quare etiam Rev. Abbas CALMETUS, ubi Acta Murenfia *mendosissima* appellat, de Genealogo potissimum intelligendus est; ut cui fere soli nævi plerique, de quibus in antecedentibus egimus, adscribendi sunt. Quando ergo dicit P. HERRGOTTUS: *longum fore Actorum Murensum errata singula recensere*, Genealogum cumprimis; in quo quippe ea errata inveniuntur, intellexerit, necesse est; quem cum toto lib. II. frequentissime citet, atque sæpius castiget (a), mirari subit, quo pacto dicere potuerit Adversarius, errata eiusmodi in toto reliquo opere Diplomatico reperiunda haud fuisse. Et quamvis pleraque prævie memorata fuerint P. HERRGOTTO in proleg. III.; negari tamen nequit, aliqua ex iis nova esse, singula autem nova quadam ratione, & *sigillatim*, ut præmonuit, proposita fuisse in sequentibus, ut loca, in calce huius paginæ allegata, evolventi patebit.

Actuarium
ob id,
quod RABOTONEM
Comitem de

II. Iam ut ad rem propius veniamus, negat Adversarius, ac pernegat, Actuarium Murensem in eo errasse, quod KANCELINUM seu LANCELINUM COMITEM DE ALTENBURG vocitaverit; atque ideo, ut eum ab hac nota purget, non unam

- (a) Vid. v. g. cap. eius I. num. X. p. 129. ibi: *suppleri hinc poterunt, quæ desiderantur in Genealogia, Actis Murenfibus præfixa.* Item cap. IV. p. 137. ibi: *ubi tamen doctiss. Eccardus advertebat Genealogum Murensem itam de Thierstein confundere cum Iva Hombergensi.* Add. eiusd. lib. II. cap. V. num. V. cap. VII. num. III. & VI. cap. VIII. num. I. &c.

unam paginam implet. Sed ludit operam, atque in cineres *Altenburg* scribit; cum nemo usquam fuerit, qui Actuarius, seu CON- ^{vocaverit,}
 RADO nostro, hunc errorem absolute imputaverit. Certe P. ^{erroris}
 MARQUARDUS, prolegomenon suum IV. & V. scribens, non ^{haud po-}
 tam adversus Actuarium, quam GUILLIMANNUM rem egit, ^{stulatus.}
 qui, Actuarius male intellecto, fictitium hunc Comitatum,
Vindonissensem puta, seu *Altenburgensem* primus produxit.
 Quare & is solus vapulat, non Actuarius. Verum quidem
 est, quod in prolegomeno V. §. IV. dicat P. HERRGOTTUS:
Auctoritas tamen Actorum Murensium hac in parte tanta non
est, ut fidem veri ac genuini diplomatis --- infringere possit
&c. Sed eandem propositionem moderatus est, sententiam-
 que velut retractavit in consequentibus (a), ubi verbis expres-
 sissimis scribit: *Hallucinantur autem in eodem puncto Acta*
Murensia, vel POTIUS, qui Acta commentariis illustrarunt,
Abbas Dominicus Tschudius, aliique nonnulli, quibus RA-
DEBOTO noster Comes ALTENBURGI audit. Quid apertius?
 Eodem accedit, quod P. HERRGOTTUS in proleg. suo III.
 ubi de erroribus cum Genealogi, tum Actuarii, dedita
 opera scripsit, nullius eum, quoad hoc, errati postulet; non
 omisurus, si revera error esset, aut talis ac tantus, quanti
 eum putat Adversarius. Quando ergo alibi de errore quo-
 dam loquitur P. HERRGOTTUS, non ita intelligendus est, ac
 si in Actuario perspicue deprehenderetur, sed potius, quod
 suo loquendi modo aliis occasionem errandi præbuerit.

III. Et revera non video, quo pacto CONRADUS noster ^{Nec postu-}
 erroris hic redarguendus sit, accedoque Adversarii placitis, ^{landus eti-}
 qui rem hanc longis hic ambagibus demonstrare adnititur: ^{am.}
 quanquam argumentis eius, quibus innocentiam CONRADI
 probare voluit, accedere haud valeam. Quare nonnihil ali-
 am, eamque minus impeditam, ingrediar viam, in qua ut
 recte incedam, animo revolvenda sunt dicta cap. XIV. num.
 III. p. 127. ubi advertimus, quod, quantumvis (ut ibi mox
 demonstratum fuit) Principum cognomina a bonis aviaticis,
 arcibus & castellis, deducta, vix ante seculum XII. in usu ef-
 fe cœperint: Scriptores tamen Principibus anterioribus eadem

Dd 3

cogno-

(a) Lib. II. cap. VII. §. II.

cognomina indiderint, quæ cum tempore eorundem solummodo posterius gesserunt. Sic Genealogus Murensis ITAM, RADEBOTONIS coniugem, cognomine *Habsburgico* maclat, etsi certo certius cum ipsa, tum eius maritus, nullum unquam cognomen gesserint. Eodem modo, ut in calce pag. 149. nota c. videre est, egit BERTHOLDUS Presbyter Constantiensis, UDALRICUM cognomine *de Lenzburg* appellans, quod is tamen, dum viveret, nunquam, ut mox dicemus, usurpavit. Qua in re tamen notandum obiter est, in insigni codice membranaceo Bibliothecæ San - Blasianæ, in forma Augustea, post initium seculi XII. scripto, *rd de Lenzburg* secunda, licet antiqua, manu, adiectum fuisse: quod non miror, cum Auctoris ævo opus suum an. 1100. finientis, cognomina, ut dixi, nondum ita obtinuerint. Usi nempe fuerunt illi stilo, ad genium sui seculi composito, qui cum Comites, Principesque sibi contemporaneos, cognominibus uti viderent, iisdem & antecessores eorundem compellarunt; vel, quod re ipsa olim sic appellatos fuisse putaverint; vel, ut gentes, familiasque, eo luculentius inter se distinguerent

a
b
c

(a). Haud dispar ratio observatur in chartis & diplomatibus. Eius rei exemplum attulit P. HERRGOTTUS (b) de WERNHARIO Ep. Insigne quoque suppeditat laudatus Comes UDALRICUS, qui in charta an. 1045. (c), aliisque, se vivo conscriptis, simpliciter ac nude UDALRICUS *Comes* audit, defunctus autem tali iam compellatur cognomine, quale, dum viveret,

- (a) Omitto eiusmodi exempla alia, qualia largiter suppeditant alii auctores & monumenta, ac inter cetera vetustus codex *donationum & traditionum Einsidlensis*, nec non & recentius eiusd. celeberr. Alcesterii necrologium apud P. HERRGOTTUM tom. II. n. cmlxvii. & seqq. ubi v. g. occurrit AMATO adolescens . . . *Comiti Chunonis & Bernardi de Lenzburg stirpis, qui occisus est in expeditione Longobardica. . . an. 962.* cui consonat & necrologium, quod diem necis eius ad prid. cal. Febr. collocat. Scribitur tamen hic AMATO. Ibidem legitur EBERHARDUM *Comitem de Baden* ad an. 984. & reliquos. Quis autem ignorat, hæc ad genium seculi XII. & seqq. scripta esse; quandoquidem apud omnes in confesso est, cognomina seculo X. haudquaquam adhuc in usu fuisse? Hinc est, quod in *codice donationum apud Amazonem* provide addatur *de LENZBURG STIRPIS*, ut ne quis familiam antiquitus sic appellaram existimet.

- (b) Geneal. Dipl. Proleg. III. §. XII. ut cit. pag. 127. monuimus.
(c) Ibid. tom. II. p. 117.

veret, penitus ignoravit, quando in diplomate FRIDERICI I. Imp. paullo alium legimus titulum: *Comitis ULRICI prædilecti de LENZBURG* (a). Hæc cum Auctores, tum chartæ & diplomata.

IV. Quemadmodum ergo nemo culpæ aut erroris iure accusandus est, qui res suas ad genium sui temporis accommodat; ita nec scriptores peccati cuiusdam arguendi sunt, qui eandem seculi auram sequentes, stilum ad illud compo-^{Id quod amplius confirmatur,}nunt. Quare nec CONRADUS noster quidquam commisit peccati, quando KANZELINUM *Comitem de Altenburg*, aut Genealogus, quando ITAM cognomine *Habsburgicam* vocitavit; licet inter utrumque haud exiguum obversetur discrimen, in eo consistens: quod cognomen *Altenburg* nec substituterit aliquando, nec propagatum fuerit; cum contra cum cognomine *Habsburgico*, seculo XII. aut circiter, ut alibi diximus, exorto, utrumque evenerit, sic tamen, quod illud æque anterioribus Comitibus (licet illud, quamdiu in vita erant, prorsus ignorarint) a subsecutis scriptoribus æque inditum fuerit, ac cognomen *Altenburg* Comiti KANZELINO. Quod cum ita sit, facile percipitur, quomodo hic locus Actuarii intelligendus sit, quidque in mente habuerit, cum ita scriberet. Videbat nimirum, Comites, sua & patrum suorum ætate, sibi cognomina adscivisse ab iis potissimum arcibus, in quibus habitabant; sciens igitur KANZELINUM quoque in castro *Altenburg* habitasse, quid supererat, quam ut eum ex genio sui seculi *Comitem* quoque *de Altenburg* appellaret? Quamquam inde minime consequatur, ea in sententia fuisse Auctorem, ut exstimeret, Comitatum quendam *Altenburgicum* aliquando substituisse; sicut in simili casu nemo dicet, tempore ITÆ aut WERNHARII extitisse Comitatum *Habsburgicum*, aut tempore Comitis, de quo mox diximus, UDALRICI, Comitatum *LENZBURGENSEM*.

V. Rem hanc non parum illustrat vicinus nobis Comitatus *Hauenstein*, cui tale nomen adhæsit, non, quod vel olim, vel hodie, revera Comitatus quidam *Hauensteinensis*,^{Acque illustratur etiam,}

(a) Ibid. num. cxxlii. pag. 190.

aut Comites de *Hauenstein* extiterint (cum is tractus terræ, hodie sic dictus, Romanis temporibus *silva Martiana*, sub Regibus Merovingicis *silva nigra*, ac denique medio ævo a fluviolo *Alba*, seu *Alp*, pagus *Alpegowe* (a) audierit) sed abusive tantum a nobili familia de *Hauenstein*, aut a castro cognomine, aut ab utrisque simul. Nam nobiles eius nominis circa tempora RUDOLPHI Comitis Habsburgici, ac postea Rom. Regis, floruisse, Comitumque Habsburgicorum feudatarios fuisse, constat ex Geneal. Diplomatica (b). Hinc coniecturæ locus, ex eadem familia non nullos dictorum Comitum aliquando fuisse officiales, ac in castro & arce *Hauenstein*, cuius rudera hodie supersunt, vicinæ regionis ius dixisse. Certe regionis Archipræfectum, vulgo Wald-Vogt, ibidem suos olim carceres habuisse, refert STUMPFIIUS (c) quidni & ibi habitaverit? Eodem modo GOTTFRIIDUS, filius RUDOLPHI *Taciturni*, lineæ *Lauffenburgo-Habsburgicæ* factoris, in charta anni 1258. (d) non Comes Habsburgi, qualis re ipsa erat, sed *Comes de Loufenberche* subscribitur; quia nempe in arce *Lauffenburgica* domicilium fixerat, non quod revera Comes de *Lauffenburg* fuerit, aut Comitatus, eiusdem nominis, aliquando in rerum natura extiterit. Quid? quod vel hodie Comites non semper nomine gentilitio, sed a locis, ubi commorari & ius dicere consueverunt, saltem a vulgo appellentur, ut v. g. Comes de *Tetnangen*, Comes de *Weissenborn* &c. quibus nominibus Illustriss. Comites de *Montfort*, & de *Fugger* intelliguntur.

Argumentum P. H. contra Comit. *Vindobonensium* & *Alzenburg.* formatum, sollicita-

VI. Quando ergo hic cum Adversario certa ratione facimus, etiam P. HERRGOTTO haudquaquam, ut vidimus, invito, superesse nihil videretur, quam ut ad finem huic libro I. imponendum nos accingeremus, nisi ille paginas suas, quibus probare conatus est id, de quo fere nemo dubitavit, variis obiectionibus pro more impleisset, & nisi eo inclinare videretur,

(a) Geneal. Dipl. lib. I. cap. II. n. iv. p. 16.

(b) Ibid. tom. II. num. ccxxi. an. 1215. Itemque num. cccxii. an. 1240. 13. Ian. nec non 1260. 1. Dec. 1266. 5. April. 1267. 20. Mart. & 1268. 1. Maii.

(c) Chron. Helvet. lib. XII. cap. V. pag. 374. averfa.

(d) Cit. tom. II. num. cccxx. pag. 342.

rum ab Ad-
versario
restituitur.

deretur, ut supposititios Comitatus *Vindonissensem* & *Altenburgensem* a P. HERRGOTTO ex antiquo orbe pridem eliminatos, postliminio reducendos putaret. Quare de his iam propius videndum est. Ut assertum suum de Comitatu *Altenburgensi*, contra irrita GUILLIMANNI opinamenta demonstraret P. HERRGOTTUS, eidem testamentum WERNHERI Strabsburgensis Ep. sæpe laudatum, legendum obtulit, & quidem in hæc verba; *Qualiter ego WERNHERUS Strabsburgensis Episcopus, & castri, quod dicitur Habesbur, fundator, monasterium in PATRIMONIO MEO, in loco, qui Mure dicitur, in pago ARGOIA, in Comitatu Rore . . . construxi.* Ex his, inquam, verbis P. HERRGOTTUS, illum terrarum tractum non *Altenburg*, sed Comitatum *RORE* appellatum fuisse contendit. Adversarius contra parum æquus rerum harum interpret, vim argumenti eius hanc esse prætendit: *Iuxta allegatam chartam Comitatus RORE continebat aliqua bona avita Habsburgensium, ea videlicet, ex quibus fundatum monasterium Murense; ergo continebat omnia eorundem bona in Argovia, consequenter nec ALTENBURG Comitatus, nec KANZELINUS Comes de ALTENBURG vocandus erat.* Pulchra interpretatio! quæ tamen haud magis huc quadrat, quam eius commatis reliquæ, in decursu huius apologiæ explosæ. COMITATUS itaque *RORE* regio illa dicebatur, in qua bona avita *Habsburgensium*, ait P. HERRGOTTUS, situata erant. Incrustat hæc verba Adversarius, addens pronomen *aliqua*, unde ei facile fuit, conclusionem inferre contrariam. Quæ res, quale meretur encomium, per se patet. Gratis autem dicitur, argumento P. HERRGOTTI eam duntaxat vim inesse, quam hic obtendit Adversarius; cum ex iis multo magis contrarium consequatur. Est enim hic potius sensus: Comitatus, ubi Maiores Principum Habsburgicorum bona avita habebant, *RORE*, non *ALTENBURG* vocabatur: ergo frustra fingitur Comitatus *Altenburgicus*, cui quondam Maiores Habsburgicorum in iis plagis dominati fuerint.

VII. Non habent quidem primo aspectu hanc omnino vim verba P. HERRGOTTI, mox adducta, sed ea potius, quæ citato loco subiunxit, quæ proinde cum Adversarius, ne
E e
Adductis
præprimis
P. H. ver-
bis inte-
gris,
asser-

assertum suum colore destitueretur, ex toto omiserit, huc nolens, volens, apponere cogor, ut nemo non videat, quam parum benigne P. HERRGOTTUS etiam hoc loco habitus fuerit. Sunt vero hæc: „Fuit autem RORE nomen non „alicuius familiæ, sed sedes primaria, in qua regionis illius „Comes iudicia publice exercebat; ut discimus ex charta „nostra anni MXXXVI. 9. Febr., in qua scriptum legitur: „*Hæc charta traditionis advocati acta & levata est in publico mallo RORE sub Comite ULRICO.* Ex quo porro patet, „ULRICUM hunc Comitem, qui propagator extitit Comitum de *Lenzburg*, rectorem fuisse illius Comitatus, in „in quo bona paterna Habsburgensium locabantur. Unde „etiam colliges, quod, ubi nobilis quædam familia patrimonii sui bona habuit, nequaquam tuto semper inferre liceat: eandem ibi Comitatum tenuisse, seu illam Comitatus tali præfuisse. Neque enim prædia Comitum nomen *Comitatus* temere usurpabant; neque nomen *Comitatus* mutatum est cum possessore, cuius ipse cognomen gereret, ut „in Frisia cum prædiis Nobilium fieri solebat. Ceterum „RORE Comitatum in *Argovia* a Murense monasterio, ubi „WERNHERI Episcopi *patrimonium* erat, ad bona quoque „paterna RADEBOTONIS, RUDOLPHI & LANCELINI, fratrum eiusdem WERNHERI, se se extendisse, mihi persuasum est; „RADEBOTO enim, utpote natu maior, qui ex præscripto testamenti fratris sui WERNHERI castro HABESBURCH dominabatur (cui proinde haud dubie maiora bona obveniant) horumque duo reliqui fratres, RUDOLPHUS & LANCELINUS, a communi eorum parente LANTHOLDO in eadem *provincia Burgundia*, in *pago Argoia*, in *Comitatu Rore*, prædia sua, seu heredia a patre habebant. Id suadet confinium latifundiorum WERNHERI & RADEBOTONIS, siquidem Murense monasterium non longe distat a castro Habsburg, & a bonis, quæ Habsburgensibus *in dem eigen* (de hac appellatione singulatim egit P. HERRGOTTUS lib. I. cap. IV. num. II. & III.) nuncupata sunt. Accedit, quod „*Lenzburgum*, aliaque vicinaloca, ad Comitatum RORE pertinebant; ut adeo Comitatus RORE a limitibus ac finibus „Murenensis monasterii minimum ad Arulam fluvium usque „pro-

protenderetur, prius nempe, ac nomina Comitatum
Badensis & Lenzburgensis exorta legamus. Atque in hoc
 systemate *Vindonissam & Altenburgum* ad Comitatum RORE
 pariter pertinuisse manifestum fit. Corollarium itaque est
 (id quod antea iam dicebamus) antequam nomen *Comi-*
tatus Habsburgensis enasceretur, bona Habsburgensium pa-
 terna & avita in Comitatu RORE sita fuisse: adeoque fru-
 straneo labore defudare, qui modo ex ruderibus *Vindonif-*
sensibus, modo ex *Altenburgicis*, nova atque in re diploma-
 tica usu haud recepta ac insolita nomina ipsis imponere
 conantur. Hæc uti diffuse, ita solide P. HERRGOTTUS
 (a); unde Lectoris arbitrio committo, quid de supra recitato
 Adversarii enthimemate sentiendum sit? nam etsi illud, ut
 nihil dissimulem, a subiuncto & mox descripto corollario
 haud multum abludat; quia tamen reliqua, quæ circa bona
 aviatica observavit P. HERRGOTTUS, Adversarius reticuit,
 plane videmus maiorem longe vim argumento inesse, ac is
 venditat.

. a

VIII. Sed ponamus, hoc argumentum vi pollere pa-
 rum firma, non utique illud solum proposuit P. HERR-
 GOTTUS. Hinc etsi se solo vim haberet nullam, uti tamen
 non modicum habere in propatulo est, haberet tamen, ut fit,
 iunctum ceteris, quæ legi possunt apud P. HERRGOTTUM.
 Ego, ut in re aperta nimis longus ne fiam, argumentum
 duntaxat negativum seligo, quod hunc in modum proferre
 liceat; Silent de his Comitatibus tam chartæ & diplomata,
 quam auctores coævi: ergo frustra, aliquando in orbe terra-
 rum fuisse, finguntur. De prioris generis documentis res
 certa est; quandoquidem in hunc usque diem nemo unus tale
 quid producere potuit: alterum §. sequenti ventilabitur. In-
 terim argumentum isthoc tanti roboris esse autumo, quanti
 vix est aliud. Qui enim fieri potuisset, ut, cum omnium
 pagorum, puta *Brisigagowe, Alpegowe, Suntgowe*, tum *Clog-*
gowe, Turgowe, Zurichgowe, Argowe &c. nec non Comita-
 tum, puta *Rore, Lenzburg, Baden, Habsburg*, aliorumque
 in hisce confiniis, amplissimam mentionem ex tantum non

Nec non
 & argu-
 mento ne-
 gativo.

E e 2

incre-

(a) Proleg. V. §. III.

incredibili copia Instrumentorum antiquorum, partim editorum, partim ineditorum, habeamus: quis in animum inducere possit suum, ut credat, solos Comites *Altenburgicos*, seu *Vindonienses*, tam infelices fuisse, ut eorum omnis deleta atque sepulta fuerit memoria, omnesque obstructi fontes, Instrumenta puta vetera, unde aliis tanta hactenus accensa lux fuit? Inaniter igitur opponit Adversarius: non obviare argumenta mere negativa. Qui enim rebus fictitiis aliter, nisi argumentis negativis occurret? „Valde refert (ait Doctissimus MABILLONIUS) criticæ operam dantes negativo arguimento tempestive & apposite uti; rectus namque istius, usus aliquoties plurimum iuvat, *praesertim vero ad eludendum commenta* &c. Quæ regula quam veritati congruat, hactenus usus docuit & experimentum. (a)

Contrarium quodque haud probant Auctores eorum. pag. 181.

IX. Respondet tamen Adversarius, urgetque: quod deficientibus chartis, auctoribus, rem testantibus, fides danda sit. *Sed vel ideo*, inquit, *quod sileant chartæ veteres de Comitatu Vindoniensi seu Altenburgico, ad alia documenta recurrere licebit.* Sunt autem auctores eiusmodi: in primis CONRADUS noster, seu Actuarius Murensis, qui pag. 8. hæc habet: *Kanzelinus Comes de Altenburg*: deinde liber quidam MS. membranaceus monasterii Einsidensis, ubi olim legebatur: *x. Kal. Aug. obiit Ita Comitissa, uxor Comitis RADEBOTONIS de VINDONISSA.* Hæc omnes sunt GUILLIMANNI merces, quas cum pariter nobis vendidit Adversarius, nihil aliud agit, quam quod antiquum errorem denuo nobis obtrudat; quando facile videntur, merces has nullius esse pretii. Etenim pro primo iam advertimus, credibile prorsus, immo & certum videri, Auctores hos ad genium sui seculi locutos, adeoque KANZELINUM v. g. Comitem de *Altenburg* vocasse. ITAM Comitissam de *Vindonissa*; quod hæc & ille in iis locis commorarentur, aut ille etiam in castro *Altenburg* ius diceret, quæ singula apertam habent veri speciem. Quod si autem & hæc non placerent, ut ut tam monumentis historicis, quam diplomaticis firmata, non tamen video, quid alle-

(a) Tract. de stud. monast. P. II. cap. XIII. pag. 196. ed. lat. II. Vener.

allegata horum MSS. loca roboris habeant, aut valoris; ut quæ de *Comitibus* duntaxat non de *Comitatibus* mentionem faciunt. Est autem aliud, quemdam *Comitem* appellare de *Altenburg*; aliud dicere, fuisse aliquando eius nominis *Comitatum*, ut exempla de *Comitibus* in *Lauffenburg*, *Hauenstein*, *Detnang*, *Weissenborn*, superius adducta, quæ singula nomina sunt *Comitum*, at sine *Comitatibus*, idem nomen gerentibus, abunde docent.

X. Recte igitur Adversarius in præcedentibus: „Quin
 „ immo ponamus, ait, in Argovia Comitatum, præter Ro- Hinc cum
 „ rensem, extitisse nullum. An vero Scriptor Murensum Adversari-
 „ Actorum Auctori Gentis Habsburgicæ LANCELLINO seu us nihilo-
 „ LANDOLDO proprium Comitatum assignasse dicendus, ex minus cum
 „ eo, quod illum *Comitem* nuncupet de *Altenburg*? nulla GUILLI-
 „ nos certitudine docebit, multo minus convincet P. HERR- MANNO fa-
 „ GOTTUS, scriptoris mentem fuisse, KANZELINUM Comi- ciat.
 „ tem potius a Comitatu proprio, quam a castro Gentilitio pag. 178.
 „ cognominandi de *Altenburg*. „ Convenit ergo Adversarius
 nobiscum, errorem non tam Actuaria, quam GUILLIMANNO,
 aliisque, qui Actuarium commentariis illustrarunt, CHIFFLE-
 TIO, puta, BLONDELLO, ECCARDO, Abbate Tschudio, ce-
 teris, adscribendo (a), quod idem & nos dicimus, dixitque
 P. HERRGOTTUS alio loco, ut paullo ante vidimus. Conve-
 nit & in hoc, quod ex verbis Actuarii haud consequi dicat,
 quod is Comitatum quendam, nomine *Altenburg*, in Argoia
 aliquando fuisse docuerit, Quare miror, quod nihilominus
 cum GUILLIMANNO non obscure faciat, quando Comitatum
Rorensem & *Habsburgicum* eodem tempore coexistisse conten-
 dens, sic porro pergit: quæ quidem Comitatum diversitas &
 coexistentia nec pro ævo superiori implicaret, ita, ut Comitatus, pag. 182.
 iisdem liminibus circumscriptus, qui postea *Habsburgensis*, an-
 tea promiscue diceretur *Vindonissensis*, atque etiam *Altenbur-*
gensis, a castro, Comitum sede: a castro, inquam, quod ipi-
 simum illud e ruderibus veteris *Vindonissæ* postliminio resusci-
 tatum, adeoque castrum *Vindonissense* fuisse, non modo nomen
 ALTENBURG, seu CASTRI VETERIS, sed situs præcipue, & quæ

E c 3

super-

(a) Vid. General. Dipl. proleg. IV. §. II.

superfunt vestigia, testantur. Si chartæ & diplomata de nullo Comitatu *Altenburgico* memorant: si de eo, ipso fatente Adversario, auctores, seu codices *MSS.* (nam is de Actuarius id expresse docet, codex autem Einsidlenfis non plus dicit, quam Actuarius) nihil aperte loquuntur, multo minus decidunt, quin potius KANCELINUS non a Comitatu, sed a castro gentilitio cognominatus est de *ALTENBURG*: quid superest Adversario, unde Comitatum *Vindonissensem* seu *Altenburgicum* evincat? num ratio possibilitatis? hanc certe non obscure obtendit dicens: quod Comitatum diversitas & coexistentia nec pro ævo superiori implicaret: sed præterquam, quod nulla prorsus adsit necessitas, tale quid statuendi; neque etiam, si rem ex vero perpendamus, possibilitas quidquam valet; cum non nesciat Adversarius, quod P. HERRGOTTUS GUILLIMANNO, se ipso non improbante, alibi obiicit: *Ex eo, quod res ita se habere potuerit, in omni Logica, cum primis vero in Genealogicis, damnatur conclusio, quæ, ut aiunt, a potentia ad actum progreditur.* (a)

Inconstantis doctrinæ haud immerito postulat. rur.
PAG. 177.

PAG. 184.

XI. Cum igitur sic militet Adversarius, ut arma sibi ipsi excutiat, aut dimittat saltem; atque adeo doctrinam alterius modo impugnet, modo non obscure amplectatur, non possumus non eidem hic reddere, quod is in P. HERRGOTTUM hisce verbis proiecit: *Inconstantiam, Anonymo nostro (substituto ego HERRGOTTO) hic obiectam, nullibi vero probatam, Clar. P. (lege Adversarius) ad se recipere non gravabitur.* Moderatus est quidem nonnihil suam sententiam Adversarius, cum in fine huius sui capit. XXIV. quidquid proleg. IV. & V. contra GUILLIMANNUM disputavit HERRGOTTUS, quasi in medio relinquit dicens: *Verum expediamus nos hac lite de nomine, non tam solliciti de iure Comitatus Vindonissensis, seu Altenburgici, propugnando --- quem quidem titulum, ævo quippe suo nemini usitatum, a maioribus didicerit (Actuarius) sive dein a castro duntaxat Gentilitio, sive a Comitatu quoque cognomini, derivatum.* Hæc enim Adversarium ab inconstantia haudquaquam excusant; eo ipso enim, quod nuspiam idoneum hæctenus erutum sit, nec certe erui possit monumentum,

(a) Proleg. IV. §. IV. & apud Adversar. p. 172.

tum, quo Comitatus eiusmodi probari queat; evidens est, sententiam, qua ex orbe antiquo eiicitur, non esse problema, sed veritatem ipsam; adeoque agnito semel, laudata *MISS*, nihil probare, ut Adversarius certe agnovit, P. HERRGOTTO non cum dubio, sed absolute adstipulandum erat, hincque ultima verba: *sive a Comitatu cognomini*, plane omitti debuerant. Ceterum, quod Adversarius ex hac disputatione *litern de nomine* faciat, viderit ipse, ut apud Senatum Reipub. literariæ eius rei rationem reddat. Neque enim de *nomine* duntaxat agi quisquam putaverit, ubi de non spernendo terrarum tractu, id est, Comitatu *Vindonissensi* vel *Altenburgico* agitur. Nihil ego addo de ingenti omnium rerum confusione, quæ ex eiusmodi terræ plagis, dum eas impune fingi patimur, nasci posset. Videamus, ut ne nobis ipsis eruamus oculos.

XII. Iam ad eum deducimur locum, ubi P. HERRGOTTUS velut pro coronide erroribus, sed erroribus a se, & quod maius est, in unica sectione commissis, vix non obruitur. Illam igitur, prout proleg. IV. §. VII. habetur, hic repetere ac præmittere operæ pretium erit: „Provocat, GU-
 „ ILEIMANNUS, ad MS. codicem pergamenum Eremitæ Dei-
 „ paræ, in quo RADEBOTO, LANCELINI filius, diserte, in-
 „ quit, scribitur *Comes de Vindonissa*. At, ut huic enuntia-
 „ tioni fidem habeam, plura obitant, eaque non levia, quæ
 „ me a præstando assensu retrahunt. Nam primo exponere
 „ debuisset, cuius ætatis, formæ ac characteris codex ille
 „ fuerit, in quo ea, quæ assert, a nemine alias visa, legit.
 „ Meminit quidem solertissimus D. *Egidius Tschudius* cu-
 „ iusdam membranacei codicis *Einsidlenfis*, qui in cubiculo Re-
 „ verendissimi D. Abbatis S. R. I. Principis, quando mona-
 „ sterium ultimo flammis absumptum fuit, pariter interiit.
 „ Ex eo excerptum antea fecerat laudatus Tschudius, quem
 „ ex arce Greplang inter Instrumenta nostra congestissimus
 „ tom. II. num. CMXLVII. in illo autem scriptor non nullis
 „ familiarum factoribus nomina promiscue tribuit, quæ poste-
 „ riori ævo, & non nisi a potteris, assumpta fuere. Cuius-
 „ modi est, quod LANDOLDUM Comitem *de Zaringen* no-
 „ minet,

Locus P.
HERRGOT-
TI, ab Ad-
versario a-
gitatus, re-
fertur.

minet, atque adeo mirum videri non debeat, si RADEB-
 TONI Comiti nomen Comitis de *Vindonissa*, (quod tamen
 TSCHUDIUS ex prædicto codice non adnotaverat) a GUIL-
 LIMANNO primo inventum addiderit: pari licentia, qua
 plures alii recentiorum scriptorum vetustissimis familiarum
 maioribus nomina indiderunt a castris, aliisque rebus, a
 quibus familiæ ipsæ (at non nisi posteriori ævo) nomina
 sua desumpserunt. Hinc vero patet, codicem illum re-
 centem fuisse, seculum certe XII. ætate haud superasse,
 si modo adæquarit; nam seculo primum tertio decimo (a)
 & subsequen-
 tibus, mos inolevit, ut proceres a castris &
 prædiis, quæ possidebant, nomina acciperent.

XIII. Omnia hæc, si Adversarium audiamus, spissis
 erroribus repleta sunt. *Fallitur enim inprimis*, ait ille, *quod*
ea, quæ ex codice Einsidlensi GUILLIMANNUS offert, a nemi-
ne alias visa supponat. Quare? quia codicem etiam *Ægidi-*
us TSCHUDIUS vidit & allegavit (b). Sed, ni & ipse quo-
 que fallar, fallitur hic Adversarius. Nam etsi codicem *Ægi-*
dus quoque TSCHUDIUS viderit, locumque excitaverit, is ta-
 men haudquaquam novum exinde Comitatum extundere co-
 natus est, ut fecit GUILLIMANNUS; quare ab altero, novum
 systema proponente, merito exigitur, ut, quibus ex fontibus
 rem suam hauserit, plenius edoceat, ab altero contra talis
 accuratio exigi nequit. Deinde TSCHUDIUS æque ac GUILLI-
 MANNUS nullam de codice, eiusque ætate, notitiam suppeditat,
 cuius tamen solius causa, hæc a *nemine alias visa* fuisse dixit
 P. HERRGOTTUS. Alias enim cur non & obicit Adver-
 sarius, codicem (nam codicem & contenta idem esse autu-
 mo) olim visum esse ab integra Celeberr. Einsidlensis Afce-
 terii communitate, ostensumque illuc commeantibus, atque
 Bibliothecam, aut Archivum lustrantibus? nam hæc haud du-
 bie etiam facta sunt, nec tamen ideo scimus, *cuius ætatis*,
forma ac characteris codex ille fuerit. Neque interim frustra
 exigit

(a) Seculo XI. aut circiter scribere voluit, ut patet ex Geneal. Dipl.
 proleg. III. §. XII. itemque Lib. I. c. IV. pag. 27. ubi res hæc dif-
 fusius tractatur. Nimis igitur sicum est glossema Adversarii, hoc
 loco in hæc verba (*alibi iam XI.*) adiectum.

(b) Chron. tom. I. pag. 8. ad an. 1026.

Defendi-
 tur, resti-
 tutis prio-
 ribus duo-
 bus mem-
 bris.

b

exigit P. HERRGOTTUS, ut cuius ætatis codex fuerit? edicatur. Etenim si seculo XII. superior non fuit, ut certe non fuit, consequens erat, auctorem more sui seculi, quo cognomina primum, ut sæpius dictum, usurpari cœperunt, locutum, adeoque codicem nullam habere vim probandi; quandoquidem is tum primus & solus hæc produxerat. Postremo, cum MS. *Ægidii Tschudii* usque in annum 1735. latuerit, GUILLIMANNUS contra Habsburgiaca sua ante centum quinquaginta & amplius annos ipse in lucem emisit, quæro, an non recte dictum sit, eum tum attulisse, a nemine hæcenus visa? haud secus, ac mox laudatus *codex donationum & Actuarii*. Quam inanis ergo atque inutilis hæc prima Adversarii obiectatio? Sed is tamen non minus fidenter pergit: *Fallitur, aiens, hinc etiam, quod laudatum Tschudium ex eodem, quem GUILLIMANNUS allegat, codice, excerptum suum fecisse existimet.* Verum quidem est, alius erat codex, unde GUILLIMANNUS, alius, unde Tschudius sua excerpsit; sed neque etiam dixit P. HERRGOTTUS, fuisse unum, eundemque codicem. *Meminit . . . cuiusdam membranæ codicis, ait, ut adeo quisnam certo fuerit, haud decidat.* Quin immo, paucis interiectis, expresse dicit, *qualiscunque demum codex fuerit, ut adeo Adversarius egregie fallatur, illud adstruendo.* At hæc ipsa ultima verba Adversarius omisit, nescio, an eo fine, ut P. HERRGOTTUM eo liberius carperet. Nec obest, quod dicat P. HERRGOTTUS: *Ex eo excerptum antea fecerat laudatus Tschudius; nam sive LIBER, ut inscribitur, vitæ sit, sive EXCERPTA EX VETUSTO CODICE DONATIONUM ET FUNDATIONUM EINSIDLENSIUM (quod ultimum P. HERRGOTTUS in allatis verbis ipsemet monet, adeoque Adversarius supervacaneæ dicit: Quæ Tschudius ex co-* pag. 180.
dice quodam Einsidlensi excerpterat, ipse P. HERRGOTTUS cit. tom. 8. num. inter instrumenta sua congeffit) nihil statuit P. HERRGOTTUS, in medio, ut dixi, identidem relinquens, *qualiscunque demum codex fuerit.*

XIV. Non maius a veritate præsidium inveniunt aliæ dux Adversarii obiectiones. „Fallitur insuper, ait, quod a „Scriptore Einsidlensi nomen *Comitis de Windonissa RADE-* Nec non duobus membris ultimis.

F f

„ BOTO-

„ BOTONI additum velit pari licentia, qua recentiores alii
 „ vetustissimis familiarum maioribus nomina attribuunt, non
 „ nisi a posteris assumpta: Quis posterorum RADEBOTONIS
 „ nomen *Comitis de Vindonissa* assumpserat unquam? ut adeo
 „ ex hoc capite scriptor ille recentioribus adnumerari non
 „ debeat; quin potius vel hinc antiquissimus, quia nomen
 „ RADEBOTONI tribuit, quod sibi ab ævo recentiori dictari mi-
 „ nime potuisset. „ Quasi vero ille, videlicet P. HERRGOT-
 „ TUS, qui Comitatum *Vindonissensem* non nisi in ipsa Utopia
 quærendum statuit, unquam existimasset, posteros RADEBO-
 TONIS nomen *Comitum de Vindonissa* aliquando adscivisse.
 Multo minus tolerabile est, quod auctorem eo ipso antiquis-
 simum faciat; quia illud nomen ei *ab ævo recentiori dictari*
 haud potuerit. Quis antiquorum Comitum vel a Comitatu,
 quem rexit, vel ab arce, quam inhabitavit, vel aliunde cog-
 nomen sibi ante seculum XII. aut ante finem seculi XI. as-
 sumpsit? Num putat Adversarius, nos hac in re tam hospites
 esse & peregrinos? sed id totum est, quod iam semel lau-
 dato cap. XIV. & mox hic num. III. disputavimus. Simili-
 tudinem nempe hic proposuit P. HERRGOTTUS, quam nos
 pag. 183. quidem cit. num. ventilavimus. Quarta obiectatio, qua *Fal-*
litur, inquit, *demum Clar. P. quod controversi nominis pri-*
imum inventorem dicit GUILLIMANNUM, ex eo sufflaminiatur,
 quod de TSCHUDII & GUILLIMANNI lucubrationibus mox
 dicebamus. Nonne enim rem primus invenisse dicendus est,
 qui eam primus publicavit? Neque etiam Chronicon TSCHUDII
 in manibus GUILLIMANNI, cum hæc scriberet, fuisse novimus,
 neque si in manibus eius fuisset, rescire poterat P. HERRGOT-
 TUS. Ceterum denuo hic errat Adversarius, quum litem &
 controversiam de nomine procedere venditat. Quis amabo!
 litem de nomine putabit, ubi de integra aliquot milliarium
 regione agitur? sed de hoc iam semel actum memini.

Corollari-
um ex di-
ctis.

XV. Hæc singula cum ita sint, quæro iam, quis iis
 rebus magis deceptus fuerit, P. HERRGOTTUS, an Adversa-
 rius? Illum certe iure merito absolvi, ex dictis constat, cum
 contra Adversarium toties deceptum fuisse pronuntiemus,
 quoties alterum erroris arguit. Quod si porro P. HERRGOT-

tus aliqua re falsus, seu deceptus fuisset, id in nullo alio ei evenisse dicendum foret, quam quod codicum MSS. Eiusdem haud sufficientem habuisset notitiam; unde quippe cetera omnia errata, aliunde etiam levissima, ac prorsus nullius momenti, consecuta fuissent, ut consideranti patebit. Ad quid ergo amplificatio illa Rhetorica? cur ex uno, si quod est, errato, quatuor procudenda? Verum

Qui variare cupit rem prodigialiter unam,

Delphinum sylvis adpingit, fluitibus aprum. (a)

CAPUT ULTIMUM.

Anacæphaleosis Libri I.

I. **C**ONCLUIT P. HERRGOTTUS prolegomenon suum III. hisce verbis: „Ex hætenus dictis, clare (ni fallor) „liquet, scriptorem Murensum Actorum seculo primo „mum XIII. floruisse. Constat etiam, schema genealogi- „cum, Actis præfixum, mancum esse & incompletum, iux- „ta ac mendosum: hoc ipsum porro non satis ubique & in „omnibus veterum monumentis probari ac muniri: Acta „vero fundationis monasterii Murensis in notis chronologi- „cis ab omni prorsus errore immunia haud inveniri. Ita- „que statuendum, Acta Murensea, ut ut cetera ad res Hab- „burgicas approve faciant, tantæ tamen auctoritatis non esse, „ut ex se, ac propria virtute, sine adminiculo, ex re „diplomatica petito, in genealogia, iisque in locis, ubi „circa rationem temporis difficultas exorta est, plenam ac „indubitam fidem facere possint. Dicamus igitur, scripto- „rem Actorum Murensum gravem esse, quin & gravissi- „mum, in rebus domesticis & sui temporis. In genealo- „gia quoque Habsburgenfi eius auctoritas magni facienda, „nec contemnenda etiam in iis, quæ de retro actis tempo- „ribus meminit; dummodo hæc monumentis coævis vera „quadam ratione fulciantur, aut saltem iis non impugnen- „tur, ut fides humana acquiescere non reformidet.”

Offendi-
tur, con-
clusionem
proleg. III.

Ff 2

II.

(a) HORAT. ART. POET. V. 29. & 30.

Veritati
consentaneam
fuisse.

pag. 186.

II. Nihil in hac sectione grave, nihil usquam, quod alicui offensionem esse posset, contineri, non solum ex dictis, quæ hæc singula (si, quæ de ætate Anonymi disputavit P. HERRGOTTUS, cum discrimine saltem accipias) veritati apprime consentanea esse probant, manifestum fit; sed & ex mox recitatis verbis ipsis, quæ utique *Anonymum*, qualis hæctenus putabatur, *Murensem*, insigni extollunt laude. Nihilo tamen secius negat, ac pernegat Adversarius hæc omnia, tenendum potius obtendens: *Acta Murenſia tantæ auctoritatis esse, ut ex se & propria virtute, tam in genealogia, quam chronologia, plenam ac indubitatam fidem facere possint.* Sed ut ut Actis parum (quod ex dictis constat) detrahendum existimaverim (nam horum auctorem a Genealogo probe distinguendum esse, plus simplici vice admonui) luscus sane, aut oculis omnino captus sit, qui non videat, mendosæ genealogiæ non usque adeo fidendum. Ecquis enim, ubi adverterit, illam alia ex parte erroneam; ut cum v. g. ITAM, RADEBOTONIS coniugem, sororem THEODRICI Ducis constituit: alia mancā & incompletam esse; ut quando, præter alios, ipsum etiam RADEBOTONEM, negligentia haudquaquam ferenda, omittit: hic contra fidem historicam; ut quando laudatam ITAM cœnobii Murenſis *reparatricem* nominat; cum *auctrix* dicenda fuisset: illic contra chronologiam simul, atque genealogiam peccare; ut quando in progenie II. CHUNONEM, WERNERUM, & RUDOLFUM filios RICHENZÆ de *Lenzburg* constituit: alio loco obſcurum, ut qui maxime: alio inconstantem prehendi. Hæc, inquam; atque plurima alia, per decurſum huius operis in singulis fere generationibus ostensa (a), ubi quis viderit, legeritque, nonne continuo cum P. HERRGOTTO pronuntiabit: *Genealogiam Murenſem ex se & propria virtute, sine adminiculo, ex re diplomatica petito, talem ac tantam haud esse, ut ei RES TANTI, QUANTI EST, GENEALOGIAM AUGUSTÆ GENTIS HABSBURGICÆ CONDERE (verba sunt P. HERRGOTTI) TUTO INNITI ET ACQUIESCERE POSSIT?* Quibus rebus si addideris ætatem Genealogi, quem seculo XIII. exeunte superiorem

(a) Repet. dicta cap. XIV. & seqq. usque ad fin. Add. cap. I. III. & XI.

rem haud esse cap. XI. demonstravimus, res paradoxo similis est, quod Adversarius petere ausit a P. HERRGOTTO; ut eum tanquam testem admittat omni exceptione maiorem, eique primas deferens partes, genealogiam suam tam infirmo superstruat fundamento. Certe si, qui iudicio contendunt, testem non admittunt, nisi qui rem, de qua testaturus est, scire queat: sique is, docente BARBOSA, *qui in uno vacillat & reprobatur, in omnibus suspectus fiat*, quid quæso! de Genealogo tenendum, quem & falsæ relationis convictum, atque a rebus plerisque, quas narravit, longius remotum, nec in iis etiam, quibus ipse interesse poterat, satis accuratum fuisse, sorte ad nauseam usque probavimus. Quare nihil aliud hic superesset, quam ut vela contraheremus; nisi Adversarius etiam huic capiti non nulla pro more aspersisset, quæ tam sicco vestigio præteriri haud possunt.

III. Ex dictis constare dixerat P. HERRGOTTUS, *Acta fundationis monasterii Murensis in notis chronologicis ab omni prorsus errore immunia haud inveniri*. Id probandum fuisse, reponit Adversarius, cum in toto prolegomeno III. ne unum quidem notaverit errorem chronologicum. Fateor, delicatis auribus si satisfacere studuisset P. HERRGOTTUS, explicatius nonnihil hic loquendum fuerat; sed quia tamen, unacum PEIRESKIO & Adversario, tam genealogiæ præfixæ, quam subsequentiæ Actorum unum eundemque esse auctorem tenuit, cetera vero ipsi Genealogo, idque in priori eius parte, non leve peccatum chronologicum alias ostendit (a), plane consequitur; ut, quod hic de Actuaria pronuntiavit, æque de Genealogo, ea in hypothesi, accipiendum sit. Quare super-
vacaneum etiam fuit, notas chronologicas ex Actuaria, si-
cubi occurrunt, tam studiose conquisitas, in unum hic congestas
fuisse cumulum; quandoquidem P. HERRGOTTUS toto lib.
II. id longe accuratius præstitit, atque Genealogum simul at-
que Actuarium cum chartis & diplomatis contendens, inte-
grum

Actuarius
Mur. erra-
ti chrono-
logici res-
ste po-
stularus,
pag. 187.

pag. 188.

F f 3

(a) Proleg. III. §. XIII. ubi verba: *chronologia item male se habet*, a typographo omissa, & a P. HERRGOTTO in corrigendis restituta. Adversarius pag. 94. fideliter in contextum recepit. Vid. etiam caput nostrum XV.

a b
c

Pag. 174.

grum genealogiæ Habsburgicæ systema ad temporum, quoad eius fieri potuit, rationem exegit. Præterea, si nulum erratum chronologicum in Actis ipsis notavit P. HERRGOTTUS, negari tamen nequit, notari potuisse, ideo; quod is WERNHARIUM, episcopum Strasburgensem, anr. MXXVII. (nisi hic error exscriptori tribuendus sit) ad plures abiisse scribat; quandoquidem Doctissimi Galliæ Christianæ continuatores (a), quos sequuntur CALMETUS (b), SCHOEPFLINUS (c) alique, ex Chronographo Saxone, LAMBERTO Scafnaburgensi, & chronico Hildesheimensi, contra hunc ipsum CONRADUM nostrum, nec non contra chronicon *Augustense*, tenent; eundem annum primum MXXIX. v. Cal. Nov. obiisse. Scio equidem, ut excusare hunc errorem chronologicum nitatur Adversarius, dicens alibi: videri, *annum hunc*, nempe septimum & vicesimum, potius *ad abitum*, (Constantinopolim videlicet, quo eodem anno iussione CONRADI Imperatoris profectus est) *quam ad obitum WERNHARII referri*; *quo nimirum iam satis adulto iter ille ingressus (testante WIPPONE in vita CONRADI Imp.) at variis in via impedimentis iactatus, ad urbem prædictam pervenire vix potuit ante annum sequentem.* Sed vereor, ut hæc coniectura apud multos fidem invenerit; cum ea neque in contextu, neque alia in re fundetur; maxime cum annus Christi primum post verbum: *sepultus est*, ponatur, dicente Actuário: *ibidemque defunctus ac sepultus est anno Domini MXXVII. Ind. X.* adeoque ad *obitum* potius, quam *abitum* referri debeat. Ad hæc cum annum WERNHARII emortualem MXXVIII. non obscure statuatur Adversarius, rem tanto minus tetigit; quod plerique, tam veteres, quam recentiores, numerum hunc uno, ut mox vidimus, anno augeant. His adde, quod P. HERRGOTTUS Actuário ob prætensum stemma ITÆ æque dicam scripserit ac alii: at ibi ingentem ab eo anachronismum commissum fuisse, partim ex cap. nostro III. partim ex cap. XV. num. IX. p. 150. constat;

ut

(a) Tom. V. col. 793.

(b) Hist. Lothar. tom. I. col. cxxxiii edit. II.

(c) Alfar. illustr. Tom. I. p. 773. §. LXVIII.

ut adeo Actuarius Murenfis , aut forte exscriptor eius , qui , ut iam semel monui , haudquaquam accuratus fuit , etiam quoad hoc recte culpatus fuerit.

IV. Sive autem Scriptorem nostrum , seu verius Scriptores , reprehendat P. HERRGOTTUS , sive commendet , æquale sibi semper apud Adversarium meritum parat. Hoc certe loco , ubi *scriptorem Actorum Murensum gravem esse docet* , parum est , ubi cum insuper *gravissimum in rebus domesticis* & *sui temporis* appellat , haud multum abest , quin cum omni suo candore simulatorum albo publice inscribatur ; adeo nihil tam sincerum est , quod non in malam partem accipi queat , ubi præconceptæ regnaverint opiniones. Plenus enim fiducia reponit hic Adversarius : *FUCUM hunc non attendent , meritoque dubitabunt viri cordati fidem dare integrum in rebus domesticis , superioris præsertim ævi (in rebus domesticis sui temporis transeat) scriptori , atate recentiori , tanta circa alia oscitantæ , & quidem in rebus suis non satis constanti , scriptori , inquam , ex innumeris vitiis diffamato.* Gravis certe in virum eruditum censura ! Fucum enim qui fecerit , simulate qui egerit , quo pacto in reliquo opere fidem inveniet ? sed is tamen simulationis arcessendus erat , ut alter sincerus putaretur : deprimendus scriptor alterius sodalitiî hodiernus , ut extollatur scriptor sodalitiî nostri antiquus. Bellum remedium ! pulchrum inventum ! sed ego hæc quid moror ? quando iam affatim ostensum est , quam immerito , quam nulla ex causa hæc faba in P. HERRGOTTUM cusa fuerit , quamque contra iure , meritoque , cum Genealogus , tum Actuarius , sub examen revocati fuerint ; ut adeo eandem crambem hic recoquere nolim. Gaudemus interim , auctorem hunc , ob quem hæc excitata est commotio , feliciter tandem sodalitiio nostro San - Blasiano asserptum fuisse ; sed ideo tantum gaudemus , quia exinde spes affulget , fore , ut se deinceps contineant , quibuscunque visum est , in eius gratiam scribere *Vindicias* ; quandoquidem civem nostrum , sicubi opus erit , defendere nobis ipsis incumbet , non aliis. Nec deinceps timendum

Quod tamen, ut & alia errata, fidei illius in rebus domesticis nihil derogat.

pag. 188.

mendum esse crediderim, ut propter auctorem sex & viginti linearum (Genealogum intelligo, qui Murenſibus iam ſolus ſuperſtes relictus eſt) nova ſuſcipiatur apologia; ut adeo omnia poſthac quieta & tranquilla futura fore, ſperandum ſit. Porro quod hic ſubveretur Adverſarius, futuros etiam viros cordatos, qui ob tam ſeveram P. HERRGOTTI, de Actuário Murenſi, cenſuram, eidem in rebus quoque *domesticis remotioris ævi*, quin & forte *ſui temporis*, fidem denegaturi ſint, proſecto nihil eſt; cum id hucusque a nemine, ac neque ab ipſo P. HERRGOTTO, ut alias innuimus, factum ſit. Sumus etiam ab hoc periculo eo iam tutiores; quod Genealogus, & Actuarius ſcriptores ſint a ſe diverſiſſimi, totaque ſere P. HERRGOTTI cenſura illum præcipue, non hunc concernat. Conſtabit Actuário, dum viri cordati erunt, rerumque intelligentes, ſua auctoritas, conſtabit & fides; nihil certe obſtante, quod nonnulla commiſerit errata. Quare enim ob id, quod genealogias quorundam Principum ignoraverit, aut contra chronologiam nonnihil peccaverit, ſcriptor quidam antiquus fidem etiam amittat in reliquis? ac præſertim domesticis, quæ cum genealogicis nihil commune habent. Nolim ego in ſcriptorem antiquum tam eſſe iniquus. Tantundem, ſi quid, præter genealogica, aliud tractaret, dicendum quoque foret de auctore, Actis præfixo; cum alioqui de utroque una tenendum eſt, iis in genealogicis ſine prævio examine fidendum haud eſſe, equidem non alia ex cauſa, quam quod circa hoc ipſum argumentum non uſquequaque feliciter verſati fuerint. Verum hac de re libro II. mox plura.

Quippe
cum ei
aliunde
ſuccurra-
tur.

pag. 189.

V. Verumtamen encomium P. HERRGOTTI, Actuário Murenſi tributum, ut ut ab Adverſario gnaviter tentatum, non tamen uſque adeo diſplicuiſſe videtur, ut ne meliori quoque exegeſi dignum habitum fuerit. Nec enim dubitat Adverſarius, verbis prioribus continuo hæc ſubiungere: *Acceptemus tamen indultum, ſed pro ſcriptore, ab obiectis vitiis purgato.* Quæ quidem verba haud ſecus, ac priora illa, ſecundum mentem ſunt noſtrani; quando & nos inge-

ingenue , nec inviti , fatemur , scriptorem , seu scriptores Murenſes , Actuarium præſertim , graves eſſe , quin & graviffimos , dummodo dicta eorum & relata monumentis coavis vera quadam ratione ſuffulciantur , id eſt , ab obiectis vitiis purgentur , ut fides humana acquieſcere non reformidet ; quod cum a P. HERRGOTTO egregie præſtitum fuerit , ut mox lib. II. amplius & per extenſum oſtendemus , prope abeſt , ut Adverſarius nobiſcum faciat.

VI. Aliter ſe res habet de iis , quæ prædictis continuo ſubiunguntur , atque ſic ſonant : „ Nihil tractat ille , niſi „ domeſtica. Præmittit genealogiam ; at iſta eſt genealogia „ noſtrorum Principum. Subiungit origines , ſucceſſus , Acta „ monaſterii , at non alieni , ſed domeſtici , ſed Murenſis. . . . „ Annon domeſtici ipſi etiam huius loci quondam Domini , „ Fundatores , Advocati ? quorum memorias haud aliunde „ certius inveſtigabis. „ Mirari ſubit , Adverſarium ſingula hæc tanto cum ſtudio , adhibita etiam figura Rhetorica , quam repetitionem vocant , proferre ; quæ quippe tantum iuvant , quantum ſi alienum irrigaſſet agrum. Sive enim domeſtica , ſive aliena ſcripſerit auctor , perinde eſt , ſi modo fidem invenit in iis , quæ ad res Habsburgicas attinent : quod cum factum haud fuerit , ſequitur , ut circa ſtemma ITÆ hallucinando , atque obituſ WERNHERI male ſupputando , ex mente Adverſarii etiam circa domeſtica erraverit. Vereor tamen , nec ſine cauſſa , ut Principes Habsburgenſes , quanquam Fundatores Domini & Advocati , inter domeſticos aſceterii Murenſis adnumerandi ſint. Sed iudicent de hoc Politici.

Quantum ſecundum dicta Adverſarii etiam in rebus domeſticis peccaſſe , dici poſſet.

VII. Suspicio potius , quod continuo ſequitur : Si Monachus Murenſis ſcripſiſſet res v. g. San-Blafianas , tum de-
 mum dici poſſet , egiſſe de rebus extraneis , non DOMESTICIS ,
 & minori forſan fide egiſſe de iis , utpote quas tam certo , ac
 res DOMESTICAS , perſpectas habere non potuiſſet. Suspicio
 hæc , inquam , & inverto argumentum : cum ergo Acta Mu-
 renſia , ut nos quidem cap. XII. invicte demonſtravimus ,
 monachus San-Blafianus condiderit , conſequens eſſe videtur ;
 ut iſ res extraneas , non domeſticas ſcripſerit. Verumtamen

Maxime cum San-Blafianus , non Murenſis fuerit. Ibid.

neque etiam hoc respectu Abbatis *Postulati*, qualis ille fuerat, stricte adeo accipiendum putaverim; maxime cum monumenta Murenſia, ut ex toto elucet opere, diligenter admodum consuluerit. Nolo ergo, cum etiam, in speciem saltem, facile possem, Adversarium propriis impetere telis: id solummodo hic velim, ut, cum Actuarius (quod quidem Adversario hic animadvertere placuit) multa de rebus San-Blasianis, & accurate quidem, immisceat, novum inde exurgat argumentum, quo dicta a nobis cap. XII. confirmantur: nimirum, virum hunc non in monasterio Murenſi, sed San-Blasiano fuisse enutritum. Qui enim extraneus eiusdem toties meminisset? aut quis Murenſium ea omnia tam perfecte rescire potuisset? aut cur denique non aliorum quoque cœnobiorum frequentem adeo fecisset mentionem?

Quare &
in rebus
San-Blasianis
fidei me-
retur.
pag. 190.

VIII. Dixi, accurate quidem; nam eidem cetera, quæ nobis tempus edax rerum reliquit, monumenta, testimonium dicunt gravissimum. Hinc frustra conqueritur Adversarius, quod P. HERRGOTTUS *futurus San-Blasianarum Originum editor*, scriptoris huius, ut ut tam recentis, notitias tanti fecerit, utpote *quæ* (ut pag. 306. dixerit) *rebus San-Blasianis lucem adferunt. Cur autem fidem maiorem*, pergit ille, *is habeat scriptori circa res San-Blasianas, quam circa alias, si quas tractat, EXTRA DOMUM VAGANTES, & temporis quidem non sui?* Frustra, aio, hic est Adversarius; neque enim fidem ei maiorem habet circa res San-Blasianas is, qui exinde *lucem* duntaxat *adferri* dixit: nec, quod nunc magis claret, facile decipi poterimus, cum & ipse *domesticus, domestica* quoque scripserit. Magnum porro discrimen inter res San-Blasianas, quas refert Actuarius, & genealogias Principum Habsburgicorum, obversari autumo; quandoquidem circa illas nullum ei erratum adhuc obiici poterit, bene vero circa has. Cum ergo fides eius in illis integra sit, in his vero nonnihil prostituta, causa iam in propatulo est, cur in rebus San-Blasianis inoffenso acceptari pede possit, non item in rebus genealogicis. Adde, quod, ut diximus, CONRADO nostro, ex monumentis nostris, chartis puta, ac diplomatibus, gravissimum accedat præsidium. Sed mittamus hæc;

hæc ; neque enim integræ Communitates dissidiis privatorum litterariis implicandæ sunt ; nec ego certe quidquam ea de re meminissem , nisi me invitum , ac renitentem , eo deduxisset Adversarius.

IX. Hæc , aliaque , cum ad corollarium P. HERRGOTTI reposuisset Adversarius , concludit demum cum eodem hisce verbis : „ Dicamus igitur & nos , *scriptorem* „ *Actorum Murensum gravem esse , quin & gravissimum ,* „ *in rebus domesticis & sui temporis :* Dicamus consequenter , *in genealogia quoque Habsburgica eius auctoritatem* „ *magni faciendam , nec contemnendam , aut in dubium ad-* „ *ducendam , etiam in iis , quæ de retro actis temporibus* „ *meminit ;* at exclusâ limitatione illa superflua P. HERRGOTTI , subdantis : *dummodo hæc monumentis cœvis* (hoc „ est diplomatibus & chartis suis) *vera quâdam ratione ful-* „ *ciantur , aut saltem iis non impugnentur , ut fides huma-* „ *na acquiescere non reformidet.* Verum enimvero satis , opinor , hætenus demonstratum fuit , exceptionem hanc , seu *limitationem* , minime superfluam esse ; quandoquidem scriptor ille , ac præsertim Genealogus , non solum a P. HERRGOTTO , sed & a pluribus aliis , haud otiose tentatus , examinatusque , subsidio Diplomatico , ut fidem postliminio inveniat , nimium quantum indiget. Fidem etenim qui falsa narrando semel prostituit , fidem apud prudentes homines ægre inveniat , nisi ea aliunde resarciatur , necesse est. Hinc quoque perperam causatur Adversarius , nullum a P. HERRGOTTO productum fuisse monumentum cœvum , quibus Acta Murensea impugnari queant. Quasi vero , quæ de filiis RICHENZÆ *Lenzburgica* memoriæ prodidit Genealogus , falso etiam filium eius ARNOLFUM Comitem de *Baden* nuncupando , aliunde , ac ex diplomatibus sufflaminata fuissent ? An nescimus etiam , confusionem familiarum *Homburgensis & Tiersteiniana* ex eodem fonte detectam ? & unde demum scimus , ITAM Comitissam non esse WERNHARII episcopi sororem , nisi ex chartis & diplomatibus ? Contra vero sequere sive Genealogum , sive Aëtuarium ? THEODRICUM Ducem *Lotharingorum* , CHUNONEM Comitem de

Restituitur
P. H. cor-
rollarium.
pag. 191.

Ibid.

Rinsfelden, nec non WERNHARIUM episcopum, fratres fuisse dices, adeoque Comites de *Egisheim* a sanguine Lotharingico illo priori deduces, aliaque similia statues, quibus nedum diplomata bene multa, sed & integra Genealogorum systemata contradicunt: ut sæpius citato cap. III. vidimus. Quæ cum ita sint, facile intelligitur, quid de scriptoribus eiusmodi sentiendum, & quousque eis fidendum sit. Quare concludamus, paucis mutatis, cum Adversario, præeunte P. HERRGOTTO, iterum, dicamusque: scriptoris Murenfis auctoritatem *ex se & propria virtute* talem ac tantam haud esse, UT EI RES TANTI, QUANTI EST GENEALOGIAM AUGUSTÆ GENTIS HABSBURGICÆ CONDERE, TUTO INNITI ET ACQUIESCERE POSSIT.

FINIS LIBRI I.



ANO-



ANONYMUS MURENSIS
DENUDATUS,
 ET
 AD LOCUM SUUM RESTITUTUS.
LIBER II.
 EXPENDITUR PARS ADVERSARII II.
CAPUT I.

Respondetur ad Adversarii introductionem.

I. **C**UM duo potissimum in Vindiciis suis exquirenda sibi
 sumperit Adversarius, totidem etiam in partes opus
 suum dispescuit. Cuius argumenti sit prior, qua-
 que felicitate ille in eo versatus fuerit, vidimus adhuc : iam
 qua ratione alteram hanc spartam ornaverit, dispiciendum.
 G g 3

Acta Mu-
 rensis ad
 texendam
 Genealog.
 Habsb. ne-
 cessaria ef-
 se, tota hac
 II. P. cona

Quem-

- rendit Ad-
versarius. Quemadmodum priori illa parte, contra prolegomenon P. HERRGOTTI tertium, ostendere sategit, auctoritatem Muren-
sis scriptoris *ex se* & *propria virtute, sine adminiculo, ex re diplomatica, aut aliunde petito*, tantam esse, ut ei structu-
ra Genealogiæ Habsburgicæ tuto inniti possit; ita & in præ-
senti omni nisu in eo est, ut eiusdem demonstret necessita-
tem. „Si quem alium, inquit, certe Clar. Genealogiæ Di-
pag. 193. „plomaticæ auctorem, summe Rev. D. P. HERRGOTTUM
„studio severo, & affectu haud indulgentiori Acta Muren-
„sis discussisse constat; ut adeo inde persuasi esse queamus, *de*
„auctoritate eorundem maxima, quod hac ipsa Genealogum
„etiam Diplomaticum lib. II. absque ulla erroris formidine
„uti videamus. Cur enim uteretur is auctoritate, qua pro-
„fecto, tanquam non diplomatica, carere mallet, nisi maxi-
„mam, immo necessariam iudicaret ad *Genealogia Habsbur-*
„*gica constructionem*? „Addit deinde hisce verbis verba,
quibus dicta & dicenda illustrare studet, singulaque eo demum
redeunt, ut ostendat, Acta Muren-
sis P. HERRGOTTO ad sta-
tuminandam Genealogiam Habsburgicam, qua parte ea in
codice Muren-
si continetur, non minus, ac Abbati Tschudio
(quem is tamen inculpaverat, quod *plus fidei, auctoritatisque,*
quam par erat, scriptori suo detulisset) summe necessaria fu-
pag. 194. *illis; utrumque nempe, qua parte genealogiam suam ex char-*
tis & diplomatibus stabilire non poterat, ad scriptorem Acto-
*rum Muren-
sum recurrere, atque ex eo omnia illa, qua ad res*
Habsburgicas quidquam facere videbantur, excerpta coactum.
Concordat cum hisce P. II. titulus, sic habens: PARS II. VIRTU-
TEM ET NECESSITATEM EORUNDEM ACTORUM DEMONSTRANS.

Quod cum
concedi
queat. II. Non abhorret hæc introductio ab ea, quam libri I.
cap. I. explosimus, quodque quam merito factum, in con-
sequentibus haud segniter, opinor, confirmavimus. Hic igitur
procul dubio expectabit a me Adversarius, ut, quemad-
modum toto fere priori libro, præcipue vero a cap. XIII.
ad finem usque, docuimus, scriptores Muren-
ses, cumque
primis Genealogum, ob crassos, in eo detectos, atque long-
ge, lateque, ostensos errores ac nævos, tantæ auctoritatis
haud esse, ut *se solo* fidem facere, adeoque humana mens illi
tuto

tuto inniti & acquiescere possit : ita & hoc loco certo certius negaturum , quod is hac integra parte operose adeo demonstrare admissus est, *virtutem* scilicet & *necessitatem* *Actorum Murensum*. Sed errat tota re , qui id a me prætolatur ; cui enim unquam in mentem venit , ut id negaret ? num P. HERRGOTTO ? At verba eius clariora sunt , quam ut adeo sinistre exponi possint. Quid enim hisce luculentius ? *Habsburgenses igitur origines rite pernoscere cupienti ante omnia opus est , monumentorum Trutpertinorum , ACTORUMQUE MURENSIUM FIDEM , AUCTORITATEMQUE bene perspectam habere ; utpote QUORUM MAGNUS ET FREQUENS IN HOC OPERE GENEALOGICO CONTEXENDO USUS veniet.* Qui libro cuidam vel auctori tale textit elogium , ut eius usum , & quidem ad opus aliquod contexendum , *magnum & frequentem* esse publice fateatur , num is auctorem ut inutilem aut supervacaneum relicit ? quin immo , nunquid non vel ideo necessarium pronuntiat ? At eadem Acta ut fidem faciant , adminiculo ex re diplomatica petito , indigere docuit P. HERRGOTTUS. Quid tum ? Estne hoc dicere , illa haud esse necessaria ? aut num ideo inter quisquilias reiecta fuerunt ? Merces Basilea Lipsiam transferre cupis , curru indiges equis & auriga. Dic ergo , currum ex se & propria virtute , sine alio adminiculo , ex regno animali petito , ad transportandas merces haud fatis esse : num ideo currum superfluum dicis ? Minime gentium. Idem nos reponimus in re præsentis ; simillima namque sunt decantata illa verba P. HERRGOTTI , in corollario prolegomeni III. posita : *Itaque statuendum ; Acta Murenstia , ut ut cetera AD RES HABSBURGICAS APPROBE FACIANT , tante tamen auctoritatis non esse , ut ex se , AC PROPRIA VIRTUTE , SINE ADMINICULO , EX RE DIPLOMATICA PETITO , in genealogia , iisque in locis , ubi circa rationem temporum difficultas exorta est , plenam ac indubitam fidem facere possint.* Ad res Habsburgicas approve facere , fidemque etiam habere dicit , quamvis non plenam , ac , nisi accedente subsidio diplomatico , indubitam , quod quid est aliud , quam dicere , quod Adversarius , nemine refragante , contendit : Acta nimirum Murenstia esse necessaria , ac tantum non recitare titulum partis Vindiciarum secundæ , id est , *virtutem & necessitatem eorumdem agnoscere ?*

III.

Confe-
quens est,
cum inani
laborare
hypothesi.

III. Hæc igitur cum tam certa sint, quam quæ certissima; sine negotio pervidetur, quam male sibi consuluerit Adversarius hac tota sua parte II. ubi contra P. HERROOTUM magno & insigni conatu demonstrare adnissus est id, quod tantum abest, ut is negaverit, ut etiam verbis, non uno loco expressis, manifeste docuerit. Cum ergo tota Adversarii structura, non dicam malo, seu infirmo, nitatur fundamento, sed mala, seu vana hypothesi; videri queat, omnem iam nostram cessare disputationem; qui enim concertatio locum invenire possit, ubi singuli consentiunt? sed est tamen, unde oratio ulterius progrediatur, occurrentque non pauca, quæ, ducente me Adversario, aut expendenda enucleatius, aut certe complananda erunt: sed & ante omnia, quæ ad præsens argumentum porro spectare videbuntur, exquirenda.

Nam etsi
uterque
scriptor
subleste in
nonnullis
fidei accu-
satus sit,

IV. Sunt autem ea, quæ forte Adversarius, aut etiam alii quidam censores huic nostro asserto opponi posse putabunt. Si Genealogus Murensis, dicent, adeo mendosus, mancus & incompletus est, qualem revera esse ostendimus: si præterea homo seculi tertii decimi fuit; si Acta deinde subsequentiæ partus quidem seculi antecedentis, sed nec ipsa ab omni prorsus (& quidem in rebus Genealogico-Habsburgicis) errore vacua sunt: si hæc, aliaque, centies repetita, sic se habent; quis non videt, Genealogiam Diplomaticam, ad quam contexendam his auctoribus opus esse ultro agnoscimus, infirmis niti fulcris, ita quidem, ut omnia incerta, atque ambigua sint, quæcunque iisdem fuerunt superstructa? Est hoc ipsissimum, quod Adversarius tanquam certissimum atque supremum causæ suæ præsidium ponit; unde in capite libri, id est in præfatione, plenus admirationis in hæc verba ruit: „Mirantur oppido multi (& cur non omnes?) satis-
„que mirari non possunt, qui Clar. Pater huc adduci po-
„tuerit, ut talem negaret Actorum Murensium scriptorem,
„qualem ipse vel *propria fidei consulturus*, optare, inmo
„qualem, sicut iure optimo potuisset, ita, data opera, de-
„buisse assertere; utpote a quo, nec aliunde, uti liquebit,
„& ipse sex illos, quorum supra meminimus continuos recte
„lineæ

„ lineæ gradus mutuavit. Ad quid ergo tam inconsulta per
 „ totum orbem litteratum diffamatio Actorum Murenſium,
 „ quorum auctoritate carere nequit, qui ea impugnat? ad-
 „ verſarius, neſcias an ſibi magis an ſcriptori Murenſi? cer-
 „ te utrique. „ Hæc, aliaque ſimilia, Adverſarius ſatis fidenter
 in præſatione.

V. Verum enimvero nos multo magis miramur, tam multos huius rei eſſe admiratores, ſcientes ex Philoſophis, cuius admiratio filia ſit. Non ſolum autem miramur, ſed neque percipere poſſumus, qui fiat, ut, quicumque illi *multi* ſint, quorum nos tamen ne unum quidem novimus, iudicium ferre aſint, aut nondum inſpecta cauſa, aut male intellecta. Petere enim, ut quis ſcriptori, quem mendofum deprehendit, ſine prævio examine, nec conſultis artis criticæ regulis, plenam adhibeat fidem, eſt idem petere, quod nemo non reſpuat: nimirum, ut quis agat ſubdole, aut diſſimulanter, adeoque periculum adeat, ſuam ipſius fidem ſuſpectam reddendi. Quis autem hoc exigere poſſit a viro cordato? Sciverat utique P. HERRGOTTUS, quibus fundamentis Rev.^{mus} Abbas CALMETUS utriusque ſcriptoris errores genealogicos, de quibus nos lib. I. cap. III. fuſe egimus, in dias luminis auras produxerit: ſciverat, quid non nulli alii de eo ſenſerint: ſciverat & id, quod hæcenus denuo demonſtratum fuit, quanti errores a præfixo Anonymo, in ipſis genealogicis commiſſi fuerint: ponamus iam, P. HERRGOTTUM omnia ſingulari ſtudio diſſimulaſſe, atque ambobus ſcriptoribus fidem ut oraculo adhibuiſſe: quid ſequeretur? hoc ſequeretur, aut diceretur ſaltem, *Genealogiam Diplomaticam* infirmis inniti fulcris, mendofis nempe monaſterii Murenſis ſcriptoribus. Quis, niſi alia acceſſerint adminicula, temere fidem adhibeat iis in rebus, puta genealogicis, in quibus eoſdem turpiter erraſſe viderit? cum ex adverſo dicendo, quod res eſt, ſcriptoremque laudando, ubi debuit, reprehendendo ubi meruit, eiusque denique fidem ope diplomatum chartarumque velut poſtliminio revocando, a P. HERRGOTTO conſultum fuerit cum auctori, ſeu auctoribus, tum veritati, atque id demum effectum, ut humana mens credere

Ea tamen
 ope diplo-
 matum re-
 ſtituta ſunt.

— comp


— H h

iam

iam non refugiat, quod talibus conspicit suffultum fuisse documentis. Sed hæc lingula mox clariora fient, ubi tandem ostendero, quo pacto cum Genealogo, tum Actuario fides iam nutans ope diplomatum restituta, & quousque demum uterque ad texendam Genealogiam Diplomaticam necessarius fuerit.

Id quod,
adducta
tabula ge-
nealogica,

VI. Quod utrumque ut eo luculentius exponam, quo & ipsi oculi testes esse possunt, tabulam hic apponere visum est, maiorum Habsburgicorum rectæ lineæ propagatores potissimum exhibentem, prout illa tam ex scriptoribus Murenbus, quam diplomatibus educta, operi Genealogico inserta fuit :



Ostendi-
tur primo
a RUDOL-
PHO usque
ad ALBER-
TUM III.

VII. Totum hoc fere est, quod de Genealogia Augustæ Gentis Habsburgicæ ex laudatis scriptoribus hauriri potuit; videamus iam, ut ea diplomatibus P. HERRGOTTI, incipiendo a RUDOLPHO Rege Rom. confirmantur. Quocirca notandum est, dictum RUDOLPHUM ALBERTO IV. natum esse primo loco, secus, ac putavit PEIRESKIUS, alique, quod

quod tamen P. HERRGOTTUS ex diplomatibus aperte demonstravit (a); unde & suppleri debet Genealogus Murenfis, qui eum, ut sæpenumero diximus, omisit, eius duntaxat fratres recensens. Cum autem & eadem fidelia stemma eius luculenter ostensum sit, ac de eo aliunde nemo dubitet, cum diplomata eam in rem suppetant tantum non superflua; ad ALBERTUM, eius partem, accedimus. De illo ergo, eiusque progenitoribus, in insigni diplomate *Wettingensi* (b) legimus: *Comites de Habispurch, videlicet RUDOLPHUS Lantgravius Alsatie, RUDOLPHUS Canonicus ecclesiæ Basileensis, GOTTFRIDUS & EBERHARDUS fratres, eiusdem Lantgravii patruales. Et nonnullis interiectis: Comites videlicet ALBERTUS, mihi Lantgravio pater, nobis tribus fratribus patruus, RUDOLPHUS avus, ALBERTUS proavus.* Habemus igitur hic a RUDOLPHO IV. usque ad ADELBERTUM III. iam quatuor progenies, variis etiam aliis diplomatibus confirmatas, hoc autem instrumento, quod & septem sigillis munitum est, adeo distincte expressas, ut nihil possit esse luculentius. Quare Adversarius ipse fateri cogitur, *sibi nihil tale bucusque contueri licuisse*, pag. 284. id quod ei facile crediderim.

VIII. Pergamus igitur, qua coepimus, via, videamus, que etiam ALBERTI patre. Est is WERNHERUS III. de hoc enim Instrumentum Archivi Murenfis circa annum 1145. sic legit: *Comes OTTO, pater WERNHERI Comitis de Habsburg.* Quo quidem Instrumento egregie firmatur, quod tam in genealogo præfixo, quam etiam in CONRADO nostro, Actorum Murensum auctore, legitur, ut alibi fusius referemus. Scio equidem, quid hisce alio in loco opponat Adversarius (c), quibus tamen pulcherrime occurremus, sicubi eo ventum fuerit. Succedit WERNHARIUS II. RADEBOTONIS filius, quem inter cetera prodit diploma HENRICI IV. Imp. anni 1114. IV. Nonas Martii, ubi habetur: *a WERNHARIO Strasburgenfi episcopo, parente scilicet WERNHARII COMITIS*
H h 2 DE

Et ab hoc
usque ad
WERNHE-
RUM II.

c

(a) Gen. Diplom. T. I. Lib. II. cap. I. num. X. p. 129.

(b) Ibid. T. II. n. CCCCXXXI. p. 351. Adde cit. cap. I. ubi eius schema exhibetur.

(c) Nimirum P. II. cap. VI. sect. II. p. 243. seq.

- DE HABSBURG. ubi *parentis* vocabulo patrum hic intelligi,
 1 aperte evicit P. HERRGOTTUS (a), indeque rite deduxit, RA-
 DEBOTONEM fratrem fuisse WERNHARII episcopi, ac patrem
 WERNHARII II. adeoque tritavum RUDOLPHI IV. postea
 Rom. Regis. Luculentius hunc gradum ostendit bulla IN-
 NOCENTII II. PP. hæc præferens: *quacunque eidem loco a fra-*
tre nostro WERNHARIO Argentinenſi episcopo, & eius nepote
WERNHERO Comite de Habsburg. Qui clariora vult, huic
 b non nulla insectatur Adversarius (b), quibus suo loco respon-
 dendum.

Quin im-
 mo ad
 GUNTRAM-
 NUN Divi-
 tem usque.

- IX. Supereſt RADEBOTO, LANCELINUS & GUNTRAM-
 NUS *Dives*, quorum quidem nomina & progeniem reticet
 Genealogus, contra vero aperte prodit Actuarius, seu CON-
 RADUS de S. BLASIO, confirmata a chartis & diplomatibus.
 Sed hæc testimonia, cum aperta adeo non ſint, ut priora,
 uberiorem eorum diſquisitionem in capita ſequentia diſſerre
 cogor: breviter interim hic adnotans, pro ſtemmate RADE-
 BOTONIS præter diploma HENRICI II. Imp. anni 1023. chro-
 nicon quoque *Novientenſe* luculenter facere, eidem WERN-
 HARIUM episcopum (quem ex prædeceſſoribus Habsburgicis
 c unum fuiſſe, diplomate certum eſt) aperte assignans (c).
 d Pro LANCELINO autem & GUNTRAMNO plurima adeſſe diplo-
 mata, alibi oſtendimus (d). Id quod omnino ſufficere debet;
 cum P. HERRGOTTUS, ut ſæpe diximus, & identidem re-
 petimus, nihil aliud voluerit, docueritque, quam Actuarium
Murenſem ſe ſolo & ex propria virtute non ſufficere (& id
 quidem ideo; quod in iſtis rebus genealogicis erraverit)
 bene vero diplomatibus coniunctum, aut, quod maius eſt,
 e iis ſaltem non contradicentibus (e). Ponamus autem, nul-
 lam prorſus de his tribus ultimis haberi, aut uſquam extare
 notitiam, niſi in ſolo CONRADO noſtro; num ideo illi in
 hiſce absolute deneganda fides? cui enim tot chartæ & diplo-
 mata

(a) lib. II. cap. VI.

(b) P. II. cap. IV. p. 251.

(c) Apud ECCARDUM Lib. II. cap. II. col. 70.

(d) Lib. I. cap. XX. num. IV. pag. 179.

(e) Proleg. III. §. ultimo.

mata in ceteris progeniebus testimonium dicunt gravissimum, quis prudenter dubitare possit, annon (quamdiu nulla monumenta idonea contrarium persuadent) eidem quoque fidendum, accedendumque sit? quanto ergo e contrario maior præstanda fides, cum instrumenta producantur, quorum saltem nomina, epochæ, situs terrarum, & similia, apprime respondent? uti id certe abunde fit ex diplomatibus P. HERRGOTTI.

X. Et in hoc sensu facile nobis convenit cum Adversario, tam Acta Murensia, id est, CONRADUM de S. BLASIO, quam & *Genealogum* præfixum, ad texendum etiam opus Diplomaticum, necessarios fuisse. Ille nimirum GUNTAMNUM *Divitem*, ac filium eius KANCELINUM, nec non & RADEBOTONEM, nepotem eius, clare nobis prodidit, non item diplomata. Hic vero generationum seriem, ordinemque texens, gradus quoque connexavit, ex diplomatibus itidem non semper adeo exputandos. Quo posito, non video, cur auctor mendosus, non item necessarius & utilis esse queat. Neque enim consuetarium est, ut is, qui in una, alterave progenie humani quid passus est, continuo etiam circa ordinem & claritatem, aut ceteras quoque progenies, peccasse dicendus sit; maxime cum diplomata producantur, quæ ei non solum non contradicunt, sed & magnam partem suffragantur. Vidimus autem in præcedentibus, reiecta fuisse a P. HERRGOTTO, quæ reiici meruerunt: probata, quæ probanda fuerunt: ac denique in medio relictæ, quibus chartæ & diplomata nullum tulere suffragium. Prioris exemplum subministrat ITÆ stemma, ac prætena cum ea WERNHARIi fraternitas, nec non chronologia filiorum RICHENZÆ de *Lenzburg*, quæ ut erronea cum ceteris sibi similibus eo relegata fuerunt, quo pertinebant (a). Posterioris suppeditant ea singula, quæ aut, ex diplomatibus educta, per se subsistunt, ut ea, quæ in diplomate *Wettingensi*, ac non nullis aliis referuntur, aut eodem adminiculo suffulta, fide iterum digna reddita fuerunt, ut tum in decursu huius apologiæ non semel vidimus, cum & in consequentibus pluribus demonstrabimus. Tertiæ generis exempla habemus in

Quo pacto
Actuario
Mur. opus
fit, decla-
ratur.

H h 3

non

(a) Vid. cap. nostrum XV. num. V. p. 144. seqq.

non nullis fœminis, quæ a solo Genealogo prodita, nullisque P. HERRGOTTI documentis firmata, in medio relicta fuerunt (a). Quæ singula recte cohærere, atque regulis Logices apprime convenire quis negabit? Age igitur, rem totam complectamur paucis: fac extare iam cum Genealogo suo solum Actuarium, aut solas chartas & diplomata: neutrum, opinor, omni ex parte satisfaceret Eruditis. De priori enim omni iure dicendum, hominem seculi tertii decimi, & quidem iam vertentis, eundemque non uno loco erroneum, tanto testimonio dicundo imparem esse: alterum vero ob eandem causam sublextæ esse fidei. Fac deinde, sola suppetere diplomata, & inoffenso pede ad GUNTRAMNUM usque aut ægre, aut nullo modo, ascendes. Lunge ergo utrumque, & tunc demum, non dico, perfectam, atque omnibus numeris absolutam, sed &, quod ante P. HERRGOTTUM præcipue deerat, fide dignam constitues genealogiam.

Et quidem
ex mente
P. H.

XI. Atque hanc fuisse P. HERRGOTTO mentem, cum Genealogiam Habsburgicam, atque inter ea recensum codicis Murenfis adornabat, animo sedisse sententiam, locis non unis exposuit, quæ si Adversarius non nihil attentius considerasset, quis scit, an non ab hac secunda parte abstinuisset manum? Operæ igitur pretium erit, unum saltem, qui tamen, cum in prolegomeno tertio locum conclusionis, ex præmissis legitime illatæ, occupet, instar omnium esse debet, hic proferre. *In Genealogia*, inquit, *Habsburgensi eius auctoritas magni facienda, nec contemnenda etiam in iis, que de retro actis temporibus meminit, dummodo hac monumentis cœvis VERA QUADAM RATIONE FULCIANTUR, aut saltem iis NON IMPUGNENTUR, ut NB. fides humana acquiescere non reformidet.* Ecce auctoritatem eius magni facit, non solum quoad res sui temporis, sed & remotioris; at fulcimenta petit, tanquam vacillanti; laboranti medicinam, ut humana mens, ubi eum mendis onustum, adeoque titubantem incedere videt, locuturo, vel aures, vel fidem ne deneget.

XII.

(a) Vid. cap. nostrum XIX. num. III. nec non cap. XX. num. III. & V.

XII. Haftenus dicta haud obiter confirmari existima-
verim exemplis cum Abbatis Tschudii, tum ipsius Adversarii, qui ambo mendosis auctoribus ut viris fide omnimoda dignis uli sunt. Non est hic animus, antiquam recoquere crambem, id est dicta cap. nostro I. repetere; quanquam & illa huc facerent; utpote quibus ostensum est, auctores, uno, aut altero loco hallucinantes, non continuo respuendos esse, aut ex Adversarii mente, *usu eorum interdicendum*; ut qui & ipse mendosos Poetas secundis edere curis nullus dubitavit. Nec etiam consilium cepi, exemplum Tschudii illud adducere, quod mihi procœmium eius ad *Originem & Genealogiam Comitum de Habsburg* evolventi, occurrit; ubi nimirum scriptores nec paucos, nec infimi subfellii, puta LAZIVM cum asseclis, Gerardum de Rhoo, Franciscum GUILLIMANNUM, immo quotquot ante se scripserunt, per hæc verba inculat: *Illud duntaxat generatim asseverasse sufficiat, nullum hucusque in tanto numero: quantumvis perspicacem Investigatorem fuisse repertum, qui banc materiam absque vitio pertractaverit.* Nolim hæc, inquam, in medium producere, atque Rev.^{mo} Tschudio (seu potius Adversario, qui mendosos auctores ex orbe eliminandos docuit) obiicere: illum nihilo secius mox sequenti pag. 3. tum *Gerardi de Rhoo*, tum præsertim GUILLIMANNI usum fuisse auctoritate. Nimis hæc generalia sunt, nec rem nostram illustrant satis. Illud duntaxat dico: si Anonymus, ut vocatur, *Murensis*, nullo uspiam indiget adminiculo, si se solo & ex propria virtute fidem facit, adeoque illi soli, tanquam firmissimo fundamento, Genealogia Diplomatica superstrui potuit, cur tam Tschudius, quam Adversarius, monumenta, aliunde petita, in partem adsciverunt? Quid? quod Adversarius supra laudatum diploma *Wettingense*, ut ut longissimum, ex ipsa HERRGOTTI collectione mutuare, & *Vindiciis* inferere suis nullus dubitaverit? manifesto indicio, eum agnoscere, quanti diplomata præ mendosis, obscuris & incompletis Genealogis ad evincendum, quod volumus, pretii sint. Id quod eequidem hisce verbis non non obscure fatetur: „Complectitur illud, pag. 284.
„ ait, continuos rectæ lineæ gradus, præferendum prioribus,
„ etiamsi unicum duntaxat gradum exprimeret, neque tale
„ huc-

Confirmantur
haftenus
dicta, ex-
emplis Ab.
Tschudii
& Adversarii.

„ *bucusque contigeri nobis licuit.* Est autem Instrumentum,
 „ ita deprædicari meritum, illud, quod ex archivo Mona-
 „ sterii *Wettingensis* depromptum, RUDOLPHI I. Rom. Re-
 „ gis non *patrem* modo, verum etiam *avum*, *proavumque*
 „ indicat; atque adeo hac *sua præstantia* a nobis postulare
 „ videtur, ut illud, quamvis non domesticum, libello huic
 „ nostro inferamus integrum, & quidem prout a P. HERR-
 „ GOTTO, ad fidem autographi, studio exactum, Tom. II.
 „ num. ccccxix. exhibetur. „ Si Genealogus Muren-
 „ adhuc repeto, talis est, qualis esse prætenditur, ad quid tot
 „ in hac parte II. instrumenta, partim a P. HERRGOTTO, par-
 „ tim ab aliis pridem edita, & ab Adversario, nullo prorsus ex-
 „ cepto, aut noviter addito, repetita? Sed hæc cur facta sint,
 „ facile ex dictis assequimur, adeoque iure merito præsens ca-
 „ put concludimus verbis Adversarii, P. HERRGOTTO in hac
 „ sua *Introduktion* obiectis: „ Efficacius non revocantur dicta,
 „ quam opere contrario, sæpe reiicimus initio, quod de-
 „ mum nobis necessarium experimur. Probat nimirum usus
 „ tam aptitudinem, quam necessitatem instrumenti, ad quid-
 „ libet elaborandum assumpti.

Monitum.

XIII. Quod superest, video, hoc in capite, quan-
 quam Adversarii introductio, cui illud opposuimus, brevissi-
 ma sit, me longius excurrisse: id quod tamen sine causâ fa-
 ctum esse, nemo existimet; singula enim hic, ut in vestibulo,
 enucleatius exponenda fuerunt; ut, quæ sit partis Ad-
 versarii II. ratio, velut suo unum lectoribus reduceremus con-
 spectum, utque nemo non facile iudicare quiret, quid valo-
 ris, quid roboris eidem insit. Accedit & hoc, ut in con-
 sequentibus tanto breviores esse possimus, quod, subversa
 Adversarii hypothese, reliqua structura tantum non per se
 ruitura sit, crebrisque illis de *necessitate Actuarii* (nam hoc
 identidem inculcat, urgetque Adversarius) repetitionibus iam
 in antea satisfactum fuerit. Prævideo equidem, fore, ut huic
 ad præcedentem librum nulla sit proportio: sed facile veni-
 am merebor; neque enim aliam, quam quæ ab Adversario
 trita fuit, viam incedere possum, nec tamen ideo necessari-
 um, immo nec consultum visum est, ut, ad imitationem
 eius-

eiusdem , scriptionem hanc chartis & diplomatibus , toties impressis , oneremus potius , quam exornemus.

CAPUT II.

De GUNTRAMNI *Divitis* patre HUNFRIDO , & avo LUITFRIDO.

I. **N**on respondet hæc capitis inscriptio , cum ea quam Adversarius , similem materiam tractaturus , capiti suo primo hunc in modum præposuit : *De Habsburgici stemmatis Apice* , GUNTRAMNO *Divite*. Quæ inscriptio quod tendat , facile animadvertimus , ad subvertendum nempe syllema P. HERRGOTTI , quo ille altius ascendens , originem Comitum Habsburgicorum ab HUNFRIDO , LUITFRIDO , atque adeo ab ETHICONE deduxit. Consentiant enim huic consilio cetera in hoc toto capite disputata , quæ eo collimant , ut Abbatem TSCHUDIUM , qui in hoc GUNTRAMNO *Divite* filium gentis Habsburgicæ abruptit , solida & certa docuisse ostenderet : P. HERRGOTTUM contra altius ascendendo , coniecturis tantum nixum , incerta. Adeo non satis fuit , integrum P. HERRGOTTI (quod quidem instituti ratio solum exigebat) prolegomenon carpere : etiam iugulum petendum fuit ; ut *Vindictis* munus omni ex parte adimpleretur.

UteraGUN-
TRAMNUM
Divitem i
Genealo-
gia Habs-
burg. ascen-
dendihaud
posse, opi-
natus est
Abbas
TSCHUDI-
us.
pag. 195.

II. Prodit autem hanc mentem fere toto hoc capite I. atque inter cetera etiam , cum doctrinam laudati Abbatis quoad GUNTRAMNUM *Divitem* retulisset , ita proloquitur : *Patrem GUNTRAMNI nostri quia silent Acta , ignorat quoque DOMINICUS , ex alienis documentis , prout alibi notavimus , altius ascendere veritus ; ne DUBIAS CONIECTURAS pro certa veritate dicendere videretur.* Quo hic per verba , ut alibi notavimus , provocat Adversarius , in præfatione querendum est , ubi equidem hæc legimus : *Et si autem Genealogus iste (Dom. TSCHUDIUS) supra GUNTRAMNUM non ascendat , hac tamen limitatione antiquitati stemmatis nihil detractum iri existimabat ;*

Consenti-
ente Ad-
versario ,
pag. 197.

vel maxime, quod altior eiusdem indago tam claris, firmisque documentis succollari non posse videretur, ut inde seriem indubitatam subvehere liceret. *Perspectus ille quidem habebat ex GUILLIMANNO, aliisque scriptoribus, TABULAS TRUTPERTINAS, quæ ad ævum longe superius nomen HABSBURGICUM referunt. . . . Hanc si DOMINICUS noster hypotbesin acceptasset, viam equidem habuisset apertam, ad ipsos quoque GUNTRAMNI Maiores ascendendi. Hæc, aliaque, Adversarius de Abbate DOMINICO, quem licet virum sane doctum fuisse non abnuo, memoriæ tamen, si dicere licet, quod res est, hic occurrit ovum CHRISTOPHORI COLUMBI; cum vix ac ne vix quidem persuaderi queam, eum similia sua ætate habuisse in mente, & non prodidisse.*

Nec non
D. GEN-
DERIO.

lib. II.
cap. IV.

III. Verum quidquid de hoc sit, DOMINICUS ideo ulterius ascendere noluisse dicitur, quod *dubiis coniecturis* indulgere noluerit, atque eventus docuerit, quod P. HERRGOTTUS, HUNFRIDUM patrem GUNTRAMNI constituendo, argumenta attulerit non usquequaque convincentia. Opponit autem præprimis auctoritatem Abb. CALMETI, & ECCARDI (de quibus inferius) qui ex vita S. DEICOLI, GUNTRAMNI patrem HUGONEM Comitem Alsatix constituunt; tum vero longam Illustr. D. GENDERII disputationem in medium affert, qua ille elevare studet, quidquid P. HERRGOTTUS ad evincendum stemma GUNTRAMNI *Divitis* accumulaverat. Verba P. HERRGOTTI sunt hæc: „ALBERTUS Comes de „Habsburg, & Landgravius Alsatix, confirmavit anno 1186. „donationem, Abbatix S. TRUTPERTI, factam a LUITFRIDO, „OTPERTO & RAMPERTO, quos progenitores suos expressim vocat. Ex Archivo porro Murenfi, aliisque Actis „perspectum habetur, universam gentem Habsburgicam, & „ipsum adeo ALBERTUM Comitem de Habsburg a GUNTRAMNO *Divite* ortum ducere: hunc ergo GUNTRAMNUM „nepotem fuisse LUITFRIDI, necesse est: cum propter convenientiam temporis, tum quod GUNTRAMNUS legatur possessiones habuisse in iisdem quidem terris, ubi bona LUITFRIDI VI. avi sui sita erant. Genitus autem sit, oportet, „GUNTRAMNUS *Dives* ex filio LUITFRIDI natu maiore, „HUN-

„ HUNFRIDO ; natu maiores enim inter Comites Habsburgi-
 „ cos magnis semper gaudebant prærogativis ; probantque
 „ amplissimæ GUNTRAMNI possessiones, unde nomen *Divitis*
 „ obtinuerat, patrem ipsi non nisi HUNFRIDUM fuisse, filium
 „ LUITFRIDI VI. natu maiorem. „ Hæc P. HERRGOTTUS,
 quæ tamen nec sola, nec integra sunt, quæ ad hoc argumen-
 tum statuminandum attulit, ut Genealogiæ diplomaticæ lib.
 II. caput X. & XI. consulere volenti, nec non & ex con-
 sequentibus amplius patebit.

IV. Opponit his Adversarius, ut dixi, opinionem Cuius ra-
 tiones af-
 feruntur ;
 a
 pag. 200.
 GENDERII, cuius viri infirmas argumentandi rationes alia oc-
 casione inspeximus (a), videamus nunc, quo pacto & hic
 calculum subducatur. „ Inprimis opinionem GUILLIMANNI (de
 quo P. HERRGOTTUS alibi) nullius esse auctoritatis contem-
 dit, nec ab ipso P. HERRGOTTO magni fieri. Probari qui-
 dem, GUNTRAMNO fuisse possessiones in eadem regione, ubi
 suas LUITFRIDUS habuit: at non probari iisdem illum præ-
 cise fundis, iisdem iuribus, eorundemque monasteriorum ad-
 vocatis potitum esse, nec demonstrari, GUNTRAMNUM hunc,
 aut aliquem descendantium suorum, Abbatæ S. TRUTPERTI
 advocatum fuisse. Prætensum igitur argumentum P. HERR-
 GOTTI ad hoc redigi: *quod GUNTRAMNUS Dives bona posse-*
derit in eodem solo, ubi LUITFRIDUS VI. eodemque tempore,
quo potuerit eius esse nepos: huic autem rationi ne coniecturæ
 quidem vim inesse. Chartam donationis *Trutpertinam* a P.
 HERRGOTTO extra omnem falli suspensionem poni; eius ta-
 men autographum haud amplius extare, sed *copiam* tantum,
 ab Episcopo Basileensi *vidimatam*, anni 1262. atque præme-
 morato ALBERTI Comitis de Habsburg privilegio, quo is dic-
 tam LUITFRIDI donationem confirmavit, insertam. Verum
 admissio etiam, instrumentum illud esse authenticum, nul-
 lumque ex parte monachorum *Trutpertinorum* assentationis
 studium intervenisse, videri tamen, illud ad sanguinis coniun-
 ctionem inter Comites de Habsburg, & veteres Comites Al-
 fatiæ, adstruendam, potius adversari, quam suffragari novo
 systemati P. HERRGOTTI. Quare? *Nominat*, inquit, AL-

(a) Supra cap. III.

BERTUS OTPERTUM & RAMPERTUM suos progenitores, quos contra LUITFRIDUS in charta sua non consideravit, nisi tanquam ANTECESSORES; tales nempe quibus revera, prout ipse P. HERRGOTTUS agnoscit, neque locus in linea recta, ab ALBERTO ascendente, sed tantum in linea collateralis, concedi possit &c. „ Hæc ille.

Itemque
argumen-
tum Ad-
versarii.
pag. 201.

V. Eidem succinit Adversarius, addens: plura cit. loc. systemati P. HERRGOTTI opponi, contendique a GENDERIO, ex allegatis instrumentis verum sanguinis nexum Luitfridianam inter & Habsburgicam stirpem non demonstrari. Hinc Adversarius, GENDERII opinionem suam faciens, subiungit: adeo non convincunt statim diplomata & charta, quæ vel stemma controversum non clare exprimunt, vel genuinos eius gradus non connectunt. Non alia docet in laudata præfatione, dicens: quod etsi Landgravius Alsatiae ALBERTUS LUITFRIDUM, OTPERTUM & RAMPERTUM non tantum prædecesores, sed & progenitores suos nuncupet, adhuc tamen dubium esse, quo sensu vocabulum progenitores accipiendum sit: num videlicet eo significantur paternæ, an maternæ, rectæ, an collateralis lineæ Maiores? in cuius rei confirmationem exemplum affert ex diplomate CONRADI III. in gratiam monasterii Einsidlenfis (a) an. 1144. dato, in quo ille duos OTTONES, I. & II. in gradu valde remoto, lineæ nec nisi maternæ, sibi cognatos: duos item HENRICOS, II. & III. avum quidem & proavum, sed pariter ex matre tantum, atque HENRICUM IV. avunculum, progenitores suos nominat. Adeo periculo erroris, subiungit Adversarius, non caret vocis æquivoca interpretatio, si de hac aliunde evidenter non constat.

Quæ re-
stantur: ac
primo lo-
co ratio-
nes GEN-
DERII dux
prioris.

VI. Has cum Adversarii, tum GENDERII dubitationes, contra systema P. HERRGOTTI motas, ut rite solvamus, unum post alterum intuendum venit. Expendamus autem omnium primo dicta GENDERII, qui & omnium primo loco præter veritatem asserit, P. HERRGOTTUM niti auctoritate

GUIL-

(a) Citantur Annal. HEREMI. Item Chronicon TSCHUDII ad an. 1144. Omnium novissimus edidit P. HERRGOTTUS tom. II. num. CCXXIII. pag. 170. qui iamen non citatur.

GUILLIMANNI, aut saltem eam inter rationes suas adnumerare. Nam is de eo hæc tantum habet: *Felicioꝝ hac in parte GUILLIMANNUS fuit, qui eadem, qua nos pergitimus, via incedens, GUNTRAMNO in schemate Genealogico Habsburgensi Maiorem constituit HUNFRIDUM. Verum is quoque exterarum rerum historia, quam eruende, probandæque Genealogia studiosior, nobis lampada tradidit, ut hunc HUNFRIDUM &c.*

(a) En quo pacto laudet GUILLIMANNUM P. HERRGOTTUS, ut vituperet etiam, aperte innuens, illum assertum suum haud probasse; tantum abest, ut eius utatur auctoritate. Adde, quod quæ de OTPERTO & RAMPERTO idem tenuit GUILLIMANNUS, ab eodem P. HERRGOTTO explodantur (b). Eiusdem fere commatis est alterum D. GENDERII assertum, haud scilicet probatum fuisse a P. HERRGOTTO, GUNTRAMNUM hunc, aut aliquem descendantium, Abbatæ S. TRUTPERTI advocatum fuisse; quandoquidem illud integro paragraſo prosequitur, (c) ubi ex præstantissimo *Trutpertino* instrumento hæc adducit: *Ipsi quoque FILII MEI ADVOCATI SINT rectissimi ipsius loci, atque TUTORES & DEFENSORRES, & HEREDES EORUM, & sub eorum TUTELA ipsum monasterium, cum omnibus, ad id pertinentibus, tam caute & iuste defendatur, quatinus sint reddituri inde Deo rationem. Quibus verbis, velut in fundamentum substratis, posteros Habsburgicos laudati monasterii advocatos in seculum usque XIII. perseverasse, ex eo probat, quod ALBERTUS iura advocatiæ exercuerit adversus G. Marscalcum sub-advocatum, eum scilicet, monasterium vexantem, ad tribunal suum Ruviacense summa cum auctoritate citando: id quod non nisi ex potestate, advocato competente, facere potuisset; cum eo tempore Habsburgici in provincia *Brisgovia* nullum ius territoriale habuerint, ut quemdam propria auctoritate ad tribunal suum exinde evocare potuissent. Quæ singula amplius videri possunt apud ipsum P. HERRGOTTUM; nobis in præfenti sufficiat, verba Instrumenti, notatu valde digna, adducere. Nos itaque, his diligentissime examinatis & cognitis, ait, de*

I i 3

commu-

(a) Lib. II. cap. X. num. I. p. 155.

(b) Ibid. cap. X. num. II. p. 171.

(c) Ibid. cap. XI. p. 165. Instrumentum ipsum reperitur tom. II. p. 197.

communi sententia prædictum ius ecclesie nominatæ, Sanctitati vestræ, Pater Abbas S. TRUTPERTI, & vestris successoribus, AUCTORITATE NOBIS A DEO TRADITA, confirmamus & statuimus, ut nulli liceat de aliquibus possessionibus, ecclesie vestræ, a PARENTIBUS NOSTRIS traditis, aliqua servicia, vel census, aut aliquid eiusmodi imponere. Hæc sunt verba Instrumenti, ubi cum primis etiam notandum, quod dicat, auctoritate nobis a Deo tradita, quo aperte innuit, sibi eam iure inde ex perpetua successione competere, non indulgentia Cæsarum; quippe quod tum Comitum in Brisgovia haud habuerit: atque successionem in bona avita proprie Deus, munia vero homines largiantur. Notandum præterea, quod & ipse LUITFRIDIGENAS PARENTES suos agnoscat, quo quid aliud innuitur, quam lineæ rectæ propagatores? Quamdiu enim non urgentissima, eaque manifesta ratio subest, vocabulum aliquod ad sensum alienum detorquendi, tamdiu æquum est, & ipsa sana suadet ratio, ut illud secundum sensum proprium, nativum, atque vulgarem, accipiatur. Quis autem nescit vocabulo parentes proprie atque native progenitores lineæ rectæ designari?

Itemque
seria.

VII. Fallitur præterea D. GENDERIUS, cum argumentum P. HERRGOTTI, a possessionibus deducto, hanc duntaxat vim inesse hominibus persuadere cupit: „GUNTRAMNUS Divus bona possedit in eodem solo, ubi LUITFRIDUS VI. eodemque tempore, quo potuerat eius esse nepos; ergo & eius successor, & legitimus heres erat.“ Hoc enim gratis omnino adstrui, patet ex rationibus & chartis, a P. HERRGOTTO hanc in rem allegatis, ex quibus monumentum LUITFRIDI, sub initium seculi X. datum, sic habet: *Quod decrevi devota mente quoddam monasterium in honore Dei constructum & . . . S. TRUTPERTI . . . restaurare & auctoritate, cum edificiis, omnique ornatu ad Divinum cultum pertinentibus, QUOD EGO A FRATRE MEO HUGONE IN PARTEM HEREDITATIS POSSEDI. Alterum instrumentum RUDOLPHI Provincialis Comitum Alsatie an. 1211. confectum, hæc præfert: Ego Rudolphus monasterio, quod est constructum a PARENTIBUS MEIS in honore Dei . . . & S. TRUTPERTI . . . omnes*

omnes homines proprie ad me pertinentes, qui in ipsa valle de hac vita migraverint, cum iure, quod dicitur *Val*, Abbati & fratribus cum consensu filii mei *A.* perpetualiter pro remedio animæ meæ, & progenitorum atque successorum meorum, devota mente decrevi donare (a). Ex his duobus locis primo intelligimus, ius, quod dicitur *Val*, id est ius caduci, etiamnum seculo tertio decimo ad Habsburgicos Comites pertinuisse; nec secundo dubium est, quin & olim ad eos pertinuerit, ad quos vallis *Münstertal* spectabat, id est ad *LUITFRIDOS*, vallis illius Dominos, cum ius caduci eius certe naturæ sit, ut ad alium, quam ad Dominum loci, saltem ex origine, pertinere haud queat. Hinc ergo consecratum est, posteros Habsburgicos, bona aviatica non tantum eo in solo, ubi *LUITFRIDUS VI.*, quod inaniter prætendit *GENDERIUS*, sed eadem bona possedisse. Quando igitur, ut recte concludit *P. HERRGOTTUS*, inter genealogos axioma celebratur, istos unius esse antecessoris & successionis, atque adeo stirpis & familiae, quorum eadem aviæ in partem hereditatis possessiones sunt (b), aperte patet, quam non sine iniuria dictum sit ab eodem *GENDERIO*, rationem hanc *P. HERRGOTTI* nequidem vim coniecturæ habere.

VIII. His adde, si lubet, *GUNTRAMNUM* eadem prorsus latifundia possedisse in *Columbaria*, quæ *LUITFRIDUS* pater *HUNFRIDI* ante ipsum possederat. Patet id ex sæpius laudata charta *Trutpertina*, in qua legimus: *Ad altare vero, ubi desidero meum esse sepulchrum, dedi specialiter in COLUMBARIA unam bobam, ut eam habeat custos ipsius altaris & procurator, ad memoriam mei libentius peragendam.* Nam eadem succinit diploma *OTTONIS II.* de anno 973. in hæc verba: *Curtis scilicet COLUMBRIA & Hittenheim, cum omnibus eorum pertinentiis, & nostri iuris, unum mansum in villa Badesbach, & omnia, quæ GUNTRAMNUS in Alsatia proprietatis visus est habere (c).* Quando ergo *GUNTRAMNUS* in eadem bona allodialia, ut vocant, successit, quæ olim ad *LUIT-*

(a) Vid. Gen. Dipl. lib. II. cap. XI. num. II.

(b) Vid. P. Bern. Pèz de etymo nom. Habsburg.

(c) Tom. II. num. CXLII.

Quod amplius urge-
tur.

c

LUITFRIDUM VI. pertinebant, quo iure D. GENDERIUS P. HERRGOTTO, qui id ipsum lib. II. cap. X. num. VIII. demonstravit, obicere potuit, ex ipsius argumentis non plus sequi, quam GUNTRAMNUM in iisdem regionibus, in quibus olim LUITFRIDUS VI., bona possedisse, ceterum haud demonstrari, quod ea ipsa fuerint, quæ ad LUITFRIDUM pertinebant?

Notio to-
cabulorum
antecessor
& progeni-
tor,

IX. Quod ultimo loco circa notiones vocabulorum *antecessores* & *progenitores* dubium movit GENDERIUS, adoptavit quoque Adversarius, atque illustravit etiam exemplo, ex Annalibus HEREMI petito, quod mox num. V. adduximus. Quare utrisque simul respondendum. Chartam *Trutpertinam* haud distincte loqui, aiunt, cum OTPERTUS & RAMPERTUS, qui in diplomate ALBERTI, quo illam confirmat, nomine *progenitorum* veniunt, a LUITFRIDO *antecessores* duntaxat nuncupentur. Extare præterea exemplum in diplomate CONRADI III. citato num. V. allegato, quo *cognati lineæ valde remotæ* PROGENITORES vocentur; hinc confectarium esse, sub hoc eodem *progenitorum* nomine, nec non *parentum* & *maiorum*, non semper ascendentes in linea recta salutari, sed vel collaterales, vel longius etiam remotos.

Quorum
primum ex
diplomatis
expendi-
tur,

a

X. Audiui singula & expendi, quibus antequam directe respondeam, visum est diplomata diplomatis opponere. In traditione quadam, facta antiquissimo monasterio Rhenoviensi a restauratore eiusdem WOLVENE apud R. P. MUOS (a) hæc habentur : *Ego itaque WOLVENE, in Dei nomine notum esse cupio. . . qualiter ab ANTECESSORIBUS MEIS in loco, qui dicitur Renaugia, monasterium monachorum constructum sit.* Qui sue-

(a) De iure Advocatæ tutelæ monasterii Rhenoviensis, Lucernæ 1748. 4.to pag. 7. Ipsum Instrumentum reperitur apud eundem pag. 17. & diplomatis pars prior pag. 16. posterior pag. 46. ubi tamen probare minime possum, quod auctor BUCELINUM & ISEIUM secutus, cum cit. pag. 7. tum alibi, hunc WOLVENUM inter *illustrissimos Comites de Kiburg* adnumeret, contra ac P. HERRGOTTUS eundem tom. II. pag. 44. num. LXXII. dynastis duntaxat accenser; cum in veteribus instrumentis nullibi Comitis titulo insigniatur, manifesto indicio, eum maiori dignitate auctum haud fuisse, ut rei diplomaticæ gnaros nullo pacto latere potest. Adde dicta a nobis lib. I. cap. XIV. num. III. seqq. de cognominibus.

fuerint isti antecessores, docet diploma LUDOVICI Germanici in hæc verba: Cuius AVUS & PATER, nec non & ipse, quoddam cenobium, Rinaugia nuncupatum, in Alemania, in Comitatu Adalbalmi, ob laudes Divinas & regulares disciplinas construxerant . . . data ab incarnatione Domini DCCCLII. Anno regni Domini HLUDOVICI Regis X. Indictione XV. Actum Moguntia multis Principibus in generali Concilio feliciter. Amen. Non est igitur dubium, quin hic per antecessores ascendentes in linea recta designentur, cumque hoc diploma una & quinquaginta duntaxat annis ante privilegium Luitfridianum emerlerit, dici debere videretur, seculo saltem IX. & paullo post, progenitores sub nomine antecessorum venisse, maxime ubi successiones hereditariæ erant. Sed & seculo adhuc XII. eadem notione acceptum, probat charta CLEMENTIÆ, ROBERTI Hierosolymitani, Flandriæ Comitis, viduæ, apud MIRÆUM anni 1125. (a): pro remedio animæ nostræ & Comitum Flandriæ salutē, tam PRÆDECESSORUM, quam SUCCESSORUM. Alia huic vocabulo vis inest in charta PHILIPPI Boni, Comitis Flandriæ, apud eundem (b), quæ prædia, a BALDUINO Gisleynsi Comite, coenobio Andrensi concessa, dicto anno confirmans, quoniam annuuntibus PRÆDECESSORIBUS meis, ait, ROBERTO atque PHILIPPO edificatum, & postea a BALDUINO, nepute meo, monasterium diligenter honorificatum est. Cum enim ROBERTUS & PHILIPPUS non ex Comitibus Flandrensis, sed Gisleynsis prognati fuerint; propalam est, nequaquam hic consanguineos in linea recta, immo nequidem affines intelligi, valetque subiecta nota MIRÆI: Gisleynses olim Comites (ut & Bolognenses) Comiti Flandriæ fuisse obnoxios & feudatarios.

XI. Alia prorsus est ratio cum vocabulo *progenitores*, quo, dato etiam, non nunquam maiores ex linea materna intelligi, plerumque tamen, & secundum genuinam eius notionem, maiores in linea recta paternos denotari, certum est. Extat hanc in rem charta IOANNIS III. *Brabantie Ducis*, qua

(*) Opp. diplom. & hist. rom. I. *Donat. Belgic.* lib. I. cap. XLVI. pag. 377. edit. II.

(b) Ibid. pag. 376.

Prælatos Ecclesiarum hortatur, ut Abbati & monasterio Ordinis Cisterciensis ad Scallim subveniant, hanc adducens causam: *Nobis est summopere cordi, tam pro eo, quod ipsam ecclesiam nostram specialiter reputamus; quia primum lapidem ipsius ecclesie locavimus in fundamento, quam pro eo nihilo minus; quod monasterium nostri progenitores piissimæ recordationis devotione permaxima PRIMORDIALITER fundaverunt* (a). Enimvero paternos hic ac veros progenitores designari, patet ex alio instrumento (b), ubi cœnobium illud ab HENRICO I., dicti IOANNIS tritavo, anno 1233. fundatum legimus. Quid? quod ipsi Habsburgici Principes dictam vocem eodem in sensu acceperint, cum in supra laudato diplomate Wettingensi *quidquid enim iuris, aiunt, in sæpe dictis universis & singulis bonis . . . PROGENITORES NOSTRI Comites, videlicet ALBERTUS mihi Landgravio pater . . . RUDOLPHUS AVUS, ALBERTUS PROAVUS . . . possedisse dignoscuntur.*

Cui haud
obest ex-
emplum,
ab Adver-
sario pro-
ductum.

XII. Possent id genus exempla multis modis vel ex solo MIRÆO accumulari; cum e diverso, quæ illi aliam, præter dictam, notionem tribuunt, aut nulla, aut rarissima sint. Certe exemplum, ab Adversario allatum, parum roboris habet. Nam præterquam, quod ea res valde singularis sit, CONRADUS Imperatores *aquivocos* HENRICUM II. & III. progenitores suos ita vocat, ut in contextu, ne cui erroris occasio præberetur, eosdem nominetenus atque vocabulis, genuinum consanguinitatis gradum denotantibus, expresse, adeoque omnes facile intelligerent, vocabulum illud eo loci in sensu accipi latiori. Sequitur enim non nullis interiectis nomen HENRICI quinti Regis. & quarti Imperatoris, quem *avunculum* nominat, & post non nulla alia: OTTO primus & secundus, sicut & duo *aquivoci* Imperatores proavus videlicet noster atque avus HENRICUS. OTTONIBUS nihil admodum addit, cum ii re ipsa cognati haud fuerint, quanquam non nesciam, LUTHOLPHUM, Imperatoris OTTONIS I. filium, IDÆ HERMANNI I. Ducis Suevorum filix, an. 949. matrimonio iunctum fuisse. Sed inde cognationem quandam inter CON-

RADUM

(a) Apud eund. tom. II. suppl. cap. CVIII. pag. 884

(b) Ibid. tom. I. *Donar.* Belg. lib. II, cap. CIV. pag. 578.

RADUM III. & OTTONES qui deduxerit, nã is in eiusmodi arte nimium perspicax est. Gratis itaque dicitur, vocabulo *progenitores* etiam OTTONES hic intelligi a CONRADO; cum certo certius progenitores ex linea materna duntaxat accipi debeant; quippe quos expresse nominavit.

XIII. Quidquid vero de hoc sit, admittimus ultro, *Vox progenitores, ut in re præ-senti exponenda.* vocabulo *anteceßores* variam inesse significationem, nec voce *progenitores* semper & ubique avos, proavosque, lineæ rectæ significari. Nobis plane sufficit, priori illo saltem non nunquam *anteceßores* in linea collateralis, posteriori autem plerumque maiores in linea recta, quod ex adductis exemplis liquet, designari. Multo vero magis nobis, &, ut speramus, viris quoque doctis satishiet, cum ostendero, vocabulo *progenitores*, hic loci non alios nisi *propagatores* in linea recta intelligi posse. Quod ut quam optime exequar, repetenda animo sunt ea, quæ mox antea num. VII. & VIII. de Advocatia & possessionibus posterorum Habsburgicorum diximus. Cum enim eiusmodi iura, ac præsertim ius Advocatiæ & *caduci*, non nisi ad nepotes lineæ rectæ transeant, consequens est; ut qui iis posterorum postea gavisi sunt, ex linea recta, non collateralis orti fuerint.

XIV. Huc accedit testimonium, omni exceptione maius, ipsorum posterorum Habsburgicorum, qui stemmatis sui non alios agnoscunt avos, non alios progenitores, quam LUITFRIDOS, aut certe LUITFRIDUM illum, monasterii S. TRUTPERTI insignem, post OTPERTOS & RAMPERTOS, benefactorem. Quocirca audiendum cumprimis est ipsum ALBERTI *Lantgravii* diploma, cuius verba satis luculenta hæc sunt: *Privilegium felicissimæ recordationis PRÆDECESSORUM & PROGENITORUM nostrorum LUITFRIDI Comitis, OTPERTI & RAMPERTI.* Prædeceßores vocat & progenitores, quorum altero LUITFRIDUM intelligit, altero OTPERTUM & RAMPERTUM, id quod ex diplomatibus aliis compertum est; quibus siquidem Comitum LUITFRIDORUM series ad ETHICONEM usque demonstrari potest, adeoque sponte consequitur, anteceßores OTPERTUM & RAMPERTUM in linea collateralis collo-

Et quidem
ex mente
ALBERTI.

candos. Quod si vero quis urgeat, etiam hos lineæ rectæ inferendos, cum hoc equidem minime contendimus; cum quidquid cum hisce sit, systemati P. HERRGOTTI nihil derogetur, & aliunde huic diplomati consentaneum sit, omnes hos inter *prædecesores* & *progenitores* adnumerandos, maxime; cum ALBERTUS in fine eiusdem particula utatur disiunctiva, a *prædecessoribus* sive *progenitoribus*. Est præterea illa clausula iis concepta verbis, ut, si hæc sola suppeteret, sola etiam, quod volumus, evinceret. *Ut igitur, ait, quæ ob honorem & cultum Divinum a PRÆDECESSORIBUS sive PROGENITORIBUS cum magna maturitate dudum fuerunt & sunt collata, inconcussa semper & illibata permaneant, præsens privilegium, & donationem præscriptam, ad instantiam HENRICI Abbatis & Conventus monasterii præfati, QUIBUS IN HAC PARTE NON CONSENTIRE RACIONI ESSET contrarium, innovamus, sigillisque . . . roboramus.* Confirmationem denegare, etiam rationi adversum iudicat ALBERTUS; manifesto signo, eundem hos ipsos ut veros suspexisse progenitores, ut quibus debitum denegare honorem, lumini naturæ seu *rationi contrarium* sit, ut quod maxime. Haud dissimili ex causa se se benignum monasterio Ord. Cist. ad *Scaldim* exhibuit IOANNES III. Dux Brabantix, ut hic num. X. retulimus.

Aliorum-
que Prin-
cipum
Habsbur-
gicorum.

XV. Concordant cum hac expositione perpulchre ceterorum Principum Habsburgicorum chartæ & diplomata. RUDOLPHUS *Provincialis Comes Alsatiæ*, RUDOLPHI I. Regis avus, monasterio S. TRUTPERTI ius *caduci* donat, quod est *constructum a PARENTIBUS meis*, & paucis interiectis: *pro remedio animæ meæ & PROGENITORUM, atque successorum meorum, devota mente decrevi donare, ut DEVOTIUS ORATIO NOSTRÆ MEMORIÆ IBI AUGEATUR* (a). In quæ verba P. HERRGOTTUS: *Contextus ille denotat, iam anteriori ævo in Trutpertino cænobio preces pro domo Habsburgica fuisse persolutas, scilicet ut fundatoribus, iisdemque progenitoribus,*
quo-

- (a) Tom. II. num. CCLXV. not. 3. pag. 215. iisdem fere verbis hæc confirmat RUDOLPHUS, RUDOLPHI I. R. R. patruus, ibid. num. CCCXXXV. p. 273. Add. si lubet ibid. pag. 615. num. DCCXXVII. ubi legimus: RUDOLPHUM *avum nostrum . . . ac alios progenitores, ac antecessores.*

quorum intuitu insigne hoc, ab OTPERTO, RAMPERTO & LUITFRIDO solum adhuc sibi servatum, & ad laudatum usque RUDOLPHUM de manu ad manum propagatum ius *caduci*, monasterio cessit. Porro quemadmodum hic vocabulo *successorum* haud facile alios intelligere potest, quam filios ac nepotes; utpote qui parentibus primo ac præcipue curæ sunt; ita & vocabulo *progenitorum* quis alius accipi potest, quam avi, proavique? quandoquidem ambæ voces in eadem constructione sibi directe opponuntur. Utitur de cetero valde apposite voce *parentibus*, haud secus ac OTTO, Episcopus Constantiensis, de celeberrimo Asceterio Murenſi mentionem faciens, quia, ait, *Gloriosissimus Comes OTTO de HABESPURCH nobile monasterium Mure, olim a PARENTIBUS suis constructum, donis honorifice augmentavit* (a): quod utique a progenitoribus eius lineæ rectæ constructum fuisse, vel ipſus non negabit Adversarius. Postremo, nisi posteri Habsburgici persuasissimi fuissent, se recta ex Luitfridigenis descendere, qualem causam habuissent, monasterium S. TRUTPERTI tum temporis in terra situm non sua, tantis cumulandi beneficiis?

XVI. Facile nunc ergo intelligimus, quamnam significationem vocabulis *parentibus* & *progenitoribus* in præſenti argumento tribuendum sit. Patet & hoc: diplomati *Trutpertino* esse fidendum quam maxime; quis enim progeniem suam melius, accuratiusque sciat, quam ipsi Principes posteri? Quod si iidem alios habuissent avos, ac *Luitfridigenas*, qui factum fuisset, ut ne eadem occasione, qua LUITFRIDUM, OTPERTUM & RAMPERTUM in suis chartis nominarunt, aut uno saltem verbo gradum remotiorem indicassent, aut iis saltem non tantum detulissent honoris, aut profudissent impensarum? quandoquidem ius fasque exigit, ut ne, avis, proavisque silentio pressis, eos ut progenitores & parentes agnoscamus, qui nobis gradu remotiori coniuncti sunt. Id quod tamen per recitatas loquendi formulas tantum non iniustissime factum fuisset, si ex mente adversariorum explicandæ essent.

Hinc applicatio fit ad diploma *Trutpertinum*.

K k 3

XVII.

(a) Ibid. num. CCXXXVIII. pag. 186. Eadem fere verba repetuntur num. CCXLI. pag. 189.

GENDERII
obiectio
diluitur.

XVII. Dices tamen cum Cl. GENDERIO, posteros Habsburgicos, cum *monasterium* S. TRUTPERTI a *parentibus ac progenitoribus* suis constructum dicunt, *progenitorum* dignationem OTPERTO & RAMPERTO, non LUITFRIDO tribuere; quippe cum illud non ab hoc, sed ab illis conditum fuerit. Contra vero a P. HERRGOTTO priores illos in linea collateralis, *Luitfridigenas* in linea collocari recta. Sed facilis atque varia est responsio. Cum ALBERTUS in suo diplomate (quod equidem reliqua antecessit) satis distincte in hunc modum loquitur: *Privilegium felicissimæ recordationis PRÆDECESSORUM & PROGENITORUM nostrorum*, LUITFRIDI Comitis, OTPERTI & RAMPERTI, digitum intendit in ipsum LUITFRIDI *privilegium*, ubi dicti OTPERTUS & RAMPERTUS *antecessores* duntaxat audiunt. Hinc consequitur, ut illum inter *progenitores*, hos inter *antecessores* adnumeret. Nam etsi distinctio hæc ex ipsis allatis verbis tam clare haud eluceat, quia tamen a LUITFRIDO ad ETHICONEM usque ope documentorum sane luculentorum ascendendo, OTPERTUS & RAMPERTUS in linea recta haud occurrunt (a), necesse est, ut eos ad lineam ablegemus collateralem. Deinde etiamsi hos ex serie maiorum Habsburgicorum expungeres, id certe systemati P. HERRGOTTI nihil usquam derogaret. Sufficit enim inter veros progenitores adnumerari LUITFRIDUM, id quod ALBERTUS quidem facit. Parum igitur refert, quod obiicit GENDERIUS, OTPERTUM & RAMPERTUM ab eo *antecessores* solummodo nominari, quanquam & illud sine vero sanguinis nexu factum haud fuisse, certum sit. Postremo valde credibile est, posteris Habsburgicis stemma suum non aliunde, ac a LUITFRIDO & HUNFRIDO cognitum fuisse (quis enim tum temporis notitiam in seculum usque septimum aut octavum suppeditallet?) cum e contrario tantis Principibus annorum ducentorum & quinquaginta, & quod paullulum excedit, nescire avos, pudori fuisset. Nihil igitur mirum est, si posterii Habsburgici stemma suum cum stemmate LUITFRIDI, quem sibi probe cognitum habuerunt, contendentes, eos quoque maiores in linea recta putarunt, quos ille *antecessores* suos, phrasi etiam avis, proavisque olim, ut ostendimus, tributa, nominavit,

CAPUT

(a) Cit. Lib. II. cap. XII.

CAPUT III.

Expenditur stemma GUNTRAMNI, de quo mentio fit in vita S. DEICOLI.

I. **C**um præcedens caput modum iam pene excesserit, Præparatio ad objectiones Rev. Abb. CALMETI. pag. 203. visum est, Reverendissimi Abbatis CALMETI objectionibus singulari hoc capite obviare. Quod enim Adversarius per hæc verba: *quæ in dubium revocata, ipse amplissimus auctor propugnare noverit*, fieri haud obscure optabat anno 1750., id iam tum executioni mandatum erat anno 1746. occasione secundæ editionis historiæ eius Lotharingicæ. At nihil inexpectatum obtigit; prævidit enim, quod futurum erat, P. HERRGOTTUS, atque ita præfagiit, dicens: *Subolet quidem mihi, animoque præsentio, non defuturos, quibus huic nostræ, a communi genealogorum sententia dissensionis, insolentia vel audaciæ dicam scribere placitum fuerit; spero tamen, etiamque confido, quod benevolus Lector, ubi rationes, me ad hoc inducentes, audierit, nos hac censura absoluturus sit, nostræque sententiæ suffragaturus* (a). Optarem ego nihilo fecius, me ab hoc virorum Eruditorum dissidio extricare posse; at cum, eo ducente me Adversario, rem declinare nullo modo valeam, id unum mihi solatio sit, quod systema P. HERRGOTTI antiquitati Augustissimæ Domus Lotharingicæ tantum non detrahat, ut illi etiam vel maxime suffragetur; utpote, quod unum communem, cum *Habsburgicæ*, tum *Lotharingicæ* Domus apicem, ETHICONEM, Ducem Alsatie, constituit (b). Hinc tantum abest (ait denuo P. HERRGOTTUS) ut communem hanc originem Serenissimarum Gentium, tanti nominis Genealogis, Historicisque probatam, integram inficiari velim, ut plane mihi propositum sit, eorundem sententiæ subscribere, & ETHICONEM, Alemanniæ Ducem, constituere auctorem non modo Ducalis Domus Lotharingicæ, sed & Illustrissimorum quondam Egisheimii Comitum, nec non Augu-

(a) Ibid. cap. IX. num. III.

(b) Non addo: & Alemanniæ, cum id contra plures non infimi sub-
sellii scriptores, nec sine gravibus fundamentis, neget Clar. D.
SCHORFFLINUS Alsat. Illustr. tom. I. pag. 755, §. XXXIII.

Augusta Gentis Habsburgica. Solatio erit & hoc, quod, quæcunque dicturus sum, non tam ex meo, paucis exceptis, prolaturus sim horto, quam ex dictis P. HERRGOTTI, nec animo quidquam decidendi, Lectori relinquens benevolo, cuinam parti accedere lubeat.

Qui ex vita
S. DEICOLI
alium
GUNT-
RAM-
NO pa-
trem,
quam
HUNFRI-
DUM con-
stituit.

a
b

c

II. Audiamus igitur, quid VARRO nostri temporis, Reverendissimus Abbas CALMETUS, systemati P. HERRGOTTI opponendum putaverit. Totius rei cardo in eo vertitur, num GUNTAMNUS *Dives*, de quo mentio infertur in Actis Murenſibus, seu CONRADO de S. Blasio, idem sit cum eo, de quo in vita S. DEICOLI apud BOLLANDUM (a), & apud ECCARDUM (b) memoratur: quod unacum patre HUGONE, cuius natu minimus erat, nec non fratre EBERHARDO & HUGONE vitam monasticam in monasterio *Lutrenſi* professus fuerit? Affirmat Rev. Abbas, negat P. HERRGOTTUS, GUNTAMNIQUE *Divitis* originem, fide & auctoritate laudati privilegii *Trutpertini* nixus, ab HUNFRIDO deducens, novum quoad hoc systema ita condit, ut tamen illud VIGNIERII, ECCARDI & CALMETI haud subvertat. Primum argumentum desumit P. HERRGOTTUS ex utriusque ætate, GUNTAMNUM scilicet Habsburgicum, cuius in diplomate an. 973. (qualiter etiam D. ECCARDUS (c) iudicat) quasi etiamnum viventis mentio fit, non ante adfectum iam seculum X. vixisse: GUNTAMNUM contra, filium HUGONIS, testante biographo S. DEICOLI, inchoante eodem seculo X. iam provecioris ætatis fuisse. Opponit Ven. Abbas, GUNTAMNUM nasci potuisse anno 900., *Lutra* vero monachum indui anno 930.; vitamque producere usque ad annum 970. vel 973. Quo posito nihil obſtare, quin ante professionem monasticam LANCELINUM seu KANCELINUM procreare potuerit, Domus Habsburgica progatorem.

Quæ tam-
men con-
stituta ab
epochæ
haud suf-
fragatur.

III. Verum ex vita S. DEICOLI, non nihil accuratius expensa, paullo alia discimus, ac primo quidem, laudatum Comi-

(a) XVIII. Januar. pag. 207.

(a) Orig. Habsb. col. 159.

(a) Ibid. col. 70.

Comitem HUGONEM, eiusque filios, votum, de amplectendo statu monastico conceptum, exigua interposita mora, implevisse. Tenebantur ad id vi iurisiurandi, *quatenus eorum nullus se subtraheret, quin in proximo seculo funditus abrenuntiaret* (a). Nec obstat quod cap. X. num. 43. BALTRANNUM Eremitam hisce alloquantur verbis: *Sciat paternitas tua, nos monachilis vita moribusque voti diu existere, sed Ducem ac Patrem non posse hactenus invenire*; adverbium enim diu non ita stricte accipiendum, docent verba eiusdem sectionis ultima: *ut in praesentia tanti Patris sacramentis horrificis NUPERRIME nos obligatos habeamus, in proximo monachicam professionem arripere, & perpetuo ibi stabilitatem custodire*. Nuperrime, ait, repetitque etiam in proximo, ut adeo praefatis Comitibus integrum haud fuerit, votorum exsequutionem diu differre. Quod ut assequerentur, quid egerunt? Adierunt, ut mox audivimus, BALTRANNUM Eremitam, qui, auditio eorum consilio, rem longius differendam adeo non putavit, ut Comitibus a se discedentibus statim adiunxerit WERDOLPHUM, nepotem suum, *qui cum omni diligentia veritatem rei probaret, id est, locum Luteraba oculis usurparet*; unde rediens BALTRANNO auctor fuit, ut eundem ab ipsa Imperatoria manu reciperet. Quod & ipsum magna cum celeritate perfectum est. Consilio enim acceptato, WERDOLPHUS ad Imperatorem ablegatus est; qui illico patris praepcepto parere studens, ascensis caballis, prospero itinere Imperatorem adiit, & de quo agebatur, innotuit (b). Atqui hanc ipsam legationem ante annum 959. susceptam haud fuisse, docet diploma OTTONIS I. eiusdem anni; ubi quippe primum de legatione BALTRANNI, deque donatione ac concessione loci Luteraba seu Lutra, ob quam WERDOLPHUS missus est, actum fuit. Verba diplomatis sunt haec: *Qualiter legati Abbatis BALTRANNI, eiusque congregationis, qui manebant ALANESBERG . . . nostram adierunt clementiam, proclamationis causa & consilii, ut . . . locum monachis convenientem concederemus. Nos vero legatione de tali congaudentes . . . locum, quem accepimus a filiis HUGONIS, EBERHARDO*

L I

&

(a) Cap. VII. num. 34.

(b) Vid. cit. vit. S. DIONISI cap. X. n. 44. & 45.

- & HUGONE, LUTERAHA vocatum, monachis aptissimum, eis concessimus, BALTRANNO videlicet & eius subditis, modo sub regimine & regula S. BENEDICTI degentibus data VIII. Id. Aprilis anno Dominicæ incarnationis DCCCCLVIII. Indict. II. anno vero regni OTTONIS serenissimi regis XXIII.
- a Actum Quintilingaburg in Dei nomine feliciter Amen (a). En quo tempore legatio BALTRANNI peracta, Comitesque voti sui compotes facti fuerunt! Concordant cum hisce reliquis; nam ut biographus porro pergit, BALTRANNS non ante, quam ab Imperatore citatum diploma obtinuit, ad locum Luteraha migravit: tali igitur tenore vir Domini in locum destructum B. DEICOLI intronizatus est (b). Legimus præterea
- b apud eundem (c), quod BALTRANNS iam tum, quando a laudatis Comitibus in patrem & Abbatem adoptatus fuit, quinquaginta annis vitam solitariam duxerit, qui iam tunc per decem quinquennia vitam eremiticam inreprehensibiliter ab omnibus duxisse fatabatur. Quare & hinc quoque iudicandum est, fieri haud potuisse, ut is, ætate iam consumptus, petitionem Comitum diu protrahere potuerit. Quorum hæc? eo scilicet, ut iam pro primo ostenderem, esse non posse id, quod contendit D. Abbas, GUNTRAMNUM San-Deicolanum iam anno 930. monachum induisse.

Eidem
 GUNTRAM-
 NI nomen
 forte assu-
 rum, ex si-
 lentio di-
 plomatis
 Ottoniani.

IV. Video equidem, hisce, quamvis mox dictam epocham vehementer evertant, rem omnem nondum confici; quare Reverendissimum Abbatem, iuxta ac P. HERRGOTTUM porro audiamus. Nomen GUNTRAMNI vitæ S. DEICOLI a biographo, aut amanuensi, præpostere assutum fuisse, aut GUNTRAMNUM San-Deicolum annum 959. iam fati concessisse, ideo iudicat P. HERRGOTTUS, quod is in mox laudato OTTONIS I. diplomate alto prematur silentio, cum contra HUGO parens, ac bini filii, EBERHARDUS & HUGO, in eadem vita expressim memorentur. Iam cum ex adverso diplomata annorum 937. 952. & 959. GUNTRAMNUM nobis prodant ut supersitum, immo cum primum, ut addit Abbas, annum 997.

ut

(a) Extrat hoc diploma apud MABILLONIUM in Actis SS. O. S. BENED. sec. V. p. 278. & apud ECCARDUM loc. cit. col. 169.

(b) Cit. cap. X. num. 46.

(c) Ibid. num. 41.

ut mortuus occurrat, signum est, illum a GUNTRAMNO *Deicolano* longe esse diversum. Respondet Ven. Abbas: potuisse GUNTRAMNUM adhuc citius mori, ceterum quod an. 959. (adde & an. 973.) adhuc inter vivos fuerit, nullam esse causam, biographum S. DEICOLI in suspensionem adducendi, quasi ille GUNTRAMNUM sine sufficienti ratione operi suo inferuisset; eo præsertim tempore, quo de hoc argumento nondum quærebatur, nec locus fuerat indagandi, de quibus hodie disputatur, genealogias. Ad hæc cum Imperator OTTO an. 959. mentionem faciat duorum fratrum GUNTRAMNI nati maiorum, ut etiamnum superstitum, supervacaneum esse de ætate GUNTRAMNI, nati minimi, quærere, quasi tum decrepitus fuisset; quippe cum non minus, ac fratres eius, ætate grandiores, vitam tolerare potuerit.

V. Verum enimvero vitam S. DEICOLI non ideo suspectam habuit P. HERRGOTTUS, quod GUNTRAMNUM, HUGONIS filium, an. 959. haud amplius vivere potuisse iudicaret; sed ideo tantum, quod in laudato diplomate eiusdem nulla prorsus fiat mentio; unde coniecturæ locus, illum aut iam defunctum fuisse, aut eius nomen vitæ S. DEICOLI perperam infarcitum, aut ipsum denique auctorem (quod addere liceat) in eo deceptum, quod HUGONIS filium putaret, qui dictis Comitibus forte affinitate, vel consanguinitate, vel familiari demum consuetudine coniunctus tantum erat. Quidquid sit, si & GUNTRAMNUS inter filios HUGONIS, qui monasterium *Lutrense* in libertatem vindicantes, ibidem vitæ monasticæ nomen dederunt, accensendus est, cur non & eiusdem fit mentio in diplomate?

Quod tri-
men pa-
tris, fra-
trumque
meminit.

VI. Reponit Abbas iterum, ex diplomatibus P. HERRGOTTI constare, quod gratia Imperatoris exciderit, adeoque civiliter mortuus, ac parte etiam bonorum exutus fuerit; mirum ergo non esse, in diplomate anni 959. altum de eo sileri. At vero, laudato biographo auctore, nec pater, nec fratres eius magna apud Imperatorem pollebant gratia, ut de quibus Consiliarii eius queruntur, quod locum *Lutra* inuiste possederint. Hinc *accerfiantur*, inquirunt, ante conspe-

Cui argu-
mento
haud satis-
facit D.
Abbas.

a *ctum tuum viri isti*, QUI HUC USQUE CONTRA FAS & IUS locum sibi vendicaverunt, & lege publica coram reddant (a), & post pauca ipse Imperator laudatos Comites, nullo excepto, *sacri incafiores loci iniquos vocavit*. Non est itaque maior ratio, cur GUNTRAMNUS potius, quam reliqui filii reticeantur. Deinde non videmus causam sufficientem, ob quam id factum fuisset. Agebatur de reddendo monasterio, a GUNTRAMNO æque, ac a reliquis, usurpato; quando ergo illud, secundum relata biographi, ab omnibus simul occupatum, simulque redditum fuit, conditio plane ipsius negotii exegisset, ut & GUNTRAMNI, siue hostis, siue amici, memoria fieret, quo historiae integritati consuleretur, totumque negotium referretur sincere. Nulla præterea subest ratio, cur ob pœnam pridem (nam bona eius circa annum 952. aut forte paullo antea, fisco addicta fuerunt) toleratam, devorataque, in negotio, quod cum præteritis aliunde nullam habebat affinitatem, nomen GUNTRAMNI supprimeretur; maxime cum statim iam amplexurus monasticum, atque adeo ad meliorem rediturus frugem, gratiam potius, quam perpetuitatem odii meruisset. Postremo si GUNTRAMNUS secundum D. Abbatis hypothesin, sese iam anno 930. in monasterium Lutrense abdidit, eidem diplomata de annis 952. & 959., in quibus tum primum legitur, *res GUNTRAMNI populari iudicio in regiam rectamque venisse vestituram*, nulla prorsus ratione suffragantur. Neque enim casus eiusmodi adversus eidem ut monacho obvenire potuit; cum factus monachus tanta bona haud possedisset.

Hinc aut
mutanda
D. Abbatis
epocha,
aut vita S.
DEICOLI
suspecta
manet.
b

VII. Quod ad vitam S. DEICOLI attinet, eam plane P. HERRGOTTUS nec primus in suspicionem adduxit, nec, si primus adduxisset, tam ingentem, ut opinor, eidem fecisset iniuriam. Non repeto, quod eidem ECCARDUS iam obiecit (b), quanquam & id non sine fundamento factum fuisse videatur: adverto duntaxat, parentem HUGONEM, cum monasterio *Lutrensis* restitutio facta fuit, annorum ad minimum octoginta ad nonaginta fuisse; quippe cuius filius ætate

(a) Ibid. num. 45.

(b) Orig. Habsburg. Lib. I. Cap. IX. col. 61.

ætate postremus, annos iam tum habuisset 59. quandoquidem is secundum sæpius laudati D. Abbatis calculum an. 900. in lucem editus fuisset. Et de his, ut antea vidimus, tamen in dicta S. DEICOLI vita refertur, quod Consiliarii Imperatori fuaserint, ut viros adeo decrepitos ad se accerferet. Quid? quod ex eadem vita habeamus, sæpe dictos HUGONIS filios ea in ætate venationi adhuc deditos fuisse, cum post dulcedinem somni evigilassent ad exercitum VENANDI, semetipsos invenerunt dissimiles sibi (a). Eiusdem commatis est, quod non nullis interiectis, legimus: *Cerneres præfectorios barones, paullo ante AQUILIS VELOCIORES, LEONIBUS FORTIORES, alienis uti solatiis, & quasi ferro vinctos, ante beati patris sepulchrum deportari* (b). Hæc enim singula cum anno natali GUNTRAMNI, adeoque cum epocha D. Abbatis vix ac ne vix quidem componi poterunt; hincque statuendum, in vita S. DEICOLI aliquid esse non sinceræ fidei, aut, quod magis credimus, GUNTRAMNUM, in eo memoratum, diversum esse a GUNTRAMO, sanguinis Habsburgici propagatore. Quod si porro verum est, quod P. HERRGOTTUS ex MABILLONII Annalibus Ord. S. BENEDICTI observat (c), ADELHEIDEM, LUDOVICI Balbi, Regis Francorum, coniugem, sæpe laudati HUGONIS senioris sororem fuisse, proh! quantæ anno 959. ætatis senecio erat? quandoquidem dictæ ADELHEIDIS filius, CAROLUS Simplex, iam anno 889. celebrem in Northmannos (verba sunt P. HERRGOTTI) ad montem-Falconium victoriam reportaverat, regnumque an. 898. adierat. At enim cum Clar. P. Bernardus de MONTFAUCON laudatam ADELHEIDEM Principis cuiusdam Angli filiam fuisse doceat (d), hoc ultimum equidem urgere nolum.

VIII. Tertium argumentum desumpsit P. HERRGOTTUS ex ipso Reverendissimo Abbate, qui (quo orbi litterato notus est, candore) non diffitetur, præter scriptorem vita S. DEICOLI, nullum ex tota retro antiquitate peti posse argumentum,

Tertium
P.H. argu-
mentum a
D. Abbate
præter-
missum.

L 1 3

ad

(a) Cap. VII. num. 31.

(b) Ib. id. num. 34.

(c) Genal. Dipl. Lib. II. cap. IX. num. IV.

(d) Dans les Monumens de la Monarchie François tom. I. p. 296.

ad probandam fraternitatem trium horum Comitum, vel gradum Genealogicum parentis HUGONIS statuminandum. Quin & insuper adiungit Abbas; adeo non demonstrari posse, ut inter verosimilia tantum maneat, quod fratrum hæc tria, EBERHARDUS nempe, HUGO & GUNTRAMNUS, antequam inter monachos Lutrenses nomen profiterentur, matrimonium inierint, ullave prole auti fuerint &c. (a). Verum hoc ipsum, cum sicco pede præterierit Abbas, nobis haud convenire videtur; ut illi inmoremur.

Quartum,
ab agno-
mine Di-
vis deduc-
tum, con-
velliur ab
Abbate.

IX. Accedimus igitur ad ultimum P. HERRGOTTI argumentum, quod *Achilleum* est, atque ex agnomine *Divitis*, GUNTRAMNO nostro, ob *luculentas*, quas a maioribus suis acceperat, possessiones, in Actis Marenfibus tributo, deducitur. Cum enim idem GUNTRAMNUS noster in vita S. DEICOLI ætate ultimus dicatur, atque aliunde, recepto, & antiquo iure, bona paterna & aviatica, in negotio familiæ herciscundæ, natu priori obvenire soleant, comprehendi nulla ratione potest, quo pacto, quibusque artibus, GUNTRAMNUS ille *Divitis* agnomen promereri potuerit. Non negat Rev. Abbas GUNTRAMNO, qui in chartis P. HERRGOTTI occurrit, *Divitis* titulum deberi, quin ultro agnoscit, id ipsum præclare ab eo fuisse demonstratum (b): potuisse tamen ea bona partim iure successionis, partim emptione, bello & connubii iure sibi comparare, ceterum rem hanc eiusmodi esse, ait Abbas, ut eius rationem reddere haud teneatur.

Sed per-
peram.

X. Sed ego, & ni fallor, quisque mecum rem longe aliter constitutam existimaverim; nam quod ad primum attinet, certum est, quod pater GUNTRAMNI nostri ad annum usque 959. superfuerit, atque adeo, ut ex dictis constat

(a) Loc. cit. pag. 152.

(b) Verba Abbatis sunt hæc: Notre Historien prouve fort bien, que Guntram avoit des grands biens dans le Brisgau, Turgau & l'Alsace & qui il portoit à bon droit le surnom de *Riches*. Mais, dit il, d'où lui venoient ces grands biens, s'il étoit le cadet de sa famille? il pouvoit les avoir partie par droit de succession, partie par acquisition, par conquête, par alliance du côté de sa femme; c'est une chose, dont je suis pas obligé de rendre raison. Loc. cit. col. CLXXXI.

stat (a), ad eum usque diem, quo is unacum filiis in cœnobio *Lutrensi* induit monachum. Quo igitur pacto filius, & is quidem natu postremus, in bona paternâ succedere potuisset? aut posito, patrem abdicasse, quomodo ea bona in tantum accrevissent cumulum; cum maximam eorum partem præripuisset frater ætate grandior, seu Princeps, ut aiunt, hereditarius? Præterea cum diplomatische certum sit, GUNTRAMNUM nostrum *Divitis* titulum iam longe ante annum 952. obtinuisse; utpote cum circa eum annum bonis suis exutus fuerit, credibile haud est, quod pater eius eo iam tempore abdicare, seu bona inter filios distribuere voluerit, maxime cum constet, quod bona monasterii *Lutrensis* usque dum votis se se obstrinxit, usurpaverit. Denique si opes suas a patre accepisset GUNTRAMNUS, *Divitis* titulus illi potius, quam huic obvenisset; quandoquidem quod cumulate tenuisset pater, in partes minores divisum fuisset inter filios. Atque hinc iam primus fons, unde ex mente Reverendissimi Abbatis tantas hausisset fortunas, obstructus est. Sed & vel ideo venæ reliquorum duorum intercidi poterunt. Cui enim paternæ fortunæ nondum obvenerunt, unde vires accepisset, aut bello gerendo, sustinendoque? aut pecunias, emendis prædiis & dominiis sufficientes? Quod si eum a patre, fratribusque, adiutum fuisse coniectes, opes bello partæ, sicut & emptâ latifundia, non minus his, quam illi cessissent; adeoque iam iterum nulla adfuisset causa, illum agnomine *Divitis* salutandi. Superest ius hereditatis, ex connubio obveniens. Sed præterquam, quod hucusque nemo demonstrare quiverit, quod GUNTRAMNUS ille, de quo in vita S. DEICOLI memoria habetur, thori consortem & qualem habuerit, notum est, nobilibus scæminis exiguam dari dotem, quin potius a viris accipere consuevisse, vel solum *IRÆ Habsburgicæ*

- (a) Posset idem ex laudati biographi cap. X. num. 43. amplius confirmari: ubi quippe legimus, HUGONEM ac filios eius, *lacrymabili precatu virum Domini* (BALTRANNUM) *non segnes petiisse* &c. Quando igitur, ut antea demonstravimus, voti sui statim compotes facti sunt, totumque negotium spatio unius anni confectum, recte insertur, patrem adusque ingressum in religionem perseverasse superstitem, aut saltem (quod contententi facile concedere possemus) non multo, id est non uno ante anno, obiisse. Unde ergo illæ divitiæ?

gica exemplum, de quo in Actis Murenfibus, docere poterit. Quod si urgeas, potuisse GUNTRAMNUM scēminā, paternorum bonorum heredi ex asse, iungi, haud equidem abnuo; sed & possibile fuisse, ut tali non iungeretur, æque contendo. Deinde cum insignis, &, ut videtur præcipua, latifundiorum GUNTRAMNI pars (a) in *Brisgovia* sita fuerit, fieri vix ac ne vix quidem potuit, ut filiam cuiusdam Comitiss adeo *Divitis*, aut alterius dynastæ, inde in matrimonium sibi deligere quiverit; quandoquidem *Brisgovia* tum temporis Comitibus masculis abundavit, ut ex diplomate *Grandis-val-lensi* advertit P. HERRGOTTUS (b), ubi legimus, quod LUTHERIDI VI., qui bona non exigua in *Brisgovia* æque, ac *Alfatia* possedit, posteritas *crefcens multiplicata* sit; cuius proinde filiis bona & latifundia, ut iura exigebant, non filiabus cesserint. Sub idem tempus in *Brisgovia* floruit BIRCHTILO, cuius bona & latifundia numerosā masculæ posteritati, postmodum temporis a castro *Zaringen* cognominatæ, iure hereditatis obvenerunt. Ægre etiam factum, opinor, fuisset, ut puella, avitorum bonorum heres ex asse, filio natu minimo nupisset. Idem porro dicendum de bonis & latifundiis in *Alfatia* sitis, ubi tum *Divitis* cuiusdam Comitiss, aut alterius insignis dynastæ progeniem extinctam fuisse, nuspiam legimus.

Id quod
amplius
monstra-
tur.

XI. Præter hæc observare hic lubet, GUNTRAMNUM, HUGONIS filium, in vita S. DEICOLI memoratum, quum votum, religionem monasticam suscipiendi, conciperet, si non

- (a) Discimus id ex diplomate HENRICI II. ubi legimus: *eandem curtem, qua Riegel dicitur . . . in Comitatu Brischgowe sub nominatis his locis, Endinga, Hewelinga, Chenzinga, Deninga, Burchheim, Baldinga, & cetera loca ad præfatam curtem Riegel pertinentia, sicuti quondam GUNTRAMUS visus est habere in sua investitura. Qui enim non nescit, quantum tractum dicta loca efficiant, non nisi magnum fuisse dicet. Data est hæc curtis cellæ MEGINRADI, iam antea ab OTTONE II. an. 972. ubi eidem præter loca iam recensita, adhuc adnumerantur Rotwila, Bezenhusa, Berga, Bechesberg, Zarda (ab hoc loco integra vallis, nigram silvam versus, nomen gerit) Liela, Taterwelda, Richulinga & Bûrinheim. Distat autem Riegel a Liela spatio præter propter novem milliarium Germanicorum. Vid. Genesl. Dipl. tom. II. num. CXL. & CLVII.*
- (b) Lib. II. cap. X, §. VII.

non admodum iuvenem, in flore saltem ætatis, minimæque provectæ fuisse; ut enim superius iam animadvertimus, biographus trigam laudatorum Comitum inducit, ut *aquilis velociores, leonibus fortiores*, quæ prædicata cum hominibus iunioribus potius, quam decrepitis, conveniant, præcipue etiam GUNTRAMNI iuventutem probant; nam si fratres natu grandiores tales fuerunt, quanto magis iunior? cum ergo sicut nemo repente fit pessimus, ita nemo ditissimus, plane conficitur, GUNTRAMNO *San-Deicolano* tempus & occasionem nondum fuisse, ut *Dives* fieret, dicereturque. Sed hæc secundum biographum, non hypothesein Abbatis.

XII. Ultimo loco *privilegium Trutpertinum* in dubium vocat Cl. Abbas CALMETUS, valde suspectum esse asserens; sed, quod mireris, nulla asserti adducta causa. In eodem porro *privilegio* mentionem quidem fieri, ait, de LUITFRIDO, eiusque filio HUNFRIDO, at verbum non addi de GUNTRAMNO, prætenso filio HUNFRIDI. Verum quidem esse, quod in Actis Murensibus mentio ingeratur de GUNTRAMNO *Divite*, patre LANCELINI, seu KANCELINI; at cuius filius sit, reticeri; se igitur contendere, quod filius sit HUGONIS, & frater EBERHARDI, nec non HUGONIS de *Egisheim*, & id quidem secundum biographum S. DEICOLI, qui illud expresse notet, correspondentibus locorum circumstantiis, atque ac personis. Ad quid ergo dubium præ certo eligitur?

Sollicitatur privilegium Trutpertinum, & GUNTRAMNI ex HUNFRIDO ortus.

XIII. Nos vero fati hucusque ostensum fuisse, existimamus, nec rationem temporum, nec circumstantias locorum, nec personarum pro D. Abbate militare. Contra vero pro P. HERRGOTTO quid hic non militat? LUITFRIDUS obiit circa annum 911, certe *privilegium Trutpertinum*, ab ipso conditum, anno 903. est datum, HUNFRIDUS, LUITFRIDI filius, primo loco natus, obiisse censendus est circa annum 930. & GUNTRAMNUS denique post annum 973. LANCELINUS, secundum vetustissimos Einsidenses Annales an. 990. ac filius denique RADEBOTO ann. 1027. ut adeo, præter iam dicta, omnia sibi cohæreant, secus ac fit in vita S. DEICOLI, & in hypothese D. Abbatis. Porro idem vere quidem

M m

dem

- dem dicit, GUNTRAMNI filiationem non nisi inductione probari, at ipse quoque fatetur (a) sibi nullam hucusque probationem directam & formalem suppetere, qua, ADELBERTUM filium fuisse EBERHARDI, demonstret. Quin immo sæpe laudatos tres HUGONIS filios, ante susceptum Ordinem S. BENEDICTI uxoratos fuisse, inter vero similia duntaxat, ut paulo supra innuimus, non inter certa, reponit. Ex adverso GUNTRAMNI pater non adeo longe quærendus est, ut prætenditur; quando enim ipsi posteri Habsburgici non uno loco fatentur, se ex LUITFRIDO VI. descendere, quis dubitare queat, id non æque de GUNTRAMNO dicendum, qui haud dubie inter propagatores sanguinis Habsburgici adnumerandus est? Ponamus igitur, GUNTRAMNUM non esse filium HUNFRIDI, si modo certum est, eundem recta a LUITFRIDO descendere, ad rem præsentem sufficit; cum non tam seriem certam ac continuam, quam stemma & avos certos quæramus, ut ad ETHICONEM usque ascendere valeamus. Quod ad *privilegium Trutpertinum* attinet, illud ego non moror; quandoquidem authenticam eius adeo clare ostendit P. HERRGOTTUS (b), ut res paradoxo similis sit, vocari adhuc in dubium. Certe genuinum esse, nobiscum agnoscit Vir Celeberrimus SCHOEPFLINUS (c), nobile antiquitatis monumentum esse, atque authenticam eius ex duobus transumptis probari, litteris etiam ad me datis, affirmans; ut adeo verbum addere nolim. Sed ponamus ex abundanti, vel esse dubium, vel supposititium: sinceram esse chartam, qua illud confirmavit ALBERTUS, non utique negabit D. Abbas. Cum ergo & is verbis clarissime expressis LUITFRIDUM inter *progenitores & antecessores* suos adnumeret, eidemque (quæ singula supra expendimus) testimonium quoque dicant reliqui non nulli Habsburgici Comites, perinde constat, unde deducendum eorum genus. Verum singula hæc maius, ut confido, robur accipient, ubi laudati D. SCHOEPFLINI Alfat. illustr. vol. II. quod dudum sub prelo fudare, accepinus, voto reipub. litterariæ, in lucem prodierit.

CA-

(a) Loc. cit. col. CCIX.

(b) Lib. II. cap. X. num. IV. seqq.

(c) Alfat. illustr. tom. I. pag. 782. in calce nota r. & r.

CAPUT IV.

De GUNTRAMNO *Divite* patre LANCELINI,
seu LANTOLDI.

I. **I**Am demum in viam redimus. In viam? sic omnino est, hætenus extra oleas saltantes, nunc denique in viam redimus. Quæ enim Adversarius ex viris Clarissimis, GENDERIO, ac Rev.^{mo} Ab. CALMETO attulit, ad institutum proprie non pertinent; quum de patre GUNTRAMNI HUNFRIDO, avoque LUITFRIDO, nihil admodum nec in Actuario, nec in mendosa genealogia præfixa, reperiundum sit; proindeque secundum Adversarii institutum, ac destinationem, quam ex titulo legimus, ceteris prætermisissis, quæstio solummodo de eo procedere debuerat, num a P. HERRGOTTO demonstratum satis fuerit, quod GUNTRAMNUS *Dives* propagator Gentis Habsburgicæ dicendus sit, nec ne? Negat id Adversarius eo ex titulo, quod et si P. HERRGOTTUS GUNTRAMNUM quendam Comitem, cuius ætas & possessiones cum GUNTRAMNO, quo de mentio sit in Actis Murensibus, apprime concordent, ex meris diplomatibus detexerit, exinde tamen coniecturam duntaxat emergere, GUNTRAMNUM hunc eundem fuisse cum GUNTRAMNO, sanguinis Habsburgici propagatore. En eius verba: *Unicum velimus diploma videre, quo vel obiter GUNTRAMNUS Habsburgici sanguinis & nominis insinuetur? Non sufficit GUNTRAMNI nomen & opulentiam ex chartis, ut ut contemporaneis eruere, sed oportet inde verum quoque stemma & progeniem adstruere: hoc demum Genealogi diplomatici est.* Excerpta deinde dat sat longa ex diplomatibus laudatis, subditque, nullam uspiam fieri mentionem stemmatis; hincque confessa . . . & perspicua (concludit) res non est, GUNTRAMNUM propagatorem sanguinis Habsburgici fuisse, nisi ab auctoritate Actorum Murensium . . . qua quidem notitia præsupposita, coniectare demum licuit, eundem cum nostro fuisse GUNTRAMNUM illum, qui in chartis, ævo ipsius GUNTRAMNI nostri correspondentibus, legitur; coniectare, inquam, id licuit; neque enim infallibiliter asserverari potest, uno, eodemque

GUNTRAMNI *Divitis* stemma & gradum a P. H. haud ostensum fuisse, contenditur ab Adversario.

pag. 203.

pag. 205.

pag. 206.

tempore alium a nostro GUNTRAMNO non extitisse, luculentis & ipsum prædiis auctum Ut ut sit; nega GUNTRAMNUM sanguinis Habsburgici propagatorem fuisse, & experire, num te P. HERRGOTTUS per adducta sua diplomata, an per Acta Murensia, de contrario queat convincere? Hæc, aliaque, his familia, Adversarius locis in margine citatis.

Qui tamen
in mala
hypothesi
versatur.

II. At enim ratiocinatio hæc mihi equidem iure meritoque iis adnumeranda videtur, quæ primo quidem aspectu speciosæ sunt, re ipsa parum probant. Et ego quidem verba haud in multo ponenda discrimine putaverim, cum res ipsa loquitur. Non repeto dicta cap. huius libri primo, ubi, quantum a Genealogo diplomatico exigi debeat, exposui. Neque enim ulli unquam venit in mentem, ut ex solis diplomatibus & chartis, nulla unquam præhabita notitia, aliunde petita, integram, suisque numeris absolutam, genealogiam texendam putaret. At quando ex iisdem eruderantur plurima: quando auctori vacillanti suffragium ferunt, supponunt fulcimenta: & quando illud per singulas generationes nec segniter, nec parçe fit: quis neget, Genealogum diplomaticum suo defunctum fuisse munere, idque demum haud proletarie effecisse, ut fides Genealogiæ Habsburgicæ non solis mendosis scriptoribus, sed insimul fide diplomatum, testimonium omni exceptione maiorum, nitatur?

Præterea
diplomata
cum au-
ctore ac-
curate
confenti-
unt,

III. Iam vero, quam accurate sibi invicem respondeant diplomata & auctor, quantumque adeo mutuum alterum ab altero accipiat auxilium, ut veritas demum integra emergat, nulli potest non esse perspicuum. Diplomata *Divitem* fuisse ostendunt, auctor sic appellat: quantum ergo res cum nomine, tantum consentiunt diplomata cum auctore, qui cum ex se & per se fidem antea indubitatam non fecerit, facit iam, adiutus eiusmodi adminiculo. Regem Persarum ARTAXERXEM cognomine *Longimanum* appellarunt veteres, PTOLOMÆUM, PHILADELPHI fratrem, *Ceraunum*. Da mihi itaque scriptorem, qui de Rege quodam, post annum mundi 3531. aut circiter, in Asia regnante, memoireret, quod alteram manum habuerit longiorem, hunc ego continuo dicam, fuisse

ARTA-

ARTAXERXEM *Longimanum*, etsi is neque de regno Persarum, nec de cognomine verbum addat. Da mihi scriptorem alium, aut, si lubet, eundem, qui de PTOLOMEO quodam Aegypti Rege, narret, quod veluti fulmen omnia pervaserit, deterrueritque, hunc ego nec PTOLOMEUM *Evergetem* quendam, nec *Philopatora*, nec *Epiphanem*, nec *Laturum* &c. sed *Ceraunum* intelligendum esse, pronuntiaverim; idque non alia ex causa, quam quod tempus & locus convenient, eidenique agnomen isthoc adhæserit, quod velut fulmen omnia pervaserit, terrueritque. Haud dispari ratione GUNTRAMNUM mihi diplomata memorant, luculentis præditum latifundiis: *Divitem*, quod idem est, appellat scriptor, convenit locus & ratio temporum, quid superest, quam ut concludam: esse unum eundemque, immo nec alium esse potuisse?

IV. Valde etiam peregrinum sonat, quod sequitur: *Coniectare, inquam, licuit* (GUNTRAMNUM nempe eundem esse cum GUNTRAMNO, in Actis Murenfibus laudato) *neque enim infallibiliter asseverari potest, uno, eodemque tempore, alium a nostro GUNTRAMNO non exitisse, luculentis & ipsum prædiis auttum.* Quasi vero abundantes divitiæ, quarum occasione quis *antonomasticus Dives* audit, Comitatus dignatio, communicatioque nominis, in eadem regione, eodemque præter propter tractu terræ, & in quovis angulo reperirentur. Hæc certe argumentandi ratio, si locum nancisceretur, vix esset persona quædam celebris, in historia præsertim mediæ ævi, cui non aliam similem, si Adversarii exemplo hario-lari velis, producere quires.

Fieri que haud potuit, ut duo GUNTRAMNI Dives in eodem tractu vixerint.
pag. 206.

V. Multo minus deferri potest Adversario, quando porro obtendit: *Vanumque omnino est huius identitatis argumentum, inde petitum, quod posteri Habsburgici, GUNTRAMNI nostri heredes, in iisdem terris bona adhuc possederint amplissima, ubi suis prætensus ille GUNTRAMNUS exutus fuerat, DIVES certe aliunde non agnitus, nisi a bonis deperditis.* Tantum enim abest, ut hoc argumentum *vanum* sit, ut potius ante dicta mirum in modum confirmet. Cum enim exinde constet, posteros Habsburgicos iisdem in locis, id est in pagis

Huc faciunt decreta ex diplomatis GUNTRAMNI possessiones.
ibid.

Suntgovia, *Nortgovia*, *Brisgovia*, *Turgovia*, *Aragovia* &c. sua bona habuisse, ubi antea GUNTRAMNUS *Dives*, plane consequitur, ut is ipse in his terris floruerit; cum enim, ut quis *Divitis* agnomen referat, necesse sit, habere possessiones plurimas, difficile sane fuerit, ut & ceteris GUNTRAMNIS, quos iisdem in terris exsistere potuisse hariolatur Adversarius, tantæ divitiæ obtingere potuerint, ut & ipsi tali cognomine gauderent, aut tantis abundarent bonis, quantis GUNTRAMNUM nostrum diplomaticum, ex iis, quibus privatus est, velut ex unge leonem, abundasse discimus.

Itemque
tabulæ &
indices P.
H.

a

VI. Porro non plures uno GUNTRAMNO Comite, quo de nobis hic quæstio est, in his terris floruisse, ex tabulis (a) & indicibus P. HERGOTTI elucet, ubi plerorumque ac præcipuorum, ea tempestate viventium nomina, ex diplomatibus educta, recensentur. Nos certe eiusmodi exempla capitibus duobus sequentibus producemus, hic locum indicasse contenti, ubi similia, rei periculum facturis, occurrent. Hic etenim cum alia suppetant plurima, visum est, eo labore supersederi posse. Dixi plerorumque, ac præcipuorum; cum enim exploratum sit, Maiores Comitum Habsburgicorum inter Principes & Comites primi ordinis iam tum adnumeratos fuisse, non puto, quemquam in Comitibus minoribus & pagellis esse quærendum. Et si talis esset, quo pacto *Dives* fieri, & quo iure sic appellari potuisset?

Nec non
& Abb.
CALMETI
auctori-
tas.

b

VII. Ceterum, cum Adversarium auctoritate duci, aliunde sciamus (b) opportunum plane erit, ut hic ex abundanti eidem exemplum Reverendissimi Abbatis CALMETI in mentem revocemus, qui etsi P. HERRGOTTO, quoad hunc ipsum GUNTRAMNUM *Divitem* contraria, ut cap. præcedenti vidimus, sentiat; tantum tamen abest, ut vir, in his rebus apprimè versatus, diplomata P. HERRGOTTI incerta esse iudicet, ut divitias, agnominis eius causas, præclare ab ipso ostensas fuisse, ingenue agnoscat; manifesto sane indicio, Adversarium hæc non tam tutiora statuendi studio, quam ut

(a) Vid. prolegom. VI. ante pag 51. & cap. nost. seq. num. XIII. § I XIV.

(b) Vid. lib. nostri I. cap. VI. num. II. seqq.

ut spartam suam quam optime exornasse, nihilque intactum reliquisse videretur, protulisse.

VIII. Quod Adversarius porro obicit, stemma GUNTRAMNI in diplomatibus nuspiam indicari, eiusmodi est, ut illi diu, aut operose, immorandum haud censeam. Neque vero id, ut opinor, exiget Adversarius, ut diplomata seculi X. de cognomine Habsburgico, sub finem primum seculi XI. aut initium XII. exorto, loquantur; hoc quippe quid aliud esset, quam inutiliter collocare tempus? At, si rem aliter accipit, non ideo magis stringimur. Cum enim P. HERRGOTTUS a RUDOLPHO *Habsburgico* ad ETHICONEM usque ascendendo, de progenie in progeniem processerit, quis dubitare possit, Maiores in quocunque gradu eiusdem cum RUDOLPHO stemmatis, licet non cognominis esse? Gradatim enim ascendendo tam parum aberraveris a stemmate, quam cum supremum scalæ gradum petens, inciperes ab infimo.

Hinc expressa stemmatis mentione haud opus.

IX. Ultimo loco diplomatum epochas inpetit Adversarius. *Chronologiam quod spectat*, inquit, *certum non est*, loquantur pralibata diplomata de GUNTRAMNO . . . tum adhuc vivente, an iam mortuo? Qua de causâ? quia diplomata v. g. anni 997. immo an. 1003. verbis non aliter conceptis loquuntur, ac diploma anni 973., in quo tamen P. HERRGOTTUS, loc. cit. §. IV. GUNTRAMNI etiam tum superstitis, seu tanquam viventis memoriam fieri asseverat. Non ergo maiorem esse rationem, cur GUNTRAMNUS etiamnum anno 1003. quam an. 973. superstes fuisse dicatur. Verum ratio, ut P. HERRGOTTUS post ECCARDUM id conseret, hæc fuit; quod licet posteriora illa diplomata de GUNTRAMNO, ut etiamnum tunc vivente, memorent, ob longiorem tamen temporis intercapedinem præsumendum haud sit, quod is vitam suam eo usque protraxerit; adeoque tum mortuis potius, quam vivis adnumerari debere videretur. Quod si vero quis urgeret, eum anno 1003. adhuc vixisse, cum hoc sane cupide haud contenderem; cum communi naturæ cursui contrarium haud esset, ut nepos LUTFRIDI, qui anno primum 1011., ut diximus, obiit, post annos a morte eius nonaginta duo super-

Chronologia quoque bene se habet. Ibid.

superfuisse. Id porro certissimum est, neque ex Actuário, neque ex diplomatibus tuto constare, quando obierit, licet ex diplomate HENRICI II. anni 1004. 17. Iunii, ubi legimus: *sicuti quondam GUNTRAMNUS visus est habere*, colligendum esse videatur, eum longius ante id temporis obiisse. Sed relinquamus incerta tantisper in medio, dum deteguntur certiora.

CAPUT V.

De LANCELINO, seu KANZELINO, RUDOLPHI I. Rom. Reg. Maiore in gradu VIII.

LANCELINUS Altenburgi Comitum constituit Abbas Tschudius >

- I. **C**aput Adversarii primum, cui tria singularia opponere necesse nobis fuit; tandem eluctati, ad caput eius II. descendimus, ubi is duo sibi præstanda sumpsit. Primo probationes DOMINICI Abbatis de LANCELINO, seu KANZELINO, recenset, tum vero argumenta P. HERRGOTTI, eiusque diplomata examinat. Atque illud quidem tota hac parte II. agit, ubique præmittens sententiam, ut vocat, Abbatis Tschudii: post asserta adiungens P. HERRGOTTI. Verum hoc loco, si dicere licet, quod sentio, famæ Abbatis adeo non consulitur, ut errorem eius, quem circa fictitium *Altenburgi* seu *Vindonissæ* Comitatum (a) post GUILLIMANNUM, aliosque, erravit, resuscitando, ei quam maxime obsit. Mirum est, fieri posse, ut cum P. HERRGOTTUS Comitatum hunc non nisi in concavo lunæ extare posse, tam solide, quam perspicue, demonstraverit, aliqui tamen sint, qui post inventas fruges, glandibus velsi præoptantes, veritatem hanc in dubium vocare audent. Piget ergo, quod huic rei adeo tritæ, adeo evisceratæ, nolens volens non nullas adhuc hic consecrare debeam lineas.

II.

(a) Vid. hic lib. I. cap. XXV. num. CXXL

II. Inter cetera, quibus GUILLIMANNUM aliter sentire docuit P. HERRGOTTUS, chartam anni MCCXCIX. in medium produxit, ubi *Altenburgum* dominiis & possessionibus Habsburgicorum hisce verbis, ab eodem ex Germanico traductis, adnumeratur: *Altenburgi intra muros curtis, seu domus est & piscatura, quæ huc spectat. Ambo ad dynastiam pertinent . . . quæ ibidem iurisdictionem exercet.* Excipit hæc verba Adversarius, dicens: „Quod etsi per curtem, germanice *hoffstat*, domum duntaxat intelligi velis, per adducta verba ambitum castris non ita limitari, ut reliquum spatii longius latiusque excurrere negent. Multo minus inde inferri debere, locum iam superioribus seculis, hoc est, ante extructionem castris Habsburg, ita desertum fuisse, ut intra muros suos domum colono, non vero sedem Comitum, REGIONIS DOMINO, præbuerit. „

Quod, negante P. H. approbare videtur Adv.

pag. 208.

III. Non nescimus, vocabulo *curtis*, seu *cortis*, variam inesse significationem, ut vel ex solo Cl. CANGII Glossario intelligimus. Amplissima non nunquam eo designari bona & latifundia, ex iis colligi poterit, quæ superius in calce pag. 271. seq. de insigni *curte Riegel* adnotavimus: hic autem vocem germanicam *hoffstat* recte per *curtem* seu *domum* redditam fuisse, vel inde cognosci poterat, quod illa intra muros sita esse dicatur, adeoque eius ambitus tam amplus haud fuerit, ut ex Adversarii mente *longius, latiusque excurrere potuerit*. Porro eadem notione, qua P. HERRGOTTUS, vocem *cortis* seu *curtis* accepit VARRO (a). Alterum in hoc scirpo nodum quaerit Adversarius circa traductionem vocis *hoffstat*: sed illa proprie & native *curtem* aut domum, seu locum significari, ad prædium spectantem, vel recipiendæ villæ idoneum, ab *hof* prædium, *villa* domus, & *stat* locus, docebit Cl. WACHTERUS in Glossario Germanico hac voce.

Qui de notione vocabuli *curtis*,

a

IV. Quod ad secundum membrum pertinet, fatemur ultro, ex verbis P. HERRGOTTI, ab Adversario adductis, consecrarium haud esse, ut locus ante extructionem castris *Habsburg* capiendæ Comitum, quam colono, non æque idoneus.

Nec non de argumento P. H. male censet.

N n

neus

(a) Lib. I. cap. III. & Lib. III. cap. III. apud cit. du CANGIUM.

neus esse potuerit, at non proinde est cum superstructa eidem domo; quandoquidem habitaculum, Comiti destinatum, alterius, opinor, formæ, quam habitatio coloni esse solebat. Cum ergo domicilii, Comite digni, seculo iam tertio decimo, nedum GUILLIMANNI ævo, vestigium adfuerit nullum, signum est, nullum unquam Comitem ibi habitasse. Quæ res GUILLIMANNI opinamenta subvertit cum ceteris; quando enim ille ex celebritate loci, ædificiis, ruderibus, similibusque, assertum suum probare adnissus est, recte ei e contrario humilitas loci, ut in quo nulla veteris cuiusdam celebritatis præter unicam turrim (at Romanam, non mediævi) rudera supersint, obiecta fuit; quippe quæ tam cito non pereunt, ut vel mox dictæ turris reliquiæ docent. Verbo: novum assertum probationibus indiget positivis, non quæ ex mero possibilitatis principio ducuntur.

Ac præterea ceteras P. H. rationes, secundum nimirum,

V. Verum non id solum fuit, quod ex recitato textu intulit P. HERRGOTTUS. Cum enim Comites locum regionis præcipuum inhabitare, ibique ius dicere solerent, comparisonem hic inter loca *Altenburg*, *Arovium*, & *Bruggam* instituit, quorum prius illud ab his posterioribus multis superari parasangis, docuit his verbis: *Cum econtra AROVIUM & BRUGGÆ plures cives, maiora latifundia, & ampliora iura complecterentur, prout non ex laudato solum instrumento patefcit, sed etiam ex comparatione insignium horum oppidorum cum castro Altenburg, cuique planum proponitur.* Non ergo ob loci humilitatem solum, sed & ob celebritatem aliorum, qui Comitibus magis convenissent, locorum, *Bruggæ* videlicet & *Arovii*, *Altenburgum* sedem olim Comitum fuisse negavit P. HERRGOTTUS: quod tamen, cum optime procederet, Adversarius est prætervectus.

Et tertiam prætermittit.

VI. Omisit præterea aliud argumentum, GUILLIMANNO, eiusque affectis, eodem loco oppositum. Probare is suam opinionem inter cetera etiam ex eo conatus est, tum quod *Altenburgum proprium & allodiale bonum Habsburgensium fuerit*, tum, quod ibidem Romanarum antiquitatum *lipšana* reperiantur. Reposuit P. HERRGOTTUS: *nomo aut decimo Christi*

Christi seculo nomina a castris Nobilium familiis indere, nondum usu receptum fuisse, id quod palmare est, & vanas GUILLIMANNI coniecturas prorsus evertit. Quid enim quoad hoc iuvat, castrum fuisse *allodiale*, quando ex *allodialibus* nondum cognomina fabricarunt Nobiles? Deinde si a possessionibus veteris cuiusdam castri cognomen Habsburgensium Maioribus tribuendum est, eisdem pari iure nomina Comitum *Aroviensium* & *Bruggensium* concedi debent; cum eodem tempore eversa civitas *Vindonissa*, *Arau* & *Brugg*, non ignobilia oppida, inter bona *allodiolia* adnumerarentur. Quæ quidem rationes, occasione præcitati instrumenti congelæ, & una coniunctæ, multo aliter sonant, quam quas Adversarius truncatim hic adduxit. Verum de hoc toto argumento fusius alibi.

VII. Denique quod idem Adversarius Comites Habsburgicos iam tum CHRISTI seculo nono, aut decimo, regionis Dominos esse potuisse existimat, loco, paullo superius adducto, dicens: *non vero sedem Comiti, REGIONIS DOMINO, præbuerit*, id equidem multis confutare nolim; quandoquidem nemo unus, in his studiis vel parum versatus, ignorare queat, Comitatus eo tempore, quin multo post, hereditarios haud fuisse, (a) adeoque nec Comites *regionum* fuisse dominos, sed Imperatores. Verum hæc nihil ad propositum.

Comites
num re-
gionum
Domini?

a

VIII. Ut ergo ad eum tandem propius deveniamus, cuius occasione Comitatum *Altenburgensem* seu *Vindonissensem* e rerum natura P. HERRGOTTUS exesse iussit, id est ad LANTOLDUM, seu LANCELINUM: hunc Maiorem RUDOLPHI ROM. Regis in gradu VIII. inde iudicavit P. HERRGOTTUS, quod Actuarius Murenſi, seu CONRADO de S. BLASIO, *hac in re diplomata, ceteraque antiquitatis monumenta . . . non modo non contradicunt, sed magnam sane partem suffragantur* (b). Reclamat Adversarius non sine sale: „Diplomata, aïens, ceteraque antiquitatis monumenta, HAC IN RE Actis Murenſibus non tantum non contradicere, sed neque suffragari possunt;

Diplomata
P. H. A-
ctuarius
haud suf-
fragari,
contendit
Adv.

b

pag. 209.

N n 2

(a) Vid. Cl. SCHORFFLINUS *Alfat. Illustr. t. I. p. 775. §. LXXI.*

(b) Lib. II. cap. VIII. §. I. p. 145.

„ possunt; cum HAC DE RE non loquantur. An vero con-
 „ traditionem metuat, vel suffragium expectet Genealogus
 „ inde, ubi de re genealogica minime agitur? Præterea per
 „ non contradictionem firmari nequit, quod non aliunde
 „ subsistit. Esset hoc largum nimis principium, quo patro-
 „ cinante verum, quidquid absque contradictione. Finge a-
 „ lium pro KANCELINO nostro GUNTRAMNI filium, errabis,
 „ quamvis securus a contradictione diplomatum. Dicimus
 „ ergo, nullam penitus Actis Murensibus esse auctoritatem ex
 „ eo præcise, quod diplomata P. HERRGOTTI non contra-
 „ dicant. „

Quod ta-
 men, pri-
 mum non
 contradi-
 cendo,

IX. Effudit hæc Adversarius adeo fidenter, adeo am-
 pliter, ac si de fide Actuarii ne verbo quidem unquam dispu-
 tatum fuisset, quin nec cogitatum. Putares, illum nil nisi
 oracula locutum. Sed aliter res se habet. Contradictionem
 passus est Actuarius (loquor hic semper in hypothesi, qua tam
 a P. HERRGOTTO, quam Adversario, aliisque, antea creditum
 fuit, tam Genealogiam, saltem quoad priorem, maximamque eius partem, quam Acta ipsa ab uno eodemque auctore
 profecta fuisse.) Contradictionem, inquam, passus est
 Actuarius in multis, quid ni & hic loci errare potuisset? at
 cum ei hic loci diplomata non tantum non contradicant, ut
 contradixerunt in reliquis non nullis locis, sed & magnam
 partem faveant, signum est, eum hic non errasse, adeoque
 eius vestigiis tuto insisti posse. Nolo hic recoquere, quod
 præcedenti libro varie disceptavimus: iuvabit tamen, exem-
 pla in medium adducere saltem aliqua; cum ea pro rebus
 etiam facere possint consecuturis. Genealogus Murensis post
 medium suæ scriptiunculæ sic habet: *ITA de Tierstein sive*
Homburg genuit WERNHERUM . . . Idem WERNHERUS ge-
nuit ADELBERCTUM. Finge tibi, nullum de hisce WERNHE-
 RIS, eorumque successoribus, præter Genealogum, seu,
 ut ex hypothesi communi loquar, Actuarium Murenses
 extare monumentum, quid fiet? id profecto, quod a mul-
 tis factum iam est, qui sibi nempe ex hoc Genealogi loco
 persuaderi sinebant: Habsburgicos ex Comitibus de *Tierstein*
 descendere (a). Cum enim *ITA de Tierstein sive Homburg,*

Co-

(a) Vid. ECCARD. loc. cit. in præfat.

Comiti cuidam *Tiersteinio* nuperit, indeque cognominata fuerit, vi verborum, prout hic iacent, & nisi aliis adminiculis, ex antiquitate petitis, instructus fueris, quid quæso! aliud statuendum, quam quod diximus: infecutos Habsburgicos Comites, ortum suum debere *Tiersteinianis*? Similia dici possent de *ITA*, coniuge *RADEBOTONIS*, ac huius fratre *WERNHERO*, *Strasburgenli* Episcopo, aliisque; in quibus a diplomatis, ac monumentis ceteris, contradicunt fuit Actuario. Hac vero cum eodem agendi ratione, quid æquabilis? Contradicunt diplomata, deferitur: non contradicunt, quin & suffragantur, eundem sine ullo erroris metu admitti posse, docetur. Hinc est, quod P. *HERRGOTTUS* non sine causa, nec uno loco monuerit, quousque Actis *Murensibus* deferendum sit. (a) Recte igitur dixisset Adversarius: *Præterea per non contradictionem firmari nequit, quod non aliunde subsistit &c.* si Actuarius nullam ullibi passus fuisset contradictionem; secus, cum constet de contrario, nemo non facile videt, qualem & hic commiserit paralogismum.

X. Verum quo pacto ab iis fulcimentum expectemus, si ea de re ne quidem loquuntur? Credat hoc iudæus apella. Quando enim primo nomen Comitum synonymi, quo de Auctor mentionem facit, detegitur: quando is ipse iisdem in regionibus Comitum exercuit; ubi eius posterum: quando denique notæ diplomatum chronologicæ cum eodem Auctore concordant: quis dicere aufit, eidem diplomata non suffragari? id est, eorundem adminiculo fidem fieri plenam, quæ alias labefacta, etiam hic loci non nullis suspecta videri poterat? Sane singula hæc momenti sunt haudquaquam spernendi. Cum enim eo tempore, quo cognomina Nobilium nondum in usum veniebant, homines ex uno duntaxat nomine inter se distinguerentur; non ultima certe cura fuisse debuit, ut iisdem in finibus plures, eiusdem conditionis mortales, idem nomen ne gererent, aut si id forte evenisset, alter ab altero agnomine quopiam (quanquam utrobique non nunquam secus evenisse, non ignorem) discerneretur. Regimen præterea eiusdem regionis, robur suum inde accipit, quod Comitum

N n 3

filii,

(a) Vg. lib. II. cap. IV. pag. 137.

fili, si modo idonei haberentur, a patrum manere haud excludi solerent, quod observarunt viri Eruditi, & inter eos passim sæpe laudatus SCHOEFFLINUS (a). De temporum congruentia quid dicam? ITAM ex sanguine *Lotharingico* hodierno haud descendere, adversus Actuarium statuunt, ut sæpe diximus, Eruditi ideo; quod temporum ratio non conveniat: illa ergo hic loci cum diplomatibus correspondente, quid superest, quam ut locum Actuarii sanum, verum, & incorruptum esse censeamus? Ubi enim ab auctore quopiam (si modo totus quantus fabulosus aut malignus non sit) discendendi nulla subest causa, ubi nulla contradictio, ubi suffragium ex diplomatibus: quis sine temeritatis nota discedere audeat, aut velit?

Nec obest. XI. Certum est ergo, diplomata P. HERRGOTTI Actuario etiam quoad LANCELINUM suffragari, & ita suffragari, plures tum quoad LANCELINUM suffragari, & ita suffragari, vixisse LANTOLDOS, ut humana mens acquiescere possit, quanquam, quod mireris, nondum acquiescat Adversarius, varia adhuc proponens dubia. Ac primo quidem diplomata P. HERRGOTTI, quorum excerpta dat, de LANTOLDO seu LANCELINO certo intelligenda esse, negat: „cum plures tunc temporis extiterint LANTOLDI, & plures forte, quam chartæ meminerint.” Ad hæc in dubium vocat, num LANTOLDI nomen idem sit, cum nomine LANCELINI, seu KANZELINI? & si hoc, non ideo sequi, ut is GUNTRAMNI filius fuerit. Neque præterea possessiones, in eodem regionis tractu sitas, quæ olim possedit GUNTRAMNUS, ad rem quicquam facere; nam legi quidem, quod is illarum iacturam fecerit, at quid ex iis dicto GUNTRAMNO, aut eius heredibus reliquum manserit, nusquam legi. Tantum itaque abesse, ut allegata diplomata suffragium ferant *Actis Murensibus*, quæ sola KANZELINUM GUNTRAMNO Divite progenitum asserunt, ut potius illa ab *Actis* ipsis suffragium requirant, ut vel coniecturam huic stemmatis gradui addere queant; ita ut sine eorum auctoritate loco suffragii periculum Genealogiam confundendi afferant, uti factum fuit a P. HERRGOTTO lib. II. cap. IV. §. II. p. 138. ubi ex subscriptione cuiusdam diplomatis deceptus, WERINHERUM quemdam, ex Comitibus de *Baden* ortum, genti Habsburgicæ

(a) *Alfat. illustr. tom. I, pag. 766. §. LIV.*

gicæ perperam asseruerit, hincque prelo iam absoluto, errorem in *addendis & corrigendis*, hunc in modum emendare debuerit : pag. 138. linea 11. *memoria WERNHERI Comitis, Badensis familie Comiti in Argovia tribuenda.* „ Adeo (subiungit ille) seducunt genealogos monumenta, licet chronologica consentanea, quæ indefinite loquuntur. „ pag. 117.

XII. Non minus hæc speciosa sunt, quam præcedentia; quibus etsi ex parte satisfactum iam fuerit, operæ tamen pretium erit, iis singillatim respondere. Quod igitur ad primum pertinet, non negamus, ea tempestate plures esse potuisse, immo & fuisse LANTOLDOS: seu, quod verius est, LANTOLDUM in chartis P. HERRGOTTI sæpiusculum recurrere. Sed id tantum abest; ut aut Actuarius, aut P. HERRGOTTO quidquam derogeret, ut præclarum potius utrique ferat suffragium. Nam si e diverso diplomata nullius LANTOLDI memoriam facerent, atque præterea ex diplomatis tam P. HERRGOTTI, quam aliorum, perspicuum fieret, in omnibus ceteris pagis, non longe ab Argovia, aut finibus eius, sitis, alios atque alios, quam LANTOLDOS, seu LANCELINOS tum temporis fuisse Comites; tum enimvero Actuarius iure, meritoque negaretur fides, dicereturque, LANCELINO nullibi esse potuisse locum. Nunc ergo cum ex dictis diplomatibus eruatur contrarium, ita, ut vere dici possit, LANTOLDUM quemdam ibidem tunc exercuisse *Comitivam*, fieri nequit, ut ne illud fidem auctoris confirmet; quod idem est, ac suffragium accipere a diplomatis.

Quin & hoc ipsum suffragatur.

XIII. Atque hoc ipsum quidem illud est, quod Adversarium tota hac parte II. aut fugit, aut, quod minus crediderim, ab eodem silentio suppressum fuit. Consistit id in regula generali, quam P. HERRGOTTUS non uno loco exposuit, quæque circa Comitum nomina, antequam hisce cognomen accederet, eorundem possessiones, iura successionis in bona aviatica, atque ecclesiarum advocatias, & similia versatur, de quibus omnibus idem P. HERRGOTTUS graviter hunc in modum monet: *Quamobrem in rebus Habsburgicis firmiter insistendum est fundamentali regulæ: ex solis nimirum vetustis-*

Quæ res amplius urgetur ex Comitum possessionibus, advocatiis & similibus.

tutissimis etiam chartis Pagensibus discriminari non posse, hunc illumque Comitem ad hanc potius, quam ad aliam gentem longe diversissimam, pertinere Insignis tamen usus est notitia veterum nominum, ex antiquissimis chartis deprompta, in ipsis etiam rebus genealogicis: si contemporanei, aut proxime coevi scriptores non desint, qui hoc illudve nomen certae familiae ac genti adscribant: si ratio temporum bene se habeat: si denique possessiones, iura successionis in bona aviatica, atque in ecclesiarum Advocatias, ceteraque accedant, quae fidem firmare valeant (a). Probe hic notanda sunt verba: si contemporanei, aut proxime coevi scriptores non desint, quibus hic Acta Trutpertina, ac praesertim Murensia indigitat; unde, ut hoc obiter addam, magis, magisque confirmantur dicta hic capite nostro primo: nimirum P. HERRGOTTO nunquam venisse in mentem, ut seposita omni notitia, ex auctore Actorum Murensium hausta, solis ex diplomatibus rem conficere vellet. Deinde quoad praesens propositum id praeerea intelligimus: illum tot Comitum nomina ideo collegisse, ut, iis inter se collatis, Actuarius non solum maior atque indubitator fides, sed & maior lux accenderetur. Quod si ergo ulterius ostendero, quo pacto id factum fuerit, non dubito, quin Adversarius manus daturus sit, atque ingenue confessurus, quantum clienti suo, iamque meo, inde acceperit pondus.

Itemque
ex serie
Comitum,
cum tem-
pore vi-
ventium.

XIV. Pagi & Comitatus, in quibus maiores Habsburgici non solum bona sua habuerunt *allodialia*, sed & inde a seculo praeter propter VIII. Comitum exercuerunt, fuerunt sequentes: *Argovia*, quae ceterorum fere media est, & in qua antiquitus Comitatus *Rore* in provincia *Burgundia* Transiuranæ. *Zurichgovia* & *Turgovia*, quibus adiacent, orientem versus, *Rhetia Curiensis*, pagus *Curwalaba* seu *Curvalia*. Porro *Argovia* ad septentrionem *Frickia*, *Sissgovia* & *Cleggovia* pagos habet, quibus confines sunt *Alpigozia*, *Brisgovia* atque *Elisatia*, & in hac praecipue *Nortgovia* & *Suntgovia*. Videamus nunc, num LANCELINI ætate, de quo in Actis Murensibus memoria habetur, in his partibus alius, praeter LANTOLDUM floruerit. Occurrit is ex mente P. HERR-

GOTTI

GOTTI in chartis annorum 976. & 986. nec non & in aliis, infra adducendis, unde eum Comitem in pago *Turgovia* fuisse discimus. Sub idem tempus in Brigovia quidem PIRITHILO, seu PIRCHTILO (a), itemque alter, ut probabile est, LANTHOLDUS (b) Comes de *Zaringen*, ut tempore posteriori nuncupatur; qui tamen a P. HERRGOTTO ex stemmate Habsburgico absolute haud excluditur. In pago *Mortunova* CONRADUS (c). In pago *Rore* ARNOLDUS (d). In pago *Zurichgauge* MANAGOLDUS (e). In *Rhetia Curiensi*, seu *Curvalia* ADELBERTUS (f). In pago *Alpigowe* anno saltem 929. 12. Febr. LIUTHO. Nihil addo de *Alsatia*, aut *Suntgovia* & *Nortgovia*, ubi tamen posteros EBERHARDI, HUGONIS filii, longe lateque se se diffusisse, Reverendissimus Abbas CALMETUS docet (g). Hisque præterea addendum sæpius citatum diploma OTTONIS II. datum Constantiæ 972. 28. Aug. ubi plerique veteris Alemanniæ Comites hoc ordine enumerantur: *Sub nostri presentia, ceterorumque nostrorum Primatum, BERNONIS videlicet Comitis Palatini, CHUONRADI, ODALRICI, ADELBERTI, HUCBALDI, RICHUINI, GOTEFREDI, MANAGOLDI, LANTOLDI, WOLFRADI, LUTTOLDI Comitum.* Recensentur inter eos MANAGOLDUS, quem in pago *Zurichgovie*, ADELBERTUS, quem in *Curvalia*, CONRADUS, quem in *Mortenovia* Comitum munere functos fuisse, mox diximus: nec dubito, quin LANTOLDUS ibidem nominatus, idem sit cum LANTOLDO in pago *Turgovia*; quem quippe pagum ad Alemanniam pertinuisse, constat. Hæc si advertisset Adversarius, futurum vix fuerat, ut P. HERRGOTTI argumenta

O o

adeo

- (a) Vid. chartæ P. HERRGOTTI annorum 958. fer. IV. 990. 18. Iun. 994. 22. Dec. & 995. 9. Dec. itemque ad finem secul. X.
 (b) Ibid. an. 972. num. CXLI.
 (c) Ibid. an. 973. 25. Iul. 997. 6. Febr.
 (d) Colligitur id ex diplomate anni 972. 28. Aug. ubi Ecclesia *Shenines*, quæ a Comitibus Lenzburgensibus fundata fuit, ad Comitem ARNOLDUM pertinere dicitur. Porro Comitatum, qui postea *Lenzburgi* nomine venit, antiquitus *Rora* nuncupatum, atque una bona avistica Habsburgensium, ut credibile est, conclusisse, docetur a P. HERRGOTTO proleg. V. §. III. Add. hic lib. I. cap. XVI. num. V. pag. 160. seqq.
 (e) Ibidem an. 972. 28. Aug. & 975. 26. Dec.
 (f) Ibidem an. 965. 23. Iun. 972. 28. Aug.
 (g) Origine de la Maison de Lorraine col. CCIX.

a
bc
d
e
f

g

adeo crude reiecisset. Quando enim plerosque pagos & Comitatus tam *veteris Burgundia*, quam *Alemannia*, hic ante oculos habemus, in quibus alii, alique Comites, quam LANTOLDI, occurrunt, una excepta *Turgovia*; confectarium plane est, LANTOLDO illi, quo de in Actis Murenſibus, haud alium pagum, aut Comitatum, quam *Turgoviam* assignari poſſe, eſſeque adeo unum, eundemque LANTOLDUM. Scio equidem, ſuperſeſſe non nullos alios pagos, pagellosque: verum, cum hi minus celebres ſint, Habsburgici contra, ut Comites primi ordinis, quærendi ſint in celebrioribus: putaverim, Adverſario ſatis eſſe poſſe allegatos, qui iam, ut nullus dubito, uſum, yirtutemque diplomatum ultro agnoſcet.

LANTOLDI
& LANCE-
LINI no-
men idem
ſuiſſe pro-
barur.

XV. Atque ex his facilis iam eſt reſponſio ad Adverſarii cetera, atque inter hæc cumprimis ad dubium, ex inflexione nominis motum. Rebus enim ita conſtitutis, ut in omni illo, de quo diſputamus, tractu, ſola excepta *Turgovia*, alius atque alius nomine Comes ius dixerit, quam LANTOLDUS; eo elaborandum vel maxime eſt, ut LANCELINO noſtro reperiamus locum, ne, dum Actuarium vel maxime defendere cupimus, imprudentes condemnemus, atque hoſtibus nominis Habsburgici, ſi qui ſunt, præbeamus fundamentum, quo ex ſtemmate Habsburgico LANCELINUM noſtrum eiciant. Cum enim, ut mox diximus, omnium, ſaltem celebriorum Comitatum & pagorum Comites, tam in *Alemannia*, quam in *veteri Burgundia*, eodem tempore viventes, ope diplomatum detexerimus; neceſſe eſt, ut KANCELINUS ſeu LANCELINUS, in Actis Murenſibus memoratus, LANTOLDUS ſit, aut nullus. Neque enim Comitatus eius in alia facile mundi plaga, quam ubi Comitatus patris & filii eius circiter fuerunt, quærendus eſt. Poſtremo nobiſcum, præter alios, etiam facit, aut certe prævit Clariff. ECCARDUS (a), qui & vitio ſcribæ tribuit, quod in Actis Murenſibus erronee KANCELINUS legatur. Et quis demum varias, frequentesque apud veteres nominum inflexiones ignorat? quando ETHICO pro ADALRICUS (b), HE-
ZILO

(a) Cit. Orig. Habsburg. col. 71. num. II.

(b) Varias huius nominis inflexiones aſſert Cl. SCHOEFFLINUS loc. cit. pag. 754. §. XXXI. quibus addi poſteſt ea, quam in MS. Bibliothecæ

ZILO pro HEINRICUS, CHUNO pro CONRADUS, DIETRICUS pro THEODORICUS, & alia similia passim occurrunt?

XVI. Eodem modo Adversarium excipimus, cum argumentum, ex possessionibus deductum, fugillat. Nemini enim unquam in mentem venit (quod & ex verbis P. HERRGOTTI, hic supra num. XV. adductis, manifeste patet) ut ex solis possessionibus seriem quandam genealogicam deducere attentaret. At illa reliquis probationibus accedente, quis non magnum inde accedere robur, videt? Quandoquidem filiorum bona & latifundia haud facile alibi, quam ubi sua & pater habuit, quærenda sunt.

Possessiones quid huc faciunt?

XVII. Iisdem ex principiis obviamus Adversario, cum, concesso etiam, LANCELINUM cum LANTOLDO eundem, nec non & hunc Comitē in pago *Turgovia* fuisse, non ideo tamen inde consequi dicit, LANTOLDUM GUNTRAMNO natum. Neque enim necesse est, ut diplomata gradum & stemma indicent, si modo id efficiant, ut illi, qui utrumque indicavit, nimirum Actuarius, præstari possit fides, ac mens humana acquiescere ne reformidet. Nemo enim unquam dixit, Actuarium, aut nihil conferre, aut nullam facere fidem, sed id duntaxat: certam fidem ab illo *solo* haud præstari. Alias enim cur P. GERRGOTTUS illum secundis curis ederet, cur eidem illustrando integrum destinaret prolegomenon, cur diceret, *illum gravem, quin & gravissimum esse?* cur & adderet, *illius magnum & frequentem in hoc opere genealogico contextendo usum fore.* E diverso autem si Actuarius fidei fuisset integræ, si non tot in eo (nam semper & ubique ex communi & recepta antea hypothese loquor) detecti fuissent errores, tum demum dicendum foret: solum & unicum, quoad decem generationes sufficere Actuarium, quanquam & tum, ut seculo hoc delicato fieri amat, non nulli fuissent, qui unico in hac re auctori, ut ut integræ famæ, nimium fidendum haud esse, contenderent; maxime si nullum uspiam productum fuisset instrumentum, quod ei in una saltem progenie suffragaretur.

Quidque diplomata quoad stemma? pag. 211.

O o 2

XVIII.

thezæ nostræ codice annorum 900., THEGANUM de LUDOVICO Pio referente, legimus: *qui fuerit de stirpe cuiusdam Ducis, nomine EDIC.*

Exemplum
de WERIN-
HERO suf-
flamina-
rum.

a

XVIII. Exemplum de WERINHERO, Comite *Badensi*, huc non quadrat; ibi enim error non ex formula, diplomati subiecta, exortus est, sed ex ea male intellecta. Certum est enim, atque a P. HERRGOTTO invictè demonstratum (a), Comitum, qui in chartis Pagensibus sub finem cuiusdam instrumenti unacum Rege, & quandoque etiam cum Duce, quasi subscribens, nominatur, Rectorem fuisse illius pagi aut Comitatus, ubi bona & latifundia, quorum causa instrumentum illud conditum fuit, sita erant. Hinc formulæ illæ solennes: *In pago vero Thurico Comitis Adalgozzi in villa Hoënka. Item: Ego itaque Liuto scripsi & subscripsi, notavi an. XXXIII. Ludovici regis, & sub filio eius Carolo, Rectore eiusdem pagi, in quo præfata res sita fuerant, id est, Prifcouve. Et alibi: In præsentia Oldarici Comitis de Baden, in cuius Comitatu idem locus situs est. Equidem similis fere habetur formula in diplomate, quo de hic queritur, in cuius fine sic legimus: Denuo renovatum in fisco Turreginfis aula, sub WERINHERO Comite, ipso præfidente. At discrimen in eo cubat, quod hic nec de pago, nec de Comitatu mentio aliqua inferatur, sed de fisco duntaxat, ubi prælidium advocati, quali munere WERINHERUM illum tum functum fuisse, ex alio instrumento discimus (b), exigebatur, non Comitatus aut Rectoris pagi. Hoc ergo cum primum non advertisset P. HERRGOTTUS, advertit plane postea, atque ad calcem operis ingenue correxit. Ob quem candorem gratiam potius, ut opinor, meruisset, atque laudis mercedem, quam publicam, in orbe litterario, reprehensionem.*

b

De anno
LANTOLDI
emortuali
quid sen-
tiendum.

pag. 214.

XIX. Obitum LANTOLDI P. HERRGOTTUS, præeunte ECCARDO, ad annum 990. consignavit. Uterque nixus est auctoritate Annalium Einsidlensium vetustissimorum, a Cl. MABILLONIO, secul. Benedictino V. laudatorum, ubi legimus: DCCCCXC. obiit LANTOLDUS Comes. Displicet hæc epocha Adversario, quamvis & ille aliam, aut certioorem afferre nequeat; unde coniecat hunc in modum: *Quandoquidem autem & iste*

(a) Proleg. VI. §. IV.

(b) Tom II. pag. 178. ubi habetur: *Præfente Comite & Advocato WERINHERO de Baden, & fratre suo CHONONE.*

iste LANTOLDUS Einsidlensis facile potuerit esse diversus a KANZELINO nostro, huius decessui annum assignare certum frustra contendamus. Ergo omnia in dubium vocanda sunt, quæ ab Actuário Murenſi non proficiſcuntur? Crederes, hoc ſolo vidente, cœcutiſſe ceteros. Sed grates Muſis manſuetioribus; quod iſtis non invitis, CONRADUS noſter, poſt multorum annorum obſcuritatem, feliciter detectus, atque *ad locum ſuum reſtitutus* tandem fuerit: ubi deinceps pro dignitate quidem, at non ſupra, quam meretur, honorabitur. Sed ut redeamus, unde paululum digreſſi ſumus, verum quidem eſt, plures circa hoc tempus occurrere LANTOLDOS, at non plures LANTOLDOS Comites. Neque enim Comitum dignatio tam frequens olim erat, ut in quovis apparerent aut foro, aut trivio. Quod ſi P. HERRGOTTUS alium attulit LANTOLDUM, eundemque Comitem, quem ſtemmati Habsburgico, ex hypotheſi, quod *Zaringenſis* fuerit, inferere dubitavit, inde certe nihilo ſecius a codice Einsidlenti ſtandum eſt; quum Einsidlentes LANTOLDI *Turgoviensis* vicinioris facilius, quam *Briſgoviensis*, notitiam habere potuerint. Quod ſi præterea mortem filii RADEBOTONIS, quæ ann. 1027. aut, ſi cum Adverſario facere velimus, paullo ſerius evenit, cum morte patris contendimus, utrumque ſibi ita reſpondet, ut mirum ſit, hoc dubium Adverſario veniſſe in mentem. Sed quidquid ſit, neque ECCARDUS, neque HERRGOTTUS hoc ut exploratum quid, aut pro certa veritate vendiderunt, in id præcipue intenti, ut apices genealogicos, non chronologicos, niſi quantum hi illis lucem ſcenerantur (ubi tamen & numerus rotundus utcunque ſufficit) exputarent.

CAPUT VI.

DE RADEBOTONE, RUDOLPHI I. maiore
in gradu VII.

I. **Q**Uatuor admodum in capite ſuo III. agit Adverſarius: Præterve-
ſta Abbatis TSCHUDII recenſet, oſten-
dens, quibus ille adminiculis ſuffultus, ſtemma RA-
DEBOTONIS Habsburgicum probaverit. Facit id, ut iam monui,
DEBOTONE doctrina.

ex instituto, quod in hac tota parte II. præ oculis habens, laudes Abbatis atque famam velut ex cineribus resuscitat. Hoc peracto, asserta perpendit P. HERRGOTTI, tum vero, occasione arrepta, de auctoritate chronici *Novientensis* disputat, ac ultimo denique in annum RADEBOTONIS emortualem inquiri, subnectens non nulla de eius sepultura. Molliter cubent ossa TSCHUDII, viri & generis nobilitate, & præclaris in rempublicam litterariam, ac monasterium, sibi commissum, meritis, longe celeberrimi; id tamen, ut ingenue loquar, comprehendere ac pervidere vix possum, cui bono, post ingentes P. HERRGOTTI (ut de Celeb. ECCARDO nihil dicam) labores, exigua istæ merces denuo nobis, & quidem tanto studio venditentur. Quare mihi nemo succenseat, si illum deinceps totum quantum in medio relinquam, iis unice occupatus, quæ P. HERRGOTTUM, seu potius Genealogiam eius Diplomaticam, concernunt.

P. HERR-
GOTTI de
gradu RA-
DEBOTONIS
asserta
Lib. II.
Cap. VII.

II. Stemma RADEBOTONIS ut ostenderet P. HERRGOTTUS, hunc in modum disseruit: „In præcepto, inquit, HENRICI II. Imp. quo *Rhinaugienſi* monasterio prædium *Wizenburc* donatur an. 1023. dicitur, prædictum prædium situm esse in pago *Chleugewe*, in Comitatu vero RADEBOTONIS Comitit. Quoniam vero tunc temporis, in tractu *Argovia & Alsatia* nullus alius hoc nomine RADEBOTONIS Comitit occurrit, quam hic noster in pago *Chleugewe*, id est *Cleggovia*, quem Acta Murenſia filium KANZELINI, patremque OTTONIS, ALBERTI & WERNHARII conſtituunt, qui citra controverſiam Habsburgici Comitit fuerint; ſequitur, hunc ipſum RADEBOTONEM Maiorem quoque, & quidem in VII. gradu, cenſendum eſſe reſpectu RUDOLPHI I. Regis Rom. ſiquidem WERNHARIUM, RADEBOTONIS filium, eiſdem Regis tritavum fuiſſe, argumentis ſat ſolidis paullo ante a nobis demonſtratum eſt. Ex abundanti inſuper hunc genealogiæ gradum evincunt memorata ſæpius Acta Murenſia, ſuffragante iſdem diplomate Henriciano. „

III.

III. Multa hic excipit Adversarius, quæ, compendio reddita, huc redeunt: esse hoc instrumentum eiusdem omnino cum prioribus, a P. HERRGOTTO adductis, rationis, eiusdemque periculi; cum nomen duntaxat prodatur non itema. Quam parum convincens sit paritas nominis, tam fallacem esse convenientiam temporis, huicque iniuriam fieri, quod plures simul ferendi cognomines potentia privetur. Sed dato etiam, unicum duntaxat exstitisse tunc temporis RADEBOTONEM, aliunde tamen, ipso agnoscente P. HERRGOTTO, ac ex Actis Murenlibus, non constare, hunc filium esse LANCELINI. Hinc admiratione dignum, quod, gradu hoc ex Actis Murenlibus sufficienter demonstrato, ultimo subiungere non dubitet P. HERRGOTTUS: *Ex abundanti insuper hunc genealogie gradum evincunt memorata sæpius Acta Murenfia.* Nam ubi numerus deest, reponit Adversarius, ibi nulla abundantia. Præter Acta Murenfia nullum P. HERRGOTTO est monumentum. . . . Qui ergo Actorum assertio abundet?

Exigantur ad Adversario. pag. 227, pag. 228.

IV. Ad eundem scopulum offendit hic Adversarius, ad quem eum offendisse docuimus capite præcedenti: nomina videlicet Comitum non nisi numerum facere existimans, illos eodem tempore, iisque in regionibus adeo frequentes, adeo obvios esse potuisse credit, quantum vix non gregarios milites, quos tamen & ipsos nominibus inter se distingui, exploratum est. Verumtamen parum hoc esset, nisi & iidem restringerentur ad regiones, ita, ut non plures fuerint Comites (*fisci* (a) *saltem*) quam Comitatus. Poterat Adversarius vim huius argumenti ex ipsis P. HERRGOTTI verbis colligere, ut qui expresse ait: *quoniam vero tunc temporis in tractu Argovie & Alsatia nullus alius hoc nomine &c.* sed eundem vel non recte percepit, aut percipere noluit. Etsi ergo cap. præced. num. XIV. non spernendum Comitum catalogum, qui tempore LANTOLDI, seu LANCELINI, GUNTRAMNI filii, hisce in regionibus floruerunt, dederimus, operæ tamen prætium

Quem tamen in antiquo versari errore,

a

- (a) Comites *Fisci* haud improprie eos appellari posse, docet sæpe laudatus D. SCHOEFELINUS, qui re ipsa Comites fuerunt cum exercitio *Comitiva*; Comites *Fundi* contra, quibus eiusmodi titulus honoris tantum causa tributus fuit; quod ex Ducali prodirent familia. Vid. l. c. pag. 776. §. LXXIV.

tium erit, etiam RADEBOTONIS coætaneos, in numerum & feriem hic redactos, exponere; ut pateat, etiam huic non alio in Comitatu, quam *Cleggovia*, fuisse locum, adeoque unum, eundemque fuisse cum RADEBOTONE, in Actis Murenlibus memorato.

Offendi-
tur ex fe-
rie Comi-
tum, eo
tempore
viventium.

V. Quæ igitur tabula P. HERRGOTTI, prolegomeno VI. ante pag. LI. inserta, Comitum, tempore RADEBOTONIS, qui in diplomate anni 1023. occurrit, viventium, nomina prodit, sequentia sunt: In *Alsatia* superiori DIETHARDUS an. 986. 30. Oct. ODO, UTTO, an. 1003. 21. eiusd. item an. 1004. 1. Iul. GISILBERTUS an. 1027. num. CLXIX. nec non & WEZILO ibidem. In pago *Aragaugensi*, alias *Rore*, ARNOLFUS an. 1045. 23. Iun. Huic enim cum pater, ut ex charta anni 972. 28. Aug. patet, OLDARICUS fuerit, sequitur; hunc tempore RADEBOTONIS præcessisse, eique adeo coævum fuisse. In pago *Brisigowe* BIRCHTILO, de quo superius. BERTHOLDUS 1004. 26. Iun. ADELBERO 1005. 14. Iul. & 1010. 28. Mart. itemque BERTHOLDUS 1028. num. CLXX. 1048. 1. Iun. &c. In provincia & pago *Churwaldla*, seu *Curvalia* ADELBERTUS, qui supra, MARQUARDUS 1032. 30. Ian. In pago *Zurichgowe* præter MANAGOLDUM, supra memoratum an. 975. 26. Dec. nullum scimus, qui tamen RADEBOTONIS ætatem facile attigit. In *Turgovia* post LANTOLDUM BERTHOLDUS an. 997. num. CLII. occurrit: itemque BERTOLDUS an. 1049. 11. Iul. Hi sunt Comites, tempore RADEBOTONIS viventes: nisi ergo RADEBOTONEM alibi, quam in his tractibus & confiniis, quanquam frustra, querere velis, concedendum est P. HERRGOTTO, illum Comitem fuisse in pago *Cleggovia*, aut nullibi. Sed hæc ad maiorem conciliandam Actuaria, seu CONRADO nostro, fidem.

Quibus &
reliquis
obiectionibus fa-
cile ener-
vantur.

VI. Nunc, quæ Adversarius porro obiiciat, dispiciendum. Et ego quidem priora illa, quæ de pari erroris periculo, ac de pluribus Comitibus synonymis opposuit, non moror; quippe cum ab obiectionibus, capite præcedenti allatis, & explosis, haud differant. Restant solummodo verba P. HERRGOTTI, quibus ab Actuaria gradum hunc ex abundanti evinci post

post cetera dixit, quæque Adversarium adeo male habere videntur. Sed non advertit ille, Actuarium duobus modis considerari posse, & in hypothesi, de qua sæpius dixi, communiter recepta, ita considerari debere; nimirum una ex parte, qua genealogiam præfixam, altera, qua Acta ipsa conscripsit. Itaque, quando in adductis verbis Actuarius usus est P. HERRGOTTUS, Acta primum ipsa, ubi de RADEBOTONE amplissimus sermo est, intellexit: quando contra subiunxit: *ex abundanti insuper hunc genealogiæ GRADUM evincunt &c.* per Acta Murenſia genealogiam præfixam intellexit. Numeret Adversarius genealogiæ huius gradus, & videat, an non a RUDOLPHO *Habsburgico*, seu, quod idem est, ab eius fratribus ad ITAM usque, RADEBOTONIS coniugem, ascendendo, gradus VII. emergant? Per gradus ivit P. HERRGOTTUS, atque a RUDOLPHO *Habsburgico* R. R. ad RADEBOTONEM usque ascendendo, iam septimum attigerat, qui ex rebus, ante præmissis, quasi sponte exsurgebat: huic ergo cum accederet dicta genealogia, quæ ab ITA, RADEBOTONIS coniuge, incipit, quæque gradus istos ex instituto digerit, quid rectius dici potuisset, quam *ex abundanti hunc gradum evinci ex Actis Murenſibus*, id est, a Genealogo quoque, iisdem præfixo? Oportuerat verba P. HERRGOTTI aut diligentius examinare, aut interpretari rectius, aut, quod præstabilius fuerat, non publice reprehendere.

VII. Iam ut ad Chronicon *Novientense* deveniamus, adiunxit illud Actuarius Murenſi, suisque diplomatibus, P. HERRGOTTUS, dicens: *Actis Murenſibus addi potest Chronicon Novientense, in quo RADEBOTO, WERNHERI episcopi frater diserte planeque nuncupatur. Nec obstat, hoc ipsum in Actis Murenſibus perperam negari.* Reponit Adversarius: *Non arbitramur, WERNHERUM fratrem negari RADEBOTONIS, quia & ITÆ frater nominatur.* Verum cum ea de re iam actum sit, remittit ad superiora, quo & nos; quoniam ibi plus satis demonstratum fuit, quo pacto hæc verba accipienda sint, Lectorem, si id quidem operæ pretium duxerit, ablegamus (a). Descendit deinde ad Chronicon *Novientense*, seu *Ebersheimense*, cuius

Chroni-
con *Novi-
entense* est
mendo-
sum,

pag. 229.

ibid. seqq.

(a) Nimirum Lib. I. cap. XXIV.

pag. 233.

cuius fidem subleſtam eſſe, cum ex Gallia Chriſtiana, Magno MABILLONIO, atque aliunde etiam oſtendiſſet, ad ultimum concludit, auctorem, ſeu, ut illum appellat, *conſarcinatorem* eius talem eſſe, *cuius latus merito recuſet ſcriptor Murenſis.*

Mendoſo
tamen Genealogo
recte affo-
ciatur.

a

VIII. Hoc omni labore ſuperſedere poterat Adverſarius. Neque enim nobis non cognitum erat, quid de Chronico illo ſentiendum: nec tamen ideo cauſam videmus, cur ſcriptor Murenſis, præſertim Genealogus, latus eiſdem reſugiat; quandoquidem ut graculus graculo, ita ſcriptor *mendoſus mendoſiſſimo* recte affociatur (a). Quod ſi dictus Murenſis Genealogus, ſcriptor videlicet ſex & viginti linearum, peccavit toties in opella tam exigua, quid futurum fuiſſet, ſi opus ſuſcepſſet par operi Anonymi *Novientenſis*? Incidit porro Adverſarius in eundem hic paralogiſmum, in quem illum lib. I. cap. I. incidiſſe vidimus, exiſtitantem, *uſu interdicens* eſſe eorum ſcriptorum, qui *in errorum devia abrepti*, una, aut altera vice, lapſi ſunt. Quasi vero inter plures fabulas nullus apparere poſſet veritatis radius? Si Anonymus *Novientenſis* ubique deſerendus eſt, væ laudato MABILLONIO (b), væ aliis, qui eundem non raro ut teſtem adhibere nulli dubitarunt, ſi non ſolum, iunctum ſaltem cum ceteris. Atque hic præſertim cur reiiciatur, non video; cum, vel ipſo non diſſidente Adverſario, vera ſcripſerit, cumque Actuario congruat; cui igitur bono tam operoſa Chronici *Novientenſis* recenſio?

b

Itæ &
Rade-
boto quo
anno obie-
rint? diſ-
quiritur.

pag. 234.

pag. 235.

IX. Non minori opera aliud dubium diſſolvendum in ſe ſuſcipit Adverſarius. Verſatur id circa annos emortuales tam RADEBOTONIS, quam ITÆ, coniugis eius, quorum illi in Necrologio Murenſi annus 1027., huic annus præcedens aſſignatur. Non uſque adeo huic Necrologio fidendum, monet Adverſarius; quum illud anno 1623. *collatione quidem veterum codicum reſtitutum* fuerit, at chronologia ex ſcriptori- bus non nunquam recentioribus ſuppleta. Quare utriuſque obitum tempore non nihil ſerius eveniſſe contendit; id quod ei, ponderatis rationum momentis, ex toto haud abnuimus, ſi

(a) Vid. lib. noſtri I. cap. I. §. IV. pag. 4. not. c.

(b) Vid. inter cet. Annal. BENED. lib. XV. n. 60. quanquam quod ibi ſtatuit MABILLONIUS in dubium vocet LAQUILLE dans l'*hiſtoire d'Alſace* lib. VIII. pag. 87. Add. Cl. D. SCHÖEPLIN. l. c. p. 755. & alias paſſim.

si modo id non ultra modum protendat : quanquam forte præstabilius fuisset, rem hanc totam in medio reliquisse; quandoquidem tota sua disputatione nihil aliud effecit, quam ut Necrologio Murenſi minor circa chronologica deinceps haberi possit fides, & ipse demum in fine fateri cogatur : annum pag. 240.
 ITÆ emortualē (quanto magis & RADEBOTONIS?) etiam post tantas contentiones, adhuc sibi obscurum atque indefinitum manere. Porro si verum est, quod alibi ostendere nitebatur Adversarius, Comitissam hanc ex FRIDERICO *Lotharingico* & BEATRICE fuisse progenitam, mors eius anno 1026. non incongrue assignatur; cum BEATRIX iam anno 938. ut alibi observavimus, *Ducissa* nuncupetur; proindeque filiam hanc suam ITAM iam tum forte enixa fuerit. Verum hoc ex hypothesi Adversarii, cui etsi non subscribimus, eiusdem tamen defensores stringat, necesse est. Multo minus annus, RADEBOTONI assignatus, disconvenit; cum frater eius WERNHERUS, qui anno 1029. ut supra diximus, obiit, ad minimum sexaginta annorum fuerit. Constat enim, episcopos etiam tum temporis ante annum ætatis tricesimum nec eligi, nec ordinari consuevisse (a); cumque sedem *Strasburgensem* in annum nonum & vicesimum tenuerit; sequitur. ut vitam suam, si minimum, in sexagesimum protraxerit. Electus est enim anno 1001. quandoquidem antecessor eius eodem anno vivere desiit (b). Quando ergo RADEBOTO, ut paternorum bonorum heres, haud dubie natu maximus fuit, consecrarium sit, ut eiusdem annus emortualis, si communem naturæ cursum iatuemur, non multo ultra dictum annum differri queat.

CAPUT VII.

De WERNHARIO, RUDOLPHI Rom. Regis
 tritavo.

I. WERNHARII II., Comit̃s Habsburgensis, RUDOLPHI Rom. Reg. tritavi, stemma & gradum ut ostenderet P. HERRGOTTUS, cum Actis Murenſibus, tum

P p 2

aliis

(a) Vid. Lud. THOMASSINI Verus & nova Ecclesiæ disciplina, P. I. lib. II cap. LXIX. & LXX

(b) Gallia Christ. tom. V. col. 791. seqq.

Argumenta, quibus WERNHARII stemma & gradum probat P. H.

aliis quoque monumentis, synchronis videlicet, usus est.
 „ Habsburgi, inquit, Comiti OTTONI II. patrem fuisse WER-
 „ NERUM, seu *Wernharium*, non docent modo Acta Mu-
 „ rensia . . . sed & antiquiora aliquot monumenta mentionem
 „ eius ingerunt, quo gradus hic genealogicus confirmari pos-
 „ sit, ut mox audituri sumus (a). „ Verba Actuarii sunt hæc:
 „ *Post cuius (RADEBOTONIS) obitum filius eius OTTO & AL-*
 „ *BERCTUS & WERNHARIUS diviserunt sibi locum istum, pro-*
 „ *ut eis placuerat. Post multos autem dies occisus est OTTO*
 „ *ab Erinliero quodam milite, sepultus est in Argentina civitate*
 „ *ante altare S. LAURENTII, pro cuius anima dedit hic Comes*
 „ *WERNHARIUS, frater eius, pradium suum, quod habuit ad*
 „ *Chuisnach. Frater quoque ADELBERCTUS, cum moriturus es-*
 „ *set ad Hunigin, remisit tertiam partem suam, quam possiderat*
 „ *in loco isto, & sic defunctus est; cuius corpus hic delatum,*
 „ *positum est in sepulchrum patris sui RADEBOTONIS. Adstipu-*
 „ *lantur hisce diplomata P. HERRGOTTI; nam in charta Cardin-*
 „ *alium, ipsis Actis inserta, de qua nos alibi (b), nuncupa-*
 „ *tur egregius Comes WERNHARIUS de Habsburg. Et in diplo-*
 „ *mate HENRICI IV. R. R. quo libertas dicti monasterii confir-*
 „ *matum, tom. II. num. CXCI. anni 1114. IV. Non. Martii*
 „ *scribitur: WERNHARIUS Comes de Habsburg, ubi mentio*
 „ *quoque ingeritur Argentine^{sis} episcopi sequentibus verbis:*
 „ *A WERNHARIO, Argentine^{nsi} episcopo, parente scilicet WERN-*
 „ *HARII Comitis de Habsburg. Ambo hæc instrumenta, ex*
 „ *Actis educta, capite suo IV. integra refert Adversarius, re-*
 „ *petitque denuo in Actis ipsis, ad calcem Vindiciarum suarum,*
 „ *impressis, ut adeo post tot alias editiones, puta PEIRESKII,*
 „ *GUILLIMANNI (c), Dominici (d) & Egidii TSCHUDIORUM*
 „ *(e) Muri & Antemuralis (f) ECCARDI in Originibus, P.*
 „ *HERRGOTTI, & forte aliorum, qui vel ambo, vel alterum*
 „ *saltem ediderunt, periculum nullum sit, ea aliquando interi-*
 „ *tura. Porro hoc ipsum diploma, quod toties prelum sati-*
 „ *gavit,*

pag. 242.

- (a) Lib. II. cap. VI. §. I.
 (b) Lib. I. cap. XIV. pag. 134.
 (c) Habsburg. lib. V. pag. 262.
 (d) In ambabus editionibus Orig. Habsburg.
 (e) Chron. Helvet. P. I. pag. 10.
 (f) Sect. II. pag. 9.

gavit, *memoratu valde dignum* vel ipse agnoscit Adversarius, tacite scilicet innuens, quantum eiusmodi monumenta fidem auctorum, eorum præsertim, qui vacillant, adiuvant.

II. At nihilo secius ad antiquam hypothesin suam recidens Adversarius, ex his diplomatibus rem adeo non confici obtendit, ut etiam obscurior reddatur. *Litteræ Cardinalium duntaxat de stemmate loquuntur*, ait, *Diploma etiam HENRICI Imp. gradum stemmatis adeo non elucidat, ut potius, si Acta non explicant, obscuriora reddat.* Quare? quia, ut diploma illud recte explices, vox *parens* pro patruo accipienda est, cuius interpretationis fundamentum non alibi, quam ex ipsius Actis hauriri queat.

Soli Actuario adscribit Adversarius, pag. 249.

III. Ergo cum iam stemma negare nequeat Adversarius, negat gradum. Ego contra putassem, patrem nasci ante filium, & filium post patrem. Sint igitur diplomata de anno 1023. qui RADEBOTONEM, & sint diplomata de anno 1096. qui WERNHARIUM produnt, hunc ego, nil nisi communem naturæ legem attendens, filium RADEBOTONIS potius, quam patrem esse dixero. Grande igitur errandi periculum? WERNHARIUM deinde, Argentinensem episcopum, diploma quoddam *parentem* vocitat WERNHARII Comitis de Habsburg: fungus sim, id est, omnium rerum ignarus, nisi protinus intelligam, hanc vocem pro patruo potius, quam patre accipiendam; cum constet, WERNHARIUM vitam, quoad vixit, egisse cœlibem. Scio equidem, neque hîc omnia confici, sed accedente Actuaria, quid luculentius, quid certius? Enimvero hic si nihil uspiam præstaret, ecurr de eo non omnino taceretur? Dicendum igitur, diplomata non esse clariora, sed certiora; ut de quibus nullum potest esse dubium. At ego quo vehor? cum toties respondi, cum integra capita præmisi, cum ne quidem verbum me repositurum necum constitui, identidem tamen alia & alia succurrunt. Sed remitto iam ad priora, ac præsertim capitis mox præcedentis num. XIV. ad XVII.

In antiquo versutus errore.

IV. Iam quid Adversarius porro hic emendandum sibi sumperit, dispiciamus. In Bulla quadam INNOCENTII PP. II.

Mendum Amanuensis recte e.

mendat
Adv.

a

pag. 254.

ex Archivo monasterii Murenſis educta, apud P. HERRGOTTUM tom. II. num. CCXVI. ſic legitur : *quæcunque eidem loco a fratre noſtro WERINHARIO Comite de HABEKSPURG (a) eorumque conſanguineis collata ſunt.* Emendat hunc locum Adverſarius, atque, exigente autographo, ſic reſtituendum monet : *Quæcunque eidem loco a fratre noſtro WERINHARIO, Argentinenſi epifcopo, & eius nepote WERNHERO, Comite de HABEKSPURG, eorumque conſanguineis collata ſunt.* Hunc in modum locum illum emendandum eſſe, cum aliunde non dubitamus, præſertim affirmante Adverſario, tum etiam ex laudato *Muro & Antemurali*, ubi hæc Bulla inter Instrumenta Pontificia pag. 4. refertur, intelligimus.

Quan-
quam non
ſine ſale.

pag. 251.

V. Gratiam igitur mereretur hoc monitum omnimodam, non ſolum a P. HERRGOTTO, ſed & omnibus iis, qui hæc ſtudia colunt, ſi breviter, ſimpliciterque propoſitum fuiſſet; at cum res tanto ſtudio, tantisque verborum phaleris, atque ambagibus agitur, neſcio, quid de eo cenſendum. „ Miramur hic (ait Adverſarius) quod P. HERRGOTTUS ad diplomatiſe probandum, WERNHARIUM, Comitẽ de Habsburg, nepotem fuiſſe WERNHARII Ep. atque adeo filium RADEBOTONIS, terminum illum *parentis* tam æquivocum ex diplomate HENRICIANO aſſumpſerit, præterito alio, quod ipſi Archivum quoque Murenſe ſuppeditarat, in quo dictus WERNHARIUS ET COMES DE HABSURG, ET WERNHARII EPISCOPI ARGENTINENSIS NEPOS diſertiffime ſcribitur. „ Adducit deinde laudatam INNOCENTII PP. Bullam integram, denuo ſubiungens : „ *Hanc bullam Pontificiam MIRAMUR, hic a P. HERRGOTTO neglectam.* „ & paucis interiectis : „ Verum *mirari* deſignamus, obſervantes : dictam bullam . . . a P. HERRGOTTO alibi non ſemel citari, . . . atque . . . recenſeri, ſed enormiter laſam; utpote parte principali, qua genealogiam reſpicit, *mutilatam*, cum genuini ſenſus non levi alteratione. „ Hoc factò Bullam ipſam modo iam dicto ex autographo emendat. VI.

(a) HABEKSPURG, inquam, non *Habsburg* (ut Adverſarius p. 254. ante finem perperam ſcribit) edidit P. HERRGOTTUS. Vid. loc. hic cit. p. 161. quanquam enim in hoc liſ non pendeat, monendum tamen fuit, ne ex uno errore duo exerciſſe viderentur.

VI. Habemus itaque Adversarium hic *mirantem* & non *Incertus*
mirantem, seu talem, qui, cum bis miratus fuisset, rem *quoque, an*
 tandem eandem, cuius totam naturam ante & post admira- *non se ip-*
 tionem æqualiter noverat, mirari desinit. Novimus figuram *sum petar.*
 hanc Grammaticalem, quam si unquam inutilem vidimus,
 vidimus certe in præsentia. Quid enim hic admiratione
 dignum est? Num miraculum est, errasse hominem? Quid
 si totus error amanuensi, quid si monacho etiam Murenfi
 adscribendus? Certe P. HERRGOTTO ideo adscribi non po-
 test, quod Bullam, antequam in *Genealogie Diplomaticæ* vo-
 lumine II. edita fuit, in primo tomo *non semel*, ut ipse Ad-
 versarius advertit, *citet*, atque adeo *MS.* non nisi mendo-
 sum ante oculos habuerit. Atqui illud submissum ei est a
 Murenfibus, qui Sodales P. HERRGOTTI, ut is prolixè lau-
 dat (a), adiuverunt, quanquam ego absolute discernere no-
 lim, cuinam error adscribendus. Sed quidquid sit, immu-
 nis plane est P. HERRGOTTUS, & ego doctis viris librario-
 rum errores obiicere nollem.

VII. At enim non id solum voluit Adversarius, quin *Alius hac*
 potius eo collimavit, ut duas P. HERRGOTTI observationes, *in re Ad-*
 ex hoc ipso Instrumento deductas, infringeret. Primam *versarii a-*
 iam retulimus lib. I. cap. XIV. num. III. (b). ubi ex hac *nis,*
 ipsa charta a P. MARQUARDO ostensum fuisse diximus, WERN-
 HARIUM Ep. in chartis posterioris ævi *Comitem de Habs-*
 burg fuisse appellatum, secus in chartis, ipso vivente, ema-
 natis. Alterum P. HERRGOTTI observatum lib. VI. cap. I.
 §. IV. reperitur, ubi de æquivocatione vocabuli *frater* a-
 gens, sic proloquitur: *Singulare tamen illud est, quod INNO-*
CENTIUS Papa in Bulla, canobio Murenfi concessa; Idibus A-
pril. 1139. tom. II. n. CCXVI. WERNHARIUM COMITEM
DE HABSBURG, nominet FRATREM; verba eius hæc sunt:
Confirmamus etiam vobis quacunque eidem loco, & cetera, quæ
iam retulimus. Paucis utrumque expedit Adversarius, subdens:
Interpretatione hac non indigebit Bulla, si suæ integritati resti-
tuantur.

VIII.

(a) Proleg. III. §. XXIII. pag. XXXV. Vid. etiam supra lib. I. cap. IV.
 pag. 33.

(b) Add. cap. XXV., mox citandum.

Frustra ab
eo quæsi-
tus.

VIII. Quod ad primum attinet, eandem Bullam & nos quidem, ut ab amanuensi quodam corruptam, laudavimus cit. lib. I. cap. XXV. num. III. quippe cum ea typis mandata fuerint, antequam hanc Adversarii emendationem legeremus. At res egregie compenſatur Instrumentis aliis, ibidem laudatis, quemadmodum & P. HERRGOTTUS cit. loc. chartam FRIDERICI, Ducis Austriæ, anni MCCCXVI. in rem suam adduxit, ubi idem WERNHARIUS similiter *Comes de Habsburg* nuncupatur, ut adeo asserta nostra tuto subsistant, etsi hæc Bulla, prout emendata, iam non suffragetur. Quod ad alterum spectat, Adversarius non nihil fallitur. Enimvero cum dicto loco sermo sit de formulis loquendi, vocibusque, circa res genealogicas ambiguis, inter ceteras quoque vocem *frater* examinavit P. HERRGOTTUS, de qua cum observasset, ea non solum illos, qui eodem patre & matre nati sunt, significari, sed non nunquam fratrum filios, id est patrucles, esseque præterea honoris vocabulum, subiungit demum: *singulare tamen est illud &c.* ut num. præcedenti. *Quæ subintellecta voce*, EPISCOPI, de WERNHARIO Argentinenſi Episcopo interpretanda erunt. Sive ergo citata verba, ab amanuensi omiſſa, adſint, sive non, observatio tamen in eo locum habet, quod probet, *fratris nomen æquivocum* esse, id quod P. HERRGOTTUS voluerat: quanquam tum, adiecta voce *episcopus*, exemplum haud amplius *singulare* fuisset, cum usu pridem receptum sit, ut summi Pontifices episcopos *fratres* appellitent.

Quin sibi
ipsi obest.

a

IX. Ceterum non advertit, opinor, Adversarius, hac sua animadversione se ipsum multo magis, quam P. HERRGOTTUM stringi. Etenim meminisse iuvat dictorum eius cap. XII. p. 84. (a), quibus ex testamento laudati WERNHARII Ep. extundere voluit, eum iam tum an. 1027. cognomen, a castro Habsburg deductum, familie suæ, aut si mavis, Anonymo Murenſi, quem vocat, dictasse. Vel enim per hæc Bullæ verba: *fratre nostro WERNHARIO Argentinenſi episcopo, & eius nepote WERNHERO, Comite de HABESBURG*, cognomen Habsburgicum episcopo WERNHARIO pariter tribuitur,

(a) Vid. etiam caput nostrum XIV. lib. I. num. VI. pag. 130.

buitur, vel soli nepoti? Si prius illud? recte P. HERRGOTTUS etiam ex hac Bulla (nam alia quoque Instrumenta nobis suppetere, iam diximus) intulit, WERNHARIUM Ep. in chartis posterioris ævi *Comitem de Habsburg* nuncupari. Si posterius? indicium habemus manifestum, WERNHARIO, dum viveret, cognomen *Habsburgicum* nunquam fuisse inditum, adeoque nec *dictasse* aliis; quandoquidem, ex hypothesi, in hoc Instrumento solus eius nepos eo nomine salutatur: ab ipsius contra cognomine, quia scilicet nullum unquam habuit, abstinetur.

CAPUT VIII.

De OTTONE, WERNHARII II. filio, RUDOLPHI Regis Rom. atavo.

I. **S**temma & gradum OTTONIS II. varie demonstrans P. HERRGOTTUS, primo omnium Instrumentum anni 1145. allegat, ubi sic habetur: *ut impleatur hæc conditio, pro qua tradita est, prius in Altare S. MARTINI ab Comite OTTONE, patre WERNHARII Comitis de Habsburg.* Cum enim cum aliunde, tum diplomatie constet, quis sit iste WERNHARIUS, nec non & eius poster, & in quo gradu a RUDOLPHO I. distet, facile fuit, & stemma & gradum eruere. Addidit nihilominus & alia duo Instrumenta P. HERRGOTTUS: alterum anni 1168. tom. II. num. CCXXXVIII. ubi *Gloriosissimus Comes OTTO de Habesburch*, & an. 1171. num. CCXLI. ubi *Illustis Comes OTTO de Habisburc* dicitur. Nec denique prætermisit Acta Murenfia, ut apud eundem videri potest (a).

OTTONIS II. stemma & gradus, ut demonstratus fuerit a P.H.

a

II. Aliam hic rationem init Adversarius, sed tamen more solito. Negat nimirum, admissio stemmate, gradum; quem quippe non aliunde, quam ex ipsis Actis patere obtendit. Ad hæc dictum Instrumentum partem esse eorundem Actorum, non Instrumentum, demonstraturum se cap. sequenti asserit.

Contra quod frustra nititur Adv. pag. 264. & 266.

Q q

De

(a) Cit. lib. II. cap. V. §. I.

a
pag. 265. De hoc & nos videbimus : de priori autem ideo nihil reponimus ; quod id plus satis iam factum sit (a). Omittere tamen haud debeo, quod Adversarius inter cetera ait, patrem OTTONIS tamdiu a nobis ignorari, „ quamdiu SOLIS EIVS-
„ MODI DIPLOMATIBUS ET CHARTIS INHÆREBIMUS ; id quod
„ minime latebat P. HERRGOTTUM, hinc ad Acta Murenſia,
„ pallio diplomatico licet ab eo obſecta, confugere coactus,
„ hic ſubdit : *quandoquidem etiam quæ de OTTONE produnt*
„ *Acta Murenſia, nec non de ipſius patre, chartis & diplo-*
„ *matibus adeo non repugnant, ut etiam conſonent, nihil hic*
„ *obſtare videtur &c.* „ Confirmantur nempe hiſce dicta hic cap. I. oſtenditurque, Adverſarium conſtanter ea in hypotheli verſari, ut exiſtimet, vel Actuarium, vel Genealogum, a Genealogia Diplomatica penitus excludi, omnemque genealogiæ Habsburgicæ notiſſimam ſolis adſcribi chartis & Inſtrumentis, eo in opere productis. At vel ex hoc ſolo, quem adducit, P. HERRGOTTI textu, intelligi poterat, id unum exigi, ut eis diplomata *conſonent* potius, quam *repugnent*. Recte autem & appoſite dicit Adverſarius, Acta Murenſia, ac præcipue Genealogum præfixum, a P. HERRGOTTO *pallio diplomatico* obtegi ; qui enim toties ſe ſe proſtituit, pallio indiget, ad tegendam ſuam nuditatem, ne, qui hanc forte viderint, oculos etiam a ceteris, quæ ſana ſunt & ſuſpicenda, avertant. Sed & de hiſ ſuſius alibi. Quare nihil hic nobis ſupereſt, quam ut parerga huius capitis, quoad eius fieri poterit, brevibus expediamus.

Guill-
manni er-
rorem ab
Abbate
Tschudi
caſtiga-
tum.
pag. 261.
b

III. Erroris poſtulat ſuit ab Abbate DOMINICO GUILLIMANNUS, quod WERNHERUM II. Comitem, de quo in diplomate HENRICI V., anni 1114. pro libertate Murenſis monaſterii dato, & ſæpe laudatis Actis etiam inſerto (b), mentio fit, pro WERNHERO III. venditaverit ; cum tamen ex ipſiſ Actis liquido conſtet, ſermonem eſſe de WERNHERO II. ut id Abbas TSCHUDIUS luculenter probat.

Excusare
conatur
Adv.

IV. Non omni quidem culpa carere GUILLIMANNUM, reponit Adverſarius ; at eam tamen minui ex eo, quod errandi cauſ-

(a) Sup. cap. I. nec non cap. V. & VI.

(b) Extat quoque apud P. HERRGOTTUM tom. II. pag. 131.

causam ipsa diplomatis verba præbuerint, quæ ita habent: NUNC autem idem Comes (WERNHARIUS) a quo præfatum monasterium sive Abbatia hereditario iure possessa est, nutu Dei tactus & instinctus, ipsum scilicet locum Mure cum omnibus nunc in præsentiarum collatis institutis legitimis, & pertinentiis prædiorum, mancipiorum, censurum - - - contradidit Domino Deo &c. Ista in medium adducens Adversarius „ Quis „ amabo (subinfert) hæc legendo iudicaret, Imperatorem „ hic loqui de WERNHARIO Comite, annis iam decem & „ octo ante defuncto, & non potius de WERNHARIO NUNC, „ id est tempore dati diplomatis vivente? Vixerat autem „ non WERNHARIUS ille II, sed WERNHARIUS III. Adeo „ infallibile non semper est principium illud (videlicet P. „ HERRGOTTI (a)) *Scriptores medii ævi cum in notioni-* a
bus chronologicis, tum in ipsis narrationibus historicis exigi,
corrigique posse & debere ad fidem diplomatum, ac charta-
rum Pagensium, standumque potius esse pro re diplomatica,
quam scriptoribus coævis. „ Hucusque Adversarius.

V. Cave autem credas L. B., GUILLIMANNI tuendi Ut diplo-
 potius, quam elevandæ auctoritatis diplomaticæ causa, hæc mata de-
 proferri ab Adversario. Patet id non solum ex mox reci- primeret,
 tato epiphonemate, atque tentato axiomate P. HERRGOTTI,
 sed &, quod GUILLIMANNI, quem aliunde non omni culpa
 vacare censet, ne verbo quidem amplius meminisse eum
 videas, atque demum concludere: quod nisi ex Actis Mu- pag. 263,
 rensis edocti fuisset, WERNHARIUM II. iam tunc anno
 1096. ad plures abiisse, nemini potuisse venire in mentem,
 hunc potius, quam WERNHARIUM III. laudatis diplomatis
 verbis comprehendendi.

VI. En igitur novum GERMONIUM! in cuius tamen Atque a-
 gratiam optassem, ut assertum suum tantis firmare potuisset deo viris
 rationibus, quanta illud proposuit fiducia. Impugnat au- eruditiss
 tem hoc suo glossemate non solum P. HERRGOTTUM, sed contrave-
 & eruditissimos Benedictinos Congr. S. MAURI, ut ex verbis niret;
 P. HERRGOTTI, quæ allegatis præmissæ fuerunt, patet, quæ-
 que

Q q 2

(a) Proleg. I. §. IV.

que sic habent: *Verum cum doctiores postmodum adverterent, eiusmodi scriptoribus (medii ævi) non ubique tantam inesse fidem, ut iis acquiescere possent; ortum est litterarium dissidium inter eruditissimos Bollandi socios, nostrosque monachos Benediktinos Congregationis S. MAURI, in quo omnium litteratorum calculo decisum fuit: scriptores mediæ &c.* ut mox superius (a). Possem igitur, si vellem, contra Adversarium hos viros doctos, immo universum cœtum litterarium appellare (quotus enim quisque iam est virorum doctorum, qui axioma, ab Adversario hic impugnatum, non acceptaverit?) sed cum haud dubie futurum foret, ut illi, rem pridem, & sexcentis in libris decisam esse, responderent, mihi iam solum relinquatur, ut quomodo Adversarii suppositum hic subsistat, disquiram.

Non facis
advertis
notionem
vocabuli
nunc,

VII. Omnium igitur primo observandum fuerat, particulæ *nunc* duplicem inesse significationem. Nam usu quidem recepto *adverbium temporis* est, non nunquam tamen potestatem habet coniunctionis adversativæ. Hoc modo usus est CICERO, quando dixit: *Quæ quidem multo plura evenirent, si ad quietem integri iremus: NUNC omisti cibo & vino,*
con-

- (a) Vid. etiam le *Nouveau traité de Diplomatique* saepe laudatorum duorum Benedikt. e Congr. S. MAURI P. I. sect. 1. cap. III. ubi hoc argumentum speciatim tractatur. Iuvat inde pauca hic dare excerpta: Nous soutenons (disent ils) au contraire, avec nos plus habiles critiques (citant hic in margine sequentes: Schannas Vindie. Archivi Fuldenfis p. 91. Marquard. Hergert. Geneal. diplom. Gentis Habsburg. praf. p. III. IV. Perez. dissert. Eccles. p. 167. Chronicon Gottwicensis prodrom. part. I. lib. 2. p. 77.) que les diplomes doivent être crus préférablement à l'historien, quelque contemporain qu'il soit. Avons-nous tort? Qu'on en juge par l'événement. l'historien par lequel on prétendoit combattre ces diplomes, se trouve contredire lui-même par une si grande foule d'autres, qui spécifient le jour de la mort de Pépin, conformément aux diplomes contestés; qu'indépendamment de ces pièces, on seroit obligé de corriger les dates des continuateurs de Frédégaire sur celles des autres annalistes. Il étoit donc sûr, de s'en tenir à l'autorité des diplomes seuls, préférablement au témoignage de l'historien (laudant hic verba P. HERRGOTTI Geneal. Dipl. Proleg. I. p. III. *Omnium litteratorum calculo decisum fuit, scriptores mediæ ævi &c.* ut supra) C' étoit donc à juste titre, que nous le mettions au dessous du diplôme. Voilà une de plus fortes objections du P. GERNON, tournée en preuve contre lui.

confusa & turbata cernimus (a). Pulcherrima est apud Livium Tulli HOSTILII in Mettium FUFFETIUM proditorum, sententia, huc apprimere faciens, quam ob sui elegantiam integram adponere liceat. Metti FUFFETI, inquit, si ipse discere posses fidem ac fœdera servare; vivo tibi ea disciplina a me adhibita esset. Nunc quoniam tuum insanabile ingenium est, at tu tuo supplicio doce humanum genus ea sancta credere, quæ a te violata sunt. Ut igitur paullo ante animum inter Fidenatem, Romanamque rem, ancipitem gessisti, ita iam corpus passim distrabendum dabis (b). Idem sensus inest recitatis verbis diplomatis. Referens enim, qualiter olim, id est, tempore CONRADI Imperatoris monasterium Mure a WERNHARIO, Strasburgensi episcopo, ædificatum fuit, inferensque, quid eidem quoque contulerit WERNHARIUS, nepos eius ex fratre, a præterito perfecto haud discedit, adverbative subsequens: Nunc autem, id est, EX ADVERSO AUTEM idem Comes, a quo præfatum monasterium, sive Abbatia, hereditario iure POSSESSA EST &c. Evincunt præterea hunc intellectum verba, ante finem hunc in modum posita: Hoc etiam nos ipsi Imperiali auctoritate nostra sanctimus & confirmamus. SANCIMUS nos ipsi, ait, quod dicere non posset, nisi alia sanctio, de qua scilicet per totum diploma locutus fuerat, præcessisset. Confirmat quoque (c) ut adeo certum sit, omnia præcedentia de factio præterito, non præsentis, seu, quod idem est, WERNHERO mortuo, non vivente, accipienda; adeoque particulam nunc adversativam esse, non adverbium temporis. Hoc si probe animadversum fuisset, nec GUILLIMANNUM errantem, nec Adversarium habuissimus defendentem.

Qq 3

VIII.

(a) CICERO lib. I. de Divinat. c. 29. Vid. LAURANT. VALLA Elegant. lib. I. c. II.

(b) LIVIUS lib. I. c. XXIX.

(c) Hoc diploma confirmationem Instrumenti cuiusdam præcedentis esse, colligitur quoque ex ipso Actuarii, qui pag. 30. refert, Udalricum Abb. ad HENRICUM Regem Basileam profectum fuisse, non tam, ut nova privilegia acquireret, quam ut antiqua, a WERNHARIO accepta, confirmarentur. En verba Actuarii: Audiensque hoc Abbas UODALRICUS, venit illuc . . . & quicquid bone memorie (Adversarius perperam edidit memorie) WERNHARIUS Comes; pater scilicet eiusdem Comitis ADELBERTI, huic loco CONCESSIT, & ad WIZINGIN firmavit, hæc coram Rege. & coram Principibus . . . declaratum ac firmatum &c.

Nee vim
axiomatis,
ab Eruditis
statuti,

VIII. Sed & præterea secundo loco observandum fuerat, qua ratione dicta illa regula, seu axioma, ab Eruditis statutum, ad usum redigendum sit. Suppeditasset hanc notitiam abunde P. HERRGOTTUS, insecuto dicti prolegomeni §. VI. si consultus fuisset. Ait enim: *Solent autem tria potissimum circa documenta in controversiam venire, priusquam pro IRREFRAGABILI PROBATIONE in rebus genealogicis admittantur. I. an sint genuina? II. quomodo interpretanda? III. an recte fiat applicatio documenti ad factum?* Quæ singula ibidem longius deducit, hicque cum primis locum habet observatio II. *quomodo interpretanda?* Hoc enim si rite præstitisset GUILLIMANNUS, quomodo errasset? quandoquidem interpretatio, qua, dicto loco, WERNHARIUM II. intelligi dicimus, a nemine iam, & vel nec ab ipso Adversario reprobat. Ex adverso igitur cum erraverit GUILLIMANNUS, nemo, opinor, diplomati adscribet, sed interpreti, aut in arte parum versato, aut sibi non satis præfenti.

Quare
suppositum
eius
vacillar.

IX. Quare haud sane cum iniuria statuimus, *suppositum* Adversarii vacillare, ut quod maxime. Quando enim diplomata præferimus scriptoribus coævis, non dicimus, ea luculentiora esse, sed certiora. Atqui hic de claritate diplomatis egit Adversarius, cum dictum axioma de certitudine procedat. Certe Adversarius ipse fateri debet, GUILLIMANNO errandi occasionem præbuisse, non argumentum diplomatæ, sed verba, id est, particulam *nunc*, quæ cum hic, uti non diffiteor, non nullam obscuritatem faciat, erroris ansa fuit, non causa. Ut ergo Adversarii observatio cohæreret, probare debuerat, in diplomate illo revera falsam contineri relationem, secus ubi vitio librarii, hominis non satis Latini, verbum obscurum loco clarioris irrepfit. Sed neque tamen tunc dici posset, argumento Adversarii multum inesse ponderis; cum enim constet, scriptores multo frequentius falsa narrare, quam diplomata, ac ut plurimum multo deprehendi obscuriores, tamdiu & in hac hypothese hæc illis præponderent, oportet. Verbo: quantum auctoritas publica superat privatam: quanto maiorem fidem meretur testium multitudo præ paucitate: graves & spectabiles viri præ hominibus privatis:

vatis: tantum præstat, ut de ceteris nihil nunc dicam, fides diplomatica, fide historicorum, etiam synchronorum.

X. Iam patrociniū eius suscipit Adversarius, cui paullo ante non nihil contrarius erat, Abbatis TSCHUDII. Hunc a P. HERRGOTTO frustra notatum asserit in eo, quod in laudato diplomate HENRICI V., Actis Murenſibus inserto, loco ADELBERCTUS *Comes de Habsburg*, legerit de HASENBURG. Concedit equidem, in prima quidem editione *Actorum Murenſium*, in quibus & diploma illud continetur, ita legi, at illud a DOMINICO Abbate factum esse, negat; cum in utraque editione eius expresse legatur HABSURG: quod revera ita esse non dubito. Nam etſi priorem editionem non viderim, tamen rem ita se habere animadverti in editione ſecunda, fidemque plenissimam etiam quoad priorem illam adhibeo Adversario. Non satis igitur allequerer, cur Abbatem DOMINICUM hic tetigisset P. HERRGOTTUS, nisi mihi ipsemet fundamentum præberet suspicandi, esse lapsum memoriarum, ita ut, quod legerat in editione ECCARDI (a), id inter meditandum & scribendum *Dominico* attribueret TSCHUDIO. Ubi enim hunc inculcat, nominatque, expresse monet: *quem errorem suo loco corrigemus* (b). Iam ubi ad locum eum pervenit, non TSCHUDIUM sed ECCARDUM appellat, dicens: „Notat quidem CL. ECCARDUS, in ipsis Actis Murenſibus „mentionem fieri ADELBERTI *Comitis de Hasenburg*; at legenti „mihi locum illum aliud nihil occurrit, quam nudum nomen „ADELBERTI *Comitis*. (c) „Potuit & PEIRESKIUM, primum huius erroris auctorem, intellexisse; cum enim dictum §. in margine sic inscripserit: *Notantur editores Actorum Murenſium*, alios, quam hos duos, in mente habere vix potuit; præsertim cum Abbas TSCHUDIUS sæpe laudata Acta ex integro nunquam ediderit.

XI.

(a) Loc. cit. inter probationes col. 214.

(b) Proleg. I. §. XIII. pag. VIII.

(c) Lib. II. c. V. n. V. Non alium etiam notat, quam ECCARDUM in lectionibus, quas ad idem diploma concessit, variantibus, ubi dicit: *pro voce HABSURG legit ECCARDUS de HASENBURG*: manifesto indicio, cum neque alium voluisse, quam ECCARDUM.

ADALBERTUS II.
quando-
nam Ad-
vocatiam
Murensis
inierit?
pag. 268.

XI. Eodem HENRICI diplomate suffultus P. HERRGOTTUS, ADELBERTUM istum, seu ALBERTUM, quem alii de HASENBURG cognominant, eo ipso anno, quo illud datum est, id est, anno 1114. OTTONI II. in Advocatia Murensi successisse, loco cit. docuit. Aliter iudicat Adversarius, videri asserens, id contra Acta pugnare Murensia; quippe quæ „ post adnotatam mortem & sepulturam OTTONIS II., „ quem *in ipsius UDALRICI Abbatis* (electi an. 1108.) *se-* „ *cundo anno* ab HESSONE interfectum scribunt, immediate „ subiungunt: *cui successit in Advocatiam frater eius ADEL-* „ BERCTUS. „ Hæc ille.

Fa in re
cum P. H.
facimus.

XII. Nos vero cum P. HERRGOTTO hic facere eo minus dubitamus, quod ei aperte suffragetur sæpe laudatum diploma, immo ipsa, quæ in rei testimonium adducuntur, Acta. Verba Instrumenti, quibus Advocati munus exponitur, sunt hæc: *Hic (Advocatus) denique, Abbate petente, a Rege accipiat bannum legitimum, & ter in anno, si necesse fuerit . . . placitum iustum peragat*: ex quibus facile patet, non fuisse integrum Abbati, sine Regis consensu & voluntate, Advocatum instituere, bene vero eundem designare, qui deinde, antequam munus suum obire poterat, *bannum*, id est, iurisdictionem (a) a Rege, seu Imperatore accipere tenebatur. Concordat cum diplomate CONRADUS noster, qui pag. 30. expresse memorat, quod UDALRICUS Abbas, accepto, HENRICUM Regem Basileam venisse, *illuc cum fratribus suis & eodem ADELBERCTO* se contulerit, quatenus nempe & hic dictam iurisdictionem Regalem obtineret. Quare, licet idem Actuarius, hunc OTTONI in Advocatia successisse, dicat, quia tamen tempus, quo illam legaliter adiit, haud exponit, tenendum est, adiisse primum, cum per Imperatoris voluntatem licuit, adeoque post annos a nece OTTONIS II. quatuor, quo ab Imperatore, *petente*, seu *præsentante Abbate*, accepit investituram: quamvis interim negare nolum, illum prius ab eodem Abbate fuisse designatum.

Comitatus
OTTONIS
II. ubinam

XIII. Antequam hinc discedamus, paucis adhuc attingendus est Comitatus OTTONIS, quem in *Simtgovia* situm fuit.

(a) Vid. Glossar. CANGII medix & infim. latinitatis, hac voce.

fuisse, Adversarius negat, ut vidimus, alibi (a). Qua tamen in re eundem haud multis moramur; remittimus duntaxat, secundum dicta capitibus hic præcedentibus (b) ad diplomata P. HERRGOTTI, undique conquesta, quæ si illum alio in Pago Comitum exercuisse docuerint, quam in *Suntgovia*, manus dabimus: secus ubi Adversarius indulgere pergat meris coniecturis suis negativis, nec omni conatu suo ostendere queat oppositum.

quæren-
dus ?

a

b

CAPUT IX.

De WERNHERO III. RUDOLPHI I. Rom. Reg.
abavo, nec non ALBERTO III., eius-
dem proavo.

I. **U**Nde stemma & gradum patris ostendit HERRGOTTUS, inde etiam filium didicit WERNHERUM III. ex Instrumento videlicet, Actis Murenſibus suffixo, ut cap. præced. num. 1. prælibavimus. Hoc ut negaret Adversarius, ad oculum se demonstraturum in se hic recipit, frustra obtendi, illic haberi *formale Instrumentum*. Quod antequam faciat, chartam ipsam hic integram inferere, operæ pretium erit: „Notum omnibus sit præsentibus & futuris, quia factus sermo Venerabili episcopo HERMANNO Constantiensi, & Abbate venerando CHUNONE presentibus, & aliis spiritalibus viris tam Clericis, quam laicis; in quo decretum est in ipsa consecrationis die ab ipso episcopo, ut quandocunque Plebanus scilicet, HUOLDUS, novissimum clauſerit diem, superior capella in *Boswil* tam firmiter ac stabiliter in potestate huius cœnobii sit, ut nec ipse, qui sacerdos futurus est hic, nec alius omnino ullam potestatem habeat, ut impleatur hec conditio, pro qua tradita est prius in Altare S. MARTINI a COMITE OTTONE, PATRE WERNHERI COMITIS de HABSBERG, „Hucusque Instrumentum.

Recitatur
Instru-
mentum,
ex Actis
Mur. edu-
ctum,
pag. 269.

R r

II.

(a) P. I. cap. XII. pag. 85.

(b) V. & VI.

Non agni-
tum ab
Adversa-
rio.
Ibid.
pag. 271.
pag. 273.

II. Huius ergo auctoritatem ut elevaret Adversarius, haud pauca in medium attulit, quibus nomen Instrumenti abiudicet, atque adeo ostendat, *nec maioris illud fidei esse, quam cetera, quæ in codice Murenfi stilo historico traduntur.* Nam ingressum quidem specimen Instrumenti referre, secus esse cum contextu; utpote qui totus narrativus sit. Præterea silentio prætermitti monasterium Murense, cui donatio facta sit. Memorari quidem Abbatem CHUNONEM, sed cuius monasterii, reticeri. Dicit præterea: *capella in Boswil tam firmiter ac stabiliter in potestate huius cœnobii sit,* sed cœnobium silentio iterum involvi. Reliqua demum nimium generalia esse, nec explicari satis voluntatem donantis. „

Quod ta-
men resti-
uitur,

III. Omnia ista etsi veritate nitantur, non plus tamen probant, quam Instrumentum, de quo quærimus, citato loco referri non integrum, sed truncatum, omisiss scilicet omnibus iis rebus, quas Adversarius desiderat. Sed non ideo Instrumenti, quo ad eruendas veritates historicas, virtutem amisit, quin ne quidem nomen. Ingressus, ipso fatente Adversario, adest. Solemnitatem intervenisse, docet conventus Episcopi & Abbatis. Et qui fieret, ut, istis convenientibus, atque de re quapiam, ut hic factum fuisse palam est, tractantibus, nihil traderetur scripto authentico? Aut quis amabo! stilum narrativum unquam exclusit a veri nominis Instrumento? Tantundem dicendum, si Instrumentum illud non integre relatum contendit. Neque enim id vel auctoritati, vel nomini quidquam detrahit; quandoquidem ea, quæ non omisit, nihilominus adsunt: secus iudicandum foret, si constaret, librarium nonnulla immiscuisse falsa. Quot habemus diplomatum, chartarumque fragmenta? at num ideo non diplomata sunt, id est, monumenta authentica? aut si qua ab aliis truncata, aut compendio referuntur, num ideo fidem & auctoritatem amittunt? Frustra denique dicitur, contextum Instrumenti nimis generalem esse, nec *explicari satis voluntatem donantis*; quandoquidem tam donans & donatarius, quam donatio expresse nominantur: nec voluntas donantis alia esse potest, quam Abbatis rogantis, ut scilicet ecclesia *Boswilo* in potestate cœnobii sit. De mentione cœnobii statim dicam. IV.

IV. Verum hæc gratis omnino, ac præter debitum. Atque in-
ter *Notitias*
iure, meri-
toque ad-
numera-
tur.
Quis enim in re diplomatica tam hospes est & peregrinus,
ut nesciat, omnia hic haberi, quæ ad verum Instrumentum,
sub *Notitiæ* nomine cognitum, pertinent, & requiruntur?
Nolo mox laudatos duumviros Benedictinos hanc in rem de-
nuo excitare; cum eam graphice & quasi hoc ipsum, quod
disceptamus, Instrumentum, ante oculos habuisset, describat
CL. DU CANGIUS in *Glossario mediæ & infimæ Latinitatis*, voce
Notitia hunc in modum: „*Notitiæ* aliæ ab ipsis DONATARI-
is interdum describebantur, ut eorum posteris notum fie-
ret, qualiter prædia ipsis & a quibus, quibusque præsen-
tibus testibus, essent collata: quæ quidem nudam rei gestæ
narrationem continebant, nullis adhibitis signaculis, ac sub-
scriptionibus, cum eas in *polyptycha* sua referre, satis esse
ducerent - - - Atque hæc quidem NOTITIÆ vim diploma-
tis habebant - - - Eiusmodi Notitiarum mentio post annum
1100. rarius occurrit. „ Omnia hic mirum in modum cum
sæpe dicto Instrumento conspirant: *Notitiæ aliæ ab ipsis dona-
tariis* interdum describebantur, atqui donatarius erat CHUNO,
seu CONRADUS noster, indubitatus Actorum Murensium au-
ctor. Is ergo cum, ut supra Lib. I. cap. XII. p. 117. & 118.
retulimus, successores suos admonuerit, ut sicut & ipse fecis-
set, res monasterii in hoc suo codice describerent: exemplum
hic præire voluit, *Notitiam* hanc inscribens *polyptycho*. *Nu-
dam rei gesta* NARRATIONEM continebant: stilum narrativum
esse, contendit ipse Adversarius. Nullis adhibitis signaculis ac
subscriptionibus: & hæc quoque absunt. Hinc eas loc. cit.
perperam exigit Adversarius his verbis: *idque vel maxime*
*confirmatur inde, quod ex parte Episcopi nullum authenticæ si-
gnum, factæque confirmationis testimonium ac robur adiectum*
habeatur. Additur ulterius: *cum eas in polyptycha sua refer-
re satis esse ducerent*: Codicem Murensem *polyptychon* recte
dixeris; maxime post mox laudatam CHUNONIS admonitio-
nem ad successores. Hinc quoque mentio monasterii frustra
exigitur; quandoquidem in eiusmodi *polyptychis* res alienæ haud
inscribebantur. Adde præterea formulam: *Notum sit*, huius-
modi *notitiis* quam frequentissime præponi solitam (a). Cum

R r 2

denique

(a) Vid. laudat. BENEDICT. in novo tractatu diplomat. P. I. sect. II. c. 2. p. 297.

denique id genus notitiæ vim diplomatis habeant, abunde etiam de auctoritate cautum esse, confido. Quāto igitur præstabilius erat Adversario, citatum Instrumentum prorsus intactum reliquisse, ne insectando unum, contraveniret multis, cumque suo damno experiretur, quantum P. HERRGOTTUS in diiudicandis veteribus Instrumentis versatus sit.

Alis obiectatio.

V. Non minus autem in gratiam Adversarii optaremus, ut aliam quoque censuram, circa notam, dicto Instrumento a P. HERRGOTTO subiectam, versantem, omisisset. Est hæc huiusmodi: HERMANNUS, inquit P. HERRGOTTUS, fuit Episcopus Constantiensis ab anno 1139. obiit an. 1165. CHUNO seu CONO S. BLASII monachus, fit Abbas Murensis 1145. incunte. Resignata an. 1166. Abbatia, obiit in S. BLASIO an. 1188. 11. vel 12. Novemb. Hinc est, quod monumentum istud circa an. 1145. referamus; extat porro hoc ipsum in Actis Murensibus circa finem (a). Addit hisce glossema Adversarius, iudicans, annis utriusque huius Prælati inter se collatis, dictum monumentum non circa annum 1145. potius, quam circa annum 1155. aut multo adhuc posteriorem, referri potuisse. Pulchra profecto & utilis observatio! Ego verbum non repono; retulisse hæc, refutasse est. Quærat Adversarius peregrinum.

Acta Mur.
num fulci-
mentis in-
digeant;

pag. 275.

VI. Ubi Actis Murensibus (ait P. HERRGOTTUS lib. II. cap. IV.) correspondent monumenta coæva, non video, cur illis fides denegari debeat; quandoquidem non tam Actis ipsis, quam diplomatibus, quibus suffulciuntur, illa fides omnino habenda est. Non accipit hanc laudem Adversarius, aut si mavis, exiguum ei fidem habet; nam „hoc, ait, si verum hucusque saltem voluisset Clar. auctor Diplomaticus, opus fuisset, diplomata proferre, quæ Actorum Murensium auctoritatem superarent, atque adeo ad texendam ordinate & inconfuse genealogiam sufficerent; secus non Acta Murensia Diplomatum, sed Diplomata Actis Murensibus suffulciri, conse-

(a) Ex his verbis conicio, Instrumentum istud P. HERRGOTTO, quasi illud separatim quoque extaret, submissum fuisse aut a sodalibus, aut Murensibus.

consequenter , non tam Diplomatus , quam Actis ipsis.
 fidem genealogicam habendam esse , ex hæcenus dictis.
 quis non iudicabit ? Hæc Adversarius interrogando.

VII. Ego vero , si generali huic interrogationi a me re- Et quali-
 spondendum est , nullus dubito , responsum dare prorsus con- bus ?
 trarium. Quantum enim integra structura columnis , quan-
 tum exercitus copiis auxiliariis , Dominus servo , tantum
 præstat suffultus fulcimento. Non ergo hac animadversio-
 nē clienti suo prodest Adversarius , sed obest. Quod si vero rem
 penitus & ex adverso intueri velimus , quis iure negare po-
 terit , a P. HERRGOTTO diplomata prolata fuisse , auctorita-
 tem Actorum Murensum (quatenus mendosæ genealogiæ , ut
 sæpe diximus , iuncta sunt) superantia ? An non enim com-
 muni assensu receptum est , maiorem illis auctoritatem , fidem-
 que maiorem inesse , quam auctoribus ut ut coævis ; (a) Cum
 ergo laudatus Actuarius non tam claritate indiguerit , quam
 fide , hanc autem , ut sæpiuscule demonstravimus , P. HERR-
 GOTTUS eidem denuo conciliaverit , diplomata afferendo aut
 idem dicentibus , aut suffragantibus saltem : consuetudinem om-
 nino est : cognitionem quidem genealogicam , quoad non
 nullas progenies , Actis , fidem vero diplomatibus adscriben-
 dam esse , labentem suffulcientibus (b). Recte igitur P. HERR-
 GOTTUS in præfatione : *Qui vero id sibi negotii datum existi-*
marēt , ut vetera diplomata , e situ & pulvere extracta , conferret ,
ex HISQUE SOLIS , AUT PRÆCIPUE SALTEM EX ISTIS , bislo-
riam de genealogia Augusta gentis Habsburgica conderet ; prorsus
inveni neminem. Sola enim , aut saltem præcipue , diplo-
 mata sunt , quæ fidem , atque adeo utramque in hoc opere
 paginam faciunt , ut ut negari non possit , nec debeat , tam
 Genealogum , quam Actuarium , & hunc maxime , suppedi-
 tare plurima , quæ deinde chartis & diplomatibus firmata ,
 opus reddunt perfectum & absolutum.

VIII. De ADELBERTO III. , WERNHARII III. filio , ADELBER-
 tit III. gra-
 agit Adversarius capite suo VII. ubi cum asserta Tschudii , dum

R r 3

ac pag. 276.

(a) Vid. dicta paullo superius pag. 307. seq. item 310.

(b) CICERO pro C. RABIRIO Post. circa finem : LABENTEM , . . FULSIT
 & sustinuit re , fortunis , Ade.

pag. 282.

ac duo Instrumenta, ab eodem, nec non a P. HERRGOTTO pridem edita, per expansum retulisset, HERRGOTTUM deum arguit, illum haud probasse, quod voluit, nempe ADELBERTUM WERNHARII III. filium fuisse. Verba P. HERRGOTTI lib. II. c. IV. sunt hæc: OTTONEM II. inter & ALBERTUM III., proavum RUDOLPHI I. Rom. Reg., titulo Habsburgici Comitis insignitus intercedit nemo in monumentis nostris circa medium sæculum XII., nisi WERNHERUS, Comes Habsburgi, qui isto temporis intervallo frequenter recurrit, & qui, uti modo audivimus, OTTONEM II. Habsburgi Comitem, patrem habuit, ex quibus sequitur, WERNHERUM, seu WERNHARIUM hunc patrem ALBERTI III. & consequenter abavum RUDOLPHI Regis Rom. fuisse. Hæc P. HERRGOTTUS inter cetera argumenta, ad probandam paternitatem WERNHARII, prolata, ex quibus tamen Adversario hoc unicum feligere placuit.

Ex solo Actuario patere, contendit Adversarius.

pag. 283.

IX. Cum nempe diplomaticæ constet, ADELBERTUM hunc RUDOLPHI R. Reg. proavum fuisse, idque Adversarius iam negare nequeat; quippe quod ei obstat supra laudatum diploma *Wettingense*: saltem ex nullo alio Instrumento, quam ex Actis Murenribus doceri posse contendit, illum WERNHARIO progenitum esse. Rationem adducit hanc: quod quidquid hic a P. HERRGOTTO de WERNHARIO III. dicitur, etiam de ADELBERTO II. dici queat; „ nimirum: „ WERNHERUM II. inter & WERNHERUM III. titulo Habsburgici Comitis insignitus intercedit nemo . . nisi ADELBERTUS II., eiusdem WERNHERI II. filius & OTTONIS II. frater . . nec tamen hunc, sed fratrem eius OTTONEM II. patrem WERNHERI III. agnoscimus; & quare? quia licet duo præcitata Instrumenta, nempe OTTONIS Ep. Constantiensis circa annum 1168. & ARNOLDI Præpositi Mogunt. circa an. 1171. eius meminerint, ævum tamen haud expresseverunt. „ Sic instat & urget hic Adversarius.

Sed perperam,

X. Sed ingens est discrimen. In exemplo namque Adversarii gratis asseritur, inter WERNHERUM II. & III. neminem, Habsburgico nomine insignitum, intercessisse, præter ADEL-

ADELBERTUM II. ; cum revera & OTTO, frater eius, intercesserit. Similiter frustra omnino dicitur, ævum non exprimi. Nonne enim in Instrumento, de quo hic num. I. ad IV. egimus, quodque intra annum 1145. & 1165. emanavit, expresse habetur: a *Comite OTTONE, patre WERNHERI Comitis de Habsburg.* Quando igitur cuique notum est, filium post patrem vivere, patrem ante filium, laboriosum utique haud fuerit, patris inde dimetiri ævum, maxime cum filii ætas aliunde exputata sit. Omnia aliter se habent in argumento P. HERRGOTTI. Hic enim, cum chartæ & diplomata WERNHERO III. fratrem haud assignent, de cetero autem nemo circa hoc tempus duas lineas hucusque agnovit, aut constituere ausus fuerit: quid consequentius, quam ADELBERTUM descendere ex WERNHERO; quandoquidem tum nemo alius in rerum natura fuit? Putant quidem nonnulli, eidem WERNHERO III. præter ADELBERTUM fuisse OTTONEM III. Episcopum Constantiensem, qui anno 1169. decesserit; in cuius vicem VIGNIERIUS filium RUDOLPHUM substituit: sed cum hæc omnia incerta sint, ac Episcopus præterea genus haud propagaverit, facile videmus, quæ sit infirmitas obiectionis. Hinc quoque P. HERRGOTTUS citatis verbis alia subiungit, ab Adversario præpostere omissa: *Si enim hæc consequentia in rebus genealogicis haud valeret, sequeretur necessario, adfecto iam seculo XII. binas gentes floruisse, eandem denominationem Habsburgicam usurpantes, vel saltem duas eiusdem gentis stirpes tunc temporis iam extitisse; quod, utpote novum & absurdum, a nullo hactenus Genealogo admissum fuit.* Ad hæc non utique hoc suo argumento ita nixus est P. HERRGOTTUS, nihil ut Actuario ea in parte deferret, quin ultro fatetur, eodem admissio, omnia clariora fieri. *Si Actorum Murensium auctoritati fidem hic arbitramur, inquit noster, gradus iste genealogicus maiorem adhuc claritatem adquiret; siquidem tabula Genealogiæ, Actis præfixa, asserit, quod ITA DE THIERSTEIN, SIVE HOMBERG, GENUIT ADELBERTUM, GERTRUDEM DE MUMPELGARD, RICHENZAM DE FIERRITO.* Ubi tamen cum primis notandum, quod dicitur: gradum hunc clariorem fieri, non certiore, id quod cum iis, quæ passim disputavimus, convenit.

CA-

CAPUT X.

Respondetur ad Adversarii reliqua: nimirum cap. VIII. IX. & X. ubi de RUDOLPHO, ADELBERTI III. filio, nec non de ADELBERTO IV. eiusque fratre RUDOLPHO *Taciturno*, ac RUDOLPHO, postea Rom. Rege.

Dicenda. I.

AD ea iam loca devolvimur, ubi Adversarius & stemma & gradum non ex solo Actuário, aut Genealogo, sed & ex diplomatibus, liquido constare & probari agnoscit. Sed neque tamen ideo ab omni censura abstinet. De iis igitur breviter adhuc videndum, tum vero ultimo loco conclusio eius examinanda.

Genealogus Mur.
cur &
quando
admittendus?

pag. 293.

a

ibid.

II. Iam cap. præcedenti, septimo scilicet, id æquitati tribuerat Adversarius, ut diceret, *Instrumentum Wettingense* Actis Murenſibus, seu potius Genealogo, palmam præripere: quia tamen P. HERRGOTTUS eidem subiunxerat (a): *Quod insuper confirmatur* (gradus scilicet & stemma ADELBERTI III.) *Actis Murenſibus*, quorum hic admittimus auctoritatem binis de causis, I. quod huic asserto memoratorum Actorum fides diplomatis modo laudati de an. 1259. suffragatur. II. quod Actorum scriptor, tanquam suppar huic ætati, respectu dicti gradus genealogici absque ulla difficultate audiendus. Hæc, inquam, quia subiunxit P. HERRGOTTUS, incurrit censuram Adversarii. „Admittit ergo Cl. Auctor Diplomaticus (regerit ille) auctoritatem Murenſium Actorum, ubi ea carere posset, quam voluit labefactatam, ubi ea quam maxime indigebat. „Atenim cur illum non admittat? anne hic docet contraria, aut anachronismum committit? anne contra genealogiam, ac chronologiam peccat? anne obscurus, aut incompletus est, ut alibi? Et nonne expressam huius admissionis rationem reddit P. HERRGOTTUS: quod

(a) Lib. II. cap. III. §. I.

quod eidem fides diplomatis *suffragetur*, quodque *suppar* sit? quarum quidem altera ex his rationibus non solum hic, sed & a GUNTRAMNO *Divite* ad RUDOLPHUM *Habsburgicum* usque, locum habet. Sed recidit Adversarius identidem in antiquam hypothesin, qua sibi inaniter persuasum habet, aut aliis certe persuadere voluit, P. HERRGOTTUM docuisse, aut ex illius saltem censura consectarium esse: fidem Actuario Murensi esse nullam, usum eius nullum: quod quantum distet a vero, forte ad Lectoris usque fastidium demonstravimus. Sed hæc ad finem Capituli eius septimi, ubi etiam cornu illud venatorium ALBERTI consulto omisimus, ventilatum iam occasione alia.

III. Sub initium capituli insecuti iam iterum hederam suspendit Reverendissimo Abbati TSCHUDIO. Fatetur is, de RUDOLPHO *Seniore* nullam præter eam, quam Genealogus subministrat, mentionem *reperiri* in monumentis cœnobii Murensis. Celeriter adest Adversarius, asserens, sed neque id necessarium esse. „ Si enim Genealogus ille Murensis, sit, ait, tanquam *suppar* huic ætati, respectu gradus Genealogici, proxime antecedentis, iudice P. HERRGOTTO, absque ulla difficultate audiendus, eadem quoque circa subsequos gradus pollebit auctoritate. „ Admittimus hoc non inviti, si modo ostendi queat, alia quoque Instrumenta, seu documenta, eidem non solum non contradicere, sed & suffragari: quæ quidem P. HERRGOTTI altera ratio fuit; cur illum haud ulla cum difficultate ibi admitti posse diceret? secus foret, cum illa aut stlerent, aut contravenirent. Præterea quis nescit? quantum dictus Genealogus quoad progeniem ultimam hallucinatus, & quam merito oscitantæ ac ignorantæ postulatus fuerit (a). Indignisset ergo TSCHUDIVS vel maxime Instrumentis, non quidem ad eruendas quasdam progenies; quippe quas Genealogus, paucis exceptis omissionibus, sic satis accurate subministrat, sed ad eas firmandas, atque fide dignas reddendas; quandoquidem alias scire non poterat, an monumenta cetera contradicerent, an suffragarentur. Cum enim semel deprehensus, cen-

Studium
Adversarii
erga Abb.
TSCHUDI-
UM.

pag. 294

S s

tias

(a) Vid. lib. I. cap. XXL

pag. 295.

ties reus: nunquid non Genealogo modo hallucinanti, modo obscuro, modo oscitanti, recte denegatur fides tamdiu, quamdiu nullum ei ex reliqua antiquitate suffragium accedit? Verum nondum habemus, quod volumus: Reverendissimo Abbati TSCHUDIO ad ultiores, quo ad hanc progeniem, progressus faciendos, non occasionem, aut quid simile defuisse, contendit Adversarius, sed voluntatem: potuisseque ex iisdem diplomatibus proficere, ex quibus profecit P. HERRGOTTUS, si extra propositum divagare voluisset. Ergone extra propositum divagatur, qui veritatem statuminat, quantum potest maxime? Sed tamen „reperisset, ait. in Chronico *MS. Egidii TSCHUDII* . . . varia Instrumenta, quæ nomen & stemma RUDOLPHI nostri commendant. Reperisset etiam in collectaneis *MS. . . . Augustini Stöck-*

pag. 296. „LIN &c. Reperisset denum Abbas DOMINICUS famosum „illud . . . Instrumentum Wettingense „&c. Nihil repolino. At sicut alibi memoriæ occurrit ovum *Christophori COLUMBI*, ita nunc nodus Gordius.

Digressio
eius ad no-
randum P.
HERRGOT-
TUM,
pag. 203.

IV. De filio RUDOLPHI *Senioris*, ALBERTO, ubi egisset Adversarius, memoriam quoque RUDOLPHI *Taciturni*, ALBERTI fratris, sibi celebrandam esse adiicit. Quem in finem Instrumentum quoddam a P. HERRGOTTO velut mutuo accipit, dicens: „Unicum iam concedat nobis Cl. Patet, ex collectione sua Instrumentum, quo memoriam præfati quoque RUDOLPHI, tametsi alterius lineæ fatoris, celebremus; ne videlicet de hoc ALBERTI nostri fratre . . . nimium tacuisse videamur. „Prætexitur itaque digressio- nis huius causa, quædam quasi congruentia; ne dum de ALBERTO agitur, frater eius RUDOLPHUS velut intempestivo silentio prætermisus esse videatur. Sed vanus est prætextus. Hoc enim si in mente habuisset Adversarius, cur in capite mox insecuto, decimo videlicet, de RUDOLPHO agens, fratres eius ALBERTUM & HARTMANNUM totos quantos prætervehitur? aut cur ex tot insignibus, ut ea ipse nominat, P. HERRGOTTI Instrumentis illud tam studiose seligit, unde eidem dicam se scribere posse sperabat; cum suppeterent plura alia? Fuit igitur vera atque genuina huius transgressionis

tionis causa non RUDOLPHUS Senior, sed ut P. HERRGOTTUM notaret. Quod quam feliciter consecutus fuerit, modo dispiciendum.

V. In dicto ergo monumento apud P. HERRGOTTUM Novi castri
Habsburg
fundato-
rem eru-
derantem, tom. II. num. CCCXXXVIII. reperiundo, prima memoria habetur alterius castri HABSBERG, ad lacum *Lucernensem* situm, hunc in modum: *Qualiter nobilis Dominus RUDOLPHUS senior, Comes de Habesburcb, Landgravius Alsatiæ, collem, qui dicitur RAMEFLU, cum appenditiis . . . IUDENTE, Abbatisse Turicensis . . . libere resignavit, & iam dicta Abbatissa ipsum Comitem prædicto colle . . . infeodavit, ita scilicet, quod de castro, quod dicitur NOVA HABESBURCH, in prædicto colle constructo, . . . tres libras cere, ponderis Turicensis, in vigilia sanctorum FELICIS & REGULÆ, ipsi monasterio sæpe dictus Comes & sui posterius, nomine census persolvant annuatim.* Ex his verbis coniecit P. HERRGOTTUS, fundatorem novi castri *Habesburg* illius, quod alii antiquum putarunt, esse RUDOLPHUM seniore. Nos vero e charta nostra anni 1244. inquit, data Id. Nov. eruiamus, fundatorem eiusdem fuisse RUDOLPHUM, ex linea Lauffenburgo-Habsburgica (a). Et non nullis interiectis: *Castri igitur, quod dicitur NOVA HABESBURCH, a RUDOLPHO, Comite Turicensi, Abbatia traditi, atque ab eodem iterum in feudum recepti, quis conditor fuerit, iam facile, ni fallor, divinari poterit.*

VI. Non divinat hic Adversarius, sed dubitat tantum, Quitamen
rem multo
melius,
quam Ad-
versarius,
tetigit.
p. 304. num divinatio P. HERRGOTTI locum habeat, ac non potius ex citato Instrumento doceamur: castrum illud iam ante a quocunque demum conditum, tunc temporis ad RUDOLPHUM iure proprietario pertinuisse? Verum hæc ipsa dubitatio divinatio est; quandoquidem vel ipse, qui dubitat, nihil quidquam circa hanc rem in medium afferre potest, quod aliquam conciliet verisimilitudinem. Divinat ergo P. HERRGOTTUS, divinat & Adversarius: at utrisque divinantibus, non plus emergit, quam *divinatio*, quæ semper & ubique incerta est. Quod si vero & mihi divinare licet,

S s 2

feli-

(a) Lib. I. cap. VI. §. VII.

feliciorem in sua divinatione existimaverim, quod vere dico? P. HERRGOTTUM, quam Adversarium. Ut enim ille recte observat: novi illius caltri *Habesburch* possessor & Dominus RUDOLPHUS *Taciturnus*, lineæ *Lauffenburgo-Habsburgicæ* sator, extitit: id quod & ipse Adversarius quoque agnoscit, qui dictum Instrumentum, ut ad hunc RUDOLPHUM spectans, adduxit. Primam hanc fuisse Gentis *Habsburgicæ* in duas familias divisionem, apud omnes similiter constat. Nova familia, nova sedes! Familiam ergo novam cum condiderit RUDOLPHUS *Taciturnus*, quid verosimilius, quam illum novæ quoque sedis, atque adeo novæ HABSBURGÆ conditorem fuisse, a quo nova Habsburgica linea incepit? Antecessores enim unicam lineam constituentes, cur id fecissent? cur castra multiplicassent gentilitia, non multiplicata Gente?

Id quod
amplius
armatur.

2

VII. Consonat huic coniecturæ, firmæ profecto & validæ, ratio temporum. Obiit enim pater ADELBERTI IV. & RUDOLPHI anno 1232. (a), post cuius mortem iidem hereditatem inter se diviserunt, testante Instrumento, apud P. HERRGOTTUM tom. II. num. CCCXI. reperiundo, ubi RUDOLPHO *Aragoviam* (quid ni & collem *Ramestu*, ibidem situm?) cessisse intelligimus. Quare intra tempus, quod ab anno 1232. quo divisio Habsburgicorum bonorum, ut diximus, facta est, ad an. 1244. effluxit, dictum castrum cum facile ædificavit, tum suam & fratris successionem attendens RUDOLPHUS, ædificandi causam habuit talem, qualis apud antecessores nunquam obverfabatur; ut inter quos inde a RADEBOTONE usque, una semper familia, atque unicus semper extitit, qui genus propagavit. Videat nunc amicus Lector, quis in divinatione sua perspicacior fuerit, Adversarius, an HERRGOTTUS? Divinatione, inquam; cum P. HERRGOTTUS, cuius textum paullo superius recitavimus, verbo *divinare* expresse utatur: cum contra Adversarius scribere non sit veritus: „Quem vero castrum illud Habsburgicum, cum, quod respectu veteris, seu primi, a WERNHARIO episcopo Argentinenſi in Argovia olim fundati, novum dicebatur, conditorem habuerit, scriptorum hætenus defini-

pag. 304.

vit

(a) Gen. Dipl. lib. II. cap. II, §, VII.

„ *vit* nullus, præter P. HERRGOTTUM. „ Estne *divinare* idem, ac *definire*? sed & si definiisset, quis non, excepto Adversario, illum solidis nixum fuisse fundamentis, agnovisset?

VIII. Concludit Adversarius *Vindicias* suas hunc in modum: „ Quo ergo ex fonte uterque (Abbatem Tschudium puta & P. HERRGOTTUM) notitias suas Genealogicas derivavit, ex hæcenus dictis neminem latere, id autem præcipue inde perspectum haberi putamus. 1. Abbatem Tschudium ex solis documentis Murensibus Genealogiam Habsburgicam solide texuisse, & 2. monstrasse inde, etiam sepositis extraneis Instrumentis, a RUDOLPHO Imp. ad GUNTRAMNUM *Divitem*, omnia expedita fieri; hinc 3. non plus fidei, quam par erat, suo scriptori tribuisse; maxime quod 4. ad hunc Genealogus Diplomaticus pari fide recurrens, auctoritatem Actorum Murensium æque magnam ac necessariam, atque adeo inconsulto prius impugnatam, agnoscere cogatur. „

Conclusio
Adversarii
pag. 319.

IX. Ego vero ex *hæcenus dictis* totidem contraria consequi, haud difficulter ostendero. Nam quod ad primum attinet: putabat quidem Reverendissimus Tschudius, se copiis duntaxat suis rem gerere, at exercitu non nihil diligentius lustrato, manifeste apparuit, robur eius ex terra conductum fuisse aliena, *silva nimirum nigra* (a): Acta intelligo Murensia, quæ Adversarius alibi *documentum principale* appellare non dubitat, quorumque auctorem, ut defenderet idem, suas conscripsit *Vindicias*, at de quibus dici iam queat:

a

Sic vos non vobis mellificatis apes.

Verum neque etiam hoc in magno discrimine ponam. Sive enim ex *domesticis*, sive *alienis* documentis veritatem haurias, manum non verterim; dummodo (quod quidem Abbatem Tschudium fecisse prætenditur) bene & solide fiat. At hoc opus, hic labor est. Quomodo enim *solide* ex Genealogo *mendoso*, immo & *mendosissimo*? (b) Hincque etiam

b

S s 3

tiam

(a) Vid. caput libri superioris XII.

(b) Reper. dicta lib. I. cap. I. & III. nec non a cap. XIV. ad finem.

tiam per se ruit membrum conclusionis adversæ secundum & tertium. Quo enim pacto omnia expedita fierent, ubi auctor ipse impeditissimus est? Et qua ratione non ei *plus fidei*, quam par erat, tributum fuit a TSCHUDIO? quando Genealogus ipse fidem variis modis prostituit suam? Aut quo demum fundamento adstruere quis ausit, HERRGOTTUM æque ac TSCHUDIUM, *pari fide* recurrisse ad Actuarium? quando nec affirmanti, nec eidem neganti fides unquam data est ab eo, nisi diplomatibus suffragium ferentibus (a).

Suffecta
in eius lo-
cum alia.

X. Hæc igitur cum ita se habeant, quid superest? quam ut perorationi huic, nulla ex parte consistenti, substituamus alteram, eamque haud paullo veriore, statuamusque, quod hactenus diffuse demonstratum est: Actuarium Murensem, quatenus *mendoso* inprimis Genealogo iunctum, ob prostitutam non semel fidem, ad condendam, maxime vero stabiendam Genealogiam Habsburgicam, haud sufficere: esse contra ingentis pretii & usus, fide illa, ope diplomatum, restituta. Quare tantum abest, ut eum P. HERRGOTTUS *inconsulto oppugnaverit*, ut potius, dicendo, quod res est, viris cordatis insignem probaverit animi candorem: tum vero tot egregia producendo diplomata & chartas, testes omni exceptione maiores, cum genealogiam Principum Habsburgicorum, tum opus suum, ringentibus licet æmulis, consecraverit ad aternitatem.

Ratio ap-
pendicis
subsequen-
tis.

pag. 320.

XI. Ohe! conclusimus, nec tamen ad finem pertingimus. Adversarius etenim quanquam & ipse operi suo ultimam apposuisse manum iam videretur, tabulam subiungit Genealogicam, a nobis hic supra pag. 242. etiam productam, hoc ei præponens rubrum: *TABELLA GENEALOGICA ABBATIS TSCHUDII ET P. HERRGOTTI, Maiores Augustæ Domus Habsburgo-Austriacæ a GUNTRAMNO Divite, usque ad RUDOLPHUM I. Reg. Rom. lineæ rectæ continua serie deductos, exhibens, conformis utrinque Actis & documentis monasterii Murenensis*. Nemo non videt, quo hæc comparatio tendat; ut igitur discrimen inter TSCHUDIUM & HERRGOTTI labores aliquo

(a) Revolv. dicta cit. lib. I. cap. XX. num. III. & toto hoc lib. II.

aliquo modo pateat, tabulas eiusdem Gentis Genealogicas Lectoris benevoli oculis hic subiiciam, ex libris eiusdem II. III. IV. & V. concinnatas, adiunctis ubique probationibus, compendio redditis. Quo quidem consilio apud eos præterea gratiam initurum me spero, quibus voluminosum P. HERRGOTTI opus percurrendi aut otium deest, aut occasio. Ceterum, ut operarum compendium faciam, *Genealogiam Diplomaticam* litteris G. & D. citabo, *Anonymum Denudatum* (nam & hunc adducere iuvabit; utpote, in quem multa ex eadem Genealogia translata fuerunt, nonnulla etiam enucleatius ostensa) litteris A. & D. ac denique *Actuarium* signis C. S. B. id est *CONRADUS San-Blasianus*. Hoc enim capite libri I. duodecimo abunde ostensum fuisse, sperare me per litteras iubet (a) magnus ille Lotharingæ Polyhistor, nostrique Ordinis decus eximium, Reverendissimus *Remigius CEILLIERIUS*, Prælatus *Flaviniacensis*, cui priores opellæ meæ plagulas, vix ubi prelum reliquerant, ut Patrono & MOECENATI summo, speciminis loco & ut, si res integra foret, de eodem in præstantissimo atque utilissimo eius opere mentio fieret, miseram. Cum denique hæc genealogica series a Cl. SCHOEFFLINO in eximio opere, *Alsatia Illustrata* inscripto, non uno loco confirmata, atque non parum illustrata fuerit: visum est, & ea quoque hic uti, atque per litteras A. I. indigitare.

- (a) En tibi epistolam: „Ad umbilicum pene iam erat vigesimus secundus Bibliothecæ meæ tomus, atque ad an. 1154. perductus, cum tuas accepi litteras, primumque Anonymi Murenfis denudati librum. Ne in mora tibi essem, statim duodecimum eiusdem libri caput perlegi, CONRADUMQUE *San-Blasianum*, Murensum authorem esse Actorum, nitidis, solidisque argumentis a te probari, facillime comperi. Lubenti itaque animo CONRADI causam in præfato volumine pertractabo, ubi primum Acta Murenfis, tua benignitate ad me pervenerint. De iis namque facienda mihi erit mentio, atque exinde erunt eruenda, quæ ad res ecclesiasticas, propositumque meum, pertinebunt. „



APPENDIX I.

Stemma Habsburgicum exhibens, adiectis brevibus ubique probationibus.

TABULA PRIMA.

Schema Genealogicum sistens, ab ETHICONE, Duce Alfatiae, usque ad MAXIMILIANUM I. Imp.

Apex

ETICHO. Dux Alfatiae (alii Ducem Alemanniae constituerunt A. D. p. 263. not. b.) nat. circa an. DCXXVI. A. I. p. 755. §. XXXI. †. circa an. DCXC. ibid. p. 756. §. XXXV. Uxor BEREHSINDA, matertera S. LEODEGARII ep. † nono post maritum die. Ibid. p. 761. §. XLIV.

Vita S. ODILIAE apud MABILLONIUM: *Temporibus HILDRICI Imperatoris (Regis) erat quidam Dux illustris, nomine ADALRICUS, qui etiam alio nomine EDICHIN dicebatur... huius ergo thalamis venerabilis coniux adbarebat, ex nobilissimis progenitoribus orta, nomine BERESHINDA... adfinitate S. LEODEGARII redimita, soror beatissimae SIGRANDÆ, matris ipsius sanctissimi LEODEGARII.* G. D. p. 196.

Progenies
prima

1. ETICHO II. Dux, Sator *Eberhardigenarum*, cuius posteritas in A. I. quaerenda. Eiusdem tabula genealogica, ad mentem aliorum confecta, reperitur G. D. p. 197.

2. ADELBERTUS Dux Alfatiae. Hunc ETICHONI, seu ADALRICO, secundo loco genitum putarunt hactenus Eruditi, emendati in A. I. p. 766. §. LIV. Res in medio relinquitur G. D. lib. II. p. 196. §. IV. † inter an. DCCXX, & DCCXXIII, ibid. p. 768. §. LVIII. Uxores: GERLINDIS & BATILDIS seu BACHILDIS, teste biographo S. ATTALÆ, apud MABILLONIUM vet. Analect. tom. III. p. 234.

3. ANO-

3. ANONYMUS, a patre occisus. Vit. S. ODILIE apud MAILLON. in Actis SS. O. S. BENED. item apud PISTORIUM & VIGNIERIUM.
4. S. ODILIA, Abbatissa Hohenburgensis † circa annum 720. Ead. vit.
5. HUGO I. Comes, obiit ante patrem, fater Hugonidarum, de quibus plura scire volenti, A. I. adeat, suademus.

PISTORIANUS vitæ S. ODILIE scriptor cœvus: *Venerunt ad exequias parentum ETHICO Dux & ADELBERTUS Dux pariter, ETHICONIS & BERUSWINDÆ gloriosissima progenies. Et paullo post: Præfatos Duces ita Domino subiugavit (ODILIA) ut non tantum illi bona sua fundandis monasteriis impenderent, sed illius nepotes, tam ETHICONIS, cuius filii fuerunt, episcopus Argent. aquirvocus, & ALBERICUS Comes, quam ADALBERTI liberi, EBERHARDUS scilicet & LUITFRIDUS, sed etiam HUGONIS, qui ante parentes suos defunctus erat, largiter monasteria dotaverint & construxerint.* Diploma apud LAZIUM de migrat. gent. lib. VIII. sic inferibitur: ATTICO Duci, & ADALBERTO Comiti, ceterisque fisci exactoribus. G. D. I. c. A. I. p. 762. Ex ADELBERTO nati sunt:

1. LUITFRIDUS II. Dux Alsatiae an. 720. † circa 750. Hoc Progenies
nomine II. ab ECCARDO, HERRGOTTO & aliis, ex suppo-
sitione, quod LEUDEFRIDUS quidam, Dux Alemannie, ETHICO-
NEM in linea recta præcesserit, dictus: Primum contra hoc no-
mine appellat Cl. SCHOEFFLINUS, systema aut *Leudejanum*,
aut *Leutherianum*, quæ Eruditis tantum hæcenus negoti-
um fecerunt, haud acceptans, quod & quoad subsequen-
tes *Luitfridigenas* notandum. *
2. EBERHARDUS Comes, fundator Abbatie Murbacensis.
† circa 747. Ux. EMELTRUDIS. His filius erat N. ante pa-
trem defunctus.

T t

3. Eu-

* Eadem mens P. HERRGOTTO quoque fuit. Nam etsi, in numerando, VIGNIERIUM & ECCARDUM secutus fuerit, alibi tamen pag. nempe 185. S. I. opportune monet, quod, cum in ETHICONE lineam rectam clausurus sit, LUITFRIDUS VI. secundum suum ipsius calculum, ordine *Quintus* censendus sit. Porro hoc quoque notandum: si LUITFRIDUS III. & IV., ut statim monebimus, in unum contrahendi sunt, LUITFRIDUS hic VI. revera IV. nominandus erit.

3. EUGENIA, Abbatissa Hohenburg. an. 723.
4. ATTALA, Abbatissa S. STEPHANI Argent. circa 718.
5. Post hanc in A. I. collocatur MASO, fundator MASONIS monasterii.
6. GUNDELINDIS, Abbatissa Inf. monasterii Hohenaug.
7. LUITGARDIS & SAVINA ex 2. matrimonio.

Probationes desumuntur ex chartis & traditionibus Hohenaugiensibus apud Cl. MABILLONIUM Annal. Benedict. tom. II. p. 695. & apud ECCARDUM in Probat. num. VI. col. 100. seq. ubi inter alia: *Canobio, quod dicitur Hohenaugia, in honore S. MICHAELIS super fluvium Rhenum constructo, LUITFRIDUS & EBERHARDUS donant, quantumcunque genitor illorum, ADALBERTUS Dux, ipsis moriens dereliquerat. Data est charta in monasterio, quod dicitur Hohenaug, III. Id. Decembr. an. III. THEODORICI Regis, h. e. anno Christi 722. Signum LUITFRIDI Ducis, qui consensit. S. EBERHARDUS &c. Eidem Instrumento subscribit EUGENIA, soror eorum: S. Ego EUGENIA, ac si indigna Abbatissa, que consensit.*

Diploma LUDOVICI Pii Imp. an. dcccxxiii. apud LAGUILLE Histoire d'Alsace Probat. pag. 15. *Præcipimus, ut Abbatiam, in parte Vogasi a quondam Principe Viro nobili MASONE, unde etiam nomen traxit, quod vocatur vallis MASONIS, fratre videlicet Ducis LUITFRIDI, & EBERHARDI, qui MORBACH construxit. Huic filium fuisse, qui in Ohruma, seu Tolra fluvio, interiit, testatur Topologus Novientensis. THEODORICUS IV. in diplomate anni dcccxxvii. regni sui VII. Abbatæ Murbacensi dato, monasterium in loco, qui dicitur *Wivarius peregrinorum*, nostris temporibus in alodo fidele nostro EBERHARDO Comite, constitutum fuisse tradit. Præterea ipse EBERHARDUS in charta dotationis, data anno THEODORICI IV. octavo, sic loquitur: *Ego EBERHARDUS filius ADALBERTI, quondam Ducis, ante hos annos cum Germano meo LEUDGERUDDO Duce, & coniuge mea, EMELTRUDE, in re mea propria, in loco, qui dicitur Maurobaccus . . . a novo meo opere . . . monasterium edificavi . . . Nunc autem Salvator . . . me in corpore visitare dignatus est, & fallax, temporaleque lumen sub-**

subtraxit . . . eciam sua providentia . . . ex proprio corpore legitimum heredem, qui mihi successor existeret, similiter subtraxit &c. A. I. p. 777. Reliquorum stemma deducitur ex Biologo vitæ S. ATTALÆ apud MABILLON. Veter. Analect. tom. III. p. 234. & apud ECCARD. Orig. Habsb. col. 97. &c. De ATTALA quoque in Diplomate LOTHARII G. D. tom. II. num. L. dicitur: ADALBERTUS *fundato a se monasterio* (S. STEPHANI Argent.) ATTALAM *sanctissimam Virginem præsideri ordinasse.* G. D. I. c. pag. 195. A. I. p. 768. §. XL. seqq. p. 777. §. LXXV. LUITFRIDO II. hi adscribuntur liberi:

1. THIETBALDUS, THEODEBALDUS, seu THEOBALDUS, Dux Progenies
III.
Alemannie.
2. LUITFRIDUS III. Comes † circa 800.

THEODEBALDUM ad *Luitfridigenas* spectare, negatur in A. I. ECCARDUS LANTFRIDUM, Alemannie Ducem, cum LUITFRIDO, Alsatia Duce, confudit, atque adeo & THEOBALDUM immiscuit. vid. A. I. p. 769. seq. Hunc ipsum stemmati *Ethiconeo* inseruit P. H. at fide laudati ECCARDI. LUITFRIDUM contra III. ex ADELBERTO prognatum, probatur I. ex nomine LUITFRIDI, inter posteros eiusdem valde frequenti. II. Ex bonis, quæ LUITFRIDUS iste, eiusque liberi, in Alsatia possedere. III. Huius LUITFRIDI neptis ERMENGARDIS a THEGANO cap. XXVIII. *de stirpe Ducis* EDITH, seu, ut alibi observavi, EDIC scribitur, ipseque LOTHARIUS Imp. in diplomate pro Abbatia S. STEPHANI Argentinenfis de anno DCCCXIV. (a) ADELBERTUM *Ducem parentele* (coniugis) *sue* a
progenitorem vocat; unde consequitur, LUITFRIDUM hunc III., cuius neptis fuit ERMENGARDIS ista, ab ETHICONE per ADELBERTUM, eius filium, descendisse. A. I. p. 778. G. D. tom. I. p. 192. Sequitur ex LUITFRIDO III.

LUITFRIDUS IV. Comes.

Diploma LOTHARII Regis apud VIGNIERIUM inter prob.
p. 77. dat. Id. Octobris, anno, *Christo propitio, regni Do-*
Progenies
IV.
T t 2
mini

(a) Apud LAEUVILLE Hist. Alf. inter probat. p. 4. G. D. tom. II. n. L. &c.

mini LOTHARII Regis IV. Indictione VII. (id est anno 859.) Actum Strasburg, palatio Regio in Dei nomine, in quo regia auctoritate confirmatur: Quidquid a LUTARDO Comite & HUGONE fratre concessum est ecclesie, quæ dicitur Belmont, ex bonis, quæ habebant tam in mansis, quam in hominibus dicto loco, & quæ iure hereditario ad eos, per obitum LUITFRIDI Comitis, EORUM PARENTIS, pervenisse dignoscuntur. G. D. p. 188. In A. I. p. 778. §. LXXXVIII. LUITFRIDUS III. & IV. in unum coalescunt. Uxorem eius HILTRUDEM prodit CHESNIUS apud laud. VIGNIERIUM p. 78. Eorum liberi sunt:

- Progenies
V. 1. LEUTARDUS Comes † circa 830. Ux. GRIMILDIS.
2. HUGO Comes † 837. testibus Annalibus Bertinianis & Fuldensibus. Ux. BAVA.
3. RUADRUT, Abbatissa S. STEPHANI Argentorati 845. ad 871.

Pro LEUTARDO & HUGONE facit mox laudatum LOTHARII diploma. GRIMILDEM prodit charta foundationis Pultariensis ac Vizeliacensis monasteriorum circa an. DCCCLX. a filio eorum GERHARDO factæ, qui dignam honorificentiam genitoribus atque parentibus, id est, LEUTARDI & GRIMILDIS, se rependere ait. In Hugonis Pictaviani Historia Vizeliacensis abbatie apud DACHERIUM Spicileg. tom. III. p. 446. Novæ edit. tom. II. p. 498. ex A. I. p. 779. G. D. c. XVI.

BAVAM eadem charta prodit; pergit enim: atque gratissimorum HUGONIS & BAVÆ, amabilibusque filiis & filiabus ipsorum, sive, qui iam dormierunt in Domino, sive qui adhuc vivunt, consanguinitate, affinitate & propinquitate etiam nobis iunctis, id est LEUFREDI & ADALARDI Comitum præclarissimorum, ut pro eis intercessio & assidua deprecatio fieret & peccatorum eorum acquireretur propitiatio. „ Verba „ hæc: affinitate iuncti, aut improprie posita (ait Cl. SCHOE- „ PFLINUS) aut sane probant, GERHARDUS de Rossilione, PI- „ PINI Aquitanici Regis generum (qui alias LEUTARDI filius „ constituitur. vid. A. I. p. 779.) fuisse. „ A. I. p. 780. §. LXXXI. & not. (x) G. D. p. 187. n. IV. Huic GERARDO, cuius historiam CHESNIUS in Hist. Burgund. lib. II. c. LIII. fufe

fuse prosequitur, uxor BERTHA tribuitur in Chronico *Vizeliacensi* apud LABB. *Biblioth. noviss. Msc. tom. I. p. 394.* Ambos an. DCCCLXIV. superstites fuisse, legitur in *Annal. Berthinianis.* Epitaphium eorum in Abbatia *Vizeliacensi*, nec non EVÆ & THEODORICI liberorum, legisse se, testatur VIGNERIUS probat. p. 91. A. I. p. 779. §. LXXIX.

RUADRUT Abbatissa monasterii S. STEPHANI Argentinensis, ab an. DCCCXLV. ad DCCCLXXI. Imperatori LOTHARIO in diplomate, mox citando, cognata audit (a), quia uxoris suæ amita erat. Ibid. §. LXXVIII. Circa hæc tempora vixisse creduntur :

OTPERTUS, eiusque nepos RAMPERTUS, in linea duntaxat collateraliter collocandi. A. D. p. 262. Charta *Trutpertina*, de qua ibid p. 259. seqq. *Quidquid per kartam traditionis donatum fuit ab antecessoribus meis, OTPERTO videlicet, qui inductor fuit pretiosissimi prædicti Martyris (TRUTPERTI) & RAMPERTO, cæterisque fidelibus &c.* In Actis quoque *Trutpertinis*, ex codice San-Gallensi, perhibetur: RAMPERTUM nomine ac nepotem OTPERTI, *Divina admonitione compunctum,*

T t 3

- (a) Quæ hic ceteris RUADRUT, seu RUODRUT, MABILLONTO autem RUOTBADA audit, BASILLAM vocandam esse pag. 779. not. (w) monet laudat. Cl. SCHOEFFLINUS, causam allegans, quod in paullo ante citato diplomate LOTHARII an. DCCCXLV. nomen eius a falsario corruptum fuerit, ut in quo *vestigia deleta vocis BASILLA non effugiant aciem lectoris sagacis.* At ego suspicor, esse unum idemque nomen; adeoque excusandum, qui alterum alteri substituit. Argumentum desumo ex voce antiqua TRUTHIN, DROTTIN, DRUTHIN, Dominum denotante. Docet id Cl. WACHTERUS ex Glossario KERONIS. Sic in hymno antiquo *Francisco* apud *Io. Georg. ab ECKHARD, Franc. Orient. tom. II. p. 948.* hunc versum lego: *Dicamus laudes Domino, CHUUBDEM LOP TRUTHINE:* Quod si ergo *druthin* Dominum: RUADRUT facile dominam aut reginam, quod cum Græco vocabulo BASILLA coincidit, significat. Adsimile exemplum protulit idem ECKHARDUS, seu ECCARDUS, Orig. Habsb. col. 24. de supra laudatâ EUGENIA, Abbatissa Hohenburg. „EUGENIA nomen Græcum, inquit, cum „*nobilis generis* foeminam indicet, & infuetum tunc fuerit, liberis „Græca nomina indere, hinc crediderim, revera eam ADELHEIDEM „dictam fuisse. Nam *adel* est *nobilis* & *heid* veteribus *genus* denotat; „ut adeo propriissime per EUGENIA nomen a Scriptoribus mona- „chis exprimi potuerit. „ Ex his exemplis alterum alteri lucem foeneratur.

punctam, diruta construere, inculta colere, destructa restaurare, atque in diversa discerpta coadunare, pleno capisse conamine. Ibidem, non nullis interiectis, tempus & ordo translationis S. TRUTPERTI sequentibus verbis refertur: *Sacratissimum Christi Martyris corpusculum, devotissimo conveniente Clero, iterum prolatum e tumulo, iterumque ab episcopo praefato, quam etiam a RAMPERTO, ceterisque quam plurimis, visum . . . in latiore parte nuper constructae ecclesiae, dignissima Christi percelebrata laude, depositio piissimi Martyris, anno secundo LUDOVICO regnante (id est an. 835.) iv. Kal. Maias est peracta. G. D. c. XII. & XIII.*

Sequitur ex HUGONE I. alias, sicubi inter cetera *Eberhardigenarum* quoque ratio habetur, III.

- Progenies** 1. LUITFRIDUS V. (in A. I. III.) Comes. † 864.
VI. 2. ADALARDUS Comes. † circa an. 876.
 3. HUGO † puer.
 4. ERMENGARDIS, uxor LOTHAR. I. Imp.

Rationes huius progeniei sequentes redduntur: I. quod hi bini: LUITFRIDUS nempe V. & IV. hoc nomine, synonymi fuerint, & contemporanei; II. quod easdem incoluerint regiones, eisdemque possessionibus & latifundiis gavisi sint. Sed & diplomata lustrantur: LOTHARIUS in diplomate (a) dato XIV. Kal. April. anno regni sui XI. Indictione XIV. in Arlegia palatio regio (id est an. 866.) HUGONIS II. parentem LUITFRIDUM nominat. HUGO, inquit, *Comes Illustris, avunculi nostri LUITFRIDI filius*. Quoniam igitur ex saepe laudato privilegio Trutpertino (ubi liquidem LUITFRIDUS de monasterio S. TRUTPERTI dicit: *quod ego a fratre meo HUGONE in partem hereditariam possedi*) constat, LUITFRIDUM VI. iltius HUGONIS fratrem fuisse: cumque ex diplomate CAROLI Crassi (b) de anno 884. nec non ex diplomate CONRADI Imp. an. 977. G. D. tom. II. n. CXXXII. exploratum sit, LUITFRIDO VI. eiusque filiis, advocatiam monasterii *Granolis Vallis* obvenisse

(a) Extat ap. DACHER Spicilleg. tom. VII. p. 186.

(b) Apud ECCARD. in probat. cap. XVI. num. 2. col. 139.

nisse post mortem fratris HUGONIS II. filii LUITFRIDI V. quam ipse, testante id diplomate LOTHARII, an. 866. tenuerat: sequitur, ut hic noster ex LUITFRIDO V. natus fuerit; cum aliunde certum sit, Advocatias non ad alios, quam descendentes ex linea recta transiisse. In alio diplomate, dato an. 850. loc. cit. num. LII. LUITFRIDUS noster *Illustis Comes*, *Dominusque monasterii Grand-Vallenses* a LOTHARIO Imp. affine suo vocatur, simulque confirmationem omnium iurium impetrat. De eo mentionem quoque faciunt Annales *Bertiniani* ad an. 862. G. D. p. 186. A. I. p. 781. §. LXXXIII.

ADALARDUM charta *Pultariensis & Vizeliacensis*, quam pro LEUTARDO & HUGONE, nec non pro BAVA, eius uxore, laudavimus, indicat, eiusdemque mentionem faciunt Annales *Bertiniani* ad an. 873. & 76.

HUGO puer ex diplomate LOTHARII Imp. an. DCCCXXXV. dato (a), innotescit, quo curtem *Limutam* Ecclesiæ S. AMBROSII donavit; *instinctu*, inquit, *dilectæ coniugis nostræ HIRMINGARDIS, occasione actuata ex dilectione FRATRIS SUI, puerili elegantia delati, HUGONIS nomine; pro remedio eiusdem pueri . . . ut eiusdem Ecclesiæ gubernantes attentius prædicti pueri exorent veniam.*

ERMENGARDEM, seu HIRMINGARDEM *de stirpe Ducis* EDIC fuisse, testatur, ut iam diximus, THEGANUS. Cum ergo eandem LOTHARIUS Imp., in diplomate mox citato, vocet *coniugem suam*, ac in alio diplomate, paullo superius laudato, LEUTFRIDUM V. Comitem Alfatie, HUGONIS & BAVÆ filium, *avunculum suum* nuncupet; gradus iste & genus in aprico est. Add. & aliud diploma, supra pro LUITFRIDO III. laudatum, ubi idem LOTHARIUS ADELBERTUM Ducem *parentela*, id est, coniugis suæ, *progenitorem*, & BASILLAM Abbatisam *cognatam suam* nuncupat. G. D. I. c. A. I. p. 780. Hisce ibidem ADELHAYDIS quoque additur, nupta primum CONRADO *Antissiodorensi* Comiti. 2. ROBERTO *For-*
ti,

(a) Ap. UGHELL. *Ital. Sacra* tom. IV. p. 80. edit. II.

ti, *Andegavensium* Duci, *Capetingorum* fatori. LUITFRIDO V. ortum debet:

Progen.
VII.

1. HUGO II. alias IV. Comes. 866. † circa 880. improlis.
2. LUITFRIDUS VI. Comes. 884. Advocatus *Trutpertinus* 903. † circa 911.

Confirmationem privilegiorum monasterii *Grand-Valle-*
sis HUGO iste obtinet anno DCCCLXVI. uti discimus ex diploma-
tate LOTHARII *consobrini sui*, supra laudato, ubi inter
cetera sic loquitur: *Quia HUGO Comes illustris, avunculi nostri* LUITFRIDI *filius, deprecatus esset mansuetudinem nostram* &c.
De illo etiam mentio habetur in *Annal. Bertinianis* ad an.
869. & Continuatore AIMOINI ad an. DCCCLXVIII. Eidem
tam in *Grand-Vallesi*, quam *Trutpertina* Advocatia succes-
sit frater, LUITFRIDUS VI. aliis IV. hoc nomine. Prius
patet ex diplomate CAROLI *Craffi* Imp. an. DCCCLXXXIV.
(a), qui rogatu *Lutfredi Comitis preceptum* (LOTHARII Imp.)
sua auctoritate confirmavit. Secundum manifestum fit ex
sæpe laudato *privilegio Trutpertino*, cuius contextum dedi-
mus in A. D. p. 253. G. D. cap. X. A. I. p. 782. HUGO-
NEM improlem obiisse, evincitur ex laudata charta *Trut-*
pertina, ut in qua LUITFRIDUS fatetur, se Abbatiam S. TRUT-
PERTI a fratre suo HUGONE in partem hereditariam posside-
re. Improlis ergo decessit. At ex LUITFRIDO nati sunt:

Progen.
VIII.

1. HUNFRIDUS Comes in Nortgovia. 903.
2. LUITFRIDUS VII. Comes in Sungovia. 912. 925.
3. HUGO III. alias V. Comes in Egisheim 903.

In eadem charta *Trutpertina* LUITFRIDUS VI *Hæc ego*
donavi, inquit, de parte mea. Sed & filii mei præfati . . .
ad ipsum locum dederunt; HUNFRIDUS videlicet, qui maior
est in illis natu, in NORGAWUE unam curtim, que dicitur
Kunigishova, LUITFRIDUS in SUGAWA in Schowinsheim,
HUGO in EGINSHEIM. G. D. cap. X. & XI.

Stirpem ab his propagatam fuisse, contra ECCARDUM
ostendit P. HERRGOTTUS, id quod ex charta *Grand-Vallesi*
apud

(a) Ap. DACHERIUM *spicileg.* tom. III. p. 365. Laudavimus illud quoque
paullo supra ex ECCARDO.

apud eundem tom. II. p. 77. & DACHERIUM Spicil. tom. III. p. 375. de an. DCCCLVII. aut potius LXVII. ut Cl. SCHÖEPELINUS p. 782. lit. marg. (b) observat, dato; ubi legitur: *posteritatem LUITFRIDI VII. crescendo multiplicatam fuisse*. Is genuit, LUITFRIDUM VIII. de quo mentio fit in diplomate OTTONIS III. dato Paterniacensibus apud eund. tom. II. n. 142. itemque an. DCCCCXCVII. & DCCCCXCIX. in A. I. p. 783. EX HUNFRIDO autem descendit

GUNTRAMNUS, cognomento *Dives*. G. D. I. c. cap. Progenies IX. A. D. p. 179. 263. ad 280. † post an. 973. Ibid. p. 279. IX.
Eiusdem filius erat

LANCELINUS, KANZELINUS, seu LANTHOLDUS. C. S. B. Progenies p. 5. *Rogaverunt KANZELINUM Comitem de Altenburg* (a) X.
filium GUNTRAMNI Divitis. A. D. lib. II. cap. V. † circa 990. Ibid. p. 292. Ux. eidem LUIDGARDEM, EBER- a
U u HARDI

- (a) Quomodo hoc accipiendum, disquiritur hic lib. I. cap. XXV. p. 211. nec non, occasione oblata, p. 280. Hic porro coniecturam, velut per lancem saturam, subnectere liceat, qua nominis *Altenburgi Comitum* originem verosimiliorem aliquo modo colligi posse, confido. Puto nimirum, nomen Comitum de *Altenburg*, de quo in CONRADO nostro legitur, non ab illo *Altenburga Argovia*, in quo Comitem quandam aliquando ius dixisse nullo idoneo argumento demonstrari posse, alias diximus; sed ab *Altenburga Cleggovia*, pago *Turgovia* contiguo, ac non longe a monasterio *Rhinoviensi*, cuius iurisdictioni locus hodieque subiectus est, sito, derivandum esse. Hoc ut coniciam, in causa sunt, non tam veteris arcis ruinx, quam quod revera olim Comites *Cleggovia* ibi ius dicere consueverint. Eius rei vestigium habemus in subscriptione Instrumenti cuiusdam an. 892. apud laudatum iam semel R. P. MUOSIUM pag. 22. ubi legimus: *Altim in pago Clegova, in villa ALTENBURG, CORAM GOZBERTO Comite, anno V. Regis ARNULFI*. Munus igitur Comitum GOZBERTUS *Altenburgi*, quamvis forte iam tum Abbas *Rhinoviensis* esset, exercuit, ut patet ex alia charta, eodem anno condita, apud eundem loc. cit. Ego itaque GOZPRECHT *trado hereditatem meam pro remedio anime mee & parentum meorum, ad monasterium, quod Rinova nominatur*. . . ubi ego ipse, licet indignus Abbas, gregi Dei praeesse videor &c. &c. Anno Dominica incarnationis DCCCXCII. Regis Arnolfi V. Etsi porro LANTHOLDUS, seu LANCELINUS in *Turgovia, Cleggovia* vicina, potius, quam in ipsa *Cleggovia Comitum* exercuisse dicatur, facile tamen utrumque Comitatum, aut unum post alterum obtinuit; cui rei argumentum præbet, quod filius eius RADEROTO in eodem pago *Cleggovia* Comes fuisse scribatur.

HARDI cuiusdam filiam, attribuunt. Ex eo prognati sunt :

- Progenies
 XI. 1. RADEBOTO, Comes in pago *Cleggovia* 1023. † 1027. aut paullo serius. A. D. p. 298. Ux. ITA Lotharingica, ut traditur, † 1026. aut paullo serius. Ibid.
 2. WERNHERUS I. episc. Argentin. † 1029. A. D. p. 230.
 3. RUDOLPHUS Comes 1010. Ux. GERTRUDIS de *Froburg*.
 4. LANCELINUS. † 1027. 28. Octob. Ux. secundum VIGNIERIUM, ANNA.

Præceptum HENRICI II., in gratiani monasterii Rhinaviensis an. 1023. datum, præfert : prædium *Wizzenburc* situm esse in pago *Chleugeuve*, in Comitatu vero RADEBOTONIS Comititis. C. S. B. p. 6. Et venerunt huc usque ad locum, qui dicitur *Marbach*, ibidemque iussu RADEBOTONIS, filii ipsius KANZELINI . . . repulsi redierunt. Idem de eo passim. Add. chronicon Novientense, G. D. l. c. cap. VIII. A. D. lib. II. c. VI. C. S. B. p. 8. porro ait : Idem vero RADEBOTO, cum sibi congruum visum est, ut uxorem duceret, accepit de partibus Lotharingorum uxorem nomine ITAM. G. D. p. 145. A. D. p. 202. seqq. add. p. 21. seq.

Testamentum, seu litteræ foundationis WERNHERI G. D. tom. II. p. 107. Ego WERNHERUS *Strasburgensis episcopus*, & castri, quod dicitur *HABESBUR*, fundator, monasterium in patrimonio meo, in loco, qui *Mure* dicitur, in pago ARGOIA, in Comitatu RORE . . . construxi C. S. B. „ Inquisivit ergo „ (ITA) consilium a FRATRE suo (id est, leviro) WERNHARIO „ episcopo &c. „ Vid. A. D. cit. pag. 202. seqq.

RUDOLPHI memoriam nobis reliquit C. S. B. p. 8. *Fratre autem eius (RADEBOTONIS) RUDOLPHO, qui cellam Othmarsheim construxit, dicente, ut dividerent locum . . . nihil obtineri potuit.* Subscribitur quoque in Instrumento an. 1010. G. D. tom. II. p. 103. GERTRUDEM coniugem, ADALBERONIS *Froburgensis* filiam, ei tribuit VIGNIERIUS p. 22, G. D. p. 146. num. IV.

In dicto WERNHARII testamento frater quoque eius LANCELINUS proditur; pergit enim episcopus: *cui pradia, quæ hæreditario iure mihi contigerant, per manum FRATRIS MEI LANCELINI, qui, utpote militiæ cingulo praditus, defensor patrimonii mei extiterat . . . contradidi.* Verba hæc: *defensor patrimonii mei extiterat*, indicare videntur, eum ante annum 1027. quo testamentum illud conditum fuit, vita functum, atque adeo Necrologium Murense, quod annum 1027. assignat, etiam hoc loco non nihil creperæ esse fidei. RADEBOTONI adscribendi sunt:

1. OTTO I. Comes in pago *Suntgovia*. † XXVIII. Iunii 1046. Progenies
secundum Necrologium Murense, G. D. tom. II. n. XII.
CMXLIX.
2. ALBERTUS seu ADELBERTUS I. Comes. † secundum VIGNIERUM a. 1056. at secundum Necrolog. Mur. XII. Iul.
1046.
3. WERNHARIUS vel WERNHERUS II. Comes. † II. Nov.
a. 1096. UX. REGULINDA.
4. RICHENZA, UDALRICO, Lenzburgi Comiti, nupta. †
1080. XXVII. Maii, ex Necr. Mur. & Calend. Beronensi.
cit. tom. II. n. CMLIII.

C. S. B. p. 16. *Post cuius (RADEBOTONIS) obitum, FILIUS EIUS OTTO, & ALBERTUS & WERNHARIUS diviserunt sibi locum istum, prout eis placuerat. Post multos autem dies occisus est OTTO ab ERINLIERO quodam milite, sepultus est in Argentina civitate ante altare sancti LAURENTII, pro cuius anima dedit hic Comes WERNHARIUS, FRATER EIUS, prædium suum, quod habuit in Chuisnach. FRATER QUOQUE ADELBERCTUS cum moriturus esset ad Hounigin, remisit tertiam partem suam, quam possiderat in isto loco, & sic defunctus est.* ● OTTO add. A. D. p. 312. n. XIII. & G. D. p. 132. num. III.

ADELBERTI I. seu ALBERTI, nulla alia superest memoria, quam quæ in C. S. B. reperitur. Necrolog. tamen Mur. obitum eius prodit, ut diximus.

WERNHARIUS in litteris Cardinalium, Actis Murenſibus inſertis. (vid. A. D. p. 134.) nuncupatur *egregius Comes WERNHARIUS DE HABSBURG &c.* Eædem litteræ uxoris eius REGULINÆ quoque meminerunt: *Legitime contradidit, videlicet pro redemptione peccatorum ſuorum & uxoris ſuæ REGULINÆ, & filiorum, parentumque omnium.* G. D. p. 142. A. D. p. 243. & 299. ſeqq. De iis plura C. S. B.

De RICHENZA vid. A. D. p. 146. ſeqq. Eius obitum Necrol. Mur. ad a. 1080. xxvii. Maii conſignat. Eiuſdem quoque meminit Calendar. Beronenſe. WERNHARIO patre uſi ſunt:

Progenies
XIII.

1. OTTO II. Comes. † 1111. Eidem non nulli uxorem HILLAM nomine tribuunt.
2. ADELBERTUS II. Comes *Habsburgi* † an. 1140. vel 1141. Ux. IUDENTHA † circa medium ſeculi XII.

Inſtrumentum, in calce Actorum Murenſium reperiundum, atque annum circiter 1145. conditum, hæc ſubmiſtrat: *Comes OTTO, pater WERNHERI Comitis de HABSBURG.* Vid. A. D. p. 313. Eiuſdem mentionem faciunt chartæ anni 1168. tom. II. n. ccxxxviii. ubi *Glorioſiſſimus Comes OTTO de HABESBURCH* nominatur. Aliud circa an. 1171. num. ccxli. *Illuſtris Comes OTTO de HABESBURG* præfert. C. S. B. p. 29. Sed . . . immatura morte ipſe Comes WERNHARIUS præventus, iii. Idus Novembris vitæ ſinem ſortitus eſt anno MLxxxxvi. Dominica incarnationis, filiusque eius nomine OTTO in advocatum (monaſterii Murenſis) pro eo conſtitutus eſt. . . . Comes vero OTTO, cum per aliquot annos advocatiam teneret, in ipſius UODALRICI Abbatis ſecundo anno vi. Idus Novembris, ab HESSONE quodam nobili de Veſinberg (ſeu Uoſinberg) in domo ſua Buotenheim interfectus eſt, corpusque eius huc allatum, poſitum eſt in clauſtro noſtro ante ianuas eccleſiæ, ubi pater eius & mater REGELIND nomine ſepulti ſunt. Cui ſucceſſit in advocatiam frater eius ADELBERTUS. *

Eius-

* Ex hoc loco exputari poterit annus OTTONIS emortalis, quem Necrol. Mur. ad an. 1111. reponit: ECCARDUS autem ad an. 1109. Sed recte Necro-

Eiusdem ADELBERTI frequens memoria occurrit in C. S. B., quibus addendæ chartæ an. 1114. tom. II. n. cxcv. & cxcvi. Recurrit quoque in diplomatibus *Henricianis* an. 1125. n. cxcix. & cci. ADELBERTUS Comes de Habsburg testis. Item in diplomate FRIDERICI Imp. cum uxore IUDENTHA apud Reverendissimum CALMETUM Hist. Loth. tom. I. inter probat. p. 386. edit. I. Annum obitus ADELBERTI ECCARDUS definire noluit; cauſans, illum a nullo veterum scriptorum annotatum fuisse (a). Sed exiguo negotio eruitur ex CONRADO nostro, ut apud quem pag. 90. hæc legimus: *Nos autem alacres vendimus alia bona pradia . . . anno Dominicæ Incarnationis MCXXVIII. sub Abbate Ræzelino . . . Postea vero cum isdem Comes obiisset post annos XII. &c.* Obiit ergo anno MCXL. aut, cum dicat post annos XII. ad summum an. MCXLI. Certe, anno MCXL. exeunte, obsidioni Caſtri *Winbergensis* interfuit, observante eodem ECCARDO ex charta, data Anno MCXL. Indictione III. XVII. Kal. Decembr. regnante CONRADO Romanorum Rege secundo, anno regni eius tertio. *Actum in obsidione Caſtri Vuinberch.*

2

ADELBERTO usque post annum MCXLV. superstes fuit vidua IUDENTHA, ut quæ CONRADO nostro opus suum scribente, adhuc in vivis erat, ut patet ex verbis, prioribus proxime subiunctis: *In Acharion habemus duos agros: uxor ADELBERTI Comitiss, nomine IUDENTA, dedit sancto MARTINO ad Muschon sex mansos, quos utrum illi auferat, an dimittat, incertum est.* G. D. c. V. A. D. p. 317. seq.

Hicce non nulli addunt OTTONEM III. Ep. Constantiensem, itemque RUDOLPHUM. Vid. A. D. p. 318. OTTONIS II. filius erat

U u 3

WERN-

Necrologium. Obiit enim B. LUITERIDUS Abbas, testante C. S. B. pag. 29. II. id est pridie *Kl. Ianuarii* MCXVI. post cuius exequias electus est RUDOLPHUS anno MCXVII. ineunte, Abbatiam per XII. annos, adeoque in annum usque MCXIX. regens. Cum ergo dicat CONRADUS, OTTONEM occisum fuisse anno secundo UDALRICI Abb. sequitur, id anno MCXI. evenisse. Male igitur appendix ad *Murum & Automurale* pag. 20. reditum eius ad monasterium suum S. BLASII ad an. MCIIIX. assignat; cum prædecessore eius die ultimo anni MCXVI. defuncto, electio RUPERTI necessario in an. sequentem MCXVII. differenda sit. Quod si hoc ante annum MCIX. redire non potuit, ut anni regiminis XII. impleretur.

(a) Orig. Habsb. col. 76.

Progen.
XIV.

WERNHERUS III. Comes *Habsburgi* † circa annum 1163. Ux. Ita Homburgensis. A. D. p. 170. seqq.

WERNHERI ortum ex eodem Instrumento cognoscimus, unde & patrem eiusdem. Eius verba paullo ante adducta sunt. Comparet quoque WERNHERUS Comes de *Habisburg* (& *Habechesburg*) in Instrumentis G. D. tom II. num. CCXX. & CCXXI. nec non in C. S. B. loc. sup. cit. Postea vero, ait, cum isdem Comes obisset post annos XII. & nos ipsum prædium cum magno labore ad bonam utilitatem factum, uteremur, nepos eius (ex fratre) WERNHARIUS voluit vi auferre, & nullo modo potuimus retinere illud. Obiitum eius ad an. 1163. ideo consignat, quod GUILLIMANUS documenta protulerit, quæ eius, tanquam viventis, an. 1162. mentionem faciunt. G. D. cap. IV. A. D. p. 313. seqq. Succedit

Progen.
XV.

ADALBERTUS III. Comes *Habsburgi*, & *Landgravius Alsatia*, WERNHERI filius. † 1199. 25. Nov. Ux. Ita.

In Instrumento *Wettingensi* emptionis prædiorum in *Die-tigkon* & *Slieron* an. 1259. xvi. Kal. Nov. tom. II. num. cccxxxii. RUDOLPHUS, *Landgravius Alsatia*, postea Rom. R. hos suos parentes & progenitores indicat: *Quidquid etiam iuris in sape dictis universis & singulis bonis & hominibus, tam nos, quam bonæ recordationis PROGENITORES nostri Comites, videlicet ALBERTUS, mihi Landgravio PATER, nobis tribus fratribus patrius; RUDOLPHUS avus, ALBERTUS proavus, ratione proprietatis . . . possedisse dignoscuntur.* Occurrit præterea in supra laudato privilegio *Trutpertino*, quod & confirmavit. Item in Charta OTTONIS Episcopi Constantiensis an. 1168. num. ccxxviii. O. divina gratia *Constantiensis episcopus . . . petitioni Advocati Comitis ADALBERTI ratam & inconcussam in perpetuum statuimus.* *Landgravium Alsatia*, contra, ac sibi antea persuadebant alii, fuisse, evincitur ex eius sigillo de an. 1186. *Sigillum Alberti Comitis de Habesburg & Landgravii Alsacia.* G. D. cap. III. nec non pag. 120. n. III. A. D. p. 317. num. VIII. seqq.

ITAM

ITAM coniguem eidem tribuit Genealogia, Actis Murrensisbus præfixa, in hæc verba: ALBERTUS *per* ITAM Comitissam de Pfolendorff, filiam sororis Ducis WELPH, genuit RUDOLPHUM & Comitissam de Linigen. Huius annus emortualis nescitur. At de ALBERTI obitu Necrol. Mur. ad an. 1199. diem XXV. Nov.: ADELBERTUS Comes de HABSPURG, *Elfatia Landgravius*, cognomento DIVES. Cum orthographia huius inscriptionis, tum prædicatum *Alfatia Landgravii*, alias vix, nisi hic & in citato sigillo occurrens, faciunt, ut eam antiquam, atque adeo hîc dignam putem. Recentiorum enim quis istum titulum scivisset? Eidem ADELBERTO filium non nulli assignant synonymum, nulla relicta prole defunctum, nec non & filiam ITAM, seu BERTAM, de quibus viderint ipsi. Filius contra certus est

RUDOLPHUS, Comes *Habsburgi & Landgravius Alfatia*. † 1232. Ux. AGNESA, *filia GOTTFRIDI de Stoufen*, teste Genealogo, Actis præfixo. Progen, XVI.

Præter Instrumentum *Wettingense*, sæpenumero laudatum, eius memoriam frequenter alia quoque faciunt, ut v. g. anno 1210. G. D. tom. II. n. CCLXII. in quo RUDOLPHUS, Comes de HABESPURCH, cum filio suo ADELBERTO nominatur, & in contextu eiusdem PRINCEPS audit. Item in Charta anni 1232. ibid. num. CCXCV. RUDOLPHUS *Senior Comes de Habsburg*, ad distinctionem nempe alterius RUDOLPHI, lineæ *Lauffenburgicæ* satoris, qui ibidem inter testes *Junior Comes RUDOLPHUS* scribitur. In hac porro, & aliis chartis quam plurimis, titulum quoque *Landgravii Alfatia* gerit. Postremo citata charta anni 1232. id etiam præstat, ut iam annus mortis eius exploratus sit; cum enim litteræ aliæ eiusdem anni v. *Id Apr.* a filiis eius datæ, (tom II. n. CCXCII.) *pro remedio animæ* PATRIS NOSTRI RUDOLPHI *Comitis de Habsburg* præferant, adeoque eodem anno semel inter vivos, mox inter mortuos computetur, perspicuum fit, quid statuendum. G. D. I. c. cap. II. RUDOLPHO huic nati sunt:

Progen.
XVII.

1. ALBERTUS IV. Comes *Habsburgi & Landgravius Alsatie*. † 1240. Ux. HELWIGIS, seu HEILWIGIS, filia ULRICI Comitis *Kiburgi*.
2. RUDOLPHUS, fater lineæ *Lauffenburgicæ*, de quo sectione II.
3. WERNHERUS, qui juvenis obiit.
4. HELWIGA, marit. HERMANNUS, Comes *de Froburg*. † 1260. XXX. April.
5. GERTRUDIS, marit. LUDOVICUS Comes *de Froburg* frater HERMANNI.

Prætermisso iterum diplomate *Wettingensi*, quod hunc gradum luculenter prodit, chartam an. 1210. (G. D. tom. II. n. CCLXII.) producimus, ubi ALBERTUS noster unacum patre suo inter testes subscribitur: RUDOLFUS Comes, & filius eius ADILBERTUS de *Habesburch*. Occurrit quoque eodem anno in alio *concambio* hisce verbis: RUDOLFO Comite cum filio suo ADILBERTO. Item num. CCLXIV. Sigillo nostro, & Capituli nostri, & Domini ALBERTI de *Habisburg* &c. Eum in *transmarinis* partibus obiisse, postquam cum RICHARDO, Cornubiæ Comite Anglo, & quibusdam *Germaniæ* proceribus expeditionem in *Syriam* suscepisset, confirmatur ex charta n. DLXXXVII. data Non. Iun. 1279. Scriptores annum 1240. assignant; num aëris intemperie, an in proelio occubuerit, an alio genere mortis interierit, non satis constat. Ibid. cap. I. & II.

WERNHERUS & eius sorores, fide *Genealogi*, Actis Murensibus præfixi, adstruuntur, chartæ silent. HEILWIGEM, ALBERTI IV. filius RUDOLPHUS matrem appellat in supra adducto Instrumento emptionis prædiorum in *Dietigkon* & *Slieron* an. 1259. HEILWIGEM perdilectam Dominam & matrem meam, addens: sicut in instrumento super hoc ex parte ipsius Comitissæ specialiter confectio demonstratur. Et in alio antecedente an. 1243. n. CCCXXXI. Illustris Domina mater nostra &c. Obiit secundum Martyrologium Murense an. 1260. XXX. April. ubi habetur: HELEWIG Comitissæ de *Kiburg*, mater RUDOLPHI I. Regis Rom. Errant, qui ALBERTO ex una coniuge tribuunt. Ibid. cap. II. p. 130. Succedit ex ADILBERTO:
I. RU-

1. RUDOLPHUS, Comes in Habsburg & de Kyburc, Land-
gravius Alsatiæ, dein Rom. Rex. nat. 1218. Ibid. p. 121.
num. IV. † 1291. XV. Iul. Ux. GERTRUDIS, quæ & ANNA,
LUDOVICI, Comitis Froburgi & Hochbergi Comitis filia. Progen.
XVIII.
2. ALBERTUS V. Canonicus Basileensis & Argentinenfis. † 1256.
Kal. Ian.
3. HARTMANNUS, qui improlis obiit, quo anno, incertum.

Cum Genealogia Comitum Habsburgicorum, a RUDOLPHO R. R. ad MAXIMILIANUM I. usque, difficultatibus ut-
cunque careat, deinceps notatu duntaxat digniora proferam,
quæ maxime filios, secundo loco genitos, filiasque, itemque
uxores concernunt. Cum igitur stemma & gradus RUDOLPHI
fatis cognita, non æque de coniuge, seu coniugibus constet,
de his non nulla hic animadvertenda nobis sunt. Tres a scri-
ptoribus quibusdam RUDOLPHO uxores tribuuntur: GERTRU-
DIS, ANNA, & ELISABETHA, seu AGNES. De prioribus dua-
bus difficultas est, an non sit una, eademque persona, quæ
duplex tamen nomen gesserit: an vero cum *Egidio Tschu-*
dio, cui novissime adscriptur Doct. D. *Iob. Rudolphus*
Fatius, loco deinceps allegando, GERTRUDE a *Froburg* an.
1274. extincta, ANNAM de *Hochberg* superinductam fuisse, te-
nendum? Et revera, si publica Instrumenta consulimus, ut-
rumque in iis nomen legimus. Sic v. g. in charta an. 1273.
tom. II. num. DXXIV. in octava Epiphaniæ de coniuge sua
ipse RUDOLPHUS: *Perdilecta Domina GERTRUDI, uxori meæ.*
Quin & ipsa eodem anno vi. Id. Octob. de seipsa hisce verbis:
Gertrudis, Comitissa de Habsburg & de Kyburc, Alsatiæque
Landgravia, nutu Dei in Reginam Roman. electa. Correspon-
dent his chartis appensa sigilla, GERTRUDIS nomen præferen-
tia. Cum contra Instrumentum anni 1277. num. DLXV. li-
cet sigillum GERTRUDIS præferat, in hunc tamen modum lo-
quatur: *Et nos Anna Dei gratia Rom. Regina.* Similiter
charta quædam anni 1281. num. DXCVI. inter cetera sic ha-
bet: *ANNA Dei gratia Rom. Regina.* Videri igitur queat,
duas in hisce monumentis legi RUDOLPHI uxores. At non
ita est. Si enim hæc eadem monumenta penitus inspician-
tur, difficile haud erit, inde eruere, GERTRUDEM & ANNAM

Monitum.

GERTRU-
DIS, RU-
DOLPHI u-
xor, ea-
dem cum
ANNA.

X x

perfo-

a personam esse unam, eandemque, atque adeo duplici usam fuisse nomine: sive dein prius illud post coronationem, seu consecrationem in Reginam Romanorum cum posteriori, more, ut vult CRUSIUS (a) tum temporis haud infueto, permutaverit; sive alterum tum superaddiderit: sive demum utrumque a primis annis per vices usurpaverit. Quocirca argumentum præbet haud obscurum charta illa anni 1277. mox citata, nomen quidem ANNÆ, at sigillum GERTRUDIS præferens; neque enim existimandum est, ANNAM, posito, quod alia a GERTRUDE fuisset, post annos ab electione RUDOLPHI quatuor, proprio sigillo nondum instructam, sigillo uti debuisset alieno, seu Reginæ prioris; quin si hoc etiam facere oportuisset, eius rei haud dubie admonuisset lectorem, quemadmodum tale quid factum fuisse animadvertimus a RUDOLPHO & EBERHARDO de *Habsburg*, ex linea *Lauffenburgica*, qui Instrumento anni 1253. num. CCLXXIV. ita subscribunt: *Nos vero R. & E. prænominati, quia sigillis propriis nondum utimur, sigillo fratris nostri, Comitis GOTFRIDI, in hac parte nos esse contentos, publice profiteamur.* Admille exemplum occurrit in charta, hanc proxime sequente, aliisque. Cum ergo sigillum & diploma duplex quidem nomen, sed in eadem prorsus charta, prodant, indicium sane sat perspicuum habemus, personas haud esse posse diversas. Sed multo luculentiora sunt ipsa Instrumenta, ex quibus duo inter se vel maxime contendenda sunt. Prius iam laudavimus, atque num. DXXIV. ita habet: „Noverint igitur . . . quod cum viri Religiosi „Abbas & Conventus monasterii de *Wettingen*, Cisterc. „Ord. diocesis *Constantiensis*, perdilecta Domine GERTRUDI „(verba sunt RUDOLPHI postea Rom. Imp.) uxori meæ, „SEXAGINTA MARCAS legalis argenti, ponderis *Turicensis*, „ad exonerationem debitorum, & voraginem usurarum, „contra ipsam currentium contulerunt; nos volentes, tantis „beneficiis ne ingrati videamur, in aliquo respondere, de „consensu iam dictæ uxoris nostræ libero & expresso, & „ALBERTI & HARTMANNI, FILIORUM NOSTRORUM, possessiones nostras dictas IN DEM EIGEN, quas . . . nomine „do-

(a) Annal. Suev. L. VI. P. II. cap. VIII.

„ dotis, seu donationis propter nuptias, quod vulgo dici-
 „ tur *lipgedinge*, eidem uxori nostræ aliquando contulimus,
 „ præfatis religiosis assignavimus nomine usufructus
 „ quousque sortem dictarum LX. marcarum possint commo-
 „ de & plenarie rehabere. „ Alterius Instrumenti de an. 1281.
 num. dxcvi. contextus ita sonat: „ ALBERTUS & HART,
 „ *mannus* de HABSPURCH & KYBURCH Comites, Lantgravii
 „ Alfatæ, Serenissimi Domini R. Rom. Regis filii No-
 „ verint . . . quod cum Serenissima Domina & GENITRIX
 „ NOSTRA ANNA, Dei gratia Rom. Regina, ipsam ægritudinis
 „ sarcina premente, bona & possessiones, dictas *In dem Ei-*
 „ *gen*, quas Magnificus Dominus & genitor noster, Rom.
 „ Rex prædictus, *antequam ad regni gubernacula vocaretur*,
 „ sibi tradidit & assignavit, pro tempore vitæ suæ liberaliter
 „ possidendas, manibus . . . Abbatis . . de *Wettingen* ad *sa-*
 „ *tisfaciendum suis creditoribus*, nomine suo, ex nunc ad
 „ decem annorum curricula duxerit committendas, nos di-
 „ ctam commissionem ratam & gratam habentes &c. „ Huc-
 „ usque Instrumentum, cuius verba si cum priori contendere
 „ volumus, perspicue intelligemus, hoc ipsum illius esse proro-
 „ gationem. Non enim obscure de unis iisdemque possessio-
 „ nibus *in dem eigen* sitis, agitur, quæ quidem GERTRUDI *pro*
 „ *tempore vitæ suæ* data, & Abbati *Wettingensi*, ipsa vivente,
 „ ad decennium oppignorata fuerunt. Ea igitur, decennio illo
 „ nondum elapso, decedente, necesse erat, ut conventio reno-
 „ varetur; cum bona, in dies duntaxat vitæ data, redirent
 „ ad RUDOLPHUM, aut eius filios; ut igitur monasterium dam-
 „ no ne exponeretur, atque suas reciperet sexaginta marcas,
 „ conventio in alterum decennium prorogata fuit. Cum igitur
 „ iidem filii suum utrique chartæ præbeant assensum, cumque de iis-
 „ dem bonis *in dem Eigen* agatur, atque utrinque etiam eo fine, ut
 „ creditoribus GERTRUDIS, ac maxime Abbati *Wettingensi*, satis-
 „ fieret, manifeste consequitur ANNAM cum GERTRUDE esse
 „ eandem; cum consensus filiorum ex priore uxore, requisi-
 „ tus haud fuisset. RUDOLPHUS præterea bonis, sæpe dictis,
 „ coniugem suam donasse fertur, *antequam ad regni gubernacula*
 „ *vocaretur*: quo igitur pacto GERTRUDIS *Romanorum Regina*
 „ salutari poterat, si ANNA ista iam antea eius uxor fuit?

& vice versa: & tamen, ut mox audivimus, GERTRUDIS æque, ac ANNA summo illo *Augustarum* honorantur titulo. Quod denique in tota hac re palmarium est, iidem, qui priori conventioni anno 1273. consensum præbuerunt: ALBERTUS & HARTMANNUS, auctores quoque sunt Instrumenti huius posterioris de anno 1281. In priori RUDOLPHI, atque adeo GERTRUDIS, coniugis eius (quæ tum, ut ex ipsa charta patet, vivens & valens erat, immo ad X. usque Octobris eiusdem anni, ut ex alia charta, paullo superius allegata, patet, antiquum GERTRUDIS, non ANNÆ, nomen gerebat) filii vocantur: idem fit, sed mutato nomine, in charta posteriori, ubi laudati duo RUDOLPHI filii ANNAM conceptis verbis *genitricem suam* nuncupant. Genitricem, inquam, quod dicere non potuissent, si noverca fuisset: fuisset autem, si a GERTRUDE discernenda est, noverca; cum huius nomen ad annum usque 1273. occurrat, adeoque secundæ RUDOLPHI nuptiæ in annum 1274. reponendæ essent: cum contra ALBERTUS & HARTMANNUS iam tum anno 1273. ea ætate fuerint, ut eorum ad validitatem oppignorationis exigeretur suffragium, & anno 1281. ipsi Instrumenti condendi ius haberent, adeoque ad minimum duodeviginti annorum essent. Quo igitur pacto hæc ANNA, ante annos primum septem nupta, horum mater diceretur? Paucis: quam parum illi duas genuinas habere poterant matres, tam parum ANNA diversa fuit a GERTRUDE, sequiturque, RUDOLPHUM ab an. 1245. quo se primis votis obstrinxit, ad usque annum 1281. quo ANNA obiit, unam hanc habuisse coniugem; cui proinde etiam numerosa eiusdem proles adscribenda est.

Diluitur
obiectio

a

b

c

Obicit quidem laudatus FATIUS (a): dato, Reginam duplici prænomine usam, etiam *cognomen discrepare*; quippe quod ii, qui RUDOLPHUM primis nuptiis an. 1245. ANNÆ iunctum scribunt, BURCKARDI, Comititis *Hochbergensis* (b): qui contra GERTRUDI, LUDOVICI Comititis a *Froburg* filiam fuisse, tradant (c). At enim advertere oportuerat, quod diligen-

(a) Dissert. de RUDOLPHO *Habsburgico nondum Rege*. §. XXXIV. p. 27.

(b) Citantur FUGGERUS ad an. 1245. de ROO p. 8. CUSPINIAN. 144. *Annal. Colm.* P. 2. p. 40. &c.

(c) Citat. TschUDIS ad an. 1245. & 1274. GUILLIMANN. p. 277.

ligentissimus *Ægidius Tschudius* invictè docet (a) Comitatum *Hochbergensem* & *Froburgensem* ad unam, eandemque familiam pertinuisse; unde facile evenit, ut cum ab aliis Comitissa de *Froburg*, ab aliis Comitissa de *Hochberg* appelleretur, duplicato cognomine familiari, duplicaretur etiam persona. Quod si porro ipse *Tschudius* loc. cit. tradit, primam *RUDOLPHI* uxorem, *GERTRUDEM*, ex Comitibus de *Froburg* & *Hochenberg* descendisse, *ANNAM* contra ex Comitibus de *Heyerloch*, seu *Heygerloch*: eadem auctoritatem *ALBERTI Argentinenfis* obijcimus (b), ex quo discere est, de Comitatu *Hochenberg* & *Haygerloch* idem tenendum, quod & ipse de Comitibus *Froberg* & *Hochenberg* docuit. Verba *ALBERTI* sunt hæc: *ALBERTUS, Comes de Hobenberg & de Haigerloch, frater prædictæ Reginæ Dominæ ANNÆ, duos Comitatus habuit, antiquos valde; scilicet Haigerloch & Hobenberg*: cui auctori hic loci eo magis fidentum; quod ibidem Comitum *Hochbergenfium* stemma, data opera, describat.

Altera *RUDOLPHI* coniux fuisse dicitur *ELISABETHA*, seu *AGNES, OTTONIS IV. Comitis Burgundiæ* filia, de qua nihil in *G. D. monumentis*.

Reliqui *ALBERTI IV. filii* in charta anni 1245. tom. II. num. CCCXL. hoc ordine recensentur: *Arbitri electi a Comitibus de Habsburg, videlicet RUDOLPHO Iuniore* (postea *Rom. Reg.*) & *ALBERTO, Canonico Basileensi*, & *HARTMANNO, fratribus*. Integer *ALBERTI* titulus refertur in charta anni 1243. num. CCCXXXIII. quæ incipit: *ALBERTUS Comes de Habsburg, Canonicus Argentinenfis & Basileensis*. Superfuit anno 1252. x. Maii, ut patet ex Instrumento, n. CCCXXXIX. eodem circiter anno dato, quod ita orditur: *R. udolphus, Comes de Habsburg, Lantgravius Alsatie, & AL. bertus, frater eius*. Recte igitur fabulis accenset *GUILLIMANNUS* (c), quod

- (a) Ad dictum an. 1245. p. 141. adducto in eam rem Instrumento, cuius initium hoc est: *Sciatis omnes, quos nasse fuerit oportuum; quod Nobilis vir LUDOVICUS COMES DE VROBURC per manum filiorum suorum RUDOLFI, Præpositi Zovingenfis, HERMANNI COMITIS DE HOCHBERG &c,*
- (b) In Chronico apud *URSTIS*. p. m. 106.
- (c) Lib. VI. p. 366.

quod non nulli memorant: eum sub FRIDERICO Imp. an. 1239. in proelio *Casarutensi* captum, Mediolani in custodia contabuisse, & similia. Decessum eius ad an. 1256. confignat idem GUILLIMANNUS, diem XIX. Kal. Ian. vult Necrologium *Wettingense*, omisso anno. G. D. p. 128.

HARTMANNUM, RUDOLPHI & ALBERTI IV. fratrem fuisse, patet ex antecedentibus. Succinit charta anni 1242. tom. II. num. CCCXXIV., in qua legere est: *Eundem contractum per manus Dominorum RUDOLPHI, ALBERTI & HARTMANNI, fratrum, Comitum de Habsburch, placuit stabilire.* Ultima eius in monumentis nostris mentio fit an. 1245. 24. Iun. Ex his quoque perspicuum fit: ALBERTO nec plures, nec pauciores filios fuisse, quam tres, RUDOLPHUMQUE primo loco genitum; ut qui ubique primo loco memoratur. Sunt, qui eidem præterea ELISABETHAM, & BERCHTAM tribuunt, de quibus videri potest GUILLIMANUS. G. D. p. 129. RUDOLPHI posteritas ex GERTRUDE, seu ANNA hæc est:

- Progen. XIX.
1. ALBERTUS I. dein R. Rom. occisus 1308. 1. Maii. Ux. ELISABETHA, MEINRADI III. Ducis *Carinthia* & Comititis *Tyrolis*, filia † 28. Octob. 1313.
 2. HARTMANNUS, Comes de *Habsburg*, *Landgravius Alsatiæ*, † aquis submersus 31. Dec. 1281.
 3. RUDOLPHUS, Dux *Austriæ* &c. & Rex *Bohemix*. † 1290. UXOR AGNES, OTTOCARI, Boh. Regis filia. † 1296.
- IOANNES parricida. † 1313.
4. Filix plures.

a ALBERTUM natu maximum fuisse, contra, ac ALBERTUS Argentinenſis docet (a), testantur Instrumenta annorum 1277. tom. II. num. DLXX. 1283. num. DCVIII. & 1284. num. DCXXI. ubi ALBERTUS, *Illustis*, item *Excellentissimi Regis Romanorum filius PRIMOGENITUS* nuncupatur. Factus dein Rom. Rex, anno & die allegatis, occisus est ad *Königsfeldam*.

(a) In Chron. apud URSIS. tom. II. pag. 104. seq.

feldam. G. D. lib. III. cap. I. p. 203. ELISABETHA occurrit in charta anni 1311. tom. II. num. dccxv. hoc titulo: ELISABETHA *quondam Rom. Regina*. Obitum eius ad V. Kal. Nov. an. 1313. ponit Necrol. Wettingense. Ibid. c. II. p. 206.

HARTMANNUM secundo loco genitum fuisse, contra BUCULINUM & HENNINGESIUM probant documenta, in quibus constanter post ALBERTUM collocatur. Occurrit in chartis ab anno 1273. ad 1281. titulo insignitus: *Comitis de Habsburg & Kyburg. Landgravii Alsatie*. Eodem anno secundum Necrol. Wettingense 11. Kal. seu pridie Kal. Ian. Rhenum transmittere volens, *am var ze Kobolz*, id est, ad traiectum circa *Confluentiam*, seu *Coblenz*, supra *Waldishutum* aquis submersus, interiit. * Ibid. cap. I. num. III.

De RUDOLPHO, præter plura Instrumenta alia, illud de an. 1286. num. dcxxxv. sic habet: ALBERTUS & RUDOLPHUS *Dei gratia Duces Austria & Styria, Principes Carniole, Marchiones Portus Naonis, Domini Habsburgi, & Comites Kiburgi, Landgravii Alsatie, Serenissimi Rudolphi Rom. Regis filii* &c. Obiit ante annum 1292. ut colligitur ex charta num. dccliv. Annalista Colmariensis an. 1290. assignat. Ex AGNETE, Regis OTTOCARI filia, quam ei ALBERTUS *Argentiniensis*, aliique tribuunt, filium unicum reliquit IOANNEM, qui nefandi in patrum ALBERTUM parricidii reus, proscribitur in diplomate *Henriciano* an. 1309. *ser. V. ante festum S. MAURI* num. dcciii. Occurrit etiam in aliis monumentis. Ibid. n. IV.

Filias enumerat ALBERTUS *Argentiniensis*, sex numero cogens, easque suis nominibus distinguens. Plures RUDOLPHO, cum Imperiale solium conscenderet, fuisse, docet char-

* Mirum, quantum circa locum huius infortunii variant Auctores; cum alii *Rhinoviam* prope Scaphusium, alii *Rhinaugiam Alsatie*, alii *Confluentias* inter *Waldishutum* & *Clingnovium*, ut hic cum HASELBACHIO Martyrologium *Wettingense* facit, cui ut coarvo, magis fidendum videtur, assignant. Verum prope *Rhinoviam* Helvetiæ contigisse, indicio mihi est, quod ibidem viscera submersi condita dicantur.

charta num. DXXIV, *filiorum nostrorum, nec non & filiarum... tam puberum, quam impuberum* memorans. *Actum & datum in Brugge anno Domini MCCLXXIII, in octava Epiphaniæ, i. e. die 13. Ian.* Ex ALBERTO sunt:

Progen.
XX.

1. RUDOLPHUS Rex Bohemiæ. † an. 1307. 4. Iul. aut secundum Necrol. *Wettingense* 12. Maii. Ux. I. BLANCA, PHILIPPI, Regis Franciæ filia. † 1305. II. ELISABETHA, PRIMISLAI, Regis Poloniæ, filia, WENCESLAI, Regis Bohemorum, relicta vidua.
2. FRIDERICUS *Pulcher*, dein Rom. Rex. † 1330. teste *Gerardo de Roo*. Ux. ISABELLA, IACOBI Regis Arragoniæ filia. † 1330.

ELISABETHA † 1340. ANNA † post an. 1344.

3. LUPOLDUS *Bellicosus*. † pridie Kal. Martii 1326. Ux. CATHARINA, AMADEI, Sabaudiæ Comitis, filia. † 1337.

CATHARINA.
† 1349.

AGNES. † 1392. Marit.
BOLESLAUS IV. Dux Silesiæ in Schweidnitz.

4. OTTO *Audax*, seu *Hilaris*. † 1339. Ux. I. ELISABETHA, STEPHANI, Ducis Bavar. filia. II. ANNA, IOANNIS Bohem. Reg. filia.

FRIDERICUS † 1344. LUPOLDUS ex ANNA
† 1344.

5. ALBERTUS II. *Sapiens*. † 23. Iul. 1358. Ux. IOANNA, Comitissa *Pherretarum*. † 1351.
6. HENRICUS *Placidus*. † 1327. Uxor ELISABETHA, Comitissa de *Virnenburg*. † 1343.
7. Plures filia.

RUDOLPHUS in unico Instrumento anni 1304. 4. Aug. num. DCXCVIII. occurrit; ubi FRIDERICUS *Pulcher* RUDOLPHUM & LUPOLDUM Duces *fratres suos* appellat. Ibid. pag. 206. num II. BLANCÆ, Uxoribus eius primæ, testamentum extat apud HERRGOTT. Monum. Austr. tom. I. pag. 221.

FRI-

FRIDERICUM *Pulchrum* non nulli Historici ex albo Imperatorum, seu Reg. Rom. expungendum voluerunt, sed inconsulto; cum plura suppetant diplomata, contrarium manifeste evincentia, in quibus hoc titulo afficitur: FRIDERICUS DEI GRATIA ROM. REX SEMPER AUGUSTUS. Quibus addi debet Cl. Io. Davidis KOELERI dissertatio: *de voluntario Imperii consortio inter FRIDERICUM Austriacum & LUDOVICUM Bavarum.* G. D. L. II. c. II. n. III.

LUPOLDI frequens fit memoria in monumentis, quæ & hunc ei titulum tribuunt: LUPOLDUS *Dei gratia Dux Austria & Styria, Comes in Habsburg & Kyburch, nec non Landgravius Alsatia.* Diffusiori titulo usum fuisse, tradit ALBERTUS *Argent.* (a) cui tamen Instrumenta, hactenus a nobis visa, haud respondent. Necrologium *Wettingense* eius obitum ad an. 1326. II. Kal. Mart. ponit, addito *militis imperterriti*, ut erat, encomio. Ante an. 1330. obiisse, certum est ex charta num. DCCLXVI. Ib. num IV.

De uxoribus mentionem facit laudatus ALBERTUS *Argent.* eique præterea duas filias, alteram CATHARINAM nomine, alteram AGNETEM fuisse, testatur pag. 105. & 119. ex CATHARINA prognatas. De laudata uxore Necrolog. *Wettingense*: Anno Domini MCCCXXXVII obiit KATARINA, *Ducissa Austriae, uxor Ducis LUPOLDI, de qua habuimus optimum paucum.* Ib.

De OTTONE, cognomento *Audace*, varia Instrumenta loquuntur, eius probantia stemma & gradum. Duorum quoque filiorum, FRIDERICI nempe & LUPOLDI, parentem fuisse, testantur Historici, quibus favet charta anni 1343. num. DCCLXXXVIII. in qua ALBERTUS *Dux Austriae, Styria & Carinthia, OTTONIS frater*, suo & consanguineorum suorum FRIDERICI & LUPOLDI nomine, monasterio *Rutinenfi* varios proventus, titulo donationis, assignat. Necrolog. *Wettingense* diem mortis eius ad XIII. Kal. Mart. an. 1339. annotavit. Ib. n. V.

Y y

Ex

(a) Apud URATSIUM p. m. 123.

Ex monumentis, præter ortum, id etiam de ALBERTO II. discimus, quod titulo *Comitis Pbirretarum*, ut in charta an. 1320. num. DCCXXVII. habetur, primus Habsburgo-Austriacorum usus fuerit: quem Comitatum, ducta IOANNA. ULRICI, ultimi *Pberretarum* Comitis filia, in matrimonium, genti suæ acquisivit. Decessit ALBERTUS an. 1358. X. Kal. Aug. secundum Necrolog. *Wetting*. cui quidem eo libentius fidem habemus; quod in charta an. 1357. eius mentio, ut etiamnum superstitis fiat (a) nec etiam occurrat post eundem annum. Posteritatem eius deinde recensimus. Ibid. num. VI.

HENRICUM ALBERTI I. Rom. Reg. filium fuisse, cum Scriptores rerum Austriacarum docent, tum charta donationis apud LUDEWIGIUM (b) evincit; nec non codex *Basleensis*, qui obitum eius unacum Necrolog. *Wetting*. ad an. 1327. reponit. Prædictam uxorem ei non nulli Scriptores tribuunt. Alii sextum filium addunt MEINHARDUM, at sine sufficienti, ut videtur, fundamento. Ibid. num. VII. Sex filias enumerat, ac nominatenus compellat ALBERTUS *Argent.* pag. 105. & 120. ALBERTO II. prognati sunt:

- Progenies
XXI.
1. RUDOLPHUS IV. *Ingeniosus* † 1365. Ux. CATHARINA, CAROLI IV. Imp. filia. † 1395.
 2. FRIDERICUS *Splendidus* † 1362. x. Decembris, eruente P. STEYERERO in ALBERTO II. p. 28. & in addit. col. 574.
 3. ALBERTUS III. *cum trica*. † 1395. Ux. I. ELISABETHA, CAROLI IV. Imp. fil. † 1373. II. BEATRIX, FRIDERICI IV. *Burggravi* Norimbergensis filia. † circa an. 1404.
 4. LUPOLDUS *Probus*. Occubuit 1386. ix. Iul. Ux. VIRIDA, BARNABONE Duce Mediolani nata. † 1424.
 5. Duæ, aut tres filiæ.

Omnium horum, demptis filiabus, stemma & gradum indicat diploma, a laudato LUDEWIGIO vulgatum (c), in quo:
» CAROLUS IV. Romanorum Imperator RUDOLPHO, *Austrie, Styrie,*

(a) Apud HERRGOTT Monum. Austr. tom. I. pag. 227.

(b) Reliq. Mf. tom. IV. p. 274.

(c) Loc. cit. tom. IX. p. 690.

„ *Styrie, & Karinthie Duci*, ac fratribus eius, FRIDERICO,
 „ ALBERTO, & LEUPOLDO Ducibus, de Ducatibus *Au-*
 „ *strie, Styrie, & Carinthie*, item de dominiis *Carniole,*
 „ *Marchie, & Portus Naonis*, cum reliquis in Suevia, Al-
 „ *fatia*, & alibi in Imperio, nec non de universis feudis,
 „ quæ felicis recordationis ILLUSTRIS DUX ALBERTUS GENI-
 „ TOR IPSORUM, & OTTO quondam FRATER IPSIUS, olim
 „ a LUDOVICO de *Bavaria*, qui se Imperatorem nominavit,
 „ tenuerunt & possederunt, SCEPTRO IMPERIALI, in SEVELD,
 „ an. Dom. MCCCLX. XII. Kal. Iun. investituram impertitur.
 „ Succinunt hisce plura alia instrumenta, ex quibus inter ce-
 „ tera, quoad RUDOLPHUM IV. notanda charta anni 1359.
 num. DCCCXIV. Non. Dec. ubi hunc titulum legimus: Ru-
 dolfus *Quartus Dei gratia Palatinus ARCHIDUX Austria,*
 „ *Styria, & Karinthia, Princeps Suevia & Alsatia, Dominus*
 „ *Carniola, Marchia & Portus Naonis, nec non Sacri Ro-*
 „ *mani Imperii Supremus Magister venatorum.* Primus ergo
 hic noster fuit, qui titulo Archiducis usus est. Sed de
 singulari huius Principis titulo videri possunt, quæ in cita-
 tis *Monum. Austr.* tom. I. Dissert. IV. §. XXVII. afferun-
 tur. Ex charta porro anni 1357. XIII. Maii cit. Mon. p. 228.
 eruimus: RUDOLPHUM hunc natum esse anno 1339. Ibi
 enim habetur: *unserr gebürtlichen Zeit in dem achtzehenden*
jare, id est, anno ætatis nostræ octavo decimo. Confir-
 matur isthoc per Instrumentum ib. p. 233. *Datum Wiennæ Kal.*
Aprilis anno Domini millesimo trecentesimo sexagesimo secundo,
ætatis nostræ XXIII. Regimini vero III. Cumque Gen.
 Dipl. tom. II. num. DCCCXIX. transactio, anno 1361.
 die XXII. Ianuarii, anno autem ætatis RUDOLPHI nostri
 secundo & vicesimo constituta reperiat: sequitur: ut is
 dicto anno 1339. mense Ianuario, & quidem ante vicesimum
 secundum in lucem editus fuerit. Eundem vita excessisse
 an. 1365. satis testatum est; quemadmodum & uxorem
 habuisse CATHARINAM, CAROLI IV. Imp. filiam, præter au-
 ctiores plerosque, fidem facit, diploma eiusdem CAROLI
 ap. *Frid. GLAFFEY Anecd.* T. I. num. 372. p. 494. Item
 num. 380. p. 500. ubi eius *Gener* dicitur. Frustra igitur
 sunt, qui eum cum MARGARETHA *Maultaschia* contraxis-
 se scripserunt. Ib. cap. III. num. II.

Y y 2

De

De RUDOLPHI fratribus nihil est, quod ex monumentis speciatim notandum sit. Coniugia, nec non dies obitus eorum, fide & auctoritate Scriptorum rerum Austriacarum, aliorumque, qui sibi satis constant, adnotavimus.

Filias ALBERTI alii duas, alii tres enumerant, quarum nomina hæc sunt: CATHARINA, Monialium S. CLARÆ *Viennensium* antistes: AGNES, HENRICO, Principi *Iauriensi* in *Silesia* nupta: MARGARETHA primis nuptiis MEINRADO, Comiti *Tyrolis*, secundis vero, IOANNI, *Moraviae* Principi, CAROLI IV. Cæsaris fratri, collocata. Ibid. num. VI.

Ex ALBERTI II. filiis duo gentem propagarunt: LEOPOLDUS III. cognomine *Probus*, & ALBERTUS III. dictus *cum trica*, hic lineæ *Austriacæ*, ille *Tyrolensis* conditor. ALBERTI ex BEATRICE filius erat:

Progenies
XXII.

ALBERTUS IV. cognomine *Mirabilia mundi*. † 1404. Ux. IOANNA, filia ALBERTI, Ducis *Bavariæ* & Comitissæ *Hollandiæ*. † circa an. 1404. Ex hoc connubio sunt:

Progenies
XXIII.

1. ALBERTUS V. inter Imperatores II. † 1439. Ux. ELISABETHA, SIGISMUNDI Imp. filia unica. † 1442.

GEORGIUS † iuvenis 1435.

2. MARGARETHA † 1447. Marit. HENRICUS *Dives*, Dux *Bavariæ*

Ultimus, unacum duabus sororibus, huius lineæ furculus erat:

1. LADISLAUS *Posthumus*, *Bohemiæ* & *Hungariæ* Rex † 1458.

Sponsa MAGDALENA, CAROLI VII. Regis *Franciæ* fil.

2. ANNA † 1462. Marit. WILHELMUS III. D. *Saxonæ*.

3. ELISABETHA † 1505. Marit. CASIMIRUS II. R. *Polon*.

Ex LEOPOLDO III. agnomine *Probo*, hi prodierunt:

Progenies
XXIV.

1. WILHELMUS, *Ambitiosus*, seu potius *Aulicus*, aut *Affabilis*. † 1406. Ux. IOANNA, CAROLI *Parvi*, Regis *Hung*. filia. † 1434.

2. FRI-

2. FRIDERICUS IV. dictus *cum vacua pera*. † 1439. Ux.
I. ELISABETHA, filia RUPERTI Palatini Rom. R. † 1409.
II. ANNA *Brunsvicensis*. † 1432.

SIGISMUNDUS Archidux. † 1496. Ux. I.

ELEONORA, IACOBI, Scotiæ Reg. fil. † 1480.

II. CATHARINA, ALBERTI D. Saxonix fil. † 1484.

3. LEOPOLDUS IV. *Superbus*. † 1411. Ux. CATHARINA,
PHILIPPI *Audacis*, Sequanorum Principis, filia.
4. ERNESTUS *Ferrens*. † 1424. Ux. I. MARGARETHA, BO-
GISLAI V. D. Pomeraniæ fil. † 1408. II. CIMEBURGIS,
ZIEMOVITI D. *Maffovia* fil. † 1429.
5. ELISABETHA. Spons. HENRICUS Comes Goritiæ.
6. MARGARETHA. Marit. IOAN. de *Lucenburg*. CAROLI IV.
Imp. fil.
7. CATHARINA, Abbatissa Sanctimonialium S. CLARE Wien-
næ. † 1391.

Ab ERNESTO *Ferreo* multo facillimus descensus est ad
filium eius natu maximum FRIDERICUM *Placidum* Imp. atque
adeo ad illius nepotem MAXIMILIANUM I. Imp.

TABULA II.

Familiam sistens *Lauffenburgo-Habsburgicam*.

Huius stirpis auctor est RUDOLPHUS, cognomento *Taci-* Apex.
turnus, RUDOLPHI Senioris filius, atque adeo RUDOL-
PHI I. Rom. Reg. patruus. Hunc RUDOLPHUS Seni-
or in charta anni 1227. num. CCLXXXI. unacum fratre suo
ALBERTO hisce nobis verbis manifestum facit: *Noverint uni-*
versi presentes & posteri, quod nos una cum dilectis filiis nostris
ALBERTO & RUDOLPHO Comitibus, curtes, vineas, ac res
alias . . . *Beronenſi eccleſiæ . . . tradidimus.* Singuli item
recensentur in charta eiusdem anni num. seq. ubi A. lbertus
Dei gratia Landgravius Alſatia . . . una cum R. udolpho
patre ſuo & R. udolpho fratre . . . de HABESPURCH recurrit,

Y y 3

Hos

a

Hos duos fratres hereditatem paternam an. 1239. inter se divisisse, iam alibi notavimus (a). Inter ceteras condiciones conventum erat, ut Landgraviatus *Alsatiae* indivisus relinqueretur. Quare titulum *Landgravii Alsatiae* in plerisque monumentis retinuit, cum contra posterius eius ab eo abstinerent. Id quoque notandum: quod in chartis modo *Junior*, ad distinctionem nempe patris sui *RUDOLPHI Senioris*, modo *Senior*, ad discernendum ab eo *RUDOLPHUM*, postea Rom. Regem, audiat. Obiisse dicitur an. 1249. aut certe secundum Necrol. Murense 1246. Memoriam coniugis eius *GERTRUDIS de Regensperg* chartæ annorum 1253. 30. Iul. & 1. Aug. num. CCCLXXIII. seq. 1264. n. CCCLXXI. conservarunt. G. D. lib. II. c. II. §. V. & lib. IV. c. I. n. II. seqq.

Progen.
I.

1. WERNHERUS, † improlis ante 30. Iul. 1253. ut ex charta eiusdem anni num. CCCLXXIII. colligitur.
2. GOTFRIDUS † 1271. Ux. *ELISABETHA Ochsensteinia*, teste GUILLIMANNO lib. VII. c. II.
2. RUDOLPHUS episc. *Constantiensis*, electus 1273. † 3. April. 1293.
4. OTTO. † post diem 1. Aug. 1253. ubi scilicet in Instrumento quodam occurrit.
5. EBERHARDUS, Sator Comitum *Kyburgensium* posteriorum de quo tabula seq.

Horum *Lauffenburgo - Habsburgicorum* Comitum dicta charta anni 1253. 30. Iul. recensum hoc ordine facit: „Nos „GOTFRID, RUDOLF, OTTO & EBERHARD, Comites „Habsburgi, fratres. „Ordo igitur horum satis patet: sed quo loco inferendus sit WERNHERUS, qui in eodem instrumento, ut defunctus, nominatur, dubium est. Reliqua partim Auctorum, partim instrumentorum fide, adstruuntur. GOTFRIDI filius unicus erat:

Progen.
II.

RUDOLPHUS; cum enim posteritas EBERHARDI, numerosa prole aucti, Comitum *Kyburgensium*, nec non *Burgundiae & Turgoviae Landgraviorum* titulum assumpserit, reli-

(a) Sup. pag. 324. num. VII.

reliqui contra RUDOLPHI fratres improles decesserint; confectarium est, ut hic stirpis *Lauffenburgo-Habsburgica* propagator extiterit. Uxor eius prima fuit ELISABETHA, RUDOLPHI, Comitis de *Rapprechswilere*, ex uxore MECHTILDE, filia, & relicta vidua LUDEWICI, Comitis de *Homburg*. Quibus pactis Comitatus *Rapperfwilensis*, & magna pars possessionum *Homburgensium* ei, ac successu temporis filio eius IOANNI, accessit. Hæc etiam prius cognita fuit: at MARIA, FRIDERICI Comitis *Oetingensis* filia, altera eius uxor, ex sola charta an. 1315. num. DCCXX. contra, ac GUILLIMANNUS, alique scriptores, antehac persuasum sibi habebant, innotescit.

Obitum RUDOLPHI *Æg. Tschudi* & *Necrologium Wetting.* ad XX. Ian. an. 1314. reponunt: at ex charta eiusdem anni, in festo S. GREGORII; seu 12. Martii expedita, manifestum fit: eum etiamnum dicto die vixisse, quanquam post hæc diu superstitem haud fuisse, inde colligatur, quod in charta anni 1315. VII. Iun. paullo ante allegata, inter mortuos adnumeretur. Ibid. cap. III. Primi coniugii fructus erat filius unicus:

IOANNES I. † XXI. Sept 1337. in clade *Grynoviana* occumbens. Ux. AGNES, filia SYMONIS, Landgravi *Alsatia*. † post an. 1351. Progen.
III.

Testatur de his mox citata charta: „Qua Illustris vir „RUDOLPHUS Comes de *Habsburg* cum IOANNE, filio suo, „pro remedio animarum parentum suorum, felicisque recordationis Dominae ELISABETHÆ, coniugis dicti RUDOLPHI „Comitis p. m. matris IOANNIS FILII SUI prænotati, expiatoria sacra instaurari curavit. „ Inter liberos horum numerantur:

1. IOANNES II. † an. 1380. Ux. ELISABETHA *Nidovien-sis*: fide GUILLIMANNI. Progen.
IV.
2. RUDOLPHUS, † circa an. 1383. Ux. ELISABETHA de *Mantone*.

3. GOTT-

3. GOTTFRIDUS. † X. Iulii 1375. teste *Ægidio Tschudio*.
 4. AGNES, Canonissa *Seconiensis*.

Omissis pluribus aliis chartis, trium horum Comitum fraternitatem probantibus, initium chartæ anni 1348. XXVIII. Nov. vernacula datæ, hic apponere satis erit: *Nos AGNES Comitissa de Habsburg & nos Comes IOANNES, Comes RUDOLPHUS, & Comes GOTTFRIDUS de Habsburg, fratres &c.*

Obitus IOANNIS ad diem XVII. Decembris ponitur fide Necrologii *Wetting.* & Chronici *Tschudiani*, frustra contradicente GUILLIMANNO, qui illum post famosum proelium Sempacense, anno primum 1386. obiisse putat; quandoquidem filius ipsius IOANNES in charta an. 1384. num. DCCCLXVI. eiusdem, ut defuncti, memoriam ingerit. *Ibid.* c. IV. n. I.

RUDOLPHUM circa an. 1383. excessisse, contra, ac GUILLIMANNUS annum 1388. obtendit; ex instrumento clarescit dicti anni 1383. IX. Nov. ubi iam inter plures adnumeratur. Ex eodem, nec non & aliis monumentis, uxorem eius ELISABETHAM discimus,

GOTTFRIDUS fatis etiam notus est, non item AGNES soror eius, quæ GUILLIMANNO, FUGGERO & Tschudio prorsus ignota erat. At ex charta anni 1354. num. DCCCVIII. cum tribus fratribus suis comparet ut *Canonissa Seconiensis*. *Ibid.* cap. V. Filius IOANNIS II. erat:

Progenies

V.

IOANNES III. qui se IOANNIS *Senioris*, id est II. filium scribit, in charta anni 1377. num. CCCCXLIX. Coelibem obiisse, aut saltem improlem, colligitur ex charta an. 1389. XXII. Iul. cumque IOANNES IV. *Iunioris* denominationem, quam eousque gesserat, an. 1395. abiecerit, vero simile est, hunc nostrum eodem anno vita defunctum.

Progenies

VI.

IOANNES IV. non ex IOANNE III. sed ex RUDOLPHO, fratre eius, natus est. Hunc GUILLIMANNUS, eiusque sequaces, pariter ignorarunt. Sed patrem, matremque eius,
 aper-

aperte indicat chârta anni 1375. num. DCCCXLVII. nec non & plures aliæ. Obiit an. 1408. octo diebus ante festum S. URBANI, id est, XVIII. Maii. Uxor eius NEZA, seu AGNES de *Landenberg*, cum ex Equestri duntaxat genere fuerit, in plerisque monumentis *Domina de Habsburg* vocatur, ac præsertim an. 1425. *die lune ante fest. S. UDALRICI*, opusque fuit, ut WENCESLAUS Rex. Rom. prolem, ex ea nascituram, Comitum dignatione donaret; ut videri potest in charta ann. 1393. num. DCCCXC. † circa ann. 1431. Ex hoc matrimonio natæ sunt filiæ duæ:

1. AGNES, quæ antea incognita, ex charta an. 1409. fer. III. post festum S. ANTONII num. CMXXX. edificitur.
2. URSULA, cum ex eodem Instrumento, tum & aliis pluribus, nota. Hæc RUDOLPHO Comiti *Sulzensi*, HERMANNI filio, nupta, eidem cum dynastiis *Rottenberg* & *Krenkingen* Comitatum *Cleggovia* attulit.

TABULA III.

Stemma Comitum *Kyburgicorum*, ex sanguine *Habsburgico* descendentium, demonstrans.

Huius lineæ satorem extitisse, diximus, EBERHARDUM, Apex. RUDOLPHI, cognomento *Taciturni*, lineæ *Lauffenburgicæ* conditoris, filium. Is ANNAM, HARTMANNI *Iunioris*, Comitis de *Kyburg*, antiquioris stirpis furculi ultimi, ex ELISABETHA coniuge filiam, sibi iungens, *Kyburgicarum* possessionum in *Burgdorff* & *Thun*, ceterarumque in minore *Burgundia*, heres effectus, *Kyburgico* tamen titulo (ut non nulli putarunt) nunquam usus est: † circa an. 1283. aut saltem ex eo tempore in monumentis haud compareret. Id demum certum, quod in charta anni 1287., XIV. Kal. Martii num. DCXLI. iam inter mortuos computetur. G. D. lib. II. c. I. p. 254. EBERHARDI filii fuerunt:

Z z

I. HART-

- Progenies I. **HARTMANNUS**, dictus **DOMICELLUS**. † an. 1322. a manu Nobilium, **EBERHARDI** fratris ministerialium, teste ad h. a. **TSCHUDIO**, trucidatus. Ux. **ELISABETHA**, ex Comitibus de *Froburg*, ut, suffragante **TSCHUDIO**, ex instrumento anni 1306. XIII. Kal. Febr. num. DCXCIX. verisimile fit.
2. **EBERHARDUS**. † post, aut circa an. 1355. **GUILLIMANNUS** certe ad an. 1361. refert. Ux. **BERCHTA**, **BERCHTOLDI**, Comitis de *Buoeck*, seu a *Boica*, **HENRICI F. Landgravi** *Burgundia*, filia.
3. 4. **ELISABETHA & CATHARINA**, de quibus videri potest laud. **GUILLIMANNUS**.

HARTMANNI & EBERHARDI in charta anni 1287. mox laudata, mentionem, quamvis tecto nomine, facit **RUDOLPHUS Dei gratia Constantiensis Episcopus**, tanquam tutor ac defensor PUERORUM, pie recordationis quondam Domini **EBERHARDI Comitis de Habsburg**, fratris sui dilecti &c. Comparant quoque, expressis nominibus, iunctim, aut separatim, in aliis instrumentis bene multis, quæ inter cumprimis notanda charta ann. 1315. VII. Iun. num. DCCXX. ubi se **HARTMANNUS** prima vice *Comitem Kyburgi* scribit, exemplum præbens posteris, ut, dimisso cognomine gentilitio, *Kyburgico* uterentur. Id quod scriptorum quosdam in errorem traxit, ut primam *Kyburgi* Gentem cum posteriori hac confunderent. Frater eius **EBERHARDUS Kyburgico** nomini etiam titulum *Landgravi* *Burgundia* addidit, quem posteri eius servarunt. Ibid. cap. II. Ex **EBERHARDO** descenderunt:

- Progenies I. **HARTMANNUS II.** Comes de *Kyburg*, *Landgravius Burgundia*. † 1380. ex Mss. *Tschudianis*. Ux. **ANNA** de *Nidow*, soror **RUDOLPHI**, Comitis *Nidoviensis*.
2. **RUDOLPHUS**, Comes de *Kyburg*, *Landgravius Burgundia*. † 1383. testibus **TSCHUDIO & GUILLIMANNO**.
3. **BERCHTOLDUS**, Comes *Kyburgi*. † 1401. secundum laudatum Mss. *Tschudianum*.

Cum **HARTMANNUS I.** in publicis instrumentis post annum 1318. haud amplius memoretur, **EBERHARDUS** contra an.

an. Christi 1355. adhuc occurat, & HARTMANNUS prima vice an. 1361. ac denique BERHTOLDUS, frater eius, anno primum 1383. signum est vix non infallibile, hanc totam progeniem non HARTMANNO I. sed EBERHARDO II.tribuendam esse; cum credibile haud sit, filios quadragesimo a morte patris anno, in publicis instrumentis primum nominari; quandoquidem a Genealogis receptum est, ab una ad alteram generationem triginta tantum annos computandos. HARTMANNI porro memoria non infrequens est in instrumentis.

ANNAM de Nidow non huic HARTMANNO sed fratri eius RUDOLPHO tribuit GUILLIMANNUS (a), & TSCHUDIUS (b), sed erronee; ut patet ex charta an. 1377. num. DCCCXLIX. die Martis ante Dominicam Palmarum: ubi inter Comitem nostrum HARTMANNUM Kyburgicum, Burgundiae Landgravium: „Ipsiisque legitimam coniugem Dominam ANNAM de Nidow, eorumque prolem de controversa hereditate bonorum, possessionumque, a defuncto RUDOLPHO, Nidoviae Comite, quondam Comite Froburgi, relictarum, amica litis compositio facta est. „ Hinc etiam consequitur; quod proles universa, a GUILLIMANNO & TSCHUDIO RUDOLPHO adiudicata, HARTMANNO & ANNÆ restituenda sit. Ibid. cap. III.

GUILLIMANNUS hisce EBERHARDUM, Canonicum Basileensem, & IOANNEM Præpositum Argentinensis Ecclesiæ adumnerat (c), suffragante TSCHUDIO, (d); cum discrimine; quod is utrumque Canonicis Basileensibus adscribat. HARTMANNO ex ANNA Nidoviensi nati sunt:

1. EGO, Comes Kyburgi, cuius obitus circa an. 1420. poni posse videtur. Ux. ANNA Bechburgica, teste GUILLIMANNO. Progenies III. & ult.
2. BERCHTOLDUS, Comes de Kyburg, qui ante fratrem obuisse videtur.

Z z 2

De

(a) Lib. VII. cap. IX.

(b) Chron. Helvet. P. I. pag. 517.

(c) Citat. lib. VII. cap. VIII.

(d) Loc. cit. pag. 509.

De his videri possunt laudati GUILLIMANNUS & TSCHUDIVS : in eo tamen hallucinati, ut vidimus, quod hanc progeniem RUDOLPHO, non HARTMANNO tribuerint. Addunt præterea HENRICUM, sororemque VERENAM, de quibus omnibus monumenta silent.

Cum his linea *Kyburgicorum* Comitum posteriorum extincta est; quare nos breve hoc compendium concludimus; maxime cum inde, velut ex ungue leonem, iam facile colliget Adversarius, quale sit inter Abbatis TSCHUDII & P. HERRGOTTI labores discrimen, quantumque opus posterioris opusculo prioris, quod præfiscine dixerim, excellat, nimirum:

Quantum lenta solent inter viburna cupressi.

Nihil dixi de Augustæ Gentis possessionibus & prærogativis: nihil de sigillis, aliisque monumentis, illustrandæ historiæ *Habsburgo - Austriacæ* aptis: nihil de Illustrissimis Germaniæ familiis, ac patria mediæ ævi historia, quibus studio & opera HERRGOTTI lux accensa fuit: nihil de veritatibus innumeris, eadem fidelia aut firmatis, aut noviter detectis, auctorum contra bene multorum erroribus expunctis, eliminatis: nihil denique de sexcentis aliis rebus, quas singulas, si compendio complecti vellem, quid aliud esset, quam Iliada nuce concludere velle. Sed facile ex hac lacinia de reliquo texto iudicari poterit, Genealogiam Diplomaticam non ex eo genere librorum esse, ut hedera indi-
geat.

Præterea id maxime ex his tabulis clarescit, Genealogiam Augustæ Gentis Habsburgicæ condi & investigari potuisse absque ullo, saltem quoad descendentes in linea recta, subsidio, ab inepta Genealogia, CONRADO nostro præfixa, petito. Quid enim? Genealogus ille a RADEBOTONE, seu potius ab uxore eius ITA, incipit, cum contra CONRADUS noiter a GUNTRAMNO, avo eius, orsus, multo accuratorem notitiam ad ALBERTUM III. usque (licet sparsim, & aliud agendo) suppeditet, atque una diplomatibus iunctus, plenam sane faciat fidem. Ulterius quidem procedit dictus

Ge.

Genealogus, sed cum diplomata, ut ostendimus, adsint cum accuratiora, tum fide digniora, plane consequitur, eo posse ex toto supersederi; hocque ideo etiam; quod ut mancus & mendosus, rem omnem conturbet magis, quam iuvet. Omni itaque iure, adeoque nullius cum iniuria, dicimus, pronuntiamus: historiam Genealogiæ Augustæ Gentis Habsburgicæ, id est origines eius, atque progressus, folis civibus San-Blasianis, CONRADO puta atque HERRGOTTO, deberi, non aliis. Sed hæc hactenus.

APPENDIX II.

CONRADI, Monachi S. BLASII in Nigra Silva,
Chronicon Bürglense exhibens.

MONITUM.

DE auctore huius Chronici, antehac inediti, egimus lib. I. cap. XII. num. IX. pag. 108. sed ibi, quod advertere liceat, mendum irrepsit typographicum, ut pro an. 1145. annus 1154. legatur. Ob diem mortualem eiusdem in Appendice ad Murum & Ante-Murale pag. 28. dissidere dicuntur San-Blasiani & Murenles, quorum hi 2. illi 11. Novembris ponunt. Sed facile contigit, ut scriptores recentiores num. II. Romanum pro Arabico 11. qui tum necdum in usu fuerat, legerent. Quare pro secundo Novembris standum videtur. De scriptis eius cit. cap. XII. num. XIV. diximus. Hic iam addendum: præsens chronicon CONRADO nostro auctoritate non quidem autographi, ut quod bonam partem mutilatum, initio caret, sed fide apographi adscribi, hæc præferentis: CHRONICON DE BÜRGLEM CONRADI MON. Non addit quidem San-Basiani, sed ex hoc monasterio fuisse, cum aliunde, tum ex contextu facile colligitur. Apographum ab Udalrico BUGK, Canonico & Notario Casareo, Collegiata Ecclesiæ Maioris Tigurina proficisci cit. pag. 112. diximus, qui & idem in linguam vernaculum transtulit, additis ubique summariis Capitum, seu titulis, quos edimus. Eidem cit. loc. iniuriam pane fecimus. Summaria capitum, ab illo additorum, barbarissimis respersa esse scribentes.

Sed sententia præcipitata necessitatem nobis imponit, ut hic canamus palinodiam.

Orthographiam quod attinet, ad fidem & normam autographi ubique exegi; hinc cum v. g. auctor diphtongo æ passim utatur, secus, ac fecit laudatus Notarius noster, illum, non hunc, in omnibus, adeoque etiam, ubi ab autographo destitutus fui, sequendum putavi. Nomina virorum, ac mulierum propria, si quando singulis litteris, seu initialibus duntaxat, scripta occurrunt, supplevi, ubi scire potui, litteris pronis: interposito post initialem litteram puncto, ut lector eo minus tardaretur, atque sua rei constaret integritas. Adpersi præterea in calce paginarum, sicuti visum fuit, notulas quasdam, quæ, quia lectoribus usui esse posse credidi, æqui, bonique ut consulantur, rogo.

Qualiter Monasterium in monte Bürglen inchoatum sit, & cuius mons ipse antea fuit?

CAP. I.

OMne, quod prædicatur aut scribitur, si veritatis ratione caret, vacuum & inane non ambigitur. Vnde ad depellendas caliginosas tetrae oblivionis tenebras, & ad veræ cognitionis lucem serenandas, stili narratione duximus dignum, ad utilitatem posterorum, qualiter Dei servitium in monte Bürglon (1) monasteriali more sit initiatum. Prædictus namque mons cum omni sua pertinentia in Dominium parentelæ, quæ dicitur de *Caltinbach*, attinet hereditario iure a progenitorum profapia, & illorum potestati deditus fuit & subditus curæ. Nam pridem vetus ibidem constructa habebatur ecclesia, ac unius Clerici informabatur instantia: Nunc vero Domini opitulante gratia monachorum (uti in præsentī cernere est) solerti instituitur vigilantia.

De nobili generositate Domini WERNHERI de Caltinbach, & ITÆ, uxoris sue fecundissima, fundatorum & auctorum a primordio Celle Bürglon, deque eorundem honestissima coniugali commercatione.

CAP. II.

HIs ita præmissis, libet de generositate Domini WERNHERI, qui Auctor eius fuerat Cellæ, aliquanta breuiter recapitulare. Venera-

- (1) Est hic mons Friburgo Basileam proficiscentibus a sinistris, versus nigram silvam situs, distatque a Friburgo milliaribus Germanicis tribus & semis, a Basilea vero milliaribus præter propter tribus. Monasteriolum hodieque subsistit, at in Præposituram ut diximus, commutatum.

nerabilis namque *W. ernherus* Prisaugia prouincia alto genere natus, competentem nobilitati suæ coniugem est fortitus. Erant autem non solum (ut dictum est) uterque a proauis, seu etiam ab attauis nobiliter progeniti, verum etiam prædiorum ac familiæ utriusque sexus, & ætatis admodum dilatati. Verum cum in primæuo iuuentutis flore legitimo ordine nuptiis infedissent, easdemque nuptias secundum seculi dignitatem magna populositatem peregissent, quale eis vinculum caritatis atque castitatis ad inuicem fuerit, non est facile dictum. Erat enim eis unum nolle, & unum velle, atque, ut scriptum est, erat eis *cor unum & anima una*. Fuit in illis beata vita, assidua in pauperes Christi in Dei amore elemosina largiter, & secundum sanctum *lob*: hostium eorum patuit vianti, nunquam claudebatur peregrinanti. At nondum sexti percurrerunt climata lustris, quo totius sobolis in tribus filiis, & duabus filiabus Dei dono extiterunt parentes dulcissimi.

De Caritatiua Eorundem in sacerdotes CHRISTI, & ecclesiarum Dei, Religiosos, præsertim in fratres Sancti BLASII, obseruancia singulari & protectione.

CAP. III.

INter cetera, quæ largitus est eis Dominus innumera beneficia, nonnulla a progenitoribus sanctarum ecclesiarum hereditatis limina, quarum Advocatias humane tractauerunt, non Simoniaci Simoniacis vendiderunt: sed pastores idoneos undecunque eligentes, ipsis pascendas CHRISTI commendabant oves. In tantum autem honorabant sacerdotes, ut nunquam illis, vel bonis eorum, vim inferrent, seu aliqua læsione defraudarent, sed parentes eorum & magistros vocitantes, & inter conuiuias mensæ suæ sæpius aduocantes, quippe qui nunquam absque benedictione sacerdotali, cum facultas inueniendi eum adesset, cibum percipere consueuerunt. Monachos & ceteros spirituales ad hospicia sæpius conuocauerunt, in quorum aduentu non minimum tripudium tenuere: & quamuis cunctis quasi CHRISTO deseruirent, & in cunctis eis prospicerent, fratres tamen sancti BLASII unice diligentes, & paterno honore obseruantes, ceteris omnibus & præ omnibus præposuerunt.

De laudabili venandi consuetudine Domini WERNHERI, & in pauperes CHRISTI exinde nihilominus dapilli obseruatione.

CAPITULUM QUARTUM.

ERat venerabili *W. ernhero* solennis consuetudo opaca filiarum lustra-

lustrare, venandi gratia; nam ferarum, urforum & ceruorum, nec non & aprorum illis in locis depascitur fertilitas magna, & cum sæpius tale frequentaret exercitium, tamen Dominicum non est oblitus adimplere præceptum; nam seu in prati amoenitate, seu etiam in nemorum opacitate pransurus erat, pauperum iussit aduenire conuenticula, quibus per se ipsum studuit ciborum & potuum solatia ministrare.

Qualiter G. ilbertus episcopus Constantiensis W. ernherum & filios suos de Caltenbach pro morum honestate summe dilexit, ob idque eis benedixit, & ecclesiam infra menia domus eorum in Caltenbach in honore sancti MICHAELIS consecrauit.

CAPITULUM QUINTUM.

EO tempore GILBERTUS (2) sanctæ Constantiensis præfuit ecclesiæ, vir Deo deuotus, ac omni imbutus disciplina spiritualis allegoria. Hic Deo dilectus Pontifex pro honestate morum non modice dilexit Dominum W. ernherum, in tantum, ut multotiens in suis tribulationibus (3) eius non dedignaretur uti hospitio, eumque dulcisono verborum suorum demulceret alloquio, filios etiam scilicet WERNHERUM & WIPERTUM Pontificali sublimauit benedictione, & ut in adoptionem filiorum Dei mererentur ascribi, sua intercessit oratione. Quæ in illis quantum præualuerit oratio, felix eorum conuersio, ac nobilis eorum ac pia postmodum multis declarauit conuersatio. Prædictus ergo Pontifex, ut perfectam in ipsos manifestaret caritatis abundantiam, infra mœnia domus suæ, ipsis petentibus, Domino in honore Sancti MICHAELIS Archangeli benedixit ecclesiam, quam ipsi decimis & prædiorum redditibus decenter honorarunt dotatam.

Qualiter W. ernherus de Caltenbach miliciæ suæ cingulum exuens, Religioni se una cum coniuge sua ITA Religiosissima Abbati Sancti BLASII tradidit.

CAPITULUM SEXTUM.

AT pius Dominus, qui quos diligit, castigat & flagellat, hunc, de quo loquimur, piæ memoriæ WERNHERUM, oculorum obnubila-

- (2) GILBERTUS seu GERHARDUS III. ex Ducibus Zaringensibus. (3) Tribulationibus, subintell. episcopi; qui scilicet ab ARNOILPHO de sancto monte, episc. Constant. intruso, exulare cogebatur, idque maximam partem in Brisgovia apud fratrem suum BERTHOLDUM III. Ducem Zaringia. Vid. Gall. Christ. tom. V. col. 909.

nubilatione, ceu paterna uirga, flagellauit, ac sic eum flagellando ad cœlestia capeffenda prouocauit. Quia uero sanæ mentis erat, & ut ita dicam, sanatus, a non sanatis secedere gestiebat, ROSTENUM tunc temporis Abbatem Sancti BLASII adiit, ipsiusque consilio militiæ cingulum deposuit, coniugemque suam, quæ sibi tutam atque sinceram fidem seruauerat, & ut ad id mereretur pertingere, lacrimis, multisque precibus implorauerat, Deo & Sancto BLASIO in sanctimonix castitate seruituram obtulit, ac deinceps Monachili tectus tegmine, ipsaque sacro uelamine, CHRISTO uero regi inculpabiliter militauit uterque.

Qualiter & quando omnia predia Domini WERNHERI, que in tribus regnis, sc. Prifaugiæ, Burgundia, & Reciensi (Curix) habebat, per WYPERTUM eius filium, in seculo relictum, Deo & Sancto BLASIO tradita fuerunt.

CAP. SEPTIMUM.

HIs ita de generositate ac religiositate iustorum horum prælibatis, ad narrationis seriem redeamus. Igitur, ut dictum est, vir Deo deuotus *W. ernherus*, nec non & prudens coniux eius *ITA*, seculo renuntiantes, prædia sua, quæ in trium regnorum cursu, scilicet *Prifaugia, Burgundia, Retiensis Curia*, exceptis his, quæ in dotis partem secesserant filiæ suæ *H. (4)* cetera omnia, omni contradictionis remota uecordia, publica & aperta delegatione traderunt, Deo & Sancto BLASIO deinceps in perpetuum seruitura. Hæc autem traditio, seu delegatio, non tunc quidem, ut dictum est, eo in tempore facta est, sed aliquantis interpositis annis, cum bonæ memoriæ *WIPERTUS*, filius eorum, qui patri in hereditatem successerat, instinctu Diuino & ipsorum consilio, & maxime fratris sui *WERNHERI*, a quo unice dilectus, quem singulariter diligebat, qui & ipse tunc temporis monachus factus erat. Horum ergo consilio *WIPERTUS* adueniens, traditionem prælibatam efficaciter (5) multis tam maioribus quam minoribus coram astantibus, patre & matre, & fratre, manu, assensu, consensum in id ipsum præbentibus.

Aaa

Quan-

(4) Num *H. MELTRUDA*, an *HEDWIGA* vel *HEDWIGIS* legendum, non satis constat.

(5) Forte supplendum: approbavit.

Quando & qua potissimum de causa Prepositus & Monachi in Monte Bûrgilon institui ceperunt.

CAP. VIII.

HAc peracta affectuosa traditione, senior WERNHERUS secedens ad Reuerendum ROSTENUM Abbatem, intimauit illi desiderium cordis sui super locum, qui dicitur Bûrglen, asserens, quod locum corde diligeret, animo retineret, eo quod parentes illius ubicunque terrarum contingeret mori, aut gladio interimi, omnes ad eundem locum iusserunt se transportari, ibique sepeliri. Hac de causa rogauit Dominum Abbatem, ut Presbytero H. eribortone (6) qui eo tempore sacerdotio fungebatur in præfata ecclesia, scilicet Bûrglen, ex hac uita decedente, Monachos transmitteret, qui regularem inibi uitam obseruare deberent. Hæc omnia, quoniam non facile sibi aliquid denegare potuit, concessit Abbas, &, ut ita perficerentur, iussit, sed heu inopinata morte præuentus, quæ ob dulcedinem dilectorum filiorum actitabat, perficere non obtinuit (7). Ordinatus autem dilectus Deo & hominibus Abbas BERCHTOLFUS, quem prædecessor suus statuerat, ipse sagaci industria, ut ad plenum perficeret, festinabat; nam defuncto bonæ recordationis H. eribortone Presbytero, BERCHTOLFUS Abbas venerandus, consilio fratrum suorum, WERNHERUM prædictum ac sæpe dicendum WERNHERUM, senioris WERNHERI filium, cum aliis duobus fratribus, iniuncto sibi Præposituræ officio, ad præfatum transmisit locum, mandans, ut sacre religionis ibidem initiaret institutum.

Que & qualia predia ex allodio Domini W. ernheri, per ipsius & Abbatis Sancti BLASII & fratrum suorum ordinationem, nec non Ducis CHOVRADI, Advocati Sancti BLASII, accedente voluntate, cum omni iure suo ad Prepositum in Bûrgilon sunt spectantia.

CAP. IX.

ET ut plenius possent diuini officii obseruare deseruitia, consilio fratrum, nec non & COVRADI Ducis (8) voluntate, advocati San-

- (6) Hoc ei nomen fuisse, discimus ex charta anni 1130. VIII. Febr. apud HERRCOTT Gen. Dipl. rom. II. num. CCXI. ubi UDAIRICUS II. ep. Constant. de eo sic loquitur: *Felicis memoria fratre nostro HERIBORTONE carnis ergastulo uocatione Diuina aducto, BERTOLFUS Abbas de S. BLASIO, monachos suos ad eundem locum direxit.*
- (7) Electus est an. 1108. e vita excessit XII. Cal. Oct. an. 1125. non sine fama sanctitatis.
- (8) de Zaringen.

Sancti BLASII, concurrente, venerabilis Abbas BERCHTOLFUS de alodio Domini W. *ernheri*, prout ipse rogauerat ac disposuerat, ad eundem locum ordinauit, & ex tunc ac deinceps regularis vitæ tramitem in eodem loco obseruare denuntiavit. Hæc autem prædiorum sunt nomina, quæ huic, de quo loquimur, loco, sunt, ut diximus, delegata omnimodo, scilicet Ekinheim cum omni iure, Caltinbach, Eimuntal, Sicinchilcha.

Qualiter Prepositura Bûrgilon per Papam INNOCENCIUM Moguntino Archiepiscopo ordinanda & confirmanda mandatur.

CAP. X.

SEd hæc transmutatio scilicet ex clericali officio ad monasterialis uitæ disciplinam, sacerdotes illius prouinciæ non minime offendit, in tantum, ut sanctæ memoriæ OVDALRICUM de *Tilingen*, sanctæ Constantiensis ecclesiæ tunc Pontificem, sæpius conuenientes, ac multimodis querimoniis impellentes, ut ad prioris clericalis officii instituta locum reuocare mandaret, insistebant; unde compulsus venerabilis Abbas BERCHTOLFUS, Dominum A. *delberonem*, tunc temporis Sancti BLASII Priorem, ad Apostolicam transmisit sedem, cui præerat vir Religiosissimus INNOCENTIUS (9) omni deuotione deposcens, ut sacræ religionis initia in eodem loco Apostolica confirmaret auctoritate. At pius pater in multiplicatione spiritualium filiorum gauisus, scripsit Archiepiscopo (10) Moguntino, ut prudentia sua omnia ita disponderet, ut & monasterialis disciplina in monte Bûrglen perseveraret, & petitioni Clericorum, habito consilio, aliunde concurreret. Prædictus ergo Moguntinus Archiepiscopus, sapienti fretus consilio, id negotium Constantiensis ecclesiæ commisit episcopo OVDALRICO nomine, denuncians, ut fratrum Deum timentium concione habita, prudenti discuteret industria, ac secundum Apostolicam sanctionem synodali determinaret sententia. Pontifex ergo OVDALRICUS spiritu divino subnixus, rem sibi commissam tractans, & iterum atque iterum retractans, opere infecto, ex huius mundi recessit exilio.

A a a 2

- (9) Substituendum: HONORIUS II., ut liquidum sit ex charta, in nota ad cap. VIII. num. 6. laudata, qua continetur ODALRICI, *episcopi Constantiensis, confirmatio transactionis super loco Bûrglen*. Cum enim hæc data sit an. 1130. die vero VI. Idus seu VIII. Febr. HONORIUS autem die primum XIV. eiusdem anni & mensis obierit, non potest non auctor hic lapsus esse. Adde: quod charta, inferius num. 21. adducenda, HONORIUM ut auctorem huius transactionis expresse nomet.
- (10) ADELBERTO scilicet, ex Ducibus Lotharingorum.

exilio. Post hæc succedente venerabili eiusdem nominis OYDALRICO (11) fratres sancti BLASII eundem adierunt Antistitem, intimantes illi Apostolicæ præceptionis datas litteras, nec non & Moguntini episcopi prædecessori suo data mandata, orantes & obsecrantes, ut ea, quæ piæ memoriæ OYDALRICUS hac de causâ inchoauerat, ipse in Dei amore & pro Dei remuneratione perficienda & stabilienda sapienti consilio fatageret. Præsul (12) itaque negotii causam inspiciens, inspectamque læpium discutiens, omni cordis uigilantia pacem firmare, discordiarum nitebatur fructu refecare; nam hinc fratrum Sancti BLASII precibus commouebatur, illinc vero sacerdotum conuentibus propellebatur. Tandem uero uenerandus Pontifex diuino instructus consilio, idem negotium DIEMONI commisit Archipresbitero, per obtestationem sanctæ obedientiæ, denunciâns, ut fratrum Sancti B. *lasii* & sacerdotum, nec non & laicorum religiosorum facta conuentia rem diligentius ventilent, & in timore Dei, secundum eorum consilium determinarent. Igitur apud uillam *Lielâ* DIEMO Archipresbyter conuocans fratres Sancti B. *lasii*, ADELBERONEM scilicet Priorem Sancti B. *lasii*, postea *Basiliensem Præsulem* (13) W. *ernherum* & W. *i-*
pertum

(11) De *Castell*, qui ex monacho S. BLASII, in Nigra Silva, anno 1127. electus, post annos XI. id est, anno 1138. ob varias acceptas iniurias abdicans, ad suum, unde uenerat, remeavit monasterium, ibique finem uitæ fecit circa an. 1140. Vid. *Gallia Christiana* tom. V. col. 913. Diem obitus ad VII. Cal. April. reponit Necrolog. *San- Blasianum*.

(12) Hoc loco fragmentum autographi oritur.

(13) Qui alia dialecto ADELBERTUS, seu ADELBERTUS, ex Comitibus de *Proburg*. Is testantibus MSS. nostris anno 1130. a Prioratu *San- Blasiano* ad Abbatiam *Numburgensem* in Saxonia uocatus, anno infecuto 1131. episcopus *Basiliensis* electus est. R. P. *Claudius* SUDANUS S. I. in *Basilea Sacra* (nam is eius auctor est) pag. 195. electionem hanc ad an. 1130. consignat: sed rem haud tetigit) quandoquidem BERCHTOLDUS, prædecessor eius, dicto anno 1131. d. XXIV. lun. adhucdum superfuit, ut nuper ex diplomate LOTHARII R. R., quo *Dilecto & fidei nostro Domino* BERCHTOLDO, *Sanctæ Basiliensis ecclesiæ venerabili episcopo*, argentisodinas in pago *Brisk- houe* confirmat: id quod ex Catalogo *episcoporum Basiliensium* MS. auctore D. *Leonardo Leopoldo* MALDONER, *Friburgensi*, Reverendissimi & Celsissimi ep. *Basiliensis*, IOSEPHI WILHELMI, Consiliario Aulico & Archivario, nuper admodum perhumaniter cum P. R. D. P. HERRGOTTO communicato, didicimus. Ad plures abiit an. 1137. testante codice MS. *corvo*, res *San- Blasianas* seculi XII. referente, cuius exemplum alterum in Principali monasterio *Murensi*, alterum in Abbatia *Engelbergensi* asseruatur. Errat ergo SUDANUS iterum, quando loc. cit. p. 196. obitus eius ad an. 1139. uel cum URATISIO ad an. sequentem 1140. referri posse putat. Certe in codice diplomatico Archiui nostri Bulla INNOCENTII II. PP. restat, qua OYDALRICO, ADELBERONIS successori, an. 1139. XVIII. Cal. *Maii* plurimæ possessiones & privilegia confirmantur. Eandem quoque adducit laudatus D. MALDONERUS.

pertum OYDILRICUM, GERUNGUM, ipse cum fratribus suis sacerdotibus, quorum nomina postea notabimus, occurrit, cunctisque in unum confidentibus, Divina fauente clementia, unanimi sententia, condigno fine, cunctis assentientibus, prudenti determinarunt providentia. Hæc sunt nomina, quorum consilio & industria hæc disposita, & ordinata sunt beneplacita: HERIMANUS Decanus de *Mulinheim*, CONSTANS de *Bricinchouin*, EBERHARDUS de *Betibur*, IOHANNES de *Ovcheim*, LUDEWICUS de *Ekkinheim*, BURCHARDUS de *Liela*. Inter quos affuerunt proceres ROVDOLFUS, nuncius Ducis C. onradi, & frater eius BERTHOLDUS de *Bandin* (14) ANSHELMUS de *Buccingin*. Si quis autem causæ huius diffinitionem & pacis confirmationem plenius uoluerit scire, privilegium (15) quod prædictus Pontifex Ov. dalricus in recordationem & roborationem huius instituti iussit conscribi, studeat legere, ubi plane & aperte omnia poterit intellegere. Igitur omni discordiarum obnubilatione, flante vero austro, remota, tanta extemplo tranquillitatis serenitas circumfulsit locum, ut ex quorundam

Aaa 3

dam

- (14) Ita MS. Apographum præfert: *de Baden*. At charta, mox citanda, sic habet: RODOLFO de *Badin*, advocati CHONRADI scilicet Ducis, legato. Qui, ut hoc obiter notem, non *Marchionibus* de *Baden*, sed, ut omnino verisimile est, illustri potius familiz *Baronum* cognominum, hodie adprime florenti, cuique locus *Liela*, seu *Lieli*, ubi tunc conventus iste agebatur, hodieque paret, adnumerandus est; secus enim titulus *Marchionis* cur omitteretur? quandoquidem ubi in eadem charta HERMANNI, *Marchionis Badensis*, mentio fit, prædicatum *Marchionis de Baden* continuo additur. In eadem charta OTTO quoque de *Baden* memoratur, sed is inter parochos provinciz, ut ex contextu patet, recte computa dus.
- (15) Extat hæc charta apud HERRGOTTUM loc. cit. num. CCXI. quæ & ibid. legi meretur. Nos, ad firmandam & illustrandam quadantenus hanc narrationem, pauca inde decerpimus. „Eapropter (ait UDALRICUS episc. Constantiensis) secundum præceptum, petitionemque Archiepiscopi, nec non etiam usi consilio fratrum nostrorum . . . DIEMONI Archypresbytero, & HERIMANNO Decano negotium illud commissimus, rogantes ac præcipientes, ut, assumptis, quoscunque vellent, de fratribus suis, rem totam, sicut diximus, diffinirent. In villa igitur *Liela* convenientes ex parte nostra DIEMO Archypresbyter, HERIMANNUS, UDELMARUS Decani, ROSTEINUS de *Chilichovin*, EBERHARDUS de *Scopheim*, CONSTANS de *Bricinchovin*, BURCHARDUS de *Liela*, OTTO de *Badin*. Ex parte Abbatiz ADALBERO Prior, ODALRICUS, WERNHERUS, WIPERTUS, WERNHERUS, fratres de S. BLASIO . . . Quapropter ea, quam diximus, commutatio perpetrata est apud *Ekkinheim*, præsentibus & assensum dantibus D. Archypresbytero GERUNGO de *Blansingen*, LUDEWICO de *Ekkinheim*, IOANNA de *Ovcheim*, ODALRICO, WERNHERO, GERUNGO, HUGONE, WIPERTO, fratribus de S. BLASIO: RUDOLFO de *Badin*, advocati CHONRADI scilicet Ducis, legato, ANSELMO de *Bucginin*, & omnibus fere parochianis. . . . Data VI. Idus Februarii feria VII. anno ab incarnatione Domini MCCCX. Indictione VIII. Anno regni Lotharii V. Actum *Bafilæ* feliciter. Amen. „

dam donationibus admodum dilataretur, & non modice a multis veneraretur.

Qualiter DIETWINUS Cardinalis & Legatus sedis Apostolice ecclesiam in Bûrgilon in honore Sanctorum IOHANNIS Baptiste, & IOHANNIS Euangeliste consecrauit.

CAPITULUM XI.

Sed nec reticendum, quod sanctæ recordationis DIETWINUS Cardinalis Sanctæ RUFINÆ & Apostolicæ sedis Legatus rogatu Domini B. ertolff Abbatis piissimi, eundem locum adiit, & concurrente totius prouinciæ tam Clero, quam populo, cum omnium gratulatione ecclesiam Deo in honore Sancti IOHANNIS Baptiste & Euangeliste consecrauit; & ut regularis ibidem disciplina amodo obseruaretur, Apostolica auctoritate scriptis demandauit & dictis.

Confirmatio & ratificatio predictorum omnium Domini

INNOCENTII Pape secundi.

CAP. XII.

HAnc sane litigii determinationem & sacri seruitii augmentationem, Dominus INNOCENTIVS PP. II. rogatus a uenerabili Abbate B. ertolffo priuilegii (16) sui auctoritate roborauit, & ut omni deinceps tempore monasterialis obseruatio ibidem seruaretur, Apostolica auctoritate firmavit, fanciuit & instituit.

De honesta Domini WERNHERI de Caltinbach ab ineunte etate sue uite conuersatione, exindeque eiusdem & Religiosæ uxoris suæ ITÆ felici transitu, atque extremi diei clausione.

CAP. XIII.

Descripta igitur loci uenerabilis in regularis uitæ tramitem (17) restat dicere, qui & vel quales fuerint, qui eundem extulerint locum, & quorum *reliquiæ* (18) eodem recondita sint loco, seu quorum donationibus prædiorum idem sustentatus sit locus. Venerabilis & deuotus Christi famulus W. ernherus senior de Caltinbach post abrenunciationem seculi, Monasterium ingressus, orationi intentus, honestus, iustus permanfit & quietus. Nec mirum si tunc perfectioni operam dabat, quippe qui ab ineunte ætate tantæ innocentie

(16) Ita authographum. Apographum contra recte: priuilegii.

(17) Forte supplendum: mutatione.

(18) *Reliquiæ* in autogr. haud legitur; mallem *corpora*, ut cum *recondita* conveniret.

centiæ & simplicitati deditus fuit, ut ab omnibus honoraretur, amaretur, frequentaretur. Domino autem disponente, penſum perfectionis ei dare, correptus febre, uehementi cepit infirmitate laborare. Et cum per aliquod tempus ingraueſcente languore æſtuaret, laſeſcente corpore deficiens II. Kal. Septembris feliciter obiit, Anno MCXXV. (19) feliciusque in Domino, ut credimus, obdormiuit. Ante paucos autem dies dormitionis ſuæ ad cellam, *Sulzeberc* nominatam, tranſierat, uiſitationis gratia religioſam ſuam relictam I. tam, quæ illic religionis gratia a *Beroenſi* cenobio a Domino Abbate cum ceteris fororibus fuerat tranſmiſſa, ibique letali tactus febre, ante mortem ſibi non licuit remeare. WIPERTUS autem audiens patrem dilectiſſimum apud *Sulzeberc* infirmari, aſſumptis ſecum quibusdam ex fratribus, omni cum feſtinatione perrexit ad uiſitandum eum. Cumque ueniſſet ad iam dictum locum, & inuenit eum iam deſunctum, & locum ad ſepulchrum iam deſtinatum. Quod ut uidit, membris omnibus intremuit, aſſerens, ſe nullo modo pati, patrem dilectiſſimum ſepulturæ fratrum Sancti BLASII immunem fore. Corpore igitur patris uehiculis impoſito, impiger perrexit, & in die ſancto Dedicationis, aſtantiſſimis fratribus ceteraque tam cleri quam plebis copioſa multitudo, cari corpus tradiderunt ſepulturæ. Poſt hæc autem religioſa & Deo amabilis IRA, precibus & lacrimis inſiſtens, implorabat Domini pietatem clementiam (20) ut ſpiritum & animam ſui cari ſanctorum ſuorum gaudiis iuberet aſſociari, & ut eam in hac ualle lacrimarum diutius non pateretur peregrinari. Cuius petitioni auris Diuina non deſuit; nam non poſt longum temporis ex huius exilii ærumnis auſugit. Poſt V. etenim menſium curricula graui languore pulſata, uti petierat, ex hoc mundo anno MCXXVI. IIII. Idus Martii eſt liberata. Cumque iam iamque ultimum attraheret ſpiramen, WIPERTUS filius eius ante eam procumbens, o dulciſſima inquit mater quomodo uel qualiter habes? conualeſcere ſperas? Intuita eum, prout potuit, tale reſponſum edidit: *Inclina Domine*, inquit, *cor meum in teſtimonia tua, & non in auaritiā*, cumque ille cauſaretur uim uerborum ſe non intelligere, reſpondit: Interroga Dominum & magiſtrum meum, qui in præſenti adeſt, & dicet tibi interpretationem uerborum iſtorum, & caue diligenter, ne aliquando dece-

(19) Anno MCXXV. Hanc æram, quemadmodum & reliquas ſubſequentes, ſecunda manus, antiqua ramen, adiecit; id quod ſemel notaſſe ſufficiat.

(20) Ex his duobus uocabulis prius alteri ab eadem manu ſuperpoſitum eſt.

decedant seu depereant de animo tuo. Erat tunc temporis in eodem claustrō scilicet *Sulzeberg* Prior venerabilis WEIRN dictus nomine, qui cum interrogatus, intimasset interpretationem huius sententiæ, illa gaudens migravit ex angustiis præsentis uitæ.

*De laudabili vite & morum Domini WERNHERI de Caltinbach
sanctitate & merito excellenti, insigniumque virtutum eius-
dem mirabili claritate & consummatione.*

CAP. XIII.

VTile fatis est & honestum ad instructionem futurorum gesta seu dicta commemorare perfectorum uirorum. Vnde non incongruum duximus in medium proferre, quis vel qualis seu quanti meriti apud Deum & homines fuerit, de quo descriptio stili differt. Hic siquidem fortis & inuictus WEIRNERUS nomine dictus, uerbis facundus, moribus compositus, & ornatus, honestate conspicuus. Hic ergo iuuentutis flore mundo satis nobiliter secundum datas a Deo sibi diuitias militans, postea spreto mundi principe, CHRISTO uero Regi in monasterio militauit honeste. Uerum in monasterio eius qualis fuerit conuersatio, non est facile dictu, quam humilis, quam sobrius, in consilio quam prouidus, in monasterii utilitatibus quam strenuus, in corripiendo seuerus, in exhortando quam dulciloquus, inter discordantes pacificus, inter litigantes suadibilis & karitativus. His & huiusmodi pigmentis dulcoratus, bono rumore se intuentium mentes attraxit, ceu bono odore. Nimirum fratribus omnibus gratus & acceptus, ab omnibus in Præpositum est electus. At ipse custos humilitatis suæ mauult subesse quam præesse. Vnde factum est, ut nunc Præpositus, nunc sub Præposito, nunc elemosinarius, aliquando etiam foret armentarius. Ubique autem se uerterat, uel quicquid sibi commissi officii actitabat, Dominus, qui est super omnia benedictus, sua benedictione semper fulciebat & augebat. Abbas nec non & ceteri fratres, senes & iuuenes in tribulationibus & angustiis, quibus plurimum impellebantur, *W. ernherum* vocare, *W. ernherum* adesse, *W. ernherum* clamitabant succurrere. Quibus ille aliquociens quasi iratus abnegabat, at uero secedens parumper & secum deliberans, supra, quam rogabatur, adiciebat. Prædia monasterii ubique dilatabat, res possessiones seu uariam suppellectilem magnifice multiplicabat. Hinc factum est, ut nomen *W. ernheri* multorum crebresceret per aures, hinc proceres illum nomi-

nominaient, illinc optimates illum diligerent, Comites & Duces, sacerdotes CHRISTI, sed & ipsi præsules, & quod his omnibus maius est, totius orbis Imperatores, de nomine *Wernheri* quaeritabant, eius providentiæ atque consiliis plurima committentes. Dicam fortasse inauditum & incredibile: quia uiculus ille, de cuius nominabatur pronomine, scilicet *C. altenbach* (21) uilis & despiciatus, quippe qui scopulis & montanis undique circumdatus, in tantum eius cognomine percrebuit, ut mundi Domina Roma, & ipsi Romani Principes, eius nomen notum habuerint. Erat idem uir præclarus, multæ patientiæ, magnæ abstinentiæ, tribulatis compatiens, & super afflictis pia gestans uiscera, duos & improbos fevere corripiebat, ut illud SALEMONTIS in eo impleretur: *Verba sapientis sicut stimuli & sicut clavi in altum defixi.* Inter cetera, quæ de eo referuntur uirtutum merita, illud insigne in eo enituit, quod dicitur elemosina, qua adeo est illeceus, ut plerumque suis exutus uestibus, miseri contegeret artus. Vidimus me-

B b b

dia

- (21) Iuvat hic chartam inferere, cum id ipsum, tum alia etiam, huc pertinentia, illustrantem. Asservatur ea in Archivo S. Blasii & ita sonat: „In nomine S. & individui Trinitatis. HERMANNUS Constantiensis ecclesiæ episcopus per omnia disponentis Dei gratiam. Noverit omnium tam præsentium, quam futurorum fidelis devotio, quia in *nigra silva*, in pago *Prisacaudia* sita est quædam ecclesia in villa *Chaltenbach*, quæ quidem ecclesia ab omni aliarum ecclesiarum subiectione libera & absoluta cognoscitur, quantum ad ipsam spectat, nisi quod, quando Episcopus vel eius nuntius sedet in iudicio apud *Chandero*, ibi debet occurrere & iudicium pati pro Ecclesiastico iudicio & iure populus de prædicta villa. Hæc tamen ecclesia, quamvis curam hominum in suis terminis posterum habeat, non tanta præpoller substantia, quæ sufficiat equicum Clerico ad victum & vestitum. Quod ego solerti atque pia pertractans consideratione, concessi atque adiunxi prædictam ecclesiam *Chaltenbach* cum omni facultate sua, & ea, quæ ei pertinet cura animarum, ecclesiæ de Burglun, ea lege, quatenus Prior eiusdem cellæ cum fratribus suis libere ac sapienter præsit ac provideat eidem ecclesiæ & hominibus eo pertinentibus. Hoc autem concessi petitione GUNTHERI Abbatis monasterii S. Blasii, WERNHERI & WILBERTI, quorum parentes exstiterunt fundatores ecclesiæ de *Chaltenbach* & cæterorum religiosorum virorum, præcipueque hæc causa ad hoc faciendum impulsi, quod felix memorie UDALRICUS de *Tilingin* meus prædecessor transulit ecclesiam *Burglun* in potestatem monachorum auctoritate Domini Papæ HONORII atque Mogontini Archiepiscopi ADEIBERTI. Cæterum ut hæc constitutio inconvulsa permaneat in perpetuum, nostro sigillo impresso hanc paginam robore placuit. Actum est Anno ab incarnatione Domini MCLV. indictione II. VIII. Kal. Februarii in loco qui dicitur *Hingelheim*. „ Hucusque Instrumentum. UDALRICUS de *Tilingen* appellat, qui negotium inchoavit, ab eius successore, UDALRICO de *Castell* pollice perfectum. Cetera ex ipso chronico lucem accipiunt, & reddunt.

dia ieme, quæ solito asperior inhorruerat, pauperem sibi obuiasse feminudum, qui senio, infirmitate, famis & frigoris fatigabatur incommodis, in tantum, ut uix duorum sustentaretur iuuanine baculorum. Miseratus hominem, miseratus conditionem, celare uolens rem, secessit a fociis sub arborem, & clam exuens, quo subtus indutus erat coopertorium, operuit pauperem nudum, datisque tribus numismatibus, iussit abire festinanter. Obuium habuimus pauperem, gratias agentem, ac si CRESI opes extemplo reperisset, tripudiantem. Sed quoniam Domini fuit dilectus iste beatus, ideo acerrime ab eo est flagellatus; nam ante obitum plusquam per anni circulum uariis infirmitatum generibus tam duriter cruciabatur, ut interdum nec subsistere, sed nec saltem lectulo decubare præualeret. His & aliis talibus meritorum insigniis, quas enumerare longum est,

Consumptus senio, languore, grauique labore,

Suspirat patriam scandere cœlicolam.

Mortem bisquini februi tulit ipse Kalendis,

Quem DEUS omnipotens pie cuncta regens,

Exemptum terris concedat uiuere cœlis,

Luminis atque sui det splendore frui.

Anno MCLVIII. (22)

De militaris viri Domini W. yperti, postea ad religionem conuersi, morum claritudine, eiusdemque in eadem Religione perfecta obseruancia, transmigratione.

CAP. XV.

QUisquis pie ac sobrie studuerit uiuere, hoc accipiet in munere, ibi interesse, ubi semper adest uiuere. Quid autem decentius pietati, quam discretio boni ac mali? qui enim malum in se demit & bonum sibi eligit, sic est ceu qui per campos discurrens, multigenos flores ex fructibus decerpit. Quod intuens uir pius ac sobrius W. *ypertus*, pietati omnibus modis fuit intentus. Hic militiæ & pompis seculi in DEI amore renuntians, obedientiæ armis munitus, CHRISTO deuote postea fuit militans; unde de talis uiri meritis pauca perstringere nulli uideatur indignum, quia alicui futurorum erit proficuum & imitabile. Erat enim uir totius bonitatis, magnæ humilitatis, miræ benignitatis, iustitiæ amator, elemo-

(22) Hic ab autographo denuo destituimur.

elemosinarum prodigus largitor, consilio grandævus, in interuentu strenuus, in uniuersa morum honestate præclarus, mitis in omnes, affabilis uniuersis, etiam infimis, in rebus utilibus prouidus atque subtilis. Hunc omnes miro diligebant affectu, omnibus acceptus, cunctis extitit carus, res sibi commissas prudenter ac sapienter disponebat, prædia augmentabat, uniuersa tam in ædibus, quam in ceteris necessariis multiplicabat, fratribus statutam annonam tam pie, tam alacriter prouidebat, ut omnibus carus esset & acceptus. Ceterum in suscipiendis hospitibus quantum efficax, in misericordiis pauperum quam esset sagax, in infirmantium uisitationibus quantum sollicitus, non est facile dictu. Et quamuis in huiusmodi curis cum MARTHA multum esset occupatus, tamen optimam MARIÆ (23) elegit, in qua ex Dei gratia est & iustificatus. Fuit enim Diuini seruitii cultor eximius, in tantum, ut Canonicas horas nulla pateretur præterire occupatione præpeditus. Cursum etiam Dei genitricis MARIÆ per semetipsum inofficiabat quotidie, psalms familiares nequaquam uolebat præterire, psalterium legebat assidue, Orationibus & ceteris exercitiis spiritualibus incumbere frequentius, disciplinis & castigationibus uehementer affligere corpus. His & huiusmodi Deo & hominibus acceptus, senio & uiribus deficiens, languore graui correptus, iam, iamque morti factus est uicinus, & cum iam in omnibus membris debilitaretur, pura confessione & sacri olei munitus unctione,

Martis in undenis defungitur ipse Kalendis.

Cuius sis miserans, te rogo, cuncta creans,

A pœnis soluas, peccati uincula tollas,

Ut tecum maneat, teque Deum uideat.

Qualiter Oberneckkynheim cum omni iure suo & pertinenca circulariter ex quatuor dominiis ad tus & potestatem sancti IOHANNIS in Bürgilon a principio deuenit.

C A P. XVI.

AD (24) dissolvendos multiplices querimoniarum multigenarum non solum inutiles, sed & noxios nodos, satis utile constat ac ratum, facta maiorum posteris notificare certificatione litterarum. Vnde ad instructionem futurorum in palam referre decre-

B b b 2

uimus,

(23) Supple: partem.

(24) Transitiones, præfaminibus similes, auctori nostro solemnnes esse, alibi docuimus: idem & in hoc opusculo fieri, observare est a cap. XIII. ad præsens usque.

uimus, qualiter bonæ memoriæ WIPERTUS cenobium, quod dicitur *Bürgilun*, cui fuerat in Præpositum prælatus, prædiis adauxerit, ædificiis ampliauerit. Ponamus ergo quali in fundamento, quod dicitur *Ekkinheim*, qualiter illud de dominio IIII. Dominorum in ius & potestatem sancti IOHANNIS collegerit. Quidam consanguineus eius, nomine CHOVRADUS de *Aleson*, hereditauerat de matre sua GISILA IIII. partem illius silvæ, seu campi, cum una curti in uico, qui vocatur *Gorgendorff*, constitutam, ad cuius ius pertinebat eadem IIII. pars uillæ, quam commemorauimus. Prædictum ergo prædium apud *Gorgendorff* cum omni sua pertinentia, nec non & prædium, quod habuit idem CHOVRADUS apud *Utinachum*, tam (in) uineis quam agris & pratis, & quicquid sui iuris ante extitit, comparauit venerabilis WIPERTUS CLXXXVII. talentis, *Basiliensis* monetæ. Acta sunt hæc apud *Basileam*. Sed quia reliquias sanctorum non habuit in præsentia, rogauit CHOVRADUM Ducem Advocatum sancti BLASII, in cuius præsentia gesta sunt hæc, quæ prænotauimus, ut iam dicta prædia fusciperet in sua fide ad faciendum de eis, quod ipse rogaretur, quod & fecit. Nam ueniens idem Dux CHOVRADUS in locum, qui dicitur SCOVNOVVA, in publica uenatione, affuit & W. ipertus simul & OYDALRICUS, qui Prioris fungebatur officio. Ammonitus de fide Dux CHOVRADUS, tradidit super reliquias sancti BLASII, sanctique IOHANNIS, prædium prædictum absque omni contradictione, & ex illa die cessit in ius legitimæ possessionis monasterii sancti IOHANNIS apud *Bürgilun*. Igitur (25) notum sit omnibus tam futuris, quam præsentibus, quod in banno, quod est apud superius *Ekkinheim*, nullius inest aliquid iuris siue potestatis, nisi solius monasterii de *Bürgilun*, ista uidelicet terminanda uia illa, quæ est secundum abismata in *Grinega*, & dicitur in *Hochenblaxen Widen* & ita per decliuas montium, usque dum uenias ad bannum, qui pertinet ad inferius *Ekkinheim*, & transgreditur in latitudine *Sicinkilcham* ultra montem, qui dicitur *Lendrich*, in fluuiolum illum, qui de montibus de silua descendens transgreditur uiam, quæ ducit in uicuri, & infra prædictum terminum. Ad illud uero, quod dicitur *Entenburg Bann*, *Elbract*, ex toto integer tam campestris quam siluestris, potestatis est & iuris fratrum de *Bürgilun*.

(25) Est hoc ex eo genere instrumentorum, de quo fufe egimus lib. II. cap. IX. num. III. seqq. Hinc est, quod litteras NA iugatas, in margine apographi uisendas, Notitia interpretandas existimem.

Qua-

Qualiter Dominus WIPERTUS de Caltenbach diuersa alia comparauit bona quam plurima. Ab aliisque dono data atque sponte oblata suscepit.

CAP. XVII.

Dominus WIPERTUS emit unum mansum in uilla *Ekkinbeim*, de *ADELBERTO* de *Suerzin*, siue de *Eistaten*, cum VIII. marcis. Ad istud prædium dedit unum iugerum uineæ apud *Velperc*. Item ad cumulum laudis suæ fanulus Dei WIPERTUS adpreciatus est prædium quoddam, apud *Ekkinbeim* situm, de Domino *RUDOLFO* de *Madelberc*, XIII. marcis, quas tradidit apud *Sulzeberc* coram multis testibus. Itaque CCLXII. marchas colligimus dedisse Dominum WIPERTUM in augmentationem prædii apud *Ekkinbeim*. Item dedit *VOLMARO* cuidam militi de *Reiheim* XVI. talenta *Basiliensis* monetæ pro curtina apud *Sleingen* sita. Dedit etiam III. talenta cuidam *MANGOLDO* de *Sleingen*, qui erat tributarius sancti IOHANNIS pro uineis, quarum computatio est plus quam unum iugerum. Item de *BERNHERO* de *Altlinchouin* emit unum iugerum uineæ V. talentis in monte, qui dicitur *Buzin*, situm. *BURKARDUS* quidam de familia sancti *LEODEGARII*, uillicus *HUGONIS* Comitis, comparauit sancto IOHANNI unum manuwerch (26) V. talentis a *WEIRNHERO* de *Altlinchouin* in monte *Buzin*. Matrona quadam nomine *HEDWIC* tradidit *CHOVNRADO*, qui cognominatur *Srifs*, curtim unam in uilla *Sleingin*, & tres partes uinearum, ad unum iugerum computatum, ea ratione, ut fructus eiusdem uineæ omni deinceps tempore cederent in usus fratrum de *Bürgilun*. Simili ratione *BERTHA*, filia *WEIRNHERI*, dedit unum manuwerch ad anniuersarium patris sui celebrandum. *FOLMARUS*, de quo supra retulimus, dedit unum iugerum uineæ in eadem uilla. *EBERHARDUS* miles ministerialis sancti *LEODEGARII*, & quidam *CHOVNRADUS* miles, tradiderunt Deo & sancto IOHANNI tria iugera uinearum in loco, qui dicitur ad *Grebrin*. *CHONO* frater prædicti *EBERHARDI* dedit Deo & sancto IOHANNI prædium, quod habuit apud *Blansingen*, scilicet unam curtim & duo iugera uineæ. *WEIRNHERUS* de *Madebach* ministerialis miles sancti *GALLI*, dedit in eadem uilla *TETERICO* filio sororis suæ unam scuopozonam, ea uidelicet ratione, ut fructus eius cederent

B b b 3

in

- (26) In Actis Murensibus legitur *manuwerch* & *manuwerk* (vid. ibid. pag. 87.) ac exscriptores tam Actorum, quam huius nostri Chronici, a primigenia Auctoris orthographia sæpe abierunt. Inde autem dicitur, quia nui viro committitur ad solendum, & est tantum setta, quantum par boum in die arato sufficit. Ibid. p. 85.

in usum fratrum de *Burgilun*. Isdem vero DEOTERICUS cambuit prædictum prædium, deditque aliud multo utilius, apud *Cicinbouin* situm. WIPERTUS & HEINRICUS Præpositi, emerunt unum iugerum vineæ IIII. talentis in eodem uico scilicet *Cicinbouin* a REGINALDO milite de *Ovcheim*. WEIRHERUS de *Sliengen* cum propria pecunia uidelicet V. talentis, emit unum manuwerch Deo & sancto IOHANNI in uilla *Velberc*. Frater eius TIETHERE dedit quandam partem vineæ in uilla *Altilinbouin*, in loco, qui dicitur *Huntgroba*. GERUNC de *Ovcheim* & fratres eius, scilicet IOHANNES & HEINRICUS, dederunt duo iugera vineæ in eadem uilla in loco *Wendin* uocitato. HEINRICUS Prior & LUTTHOLDUS emerunt a quodam WEIRNHRO de *Heitersheim*, qui fuit tributarius sancti IOHANNIS, curtim unam & VI. iugera agri, & plus uno iuchero vineæ in uilla *Hachin*. CHOVRADUS Dux de *Zeringen* dedit Deo & sancto IOHANNI ob remedium animæ suæ unam scovpozam in uilla *Scalfsingen*. DIETERICUS de *Rotenleim* dedit Deo & sancto IOHANNI unam scovpozam in uilla *Gupba*, quam MERIBOTO, in *Iherosolimitano* itinere defunctus, destinavit ad idem monasterium, & quoniam curtis defuit, idem Dominus TIETERICUS dedit unam uirnalem prope uillam ad curtim faciendam. ANNA de *Scopbeim* cum licentia Domini sui TIETERICI dedit unum manuwerch vineæ apud *Tanninbilcha*. Item BURCHARDUS de *Nortsuaben* dedit cum licentia Domini sui DEODERICI duo iugera vineæ in uilla *Haaltingen*. HEZIL & frater suus DIETHELMUS dederunt dimidium iuch vineæ in eadem uilla. Omnibus manifestum & cognitum sit, quod piæ recordationis TIETERICUS de *Rætenlein* determinavit litigium, quod GEROLDUS de *Serzingen* & ipsius familia de *Ekkinheim* in fundum illum, qui dicitur *Aclaspel*, & in montem *Bürgilun* & quædam confinia silvarum illi contigua. Ad rogatum namque dilectæ suæ coniugis OYTICHÆ & ob spem uitæ æternæ fecit abdicationem in omne illud, quicquid sui iuris esse posset, & tradidit super reliquias sancti IOHANNIS, & eo præfente ablati sunt lapides marchinales & depositi multis præsentibus, & finita est lis & determinata (27). ROVDOLPHUS de *Madelberc* senior (28) ammonitus & rogatus a uenerabili WIPERTO consanguineo suo, tradidit super altare sancti IOHANNIS in *Burgilun* tale prædium, quale possedit in uilla *Sicinbilcha*, scilicet

(27) Hoc Instrumentum ad genus Noticiarum referendum. Vid. paullo supra num. 23.

(28) Autographum hic denuo coincidit.

licet dimidiam partem ecclesiæ. Item tradidit in eadem uilla duas scovpozas & unum rus in monte ad CCCL. iugera computatum. GERUNC de *Ovcheim* dedit unum agrum in optimo fundo prope uillam. WINMARUS dedit quoddam territorium cum uno prato in uilla *Wolunwilare*. ROVDOLFUS de *Atinbach* dedit Deo & sancto IOHANNI tale prædium, quale possederat in eadem uilla scilicet *Atinbach*. Item tradidit unum iugerum uineæ, apud *Uelperc* situm. Dedit etiam unum iugerum agri in uilla *Welmindingen*. Illud iugerum traditum est in beneficium patruo eius BURCHARDO de R. qui annuatim tributario iure redimere debet prædicta prædia apud *Chilbeim*. Item in eadem uilla *Atinbach* ISO & ROVDOLFUS, frater eius, dederunt, quicquid sui iuris erat in eadem uilla. Dederunt etiam apud *Chandro* uineam unam, computatam plusquam ad dimidium iugerum. Item dederunt apud *Uelperc* dimidium iugerum uineæ. Dederunt etiam apud *Welmindingin* duos agros. ROVDOLFUS de *Uogilbach* dedit in eadem uilla *Uogilbach*, quicquid sui iuris erat. ROVDOLFUS de *Luitsindibach* dedit omnia scovposca in eadem uilla. ZEIZO de *Martiniscello* dedit prædium, quod habuit apud *Marticelespere* siue in rure, siue in silvis, siue in montanis, quicquid sui iuris fuit, totum & ex integro Deo & sancto tradidit IOHANNI. GERWIC, adiuncta manu filii sui CHOVNRADI, dedit plusquam dimidium mansum in uilla *Rovdilinbouin*. Prædictum prædium præstitum in beneficium cuidam LAMPERTO, quotis annis pro XI. solidis in tributum reddendis. Postea vero G. ad conuersionem ueniens, dedit unum territorium in uilla *Husincbouin* cum uno prato & uno iugero agri. Item dedit partem uineæ in uilla *Rovdlinen*. Dedit etiam agrum unum apud *Hertincbeim*. Hucusque Chronicon Bûrglenfe CONRADI monachi de S. BLASIO.

Collationatum ad Originale suum valde antiquum & nostro tempore secundum sui modum & formam mirabile visu, vetustissimorum namque more & literis exaratum arque formatum. latitudo sua uix uncam palmam continens, in longitudinem septem fere cubitorum usque portenditur, pergameneo ligamine foliis vndique colligatis, in seque ipsis orbiculariter adeo stricte reuolutis, ut pugno uirili claudi sane possit, cum eodemque Originali (præterquam in solis Rubricellis, inueniendi celerius, distinctionis causa maioris quarumlibet particularum per me adscriptis & adiunctis) omnimodo alias concordare repertum, per m^o VODALRICUM BUCK Rectorem ecclesiæ in Holzheyem arque collegiæ ecclesiæ maioris Thuregiensis Canonicum & Scholasticum, publicum sacra Imperiali auctoritate Notarium. Scriptumque per me eundem & actum in Cella Bûrgilon. A natali CHRISTI anno millesimo quadringentesimo, quartoque supra nonagesimum, octavo idus Octobres. Attestante hoc proprio cyrographo, solitoque signo.

Hoc,


Hoc, de quo hic mentionem facit Notarius, signetum statim post alteram eius subscriptionem (ubi quippe denuo repetitur) dabimus. Interim alterius Notarii attestatio, seu Vidimatio hic apponenda:

Ad diem 12. prout supra dictus honorabilis vir Dominus *Vricus* BUCK Notarius, ut subscribit, attestatur, atteltor ego *Iohannes* SALCZMAN de Maffmünster, Clericus Basiliensis Diocesis, publicus Apostolica & Imperiali auctoritatibus sacre curie episcopalis Basiliensis, ac Vicarius 2dus Notarius, manu mea propria & subscriptorum manuali solita subscripta.

Io. SALCZMAN Notarius Curie
Basiliensis hec scripsit.

Laudatus denique Udalricus BUCK versioni suae, in linguam vernaculam, hac subiungit:

Et ego *Udalricus* BUCK Constanciensis dyocesis presbyter, Rector ecclesie in Holtzheim, Pontificij Cesareique iuris Baccalaureus & sacra imperiali auctoritate Notarius publicus; quia praedicta iura & privilegia antiqua Celle, in monte Bürgelen sitae, attinencia, aliaque non nulla in praescriptis tredecim Capitulis (*nam totidem duntaxat, neglectis ultimis, transtulit*) vulgarisatis, contenta, in antiquis quibusdam, nec non autenticis scripture Latine (quemadmodum supra videri potest) vidi & repperi, deque eisdem Latine scripture secundum verborum sensum (quantum potui) in Theotonicum fideliter & probe interpretatus fui. Sicque actum & scriptum manu mea propria, atque completam per me fit anno Dominice Nativitatis 1494. pridie yd. 15 Novembres. Idcirco me hic ad finem huius translationis nomine meo proprio solitoque signeto & manu propria subscripsi atque consignavi in fidem & testimonium omnium & singulorum, sicut premititur, praescriptorum, Rogatus ad hoc, pariter & Requisitus.



Spizman scriptura autographa
denuncian: ut pñm scā v. sacerdotū necn
sacerdotū reliquorū sacra conuenia.

Spizman scriptura apographa
Oñue quod pilanc aut scribit. Si unicus
maone caret, vacuū et inane nō ambigat.

IN-

INDEX AUCTORUM

Qui in hoc opusculo laudati, explicati & illustrati, aut denique emendati vel confutati fuerunt.

A.

ALBERTUS *Argentinenfis*, apud
URSTISIUM 7. 349. 350.
353. 354.

Anonymus Murenfis, Scriptor
Genealogiæ *Habsburgicæ*. 2. &
feqq. passim. Vid. Indic. rerum
verbo: *Mur. Anonym.*

- - Biographus vitæ S. DEI-
COLI 264. feqq.

Augustense Chronicon. Vid. inf. *Chronicon.*

S. AUGUSTINUS Lib. de mendacio
p. 89.

B.

Bafilea sacra. Vid. SUDANUS.

Benedictinus de la Congregation de
S. MAUR. Nouveau traité de
Diplomatique. 43. 49. 51. 308.
315.

BERCHTOLDUS Constantiensis, 113.
149. 214.

BILLIUS (*Iacobus*) 95.

Biographus vitæ S. DEICOLI 264.
feqq.

BLONDELLUS. *Geneal. Franc. plen.*
assert. 3. 4. 10. 15. 16. 26.

BOLLANDUS. *Act. SS.* 264.

BORRICH. *Vindic.* 173.

C.

CALLES. (*Sigismund.*) *Annales*
Austr. 7.

CALMETUS (*Augustinus*) *Histoire*
de Lorraine. 4. 20. 22. 25. 26.
94. 149. 204. 230. 263. feqq.
278. 341.

CANGIUS. *Glossar.* Vid. Lit. D.

CEILLIER (*Remy*) *Histoire Lit-*
éraire des auteurs Ecclesiastiques
35.

- - Epistola 327.

CHANTERAVIUS. 4. 17. 18.

CHIFLETIUS (*Io. Iac.*) *Opera*
Politico-Historica. 3. 17.

Chronicon Augustense. 230.

- - *Bürgense.* Vid. CHUNO.

- - *Colmariense* ap. URSTISI-
UM. 7.

- - *Helveticum* vid. STUMPF-
IUS.

- - *Hildesheimense.* 230.

- - *Hirsaugiense.* 113.

- - *Novientense*, seu *Ebers-*
heimense. 297. feqq. 338.

- - *Vizeliacense.* 333.

CHUNO, seu CONRADUS de S. BLA-
SIO, *Actorum Murensum* 101.
feqq. 109. 112. feqq. 205. feq.
300. 176. 191. de quo alias
passim. & *Chron. Bürgensis* scri-
ptor 113. 365. 371.

CICERO de *Divinat.* 309.

- - pro CAIO RABIRIO 317.

INDEX AUCTORUM.

CLERICUS. *Ars Critic.* 30. 52.

Codex *Einsidlenfis* MS. 214. in not. 220. 223.

- - *Bajileensis* MS. 354.

- - *San - Blasianus* Mf. seculi

XI. 290. not. b.

- - Alius, res *San - Blasianos* seculi XII. continens, 372. not. 13.

Colmariense Chronicon. Vid. sup. *Chronicon.*

CONRADUS *Alt. Mur.* scriptor. Vid. sup. *CHUNO.*

CONRADUS *de Mure*, Cantor *Turicensis*, auctor mendosi poematis. 6. seqq.

CONRINGIUS (*Hermannus*) *de scriptoribus XVII. post C. N.* seculor. 36.

CRUSIUS. *Annal. Suev.* 346.

D.

DACHERIUS (*d'Achery*) *Spicileg.* 334. 337.

DUCANGIUS *Gloss. med. & inf. Lat.* 142. 161. 281. 312.

E.

Ebersheimense, seu *Novientense* Chronicon. Vid. *Chronicon.*

ECCARDUS. *Orig. Habsb.* 3. 4. 11. 16. 17. 22. 26. 171. seq.

284. 290. 311. 333. 340. in calce. Item 341.

- - *Francia Orientalis.* 333.

ENGELBERTUS Colon. Archiep. in epistola ad GREGORIUM PP. 7. 8.

ERASMUS (*Desid.*) in epistola. 95.

F.

FABER (*Basilius*) *Thesaur. erud. Scholast.* 52. 123.

FATIUS (*Iob. Rudolph.*) *dissertatio de RUDOLPHO Habsburgico nondum Rege*, *Basileæ* 1754. 4^{to}. 348.

FLEURY. *Hist. Eccles. T. XVIII.* 8.

FLORUS. (*L. Annaeus*) *rerum Roman. epitome* 175.

FUGGERUS. *Spec. honor.* 8. 145. 348. & 360.

G.

Gallia Christiana, ex editione PP. *Benedictinorum e Congreg. S.*

Mauritom. V. 108. 110. 206. 209. 210. 230. 299. 368. 372.

GENDERIUS. *Antiquités de la Nation & de la Monarchie Francoise.* 3. 17. 19. seqq. item 26. 165. 251. & 252. seqq.

GODEFRIDUS Abb. *Gottwic. Prodrum. ad Chronic. Gottwic.* 29. 39. seq. 49.

GUILLIMANNUS. *in Habsburgiacis.* 2. 8. 11. 12. 165. 174. 187. 195. 324. 300. 342. 349. seq. 360. & 363. seq.

GULERUS. *Hist. Rhet. ap. SIMLER.* 153.

H.

HARTMANNUS (*Christoph.*) *Anal. Eremi.* 11. 15.

HEINECCIUS *de Sigillis.* 85.

HERRGOTTUS (*Marquard.*) *Geneal.*

INDEX AUCTORUM.

neal. *Dipl. Augustæ Gentis Habsburgicæ* passim defensus. 13. 127.
in calce 139. seqq. item 224.
seq. 263. nec non 283. 285.
288. 289. 292 306. 308. 329.
Item 90. 164. & 198. Vid.
etiam Index rerum.

HEUMANNUS (*C. Aug.*) *Conspectus rei litterariæ.* 36. 176.
Hildesheimense Chronicon. Vid.
Chronicon.

Hirsaugiense Chronicon. Vid.
Chronicon.

HORATIUS. *Art. Poet.* 198.

I.

Idea Chrono-Topographica Congreg. Cisterc. sup. Germ. 13.

ISELIUS. *Lexic. Hist.* 153.

K.

KOPP (*Fridolin.*) *Vindiciarum Actorum Murensum* auctor, nomine *Adversarii* in hoc opere venit; hinc de eo quære in Indice rerum, litt. A.
- - *Additamenta ad Murum & Antemurale* 108. & III. 341.

L.

LAGUILLE. *Histoire d'Alsace* 109.
210. 331.

LAMBERTUS *Scafnaburgensis.* 230.

LE GENDRE. Vid. GENDERIUS.
Liber Constructionis, id est: *Origines San-Blasiana* Ms. 176.

LIVIVS. *Hist. Rom.* 309.

S. LUCAS *Evangel. & Acta* Apost. 60.

LUDEWIGIUS. *Reliq. Mss.* 354.
LÜNIG. *Spicil. Eccles. P. III.* 78.
81.

M.

MABILLONIUS (*Ioannes*) *Acta SS. O. S. BENED.* 35. 329.

- - *Analecta Vetera.* 331.

- - *Annales Benedictini.* 298.

- - *de studiis monast.* 18. 94.
96. 98. 220.

- - *Iter Ger. & de re diplomat.* 38. 40. 43. 45. & 48.

MAFFEI. (*Scip.*) *Istor. dipl.* 40.

MALDONER (*Leonard. Leopold.*)
Catalogus episc. Basileens. Ms. 372.

MONTEFALCONIUS (*Bernardus*)
Memoire de l'Academie des Ins-cript. T. IX. 41. seqq. ad 45. 269.

MUNSTERUS. *Cosmographia.* 153.

MUOS (*Beatus*) *de Iure Advocatiæ* monast. Rhinoviensis. 256. 337.

MURATORIUS (*Ant.*) *Antiq. Ital. medii ævi.* T. III. 42. 136.

Murus & Antemurale. Vid. KOPP.

N.

NATALIS (*Alexand.*) *Hist. Ecclesiast.* 36.

Necrologium Einsidlense. 214. in not. 343. 344.

- - *Murense.* 334. seqq.

- - *Wettingense.* 351. 352.
353. 354. 359. 360.

NOLTENIUS. *Lexic. Antibarb.* 108.
Novientense seu Ebersheimense Chronicon. Vid. *Chronicon.*

INDEX AUCTORUM.

Nouveau traité de Diplomatique.
43. 49. 51. 308. 315.

O.

Origines *San. - Blasiana*, seu Liber Constructionis Mf. 176.

OVIDIUS Fast. 175.

P.

PEIRESKIUS primus *Aetorum Murenf.* editor 27. 28. 34. 36. 64. 75. 92. 183. 184. 300.

PETRUS (Venerab.) Abbas Cluniac. 39. 40.

PEZIUS (Bernard.) 11.

Q.

R.

de Roo. *Annal. Aufst.* 145. 352.

S.

SARTORIUS (Aug.) *Cistercium bis tert.* 53.

SCHLÆGERUS (Iul. Car.) de nummo HADRIANI plumbeo 196.

SCHOENLEBENIUS. *Dissert. Polem.* 5. 16.

SCHOEFFLINUS (Ioan. David) *Alfatia Illustrata.* 4. 22. 230. 263. 274. 283. 286. 290. 295. 326 - ad 336. passim. 333. 337.

SEYERERUS (Anton.) *Commentarii pro historia ALBERTI II. Ducis Austriae* 354.

STRUVIUS (Burchardus Gottbelfus) *Corpus Hist. Germ.* 8. *Diss. de criter.* Mfs. 50.

STUMPFIIUS. *Chron. Helv.* 145. 153. 155. 205.

SUDANUS (Claudius) *Basilea Sacra* 372. not. 13. T.

THEGANUS Chorepiscopus, in *Vita LUDOVICI Pii Imp.* 291.

THOMASINUS (Ludovicus) *Vetus & nova Ecclesia disciplina.* 299.

TRITHEMIUS (Ioannes) *Chronicon Hirsaugiense* edit. II. 113.

TSCUDIUS (Egidius) 160. seqq. 247. 300. 348. & 349. 360. & 363. seq.

- - (Dominicus) Abbas Murenf. *Orig. & Geneal. Comitum de Habsb.* 6. 14. 52. 58. 147. 162. 174. 195. 196. 201. 300.

V.

VARRO de re rust. 281.

UGHELLUS. *Ital. sacra*, edit. II. 335.

VIGNIERIUS (Hieronymus) 2. 17. 22. 23. 338.

VIRGILIUS *Aeneid.* 108.

Vizeliacense Chronicon. Vid. *Chronicon.*

VOPISCUS in AURELIANO. 5.

W.

WACHTER in *Glossario.* 333.

WERNERUS Abbas S. BLASII. 113. de WESTPHALEN. *Monument. inedit. rer. Germ.* 126.

WISENBACHIUS. *Annales Ecclesiast.* Mfs. 59.

WÜLBERZ (Stanisl.) *Brev. notit. Monast. S. BLASII.* Mfs. 108. 110.

IN.

INDEX

RERUM ET VERBORUM.

A.

Abbates sine Regis consensu Advocatos instituere haud valebant, bene vero denominare. 312. *Ob quam causam ab exteris monasteriis postularentur?* 110. *San-Blasiani Murenſibus quinque dederunt.* ib. *Inter quos etiam CHUNO, seu CONRADUS fuit, Actorum Murenſium auctor.* 101. *ſeqq.*

Accentus acutus, littera i superimpoſitus, an characteriſmus Mſs. ſeculi XIII. 47. 49. *GODEFRIDI Abb. Gottwicenſis de eo ſententia.* 46. 49. *itemque Cl. MABILLONII.* 48. *Obſervatur, non nunquam in monumentis ſeculi XII.* 49. *at non XI. ut vult Adverſarius.* ib.

Acta Murenſia circa medium ſeculi XII. conſcripta fuere. 90. *de etate eorum quid ſentiat Wiſenbachius?* 59. *apographum eorum ſeculo XIII. antiquius haud eſt?* 37. *Qualem auctorem habuerint?* 101. *is ROEZELINUS Abb. Murenſ. non fuit.* 103. *erat tamen Abbas aliquis.* 104. *Et quidem CHUNO ſeu CONRADUS de S. BLASIO.* 101. 108. *ea ab eius ſucceſſoribus Abbati-bus continuata fuere.* 91. *Qua-*

nam prima eorum editio? 27. *ſub eſſentito Spirembergii nomine, Pariſiis prodierunt.* 31. *ſplendius atque correctius edita ab HERRGOTTO.* 32. *mendoſe non nihil ab Adverſario.* ib. *Diſtinguenda ſunt a ſcriptore Genealogiæ, iis præfixa, quæ unum auctorem habuit.* 89. 90. *Laudantur eximie.* 227. 232. *eorum in contexenda Genealogia Habsburgica neceſſitas ultro admittitur.* 239. *non obſtantibus tam Genealogi, quam Actuarii erroribus.* 240. *Genealogia Habsburgicæ condenda tamen ſe ſolis haud ſufficiunt.* 199. *magni vero habentur, ubi diplomata iis conſonant.* 283. 306. 316. *auctoritas eorum a BLONDELLO primus in dubitationem adducta.* 16. *quæ vero quoad gradum Et ſtemma ADELBERTI III. binis de cauſſis admittitur.* 220. *Stemma Et gradum RADEBOTONIS ex abundanti evincunt.* 294. *per qua tamen Genealogia præfixa intelligitur.* 297. *Eorum editores enumerantur.* 300. *Vid. etiam Murenſis Anonymus.*

Acta Trutpertina Et Murenſia mendoſa. 2. *hæc ultima, ſeu potius Genealogia præfixa, pluribus occa-*

INDEX RERUM ET VERBORUM.

- occafio errandi fuerunt. ib. seq.
Vid. etiam Gencalogia Muren-
 fis.
- Athnarius* Murenfis sub medium se-
 culi XII. fcriptit. [91.](#) is erat
 CHUNO, seu CONRADUS de S.
 BLASIO. [101.](#) feqq. duobus mo-
 dis confiderari poteft. [297.](#) fuf-
 fragantibus diplomatis tuto ad-
 mittitur. [284.](#) locus eius vexu-
 tiſſimus explicatur. [70.](#) feqq. i-
 temque ſcribendi ratio. [190.](#)
- ADALARDUS Comes, HUGONIS I.
 fil. [334.](#) ſeq. an. 876. obiit. ib.
- ADALGOZZ, Comes in pago Thu-
 rico. [292.](#)
- ADALRICUS, ſeu EDICHIN. *Vid.*
 ETICHO.
- ADELBERO, qui & ADELBERTUS,
 ex Comitibus de Froburg, Prior
 S. BLASII, in cauſſa Bürglenſi
 Romam non ad INNOCENTIUM
 ſed HONORIUM II. abit. [371.](#)
 Abbas Nunburgenſis in Saxonia
[372.](#) ac tandem Epifcopus Baſi-
 leenſis poſtulatur. ib. mors eius
 ad an. 1139. aut 1140. perpe-
 ram reponitur. ib.
- ADELBERTUS, Dux Alſatiæ, ETI-
 CHONIS, ſeu ADALRICI fil. ſe-
 cundo loco genitus. [328.](#) Abba-
 tiæ S. STEPHANI Argent. fun-
 dator fuit, ubi ATTALAM pra-
 fidere ordinavit. [331.](#) ad paren-
 tum exequias una cum fratre ve-
 nit. [329.](#) a LOTHARIO Imp.
 parentelæ ſuæ progenitor voca-
 tur. [331.](#) ſoror ODILIA eum
 cum filiis ſuis Deo adducit. [329.](#)
 Obiit inter an. 720. & 723.
 p. [328.](#) Uxores duas habuit,
 GERLINDAM & BATILDEM, ſeu
 BACHILDEM. [328.](#)
- ADELBERTUS, ſeu ALBERTUS I.
 Comes, RADEBOTONIS fil. [339.](#)
 tertiam partem, quam poſſederat
 in Hounigin tradidit monaſt. Mu-
 renſ. ib. de eius obitu VIGNIE-
 RIUS & Necrolog. Murenſ. diſ-
 ſident. ibid.
- ADELBERTUS II., WERNHARII II.
 fil. [340.](#) an ſit Comes de Haſen-
 burg dictus? [311.](#) quo anno
 fratri OTTONI II. in Advocatia
 Mur. ſucceſſerit? [312.](#) obſidioni
 Caſtri Winbergenſis interfuit.
 341. eius obitus. ib. Ux. IUDEN-
 TA. [340.](#)
- ADELBERTUS III. WERNHARII III.
 fil. [342.](#) RUDOLPHI I. Rom. R.
 proavus. [317.](#) Eius gradum Ad-
 verſarius ſolis Aëtis Murenſ. tri-
 buit. [312.](#) quod abnuittur. ib. ſeq.
 Landgravius Alſatiæ fuiſſe evin-
 citur ex eius ſigillo. [342.](#) Dives
 cognominatur. [343.](#) eius obitus.
[342.](#) Ux. Ita de Ptollendorff.
 ib. Filius ſynonymus, nec non
 filia Ita & BERTA eidem tri-
 buuntur. [343.](#)
- ADELBERTUS IV., RUDOLPHI Se-
 nioris fil. [320.](#) [344.](#) eius ſtemma
 & gradus ex Diplomate Wettin-
 genſi, aliisque instrumentis con-
 ſtat. [320.](#) [344.](#) ius Advocatiæ
 exercet pro monaſterio Trutper-
 tino.

INDEX RERUM ET VERBORUM.

tino. 253. Luitfridigenas parentes suos agnoscit. 254. Obiit an. 1240. in transmarinis partibus. 344. Ux. HEILWIGIS, UDALRICI, Comitis Kyburgi fil. ibid. quot ei filii fuerint? 350. Vid. etiam ALBERTUS.

ADELBERTUS quidam Comes tempore LANTOLDI, seu KANZELNI in Rhetia Curienfi, seu Curvalia floruit. 289.

ADELBERTUS Ep. Mogunt. causam propter montem Bürglen, inter sacerdotes seculares & monachos S. BLASII obortum, decidendam curat. 371.

ADELHAYDIS, HUGONIS I. liberis additur. 335. eius mariti. ibid. seq.

ADELHEIDIS, ADELBERTI, Ducis Alfatiae fil. 330. EUGENIAM nominandam esse censet ECCARDUS. 333.

ADELHEIDIS, LUDOVICI Balbi, Regis Francorum uxor, unde descenderit? 269.

Adversarius, contra auctorem Genealogiae Dipl. Anonymum Murenf. defendens, ab hoc ipso deceptus est. 3. quin & a Poëtis suis, quos secundis curis edidit. 6. hinc inconstantis hypotheseos. 9. ac doctrinae merito postulat. 222. eum in malo supposito versari. 83. 86. 127. 140. 240. sibi non constantem vario modo peccare, ostenditur. 71. 76. 149. attamen laude dignus. 91. Sine

caussa Genealogiam Dipl. acerbe sugillat. 11. & alibi passim, eiusque systema tentat. 349. nulum tamen Instrumentum novum producit. 248. falso item supponit, auctorem, qui unum aut plures commisit errores, describendum esse. 5. extantes vero Anonymi sui errores dissimulat. 25. & PEIRESKIUM, primum eius editorem, qui acbrogologiam commisit, frustra excusat. 28. 91. inmerito etiam editionem, ab HERRGOTTO curatam, errorum postulat. 31. quam tamen ipse non adeo emendate, ut praeceperat, praestitit. 32. 63. Etatem chartae lineae figendo fallitur. 38. ac circa notiones vocabulorum dotare & fundare. 142. 203. itemque alia occasione. 226. infirmas etiam coniecturas affert. 77. ac WERNHARII Ep. obitum male designat. 230. P. HERRGOTTUM simulationis frustra postulat. 231. Negat, RICHENZAM, RADEBOTO-
NIS fil. matrem fuisse CONRADI Ep. & HENRICI. 146. Contenditque, illam non ULRICO Prædiviti, Comiti de Lenzburg, sed uni ex eius nepotibus collocatam. 147. quod refellitur ex ipsius hypothese, & ratione temporum. 148. ac tabula Genealogica. 160. Consentit Abbati TSCHUDIO, in Genealogia Habsburgica ultra GUNTRAMNUM Divitem
ascen-

INDEX RERUM ET VERBORUM.

ascendi non posse, consenti. 249.
 seqq. quod refutatur. 252. seq.
 eiusdem GUNTRAMNI stemma &
 gradum negat. 275. nec non
 OTTONIS II. gradum. 305. ac
 eius Comitatum. 313. & WERN-
 HERI III. stemma impugnatur. 314.
 sed WERNHERI II. 301. & A-
 DELBERTI III. gradum solis Ac-
 tis Murenf. tribuit. 318. quod
 perspicue refellitur. 301. 318.
 RUDOLPHI vero, ALBERTI III.
 filii, nec non ALBERTI IV. &
 eius fratris RUDOLPHI Tacituri-
 ni, ac RUDOLPHI R. R. stem-
 ma & gradum ex Diplommatibus
 liquido constare agnoscit. 320.
 sed tamen a censura non absti-
 net. ib. cui respondetur. 321.
 seqq. de stemmate RADEBOTO-
 NIS tamen ad pristinum scopu-
 lum offendit. 294. plures Comi-
 tes synonymos eo tempore vixisse
 contendens. 295. quod ex enu-
 meratione Comitum, illius ævo
 viventium, refellitur. 296. mor-
 tem eius, nec non & coniugis
 suæ ITÆ, serius evenisse vult.
298. quod quidem ex toto non
 abnuittur. ib. seqq. Duas P. H.
 rationes, quibus Comitatum Al-
 tenburgensem exesse iussit, omi-
 sit. 282. seq. ac Diplomata al-
 lata de LANTOLDO seu LANCE-
 LINO, GUNTRAMNI filio, intel-
 ligenda esse negat. 286. epocha
 emortualis ei displicet. 292.
 quamvis aliam assignare nequit.

293. Mendum typographicum,
 a P. H. in calce emendatum,
 adducit. 287. Cum ille tamen
 ob id laudem potius quam repre-
 hensionem meruisset. 292. emen-
 dat etiam mendum amanuensis,
 in Bulla INNOCENTII PP. II,
 commissum. 302. quod forte mo-
 nacho Murenfi tribuendum. 303.
 asserta tamen subsistunt sine suf-
 fragio Bullæ. 304. Chronicon
 Novientense subleste fidei, nec
 Anonymo Murenfi adiungendum
 esse censet. 298. cui tamen me-
 rito associatur. ib. diploma a P.
 H. mutuando male mercatur 322.
 seqq. Conclusio partis eius pri-
 mæ. 235. & secunda consuta-
 ta. 325. seqq.

Advocati monasteriorum quinam o-
 lim fuerint? 161. eorum munus
 exponitur. 312. ab Abbatibus de-
 nominari, non vero institui po-
 terant. ib. hinc investituram ab
 Imperatore, petente Abbate, ac-
 ceperunt. ib.

Ætas Codicum Mss. quibus admi-
 niculis interuosci possit? 87.

AGNES de Lenzburg. Vid. NE-
 ZA.

AGNES, seu ELISABETHA, RU-
 DOLPHI R. R. uxor. 349.

AGNES, IOANNIS I. Lauffenburgo-
 Habsburgici fil. Canonissa Seco-
 nienfis, ex unica charta imo-
 tescit. 360.

AGNES, IOANNIS IV. Lauffenbur-
 go-Habsburgici fil. 362.

INDEX RERUM ET VERBORUM.

ALBERTUS V. Habsburgicus, ALBERTI IV. fil. Canonicus Basileensis & Argentinensis. 345. In praelio Cafarutenſi obiiſſe, falſo traditur. 350. quandonam obierit? ib.

ALBERTUS I. R. R. 350. RUDOLPHO R. R. primo loco natus fuiſſe oſtenditur. ib. eius obitus. ib. Matrem agnoſcit GERTRUDEM, quæ alio nomine ANNA. 347. Ux. ELISABETHA. 350.

ALBERTUS II. Sapiens 352. titulo Comitſ Phirretarum primus uſus fuit. 354. obitus eius. ibid. Uxor IOANNA, Comitſſa Phirretarum. 352. quot filias habuerit? 350. Ex filiis illius duo gentem propagarunt. 356.

ALBERTUS III. diſtus cum trica. 354. Lineæ Auſtriacæ conditor extitit. 356. eius obitus. 354. Uxores duas habuit. I. ELISABETHA, CAROLI IV. Imp. fil. II. BEATRIX, FRIDERICI IV. Burggravi Norimbergenſ. fil. ib.

ALBERTUS IV. diſtus Mirabilia mundi. 356. Uxorem habuit IOANNAM, ALBERTI Ducis Bavaricæ fil. ibid.

ALBERTUS V. inter Imperatores II. 356. Ux. ELISABETHA, SIGISMUNDI Imp. fil. ib. filius eius GEORGIUS. ib.

Altenburgi & Vindoniſſæ Comitatus an unquam extiterint? 211. 215. fabuloſum id eſſe oſtenditur. 14.280. quod novo firmatur

argumento. 219.280. & probatur ex humilitate loci. 282. quin & auctores de eiſmodi Comitibus memorantes, ad genium ſui ſeculi locuti ſunt. 220. & antea.

114. Non eſt lis de nomine, ſed de regione. 223. hinc comparatio inſtituitur inter Altenburgum, Aroviam & Bruggam. 282. verſimilior habetur pro Altenburgo Cleggovicæ. 337. in not. quæ coniectura amplius firmatur. ib. locus iſte etiamnum monaſterio Rhinoviſienſi ſubeſt. ib.

Alſaticæ Comitſ unde ortum trahant? 26.

Anacroniſmum an commiſerit P. H. ? 69.

ANDREAS, Dux Slavoniæ, a RUDOLPHO R. R. caro de carne ſua, & os de oſſibus dicitur, nullo licet intercedente ſanguinis nexu. 204.

Andrenſis cænobii fundatores. 257. iidem Comitibus Flandriæ obnoxi & feudatarii. ib.

ANNA de Froburg & Hohenberg. Vid. GERTRUDIS.

ANNA de Nidow, uxor HARTMANNI II. Kyburgo- Habsburgici, non RUDOLPHI fratris eius. 363.

ANNA, uxor LANZELINI, LANZOLDI ſeu KANZELINI filii. 338.

ANONYMUS, ETICHONIS fil. a putre occiſus. 329.

Anonymus Murenſis. Vid Murenſis Anonymus.

ANSHEL-

D d d

INDEX RERUM ET VERBORUM.

ANSHELMUS, *Abb. Mur. etas* & obitus. 55. 57.

Antecessor & progenitor, *vocum istarum notio.* 256. 257. 259.

Apud veteres nominum inflexio frequens erat. 290.

Archiduces Austriæ *titulo quis primus usus fuerit?* 355.

Argumentum, a possibilitate deductum, in re historica hand valet.

222. *neque a potentia ad actum.*

207. *negativi argumenti usus* & *valor.* 220.

ARNOLDUS Kyburgicus, *pater RICHENZÆ de Lenzburg, falso Comes de Baden appellatur.* 150.

ARNOLDUS Kyburgicus *filius RICHENZÆ Lenzburgicæ esse nequit.* 152.

ARNOLDUS, *qui tempore LANTOLDI seu KANZELINI in pago Rore floruit.* 298.

Ars critica indies perfectior fit, 38.

seq. hinc differt a ceteris scientiis. ib.

ATTALA, ADELBERTI, *Ducis Alsatix filia, Abbatissa S. STEPHANI Argent.* 330. *seq.*

Auctorum silentium validum negativum argumentum efficit. 220.

Avunculi titulus quandoque honoris & benevolentix causa exterris, non consanguineis, tribuitur.

204.

B.

BACHILDIS seu BATILDIS, *uxor secunda ADELBERTI Ducis Alsatix, ETICHONIS filii.* 328.

Baden (RUDOLPHUS de) *ex nobili familia, bodiedum florente,* 273. *not. 14. cui tamen OTTO de Baden hand adnumerandus.* ib.

Badenses Comites a Lenzburgensibus distinguuntur. 154. *eorum insignia etiam distincta sunt.* 155.

BASILLÆ nomen idem videtur cum RUADRUT 333.

BATILDIS. *Vid. BACHILDIS.*

BAVA, HUGONIS l. ux. 332.

BEATRIX, *pratenſe* Iſtæ mater, an. 938. iam Ducissa nominatur. 149.

BEATRIX, HUGONIS Capeti soror, an ad secunda vota transferit? 21. 24. anno 1011. a regimine deicitur. ib.

BEATRIX, FRIDERICI IV. Burggravii Norimbergensis filia, uxor secunda ALBERTI III. dicti cum trica. 354. eius obitus. ib.

BERCHTOLDUS, Comes Kyburgi. 362. alter eidem synonymus. 363.

BERCHTOLFUS, Abbas S. BLASII. 370. monachos ad montem Bürglen deducit. 371. Quos ut a clero seculari tueretur, ADELRONEM Priorem suum Romam, non ad INNOCENTIUM, sed HONORIUM II. PP. misit. ib. in not.

BERESHINDA, uxor ETICHONIS, matertera fuit S. LEODEGARII. 328. etiam BERUSWINDA scribitur. 329.

BERONIS monasterii fundatores. 138. seqq. 141.

BER-

- BERTA & ITA, ADELBERTO III. nata fuisse creduntur. 343.
- BERTHA, GERARDI de Roslitione uxor. 333.
- BERUSWINDA. *Vid. supra* BERUSHINDA.
- BIRCHTILO tempore GUNTRAMNI Divitis in Brisgovia floruit. 272.
- BLANCE, RUDOLPHI Reg. Boh. ux., testamentum indicatum. 352.
- S. BLASII monasterium seculo XII. apprime floruit. 113. Murenfisbus quinque Abbates postulatos dedit. 110. inter quos & CHUNO seu CONRADUS, Actorum Murensum auctor, fuit. 101. 223. Item RUPERTUS Prior & alii. 116.
- Bombycinæ chartæ usus quando cæperit? 38. 40.
- BUGK (Udalricus) Notarius publicus, Chronicon Bûrglense describit. 383. vidimat & in Germanicum vertit. 384. eius signum ibid.
- Burgundiæ Landgravii titulo quis primus usus fuerit? 362.
- Bûrglen monasteriolum in superiori Brisgovia. 113. eius origines, seu fundatio. 336. seqq. dotatur. 369. 371. eius ecclesia dedicatur. 374. ac privilegia confirmantur, ibid. eius chronici notitia. 113.
- C.
- Caltenbach, nobilis Brisgovix familia. *Vid. WERNHERUS, WILBERTUS & ITA.*
- Capetingorum sator extitit ROBERTUS Fortis, Andegaventium Dux. 336.
- CASTELL (Udalricus). *Vid. UDALRICUS.*
- CATHARINA, LUPOLDI Bellicosi uxor. 353.
- Charaacterismus in scripturis seculi XIII. an sit littera i, accentu acuto notata? 47. 49. *Vid. accentus.*
- Charta papyracea, quando in usum venerit? 37. seq. Bombycinæ charta usus antiquior. 38. chartæ ex pannorum rasuris. 39. 40.
- Chartarum & diplomatum fragmenta fidem & auctoritatem non amittunt. 314.
- Chartis Pagenlibus discriminari non potest, ad qualem gentem hic vel ille Comes pertineat. 288. hinc insignis usus est notitiæ veterum nominum, ib.
- Chronologia Historiæ oculus. 56.
- CHOUNO seu CONRADUS de Rhin-felden THEODORICO, Duci Lotharingæ, falso frater assignatur. 22. 24.
- CHUNO pro CONRADUS, per inflexionem nominis scribitur apud veteres. 290.
- CHUNO seu CONRADUS, monachus S. BLASII, Muros postulatus Abbas, ubi litteras & disciplinam restituit. 109. Actorum Mur. 101. & supplementi ad illa auctor fuit. 117. itemque Chronici Bûrg-

INDEX RERUM ET VERBORUM.

Bürglenfis. [113.](#) [365.](#) Illius a-
tas. [102.](#) ac brevīs vitæ series.
[108.](#) Laus eius & auctoritas.
[190.](#) quæ de originibus monaste-
rii Mur. scriptis, nunquam in
dubium vocata a P. H. [192.](#)
quin pro auctore gravissimo ha-
betur. [193.](#) eius errores. [202.](#)
Circa documenta tria potissimum in
controverſiam venire ſolent,
priuſquam pro irrefragabili pro-
batione in rebus Genealogicis ad-
mittantur. [310.](#)
Cleggoviæ pago Comes præfuit RA-
DEBOTO Habsburgicus. [14.](#)
- - Comitatus quo pacto ad Sul-
zenſes pervenerit? [361.](#)
Codex codice melior. [81.](#) Mſs. a-
tas quibus medijs internoſci poſ-
ſit? [87.](#) quinam vetuſtiſſimus
depradicandus? [29.](#) quanti inter-
ſit inter codicem recentem & an-
tiquum? ib. præſertim ob men-
da, ab exſcriptoribus varie comiſ-
ſiſſa, [30.](#) Papyracei quando in
uſum venerint, [37.](#) ſtili diver-
ſitas in illis, an diverſitatem ac
pluralitatem ſcriptorum inferat?
[59.](#) an hoc præſent inſerta ſi-
nientium formula? [60.](#)
Codicis Mur. quo Acta continentur,
duo ſunt diverſi auctores. [88.](#) [89.](#)
Cognomen an neceſſario geſſerit
WERNHERUS II. RADEBOTONIS
ſilius tertius. [137.](#)
- - Habsburgicum, WERNHA-
RIO Ep. Argent. dum viveret,
nunquam fuit inditum. [84.](#) [305.](#)

Cognomina familiarum a caſtris
quando in uſum venerint? [129.](#)
ſeqq. hoc vix ante ſeculum XII.
factum. [213.](#) [226.](#) ſeq. ſcripto-
res tamen Principibus anteriori-
bus eadem cognomina indiderunt,
quæ cum tempore ſolummodo po-
ſteri geſſerunt, ib. ſemel aſſumpta
non mutarunt Comites iam dicto
ſeculo, etſi alium Comitatum,
quam paternum regerent. [157.](#)
Comitatus Altenburgi. Vid. Alten-
burgum.
Comitatus nomen an mutatum cum
poſſeſſore? [218.](#) tractus, qui
Hauenſtein dicitur, an Comita-
tus fuerit? [216.](#) Non ſemper
ſunt ſedes Comitum, a quibus
ipſi appellantur. [221.](#) ſeculo IX.
& X. non fuerunt hereditarii.
[283.](#) neque Comites ab iis ſe de-
nominarunt. [282.](#)
- - Cleggoviæ, quo pacto ad
Sulzenſes pervenerit? [361.](#)
- - Rappertwilenſe, quando-
nam Auſtriaciſ obvenit? [352.](#)
- - Rore in Argovia. [217.](#)
Comites Alſatiæ, unde ortum tra-
bant? [26.](#)
- - Altenburgi & Vindoniſſæ,
an unquam extiterint? [211.](#)
[215.](#) [337.](#) in not. idem qua-
ritur de Hauenſteinienſibus. [215.](#)
ſeq.
- - Badenſes & Lenzburgenſes
unius familiae non fuerunt, [154.](#)
neque Hombergenſes & Tier-
ſteiniani, [163.](#) [165.](#) bene vero
Hoch-

INDEX RERUM ET VERBORUM.

- Hochbergenſes & Froburgenſes, nec non & Haigerlochenſes. [349.](#)
- Egisheimenſes unde ortum trahant? [21.](#) [26.](#)
- Fiſci ſaltem non plures fuerunt quam Comitatus. [295.](#)
- Quando ab arcibus titulos aſumpſerint? [133.](#) [226.](#) hoc ſeculo IX. & X. nondum in uſu erat. [282.](#) ac vix ante ſeculum XII. invaluit. [213.](#) in Italia vero citius factum eſt. [136.](#) Non ſemper nomine gentilitio, ſed non nunquam a locis, ubi ius dicere ſolebant, cognominantur. [216.](#) inferri tamen non ſemper poteſt, ſedes, a quibus denominantur, eſſe cognomina gentilitia. [221.](#) neque prædia eorum Comitatum efficiunt. [218.](#)
- Seculo IX. & X. non fuerunt regionum Domini, ſed Imperatores. [283.](#)
- LANCELINI, ſeu KANZELINI ævo viventes, enumerantur. [289.](#) indeque eruitur, illum unum eſſe cum LANTOLDO. *ibid.* Ex pari enumeratione Comitum, tempore RADEBOTONIS viventium, evincitur, hunc Comitum in Cleggovia fuiſſe aut nullibi. [296.](#)
- Rhinfeldenſes iam ineunte ſeculo XI. fuere. [5.](#)
- Comitum dignatio olim non tam frequens erat. [293.](#)
- Kyburgicorum poſteriorum ſator quis extiterit? [358.](#)

- Comma, ſeu interpunctio, in editione Actorum Murenſium, an ab HERRGOTTO male ſit locatum? [65.](#) ſeq.
- Commentum, vocabuli huius notio. [175.](#)
- Concludendi formulæ an pluralitatem ſcriptorum inferant? [60.](#)
- Coniecturarum diverſitas. [77.](#)
- CONRADI, Cellerarii Murenſis, ætas. [57.](#)
- CONRADUS, Antiſiodorenſis Comes, maritus primus ADELHAYDIS, HUGONIS I. fil. [335.](#)
- CONRADUS, Dux de Zaringen, Advocatus S. BLASII. [370.](#) Legatum mittit ad determinandam litem inter fratres S. BLASII & clerum ſecularem. [373.](#)
- CONRADUS quidam Comes, tempore LANTOLDI in Mortunavia floruit. [289.](#)
- Conſanguineorum nomine qui veniant? [204.](#)
- Cortis. *Vid.* Curtis.
- Criteria ſcripturarum, 50. & diverſorum ſcriptorum. [94.](#) [98.](#)
- Critica ars. *Vid.* Ars Critica.
- Critici munus quale? 50. [80.](#)
- Curtis, ſeu Cortis variam ſignificationem habet. [281.](#) recte per vocem Germanicam Hoffſtatt redditur. *ibid.*

D.

- DIETRICUS, pro THEODORICUS, per inflexionem nominis ſcribitur apud veteres. [290.](#)

D d d 3

DIET-

INDEX RERUM ET VERBORUM.

DIETWINUS Cardinalis , & S. A. post. sedis Legatus, ecclesiam Bürg-
lensem dedicat. [374.](#)

Diploma Trutpertinum defenditur.

[261.](#) [274.](#)

- - Wettingense gradum AL-
BERTI III. indicat. [318.](#) Genea-
logo Murenfi palmam præripit.
[320.](#)

Diplomata , qua ratione Genealo-
giam Diplomaticam probent ?
[276.](#) Quando ea scriptoribus
coævis præferimus , non dicimus
esse semper luculentiora , sed cer-
tiora , [310.](#) maiorque iis præscrip-
toribus fides & auctoritas inest.
[12.](#) [301.](#) [317.](#) quam fidem eorum
fragmenta non amittunt. [314.](#)
neque opus est , ut ambo , stem-
ma scilicet & gradum indicent.
[291.](#)

Diffidium litterarium ortum est in-
ter BOLLANDI socios , ob scripto-
res mediæ ævi. [308.](#) quid hac in
re decisum fuerit ? ib.

Documenta priusquam pro irrefra-
gabili probatione , in rebus ge-
nealogicis , admittantur , tria
circa ea in controversiam venire
solent. [310.](#)

Dominicus TSCHUDIUS , Abbas Mu-
renf. quibus documentis usus sit in
texenda Genealogia Habsburg.
[197.](#) Quantum labores eius a
laboribus P. HERRGOTTI disse-
rant ? [364.](#) Vid. etiam indic.
auctorum.

Donatarii notitias olim scribebant

stilo narrativo , qua tunc vim
diplomaticis habebant. [315.](#)

Dos Nobilibus sæminis qualis olim
contigerit ? [271.](#)

Dotare & fundare vocabulorum
notio. [142.](#) [203.](#)

DRUTHIN , seu DROTTIN. Vid.
TRUTHIN.

E.

Eberhardigenarum sator quis fue-
rit ? [328.](#)

EBERHARDUS Comes , fil. ADEL-
BERTI Ducis Alfatæ. [329.](#) Ab-
batie Murbacensis fundator. ib.
seq. eius obitus. [329.](#) Ux. EMEL-
TRUDIS. ib. eius filius in Olrunna
seu Tolra fluvio interiit. [330.](#)

EBERHARDUS , filius RUDOLPHI
Taciturni , Comitum Kyburgico-
rum posteriorum sator , [358.](#)
[361.](#) Kyburgico titulo tamen
nunquam usus est. ib.

EBERHARDUS , EBERHARDI Ky-
burgo - Habsburgici fil. [362.](#)
primus Landgravius Burgundicæ
titulo utitur. ib.

EBERHARDUS , Comes de Wir-
temberg , a RUDOLPHO R. R.
avunculus vocatur. [204.](#)

EDICHIN , seu ADALRICUS. Vid.
ETICHO.

Editiones librorum variantes nota-
re refert. [27.](#)

Editiones Actorum Murenf. enu-
merantur. [300.](#)

Egisheimenses Comites unde ortum
trabant ? [21.](#) [26.](#)

ELISA-

INDEX RERUM ET VERBORUM.

ELISABETHA Burgundica , Rudolphi R. R. ux. [349.](#)

ELISABETHA , Caroli IV. Imp. filia , uxor prima Alberti III. dicti cum trica. [354.](#)

ELISABETHA de Froburg , uxor Hartmanni Domicelli. [362.](#)

ELISABETHA , Meinradi III. Ducis Carinthiae , & Comitiss Tyrolis fil. ux. Alberti I. R. R. [350.](#) [351.](#) eius obitus. [350.](#)

ELISABETHA Ochsensteinia , uxor Gotfridi Lauffenburgici. [358.](#)

ELISABETHA , Rudolphi , Comitiss de Rapperfwilere fil. ux. I. Rudolphi Lauffenburgici. [359.](#)

Episcoporum atas ad electionem requisita. [299.](#)

ERINLIERUS , miles , OTTONEM I. Habsburgicum occidit. [339.](#)

ERMENGARDIS , seu HIRMENGARDIS , Hugonis I. fil. Lotharii I. Imp. ux. [334.](#) hanc de stirpe Ducis Edic fuisse testatur Theganus. [331.](#) [335.](#)

Errores , in scriptis commissi , non statim auctorem proscribunt. s. [6.](#)

ETICHO , Edichin seu Adalricus , Dux Alsatiae , constituitur ab aliquibus Dux Alemanniae [328.](#) utriusque Domus , Habsburgicae & Lotharingicae apex. [263.](#)

Obitus & exequia eius. [328.](#) [329.](#)

Ux. BERUSHINDA , matertera S. LEODEGARII. [328.](#)

ETICHO , pro Adalricus scribitur per inflexionem nominis apud veteres. [290.](#)

ETICHO II. sator Eberhardigenarum. [328.](#) ad parentum exequias cum fratre venit. [329.](#) etiam ATTICO audit. ib. non erat filius , primo loco natus. [328.](#)

EVA , GERARDI de Rossilione fil. [333.](#)

EUGENIA , Adelberti , Ducis Alsatiae , fil. Abbatissa Hohenburg. [330.](#) charta donationis , monasterio Hohenaugensi facta , describit. ib. hoc nomen idem ac Adelheidis. [333.](#)

F.

Familiarum cognomina a castris quando in usum venerint? [129.](#)

Vid. etiam Cognomina.

- - diversitas ex sigillis internoscitur. [156.](#)

Fides diplomatica fidei Historicorum , etiam synchronorum , praefenda.

[311.](#) ac Genealogo , qui modo ballucinatur , modo oscitans & obscurus est , merito denegatur tamdiu , quamdiu eidem nullum suffragium ex antiquitate accedit.

[322.](#) in rebus tamen , quibus super est , audiendus. [320.](#)

Finendi formulae , in codice reperiuntur , an scriptorum pluralitatem inferant? [60.](#)

Formula , Notum sit , Notitiis frequentissime praeponi solita. [315.](#)

Fragmenta diplomatum & chartarum , fidem & auctoritatem non amittunt. [314.](#)

Fratris nomen aquivocum. [304.](#) etiam

INDEX RERUM ET VERBORUM.

- etiam patruelles hoc nomine veniunt. *ib.* Episcopi a summis Pontificibus hoc nomine compellari, receptum est. *ib.*
- FRIDERICI I., Ducis superioris Lotharingæ, progenies in FRIDERICO II. eiusque filiabus, extincta. 20. 21. Schema Genealogicum posterorum eius. 20.
- FRIDERICUS Pulcher, ALBERTI I. fil. 352. ex albo Regum Rom. a non nullis immerito expunctus. 353.
- Froburg, Hochberg & Heigerloch uni genti paruerunt. 349.
- Fruftuarienſes constitutiones anno 1082. monasterio Murenſi illata. 116.
- Fundare & dotare vocabulorum notio. 142. 203.
- Fundatores Andrenſis cœnobii. 257. item Beronis. 138. 141. Murbacenſis. 329. ſeq. & Murenſis. 22. 209. Ord. Cisterc. ad Scaldim. 258. nec non S. STEPHANI Argent. quinam fuerint? 331.
- Fundatrix an pro Reparatrix accipi poſſit? 98. 138. 140.
- G.
- GEBHARDUS III. qui & GILBERTUS Ep. Constant. in Briſſovia exulans, eccleſiam dedicat in Caltenbach. 358.
- Genealogi Diplomatici munus. 276. eius in genealogiis Principum metat. 124.
- Genealogia argumentum, a poſſibilitate deductum, non admittit. 207. neque a potentia adaſtum. *ib.*
- - Diplomatica Aug. Gent. Habsb. a P. Marquardo HERRGOTT edita, defenditur toto hoc opere. 1. ſeqq. Quantum Abbatſ TſCHUDII libello præſtet? 364. quomodo diplomatibus probetur. 276. huic condenda Acta Murenſi. haud ſufficiunt. 199.
- - Habsburgica, Actis Murenſibus præfixa, ſeculo XIII. fuit conſcripta. 88. non pro monachis, ſed pro poſteris. 126. ab uno & quidem alio ab Actuario. 97. Manca & mendosa eſſe oſtenditur. 124. 143. ſeqq. a ſæminis, more alius inſueto, incipit. 94. 119. 125.
- Genealogiæ Lotharingicæ fabulam admixcet Carolus GENDERIUS, 19. 20.
- Genealogus Murenſi. qua, in texenda ſua genealogia, methodo uſus fuerit. 87. 119. procedit ad RUDOLPHI Taciturni filios. 97. 119. Quousque illi fidendum? 227. 246. In doctrina cum Actuario non conſonat. 97. hinc diverſus ab illo. 97-100. 168. More alias inſolito a femina incipit. 119. 125. quam Reparatricem monaſterii Murenſi. vocat, cum autrix potius fuerit. *ib.* Oſcitanter & obſcure ſcripſit. 165. 167. mancus & erroneus eſt. 92. 124. 169. 189. 243. nec non familias de Tierſtein & Homberg

INDEX RERUM ET VERBORUM.

- confudit , [163.](#) quas diversas fuisse monstratur. [165.](#) ac aliis erroribus scatet. [99.](#) [169.](#) [206.](#) [212.](#) quare sine prævio examine non admittendus ut testis. [185.](#) inno vel ex toto negilgi possit. [364.](#) nullaque illi, sine antiquis documentis, auctoritas. [201.](#) [231.](#) [222.](#) at, his accedentibus, luculenter confirmatur. [243.](#) seqq. atque adeo nec contemnendus. [200.](#) Et in rebus, quibus suppar est, omnino admittendus. [320.](#)
- GERARDI duo tantum, non plures, in tabulis genealogicis Domus Lotharingicæ occurrunt. [19.](#) [20.](#) [26.](#)
- GERARDUS de Rossilione, fil. LEUTARDI Comitæ, PIPPINI Aquitanici Regis gener. [332.](#) Pultariense Et Vizeliacense monasteria fundavit. ib. ei uxor BERTHA, ac liberi EVA Et THEODORICUS tribuantur. [333.](#)
- GERLINDIS, uxor prima ADELBERTI, Ducis Alfatix, ETHICONIS filii. [328.](#)
- GERTRUDIS de Froburg Et Hochberg, RUDOLPHI L. R. R. ux. [345.](#) num eadem fuerit cum ANNA, disquiritur. ib. seqq. affirmative deciditur. [348.](#) unde sequitur, quod nomen post coronationem mutaverit. [346.](#) certe duplici nomine usa fuit. ib. nupsit an. [1245.](#) Et [1281.](#) obiit. [348.](#)
- GERTRUDIS de Regensberg, ux. RUDOLPHI Taciturni. [358.](#)
- GERTRUDIS Et RICHENZA, an ex Geneal. Mur. progenie V. expurgenda? [174.](#)
- GERTRUDIS, filia RUDOLPHI Senioris. [344.](#)
- GERTRUDIS Froburgensis, uxor RUDOLPHI Comitæ, LANTOLDI filii. [338.](#)
- GILBERTUS Ep. Constant. Vid. GEBHARDUS.
- GOTFRIDUS, filius RUDOLPHI Taciturni. [358.](#) non se Comitem Habsburgi, sed de Loufenberche subscribit. [206.](#) filium unicum genuit RUDOLPHUM. [358.](#) uxor ELISABETHA Ochsensteinia. ib.
- GOTTFRIDUS, IOANNIS I. Lauffenburgo - Habsburgici fil. [360.](#)
- GOZBERT, Abbas Rhinaugienfis, Comes Altenburgi in Cleggovia [337.](#) in not.
- GRIMILDIS, uxor LEUTARDI. [332.](#)
- GUNDELINDIS, ALBERTI, D. Alsat. filia, Abbatissa monasterii Honaug. [330.](#)
- GUNTRAMNUS, filius HUNFRIDI ac avus LUITFRIDI. [249.](#) pater LANZELINI, seu LANTOLDI [275.](#) Divitis agnomen quo iure adeptus? [270.](#) An idem sit cum GUNTRAMNO, de quo in vita S. DEICOLI mentio fit? [273.](#) certum est, eum ex LUITFRIDO descendere. [274.](#) quod non satis ostensum fuisse, contendit Adversf. [275.](#) sed eum in malu hypotbesi versari, demonstratur. [276.](#)

E e e

quia

- quia diplomata cum auctore consentiunt. ib. indeque colligitur, duos GUNTRAMNOS Divites in eodem tractu non vixisse. 277. quod detectæ possessiones amplius evincunt. ib. seq. neque chronologia impedit. 279. cum eius obitus neque ex Actuario, neque ex diplomatibus tuto constet, 280. post an. 973. mortuus tamen est. 337.
- GUNTRAMNUS, de quo in vita S. DEICOLI mentio fit, eius stemma expenditur. 263. Divitis titulo venire non potuit, 271. quandonam monachum induerit? 266. in flore inventutis factum fuisse, ostenditur. 272. num thori consortem habuerit, bucusque nemo demonstravit. 271.
- GUOTA & TRUTILA, nomina Monialium in Hermetfwil. 116.
- H**
- Habechesburg pro Habesburg. 85. nec non Habeckspurg. 302. ac Hasenburg. 311.
- Habesberg castrum in Suevia. 79. Nobilis familia eo nomine seculo XII. ibidem floruit. 80. idem vocabulum cum voce Habsburg converti nequit. 79.
- Habsburgenses seculo XII. nondum in binas lineas divisi erant. 319. hinc consecrarium est, ALBERTUS III. ex WERNHERO III. descendere ib. & 342.
- Habsburgensium origines tabulis genealogicis proferuntur. & probationibus illustrantur in appendice I. 328. seqq. bonorum divisio an. 1232. facta. 324.
- Habsburgi nomen quando invaluerit? 127. seq. 229. seqq. *Varia eius inflexio.* 77. 85. 302. 311.
- Habsburgica Domus quam antiqua? 197. tabula eius genealogica 242. 328. seqq. ad hanc condendam Acta Murenf. baud sufficiunt. 199. neque genealogia, his Actis præfixa, quæ necessaria non est. 364. quia obscura, 165. 167. manca & erronea deprehenditur. 99. 124. 169. 189. 243. & aliis erroribus scatet. 99. 169. 206. 212.
- Habsburgicæ & Lotharingicæ Domus apex est ETHICO Dux Alfatæ. 263.
- HARTMANNUS, dictus Domicellus. 362. a ministerialibus fratris EBERHARDI occisus. ib. *Ux.* ELISABETHA de Froburg. ib.
- HARTMANNUS Kyburgo - Habsburgicus, filius erat EBERHARDI II. non HARTMANNI **L** 363.
- HARTMANNUS, RUDOLPHI **L** R. R. filius. 350. secundo loco gentium fuisse, contra BUCELINUM & HENNINGENSIMUM ostenditur. 351. quo genere mortis, & ubi interierit? ib.
- Hauenstein, tractus terra in Silva Nigra, num revera Comitatus sit, aut fuerit? 216. quomodo antiquitus vocatus? ib.

INDEX RERUM ET VERBORUM.

HEDWIGIS, mater RUDOLPHI **L**.
R. R. in monasterio Mur. sepul-
ta. **186**.

HEDWIGIS. Vid. HIMELTRUDA.

HEINRAD, RIFRID & OPRECHT
nomina monachorum S. BLA-
SII. **116**.

HELWIGA, fil. RUDOLPHI Senio-
ris. **344**. Marit. HERMANNUS
Comes de Froburg. ib.

HELWIGIS seu HEILWIGIS, AL-
BERTI IV. ux. **344**. a filio RU-
DOLPHO Illustris Domina ma-
ter appellatur. ib.

HENRICI duo ministeriales de Habs-
burg. **75**. eorum atas. ib. num
in Genealogia Dipl. etiam ter-
tius reperitur, disquiritur. **76**.

HENRICUS, UDALRICI, seu ULRI-
CI de Lenzburg fil. a patre Ad-
vocatus monasterii Beronis de-
signatur. **161**. qualem vita ra-
tionem inierit? **160**. statui cle-
ricali addictus non erat. **161**.

HENRICUS **L** Brabantiae Dux, mo-
nasterii Ord. Cist. ad Scaldim
fundator. **258**.

HENRICUS, Comes de Fürstenberg,
a RUDOLPHO R. R. caro de car-
ne sua & os de ossibus suis di-
citur. **204**.

HENRICUS IV. Abb. S. BLASII quo
tempore floruerit? **81**.

HERMANNUS, Comes de Froburg,
marit. HELWIGÆ, RUDOLPHI
Senioris filiae. **344**.

Hermetswilense cœnobium quo tem-
pore sit conditum, incertum. **86**. seq.

HERRGOTTUS (Marquardus) quan-
tum ei debeat historia Aug. Gent.
Habsb. **364**. in citandis Actis
Mur. mala fide non egit. **65**. in
eorum atatem recte inquirit. **34**.
eisque ob chartam, qua constant,
papyraceam, **37**. nec minus ex
ipso contextu, atatem recentio-
rem tribuit. **55**. eius de nævis
scriptoris Mur. sententia. **1**. re-
stituitur. **2**. nec minus de pri-
mo editore. **27**. ac loco, primæ
editioni præposito, iudicium. **30**.
Editio, ab ipso curata, erro-
rum postulat. **31**. sed imme-
rito. **32**. an in ea comma ali-
quod perperam locaverit? **65**.
vel anachronismum commiserit?
69. errores Genealogi Mur. dis-
simulare cur nequirit? **121**. cui
laboranti subveniens, gratiam
potius meruisset, quam repre-
hensionem. ib. inconstantis hypo-
thesis postulatus **2**. defenditur. ib.

HESSO, nobilis de Vefinberg, OT-
TONEM **L** Habsburgicum inter-
fecit in domo sua Buotenhein.
340.

HEZILO per inflexionem nominis
pro HENRICUS scribitur apud
veteres. **290**.

HILLA, OTTONI II. uxor tribui-
tur. **340**.

HILTRUDIS, LUITERIDI IV. ux.
332.

HIMELTRUDA, seu HEDWIGIS,
WERNHERI de Caltenbach filia.
369.

INDEX RERUM ET VERBORUM.

HIRMENGARDIS. *Vid.* ERMENGARDIS.

Historia argumentum, a possibilitate deductum, non admittit. [207](#). *Historici antiqui* non nunquam a vero abierunt. [5](#). *iis diplomata præferuntur.* [12](#). [317](#).

Hoffitat recte per curtim, seu domum, redditur. [281](#).

Homburgensis familia a Thiersteiniana distincta est. [166](#). seqq.

HUGO I. LUITFRIDI IV. fil. [332](#). (*secundum seriem Eberhardigenarum* III. 334.) *eius obitus.* [332](#). *ux.* BAVA. *ib.* *filius eius synonimus.* 334.

HUGO II. (alias IV.) *Comes*, LUITFRIDI V. fil. *obit improlis.* [336](#). *Illustis nominatur in diplomate* LOTHARII Imp. *ib.* *ubi confirmationem privilegiorum monasterii Grand-Vallensis obtinuit.* *ib.*

HUGO III. (alias V.) *Comes in* Egisheim, LUITFRIDI VI. fil. [336](#).

Hugonidarum sator quis fuerit? [329](#).

HUGONIS Capeti *atas.* [149](#).

HUNFRIDUS, GUNTRAMNI Divitis pater. [249](#). [337](#). *Comes in Nortgovia monasterio* S. TRUTPERTI *curtim* Kunigishofa donavit. [336](#). *natu maior audit.* *ib.*

L

L littera, accentu acuto superius notata, an sit characterismus

scripturae seculi XIII? [46](#). [49](#). *vid.* etiam *accentus.*

Imi quid sit? [106](#).

Inflexio nominum frequens erat apud veteres. [290](#). *hinc insignis usus est eorum notitiæ ad dedegendas familias.* [288](#).

INNOCENTIUS PP. II. WERNHERUM Ep. Argent. fratrem appellat. [303](#). *quod exemplum singulare non est, sed usu prædictum receptum.* [304](#).

Insignia & sigilla diversitatem familiarum ostendunt. [156](#).

Instrumentum seculi XI. exponitur. [161](#).

Interpolare quid sit? [52](#).

IOANNA, ALBERTI Duc. Bav. & Comit. Hollandiæ filia, uxor ALBERTI IV. dicti Mirabilia mundi. [356](#).

IOANNA, Comitissa Pherretarum, ALBERTI II. cognomento Sapientis, uxor. [352](#).

IOANNES parricida. [350](#). *proscribitur.* [351](#).

IOANNES I. RUDOLPHI Lauffenburgo - Habsburgici fil. [359](#).

IOANNES II. Lauffenburgo - Habsburgicus. [359](#). *eius obitus.* [360](#).

Ux. ELISABETHA Nidoviens. [359](#).

IOANNES III. filius IOANNIS II. Lauffenburgo - Habsburgici. [360](#).

IOANNIS Senioris filium se scribit. *ib.*

IOANNES IV. fil. RUDOLPHI Lauffenburgo - Habsburgici. [360](#).

GUILLIMANNO ignotus. *ib.* seq.

ITA

INDEX RERUM ET VERBORUM.

ITA de Pfullendorff, filia sororis Ducis WELPH, ux. ADELBERTI III. 343.

ITA de Tierlein, sive Homburg, a connubio sic denominata, mater WERNHERI. 284. Genealogi Murensis circa eam hallucinatio. 170. seqq. inde multi sibi persuasum habebant, Habsburgicos ex Comitibus de Tierlein descendere. 284.

ITA Habsburgica, RADEBOTONIS coniux, an sit apex stemmatis Habsburgici. 194. qualem Genealogus Mur. scribit. 4. An THEODORICI II. Ducis Lotharingæ soror fuerit? 3. 17. seqq. cum nec THEODORICI I. filia esse poterat. 21. quin immo ex genealogia Lotharingica expungitur. 21. 23. 24. 286. An cum RADEBOTONE monasterium Mur. fundaverit? 209. liberalis tamen erga illud erat. 23. hinc auctrix, non vero reparatrix nominanda. 138. Quandonam obierit? 119.

ITA Homburgensis, WERNHARI III. ux. 342.

ITA, WERNHERI de Caltenbach Senioris uxor, eidem tres filios duasque filias parit. 367. sit monialis. 369. e monasterio Beroensis ad Sulzbergense missa, ib. pie obit. 375.

ITALI titulos ac cognomina a castris citius, quam Germani assumpserunt. 136.

IUDENTA, Abbatissa Turicensis, RUDOLPHUM Seniore in feudavit colle Rameflu. 323.

IUDENTA, ADELBERTI III. ux. 340. post annum 1145. adhuc marito superstes fuit. 341. dedit S. MARTINO ap. Mulfhon sex mansos. ibid.

K.

Kaltenbach (WERNHERI de) iunioris, annus emortualis 114. not. a. Vid. WERNHERUS de Caltenbach..

KANZELINUS. Vid. LANCELINUS. Krenckingen, quo pacto ad Sulzenses pervenerit? 361.

Kyburgicorum posteriorum sator quis extiterit? 358. quis primus Habsburgicorum hoc titulo usus. 362. illo nunquam usus est EBERHARDUS. ib.

Kyburgo-Habsburgica stirps. 361.

L.

LADISLAUS R. Hung. RUDOLPHO R. R. caro de carne sua, & os de ossibus suis dicitur. 204.

Laicis, non personis in dignitate ecclesiastica constitutis, advocati munus competeat. 161.

LANCELINUS, seu KANZELINUS, GUNTAMNI Divitis fil. 275. 337. RUDOLPHI I. R. R. Maior est in gradu VIII. 380. Comes de Altenburg, vel Vindonissa perpetuam constituitur. 215 - 219. 280. 282. seq. hinc idem est cum

LAN-

INDEX RERUM ET VERBORUM.

- LANTOLDO. 283. *quamvis ab Adversario in dubium vocetur.* 286. *plures eo tempore LANTOLDOS vixisse, contendente. ib. quod quidem non negatur.* 287. *sed ostenditur, sub idem tempus non alium floruisse, quam LANTOLDUM Comitem.* 288. *quod confirmatur ex diplomate OTTONIS II. in quo plerique Comites veteris Alemanniae enumerantur.* 289. *hinc dubium non est, LANTOLDUM in eo nominatum, eundem esse cum LANTOLDO, Comite in pago Turgoviae. ibid. adeoque KANZELINUM, seu LANCELINUM, in Actis Mur. memoratum, LANTOLDUM esse, aut nullum.* 290. *id quod ex possessionibus non minus probatur.* 291. *ECCARDUS etiam vitio scribae tribuit, quod in Actis Mur. KANZELINUS legatur.* 290. *Eius obitus ex Annal. Einsidl. ad an. 990. ponitur* 292. 337. *cui etiam mors filii correspondet* 293. *id quod Adversario tamen non placet, quamvis aliam epocham assignare nequeat.* 292. *seq. Uxor eius LUIDGARDIS, EBERHARDI cuiusdam filia.* 337.
- LANCELINUS, LANCELINI fil. 338. *militia nomen dedit.* 339. *a WERNHARIO fratre defensor patrimonii sui nominatur. ibid. anno 1027. obiit.* 338. *vel antea.* 339. *Uxor eius ANNA.* 338.
- Landgravi Burgundiae titulo quis Habsburgicorum primus veniat? 358.
- LANTFRIDUS, Alemanniae Dux, cum LUITFRIDO III. Alsatiae Duce, male confunditur. 331.
- LANTOLDUS. Vid. LANCELINUS.
- LANTOLDUS, Comes de Zaringen, ex stemmate Habsburgico absolute haud excluditur abs HERRGOTTO, 289. *eum tamen inferere dubitavit.* 293.
- Lauffenburgo - Habsburgica stirps? 357. *quis illius sator extiterit?* 324. 357.
- Lenzburgica progenies a Genealogo Murensi manca est adducta 145. *eorum schema genealogicum* 160. *a Badensibus sunt distincti.* 154.
- Lenzburgenses Comites fundatores sunt BERONIS monasterii. 138.
- LEUDEFRIDUS quidam, Dux Alemanniae, ETICHONEM in linea recta praecepsisse creditus. 329.
- LEUDOPREUDUS. Vid. LUITFRIDUS II.
- LEUTARDUS, seu LUTARDUS Comes, LUITFRIDI IV. fil. 332. *monasterium Belmont dotavit. ib. eius obitus & ux. GRIMILDIS. ib.*
- Librorum editiones varias notare expedit. 27. *seq.*
- Lineae chartae usus quando coeperit? 38. *ea a charta bombycina probe distinguenda* 40.

Litte-

INDEX RERUM ET VERBORUM.

Litteraria respub. libertate ampla
gaudet. [18.](#) ib.

LIUTHO anno saltem 929. in pago
Alpigoe floruit. [289.](#)

Longum esset (loquendi formula)
an innumeram adsignificet mul-
titudinem ? [212.](#)

Lotharingicæ & Habsburgicæ Do-
mus apex ETHICO , Dux Alfa-
tiæ. [263.](#)

- Domus genealogia fabulas
aspergit D. GENDERIUS. [19.](#) ve-
ra exhibetur ex CALMETO. [20.](#)

LUDOVICUS , Comes de Froburg ,
marit. GERTRUDIS , RUDOLPHI
Senioris filia. [344.](#)

LUITGARDIS , EBERHARDI cuius-
dam filia , LANCELINI , seu LAN-
TOLDI , ux. [337.](#) seq.

Luitfridigenæ num posterorum Habs-
burgicorum propagatores in li-
nea rasta ? [259.](#) seqq.

B. LUITFRIDUS Murenlibus Abbas
datus 110. not. a.

LUITFRIDUS II. , ADELBERTI fi-
lius. [329.](#) primus hoc nomine
venit in Alfatia illustrata ib.

LUTFRIDUS etiam & LEUDO-
FREUDUS audit. [330.](#)

LUITFRIDUS III. Comes , fil. LUIT-
FRIDI II. [331.](#) confunditur ab
ECCARDO cum LANTFRIDO , Ale-
manniæ Duce , ib. probatur ,
eum ab ETHICONE per ADEL-
BERTUM descendere. ib.

LUITFRIDUS IV. , LUITFRIDI III.
fil. [331.](#) cum eo in unum coa-
lescit [332.](#) ux. eius HILTRUDIS ib.

LUITFRIDUS V. (aliis III.) Comes ,
HUGONIS fil. [334.](#) rationes hu-
ius progeniei adducuntur. ibid.
seq. eius obitus. [334.](#)

LUITFRIDUS VI. , LUITFRIDI V.
fil. 336. avus GUNTRAMNI Di-
vitis. [249.](#) Fratri suo HUGONI
in Advocatiis Grand - Vallenfi.
[334.](#) seq. & Trutpertina suc-
cessit. [336.](#)

LUITFRIDUS VII. Comes in -Sunt-
govia , LUITFRIDI VI. fil. [336.](#)
monasterio S. TRUTPERTI cur-
tim donavit in Schowinsheim.
ib.

LUITFRIDUS VIII. , LUITFR. VII.
fil. ex diplomate OTTONIS III.
proditur. [337.](#)

LUPOLDUS , seu LEOPOLDUS Belli-
cosus , quo titulo sit usus ? [352.](#)

LUPOLDUS seu LEOPOLDUS Pro-
bus , ALBERTI II. fil. [354.](#) Li-
næ Tyrolensis conditor extitit.
[356.](#)

LUTARDUS. Vid. LEUTARDUS.

LUTFRIDUS. Vid. LUITFRIDUS.

LUTOLDUS , seu LEUTOLDUS , Mu-
rensis Abbas , e S. BLASIO po-
stulatus , Murenlibus hæcenus
ignotus. 110. not. a.

M.

MANGOLDUS tempore LANTOLDI ,
seu LANCELINI , in pago Zurich-
gauge floruit. [289.](#)

Mannwerck & manuwerck quid
sit ? [107.](#) [381.](#)

MARIA , FRIDERICI , Comitiss Oetin-
gensis

INDEX RERUM ET VERBORUM.

- genſis fil. RUDOLPHI Lauffen-
burgici ux. 359. incognita GUIL-
LIMANNO. ib.
- MASO, ADELBERTI filius. 330.
fundator monaſterii Vallis - Ma-
ſonis. ib.
- Maultaſchia (MARGARETHA) Ru-
dolpho IV. Ingenioſi ux. haud
fuit. 355.
- Maurbacenſis monaſterii fundator
quis fuerit? 329. ſeq.
- Modi loquendi plurimum numero,
non ſemper pluralitatem infe-
runt. 72.
- Monachorum in rem litterariam
merita. 126. not. b.
- Monaſtica vita num ſine libris con-
ſiſtere poſſit? 112.
- Moniales Ordin. S. BENED. e S.
BLASIO Muros miſſæ, quo tem-
pore Hermetſwilam ſint trans-
latæ? 86.
- Murenſis Abbatie in Helvetia
quis fundator fuerit? 22. 209.
huius origines a P. H. in du-
bium vocatæ non ſunt. 192.
- Murenſis Anonymus quis fuerit?
101. in eius ætatem inquiritur.
34. ſcripſit circa medium ſecu-
li XII. 90. 91. codex tamen
ob chartam, qua conſtat, papy-
raceam. 37. ſeqq. nec minus ex
figura litterarum recentior eſt.
45. ſeqq. Nam unus aut plu-
res codicis Mur. auctores fue-
runt? 87. ſeqq. & a quo pri-
mo editus. 27. & ubi? diſqui-
ritur. 31. alii eiſdem editores
enumerantur. 300. a ſcriptori-
bus recentioribus magni habetur
IL aliquibus tamen mendoſus 2.
immo & mendoliſſimus audit 4.
cum plures ſcriptores in errorum
devia abſtraxerit. 2. alii eos-
dem caute declinaverunt. 4. hinc
fides eiſ antiquis Inſtrumentis
perperam equiparatur II. quia
hæc vacillat apud BLONDELLUM
15. ſeqq. & ſe ſolo ad texen-
dam Genealogiam Habsb. inſuf-
ficiens eſt 123. 185. 199. 227.
nec tamen ideo proſcribendus. 5.
cum eiſ auctoritas, ubi diploma-
ta conſonant, magni habeatur.
227. 284. 306. 316. quin &
a P. H. gravis immo & graviſ-
ſimus depradicatur. 227. Alius
eſt a ſcriptore genealogia, Actis
præfixa 89. 90. 97 - 100. 168.
297. Vid. etiam Acta Mur. &
Genealogus.
- Murenſis Genealogus, plures ſcrip-
tores in errores adduxit. 2. idem
fecerunt Poetæ Murenſes. 6. 7.
8. CALNETI de eo iudicium. 4.
22. adverſatur Genealogiæ S.
ARNULFI, aliſque monumentis
indubitatis. 24. nec minus Lo-
tharingicæ. 22. 24. quod, ad-
ducta tabula genealogica, demon-
ſtratur. 20. Alii eiſ errores,
in genealogia Habsburgica com-
miſſi, examinantur, 119. &
emendantur. ib. & ſeqq. paſſim.
ideo tamen non omnino proſcri-
bendus. 5. quare nec a genealo-
gia

- gia penitus exclusus. 306. nec inconsulto sub examen revocatus fuit, ac in rebus, quibus suppar est, admittendus. 320. male tamen a SCHOENLEBENIO rudis ac ignorans appellatur. 5. Vid. etiam Genealogus.
- Murenfis monasterii Abbas ANSHELMUS: huius atas & obitus. 55. 57.
- Murensum monachorum pro Genealogia Dipl. studium prolixè laudatur abs HERRGOTTO. 33. nec non & aliorum. 52.
- N.
- Narrativus stilus an a veri nominis Instrumento excludendus? 314.
- Negativi argumenti valor & usus. 220.
- Necrologii ratio & institutum. 54. Necrologium Wettingense cuius sit atatis? 53. Vid. ind. auctorum.
- NEZA, seu AGNES de Landenberg, IOANNIS IV., Lauffenburgo-Habsburgici uxor. 361.
- Nomen, num Rom. Regina post coronationem mutaverint? 346.
- Nominum inflexio apud veteres frequens erat. 290.
- Notitia, Instrumenti genus. 315. 380. in not. 382. in not.
- Nova Habsburg a quo condita sit? 323. seq.
- Nunc: huius particula significatio duplex. 308.
- Nunc temporis & tunc temporis: vocabulorum notio. 56.
- O.
- S. ODILIA, Abbatissa Hohenburgensis, filia ETHICONIS. 329. fratres suos ac nepotes Deo adduxit. ib.
- OPRECHT, HEINRAD & RIFRID nomina monachorum S. BLASII. 116.
- OTPERTUS & RAMPERTUS num in linea Habsburgicorum collateraliter collocari possent. 259. seq. 333.
- OTTO I. RADEBOTONIS fil. Comes in pago Suntgovie. 339. cum fratribus bonapaterna dividit. ib. mors eius & sepultura. ib.
- OTTO II. WERNHARII II. fil. 340. atavus fuit RUDOLPHI I. R. R. 305. quod demonstratur ex charta an. 1145. ubi Gloriosissimus. ib. ac ex alia, ubi Illustris Comes de Habisburc audit. ib. & 340. sed Adversarius, admissio stemmate, negat gradum. 305. Comes erat in Suntgovia. 312. quod itidem negatur ab Advers. 313. Patri in Advocatiam successit. 340. Obiit an. 1111. ab HESSONE quodam nobili occisus. ib. eius sepultura. ib. Uxor ei tribuitur HILLA nomine. ib.
- OTTO III. Ep. Constant. ab aliquibus filius WERNHERII II. fuisse dicitur. 341.
- OTTO Audax, ALBERTI I. R. R. filius. 352.
- OTTO, RUDOLPHI Taciturni fil. 358.

INDEX RERUM ET VERBORUM.

OTTO de Baden, *parochus in Brisgovia.* 373.

P.

Pagi & Comitatus, in quibus Maiores Habsburgici a seculo VIII. Comitavim exercuerunt, enumerantur. 288. ac eruitur inde, tempore LANCELINI alium, quam LANTOLDUM non floruisse in pago Turgovizæ. 289.

Pannorum veterum rasuræ ad conficiendam chartam aptæ. 39. 40. sunt panni linei & bombycini. ib.

Papyracea charta quando invaluerit? 37. 41. ad seculum XII. reposuit Cl. MABILLONIUS. 39. ab eo discedit Abbas GODEFRIDUS & P. HERRGOTTUS. 59. PETRI MAURITII Abb. Cluniac. locum de charta bombycina intelligentes, 40. quin chartam papyraceam nec MABILLONIUS. 41. nec MONTEFALCONIUS seculo XIII. antiquiorem viderunt. ib. Cl. MURATORIUS usum papyri hodiernæ ad seculum X. aut XI. perperam reponit. 42. Duorum monachorum Benedictinorum hac de re sententia. 43. a quibus propius absunt laudati MABILLONIUS & MONTEFALCONIUS. ib. Adversarii ea de re confessio, 44. at imbelles argumentum. 45.

Parens, vocabulum expositum, 260. pro patruo etiam accipiendum. 301.

Parentes, vox hæc proprie progenitores lineæ rectæ designat. 254. pro patruo etiam accipitur. 244.

Patruelles etiam fratres dicuntur honoris gratia. 304.

Phirretarum Comitibus titulo, quis Habsburgicorum primus usus fuerit? 354.

PIRITHILO seu BIRCHTILO, tempore LANTOLDI in Brisgovia floruit. 289.

Plurali numero loquendi modi, non semper pluralitatem personarum indicant. 72. potius dignitatem, aut modestiam denotant. 108.

Poemata de coronatione RUDOLPHI I. R. R. ab Abbate TSCHUDIO edita, a diversis auctoribus conscripta. 6. & ib. not. c. sibi ipsis contradicunt. 7. hinc etiam alii scriptores in errores adducti. 6. 7. 8.

Possibilitas rei non est argumentum in historia. 222. neque eius principium admittitur, 207. & ex arte Critica prorsus eliminandum. 82.

Posulati Abbates. Vid. Abbates. Privilegium Trutpertinum in dubium vocatum, 273. defenditur. 274.

Progenitor & antecessor vocum istarum notio. 256. 257. 259.

R.

RADEBOTO an sator fuerit Gentis Habsburgicæ? 4. an cum ITA coniuge fundator monasterii Murenf.

- rens.* ? 209. seq. Comes erat in pago Cleggovia, non Altenburgi. 14. 294. 338. filius KANZELINI. 14. 338. & pater OTTONIS, ALBERTI & WERNHERI constituitur. 14. 294. indeque consecrarium: illum RUDOLPHI L. R. R. Maiorem fuisse in gradu VII. 14. 293. quod impugnans Adversarius ad priorem scopulum offendit; 295. cum eo tempore in tractu Argoviæ & Alsatix nullus hoc nomine occurrat. 294. seq. id quod ex enumeratione Comitum, illius ævo viventium, 296. & insuper ex chronico Novientensi firmatur. 297. eius obitus ad an. 1027. reponitur in Necrol. Mur. 298. quem serius evenisse contendit Adversarius. ib. quod illi non abnuitor. ib. & 331. nec tamen subscribitur. 299. Ux. ITA Lotharingica. 338.
- Rameflu collem cum appenditiis IUDENTÆ, Abbatissæ Turicensis, libere resignavit RUDOLPHUS Senior. 323.
- RAMPERTUS an in linea collateralis Habsburgicorum collocandus ? 259. seq. 333. Benefactor monasterii S. TRUTPERTI. 332. Translationi eiusdem Sancti interfuit. 334.
- REGULINDA, ux. WERNHARII II. 339. in litteris Cardinalium memoratur. 340.
- Reliquia triplici loco in uno altari asservata.* 73. seqq.
- Reparatrix pro fundatrice accipit nequit. 98. 138. 140.
- Respublica litteraria libertate ampla gaudet. 58.
- Rhinfeldenses Comites seculo XI. ineunte iam fuerunt. 5.
- RICHENZA, RADEBOTONIS & ITÆ filia. 339. UDALRICO Lenzburgensi. 147. 339. non uni ex eius nepotibus nupta. 147. & an. 1036. avia esse potuit. 146. eius obitus. 339. eidem tres filii perperam ascribuntur. 148.
- RIFRID, OPRECHT & HEINRAD nomina manachorum S. B. 116.
- ROBERTUS Fortis, sator Capetingorum. 336. maritus secundus ADELHAYDIS, HUGONIS I. filia. 335.
- ROBERTUS & PHILIPPUS, Comites Gifnenses, fundatores Andrensis cænobii. 257.
- ROEZELINI Abbatissæ ad Muros atas. 59. 64. seq. 88. 102. secundum Actuarium male scribitur RONZELINUS. 64. non erat scriptor Actorum Mur. 103.
- Rore Comitatus in Argovia. 137. 217.
- ROSTENUS, qui & RUSTENUS Abb. S. BLASII, WERNHERO de Caltenbach auctor est, ut, deposito militiæ cingulo, monachum induat. 369. moritur non sine sanctitatis opinione. 370.

- Rotenberg & Krenckingen, *quo pacto ad Sulzenfes pervenerint?* 361.
- RUADRUT, *que* & RUODRUT ac RUOTBADA, filia LUITFRIDI V. Abbatiffa S. STEPHANI Argent. 332. a LOTHARIO Imp. Cognata nominatur. 333. alio nomine BASILLA audit. *ibid.*
- RUDOLPHUS, LANZELINI, seu LANTOLDI, fil. 338. Cellam Ottmarsheim construxit. *ib.*
- RUDOLPHUS, ALBERTI III. fil. 320. 343. Senior scribitur ad distinctionem RUDOLPHI lineæ Laufenburgicæ satoris. *ib.* titulum quoque Landgraviæ Allatiæ gessit. *ib.* collem Rameflu Abbatiffæ Turicensi libere resignavit. 323. eius obitus. 343.
- RUDOLPHUS I. R. R. ALBERTO IV. primo loco natus. 183. 242. 345. 350. a Genealogo Mur. in suo schemate omiffus. 183. 185. dies obitus eius in Necrologio Mur. notatur. 186. quod ab Adversario frustra excusatur. *ib.* seq. aulam FRIDERICI Imp. secutus. 184. de die electionis eius varia opiniones. 6. 7. vera stabilitur. 7. seq. binis duntaxat vicibus nupsit, non tribus. 345. seq. eadem filii tres. 350. sed filia plures erant. 351. tota vero posteritas GERTRUDI, seu ANNÆ, non ELISABETHÆ tribuenda. 350. bona uxoris suæ GERTRUDIS, seu ANNÆ, in dem eygen, monasterio Wettingensi oppignorat. 346. seq. eius obitus. 186. 345.
- RUDOLPHUS, RUDOLPHI I. R. R. fil. Dux Austr. & Rex Bohem. 350. uxor AGNES, OTTOCARI Regis Boh. filia. *ib.* eius obitus. *ib.* seq. filium reliquit IOANNEM, qui, parricidii in patrum reus, proscribitur. 351.
- RUDOLPHUS, ALBERTI I. R. R. fil. Rex Boh. 352. eius uxores. *ib.*
- RUDOLPHUS IV. Ingeniosus, ALBERTI II. fil. 354. primus Archiducis titulo usus est. 355. verus annus eius natalis eruitur. *ib.* uxor CATHARINA, CAROLI IV. Imp. fil. 354. frustra cum MARGARETHA Maulfchia contraxisse fertur. 355.
- RUDOLPHUS Taciturnus, RUDOLPHI Senioris fil. 320. 344. cum fratre ALBERTO hereditatem dividit. 324. 358. lineæ Lauffenburgo-Habsburgicæ sator. 324. 357. & Novæ Habsburg conditor. 323. seq. titulum Landgraviæ Allatiæ plerumque retinuit. 358. in monumentis modo Iunior, modo Senior audit. *ib.* uxor GERTRUDIS de Regensperg. *ib.* filiorum eius ordo percensetur. *ib.*
- RUDOLPHUS Ep. Constant. RUDOLPHI Taciturni fil. 358. eius electio & obitus. *ib.*
- RUDOLPHUS, GOTTFRIDI Laufenburgici fil. 358. lineam banc propagavit. 359. sigillo fratris utitur. 346. eius obitus expendit.

INDEX RERUM ET VERBORUM.

ditur. 359. uxores duas habuit, ELISABETHAM, Comitissæ de Rappeswilere fil. unde Comitatus huius nominis, & magna pars possessionum Homburgensium ei obvenit. ib. altera MARIA, prius ignota, nunc primum innotescit. ibid.

RUDOLPHUS, IOANNIS I. Lauffenburgo - Habsburgici fil. 359. eius obitus. 360.

RUDOLPHUS, Comes de Kyburg. 362. ei ANNA de Nidow uxor falso tribuitur. 363.

RUDOLPHUS de Roslickon Muren-sibus Abbas datus 110. not. a.

RUPERTUS, monachus S. Blasii, Muren-sibus Prior datus, 116. itemque Abbas. 110.

S.

Scriptor ob commissos errores non statim pro-scribendus. 5. seq. antiqui aque ac hodierni erroribus obnoxii. 5. illorum seculis X. XI. & XII. penuria, & de his Eruditorum iudicia. 35. horum auctoritas minor illa diplomatum & chartarum. 12. 301. 311. 317. cum multo frequentius falsa narrare deprebendantur, quam diplomata. 310.

Scriptura seculi XIII. cuius forma fuerit? 47. in scripturis veteribus non unum criterium attendendum. 48. 50. hinc non ex paucis lineis, sed integris documentis, diiudicanda. 54.

Seculo XII. nondum bina linea Habsburgicæ extiterunt. 319.

Selter aut sister quid sit? 106.

Seu particula, quando habeatur pro copula disiunctiva? 123.

Sigilla & insignia diversitatem familiarum ostendunt. 156. qui proprio sigillo destituti, alieno uti sunt, ea de re lectores monuerunt. 346.

Silentium scriptorum an validum argumentum negativum efficiat? 220.

Sistir, quid sit? 106.

Sive, particula notio. 172.

Sororis nomen pro uxoris sorore sumptum. 204. item pro fratria. 205.

Stili varietas in codice an diversitatem ac pluralitatem scriptorum inferat? 59. 94. cum stilus unus, eiusdemque auctoris, quandoque varius. 96. quæ variatio plurimum inerat. ib. num quædam in genealogia Muren-si? 93. seqq. singulare de stilo ERASMI & BILLII iudicium. 95.

Stilus narrativus a veri nominis Instrumento excludendus baud est. 314.

Susplicari quid sit ap. Grammaticos. 144.

T.

Temporis præteriti & præsentis distinctio habenda. 56.

Testamentum BLANCÆ, RUDOLPHI Reg. Boh. uxoris, indicatum. 352.

INDEX RERUM ET VERBORUM.

Testamentum UDALRICI, Comit̃s Lenzburgensis, pro Beronis monasterio exponitur. [161.](#)

THEODORICUS, Dux Lotharingæ, an fratrem habuerit nomine CHOONONEM. [22.](#) & WERNHARIUM Ep. Argent. [208.](#) aut sororem nomine ITAM? [3.](#)

Thiersteiniana familia ab Homburgensi diversa. [163.](#) [165.](#)

THIETBALDUS, THEODEBALDUS, seu THEOBALDUS, Dux Alemanniæ, LUITFRIDI II. fil. [331.](#) ad Luitfridenas spectare negatur. ib.

Tituli a castris & arcibus quo tempore assumi cœperint? Vid. Comites.

Titulo Archiducis. [355.](#) ac Comit̃s Phirretarum. [354.](#) nec non Landgravii Burgundiæ ac Turgovix, quis primo usus fuerit? [358.](#)

TRUTHIN, DROTTIN, seu DRUTHIN antiquis Dominus. [333.](#)

TRUTHILA & GUOTA nomina Monialium. [116.](#)

S. TRUTPERTI monasterium, a Comitibus Habsburgi constructum. [260.](#) cuius Advocati posteriores eorum perseverarunt ad usque seculum XIII. [253.](#) ubi ALBERTUS IV. Advocati munus exercuit. ib. huius Sancti translatio. [334.](#)

Trutpertinum Instrumentum laudatur & defenditur. [253.](#) seq. [261.](#) [273.](#) seq.

Tunc temporis, & nunc temporis, vocabulorum notio. [56.](#)

Tschudius (Dominicus) Abbas Mur. ruditatis a P. HERRGOTO haud postulatus. [58.](#) Vid. etiam ind. auctor.

Typographia errores P. HERRGOTO. [51.](#) [287.](#) nec non & amanuensi, frustra obiecti. [302.](#) seq.

V.

UDALRICUS, Comes Lenzburgi, monasterii Beronis restaurator esse prætenditur ab Adversario. [138.](#) fundator tamen cum sit. [141.](#) seq. ux. RICHENZA, RADEBTONIS fil. [339.](#) eius obitus. ib.

UDALRICUS de Castell, ex monacho S. BLASII sit Ep. Constant. [372.](#) litem componit inter fratres S. BLASII & clerum secularem. [373.](#) eius atas. [69.](#)

UDALRICUS de Tilingen, Ep. Constant. [371.](#)

UDALRICUS, Prior S. BLASII. [380.](#) Veritas ubique querenda. [176.](#) eius proprietates. [124.](#)

Vindoniis Comitatus. Vid. Altenburgum.

URSULA, IOANNIS IV. Lauffenburg-Habsburgici filia, Comit̃i Sulzensi nupta. [361.](#)

W.

Wald-Vogt, seu Archipræfectus Silvæ Nigræ num olim Lauffenburgi habitaverit? [216.](#)

WERNHARIUS, Ep. Argent. RADEBO-

INDEX RERUM ET VERBORUM.

- DEBOTONIS frater. [297.](#) [338.](#)
an etiam ITÆ Lotharingicæ, &
 THEODORICI sit? [208.](#) *num* so-
 lus monasterii Mur. fundator?
[209.](#) & *num* superstes, Comes de
 Habsburg appellatus fuerit? [137.](#)
factum hoc est in chartis postero-
 ris ævi, non ipso vivente. [128.](#)
[303.](#) WERNHARII II. parens
 dicitur, cuius patruus erat. [301.](#)
 eius electio. [299.](#) & obitus. [230.](#)
- WERNHARIUS II., RADEBOTONIS
 fil. [339.](#) seq. RUDOLPHI I. R. R.
 tritavus. [299.](#) eius stemma &
 gradus ex monumentis synchro-
 nis & Actis Mur. deducitur. [300.](#)
sed ab Adversario soli Actuario
 tribuuntur. [301.](#) confunditur a
 GUILLIMANNO cum WERNHA-
 RIO III. [306.](#) in litteris Cardi-
 nalium Egregius Comes audit.
[134.](#) [340.](#) post obitum fratris
 OTTONIS I. ad monasterium Mu-
 rense prædium ad Chuisnach do-
 nat. [339.](#) eius obitus. ib. ux.
 REGULINDA. ib. seq.
- WERNHERUS III. Comes Habsbur-
 gi, OTTONIS II. fil. [342.](#) RU-
 DOLPHI II. R. R. abavus. [313.](#)
id quod ab Advers. impugnatum,
 restituitur. [314.](#) seqq. eidem non
 nulli etiam filium OTTONEM III.
 Ep. Constant. tribuunt. [319.](#) in
 cuius locum VIGNERIUS RU-
 DOLPHUM substituit. ib. eius obi-
 tus. [342.](#) ux. ITA Homburgen-
 sis. ib.
- WERNHERUS de Caltenbach Se-
 nior, auctor Cella in monte Bürg-
 len. [366.](#) seq. eius prosapia. [367.](#)
 nuptias celebrat cum ITA, paris
 nobilitatis sæmina. [367.](#) eius so-
 boles. ib. sacerdotes, præsertim
 monachos S. BLASII, singulari pro-
 sequitur benevolentia. ib. item-
 que pauperes CHRISTI. [368.](#) fit
 monachus S. BLASII. [369.](#) eius
 elogium & obitus. [375.](#) seq.
- WERNHERUS de Caltenbach, seu
 Kaltenbach, Iunior, fit monachus
 S. BLASII. [369.](#) ac Præpositus
 in Bürglen. [370.](#) eius charitas in
 pauperes. [377.](#) elogium. [376.](#) &
 obitus. [114.](#) [378.](#)
- Wettingenlis monasterii origines &
 necrologium [13.](#)
- - Diplomatis in Genealogia
 Habsb. præstantia. [243.](#) Genealo-
 go Mur. palmam præripit. [320.](#)
- WIPERTUS de Caltenbach fit mo-
 nachus S. BLASII. [369.](#) [378.](#) Præ-
 positus Bürglensis, monasterio-
 lum multis prædiis ampliavit. [379.](#)
 eius elogium. [378.](#) obitus. [379.](#)
- WOLVENUS, restaurator monasterii
 Rhinoviensis, Dynasta erat, non
 Comes. [256.](#) in not.
- Z.
- Zaringensem Comitem LANTOL-
 DUM, stemmati Habsburgico in-
 serere dubitavit P. H. [293.](#) ab-
 solute tamen non excludit. [289.](#)

Addenda & corrigenda.

Pag. 25. lin. penult. 1140. leg. 1240. p. 34. l. 5. : sed leg. , seu. p. 43. l. antepenult. fervir l. servi. p. 66. lin. 31. ECCARDO l. Adversario. p. 90. lin. 3. post. verb. permoti, add. tenemus. p. 108. lin. 27. an. 1154. l. 1145. p. 117. post memoratu digna, add. de quibus ibi mentio fit. p. 146. lin. 27. aliquando l. aliquanto. p. 163. lin. 17. ioram l. iora. p. 169. lin. 7. lineam, add. secundam. p. 177. lin. 7. del. *Ostava*. lb. lin. 15. *Freiburgensis* l. *Freiburgensibus*. p. 184. lin. 31. genealogica l. genealogia. p. 195. lin. 24. secundum ad del. p. 196. lin. ult. detractabat l. detrectabat. p. 220. lin. 25. vendider l. venditer. p. 231. lin. 15. *integrum* l. *integrum*. p. 243. lin. 7. *partem* l. *partem*. p. 252. lin. ult. tamen l. tamen. p. 257. lin. 10. una l. uno. p. 247. lin. penult. continuos l. plures continuos. p. 279. lin. 37. 1011. l. 911. p. 345. lin. 4. Comitibus semel deleatur.



